

# **Hiſtorien.**

## **Der Heyligen Außer-**


wölten Gottes Zeugen / Bekenner ſind  
Martyrern / ſo zum theyl vor diſer zeyt / zum theyl aber  
zu diſen vnſern letzten zeyten / darinnen der Allmechtig  
Ewig Gott ſeine Kirchen mit der reynen Lehr ſeines gnada-  
reichen Euangeliums väterlichen heymgeſucht  
hat / hin vnd wider in allen Lan-  
den worden ſeind.




**Alles auff's eynfaltigſt vñ warhafftigſt /**  
zu gemeyner Auffbauung der Angefochtenen Kir-  
chen Teutſcher Nation / durch Ludouicum Rabus von Mem-  
mingen / der H. Schrifft Doctor / vnd diſer zeyt  
Prediger der Kirchen zu Straß-  
burg / fleißig beſchrie-  
ben.

**Der Dritte Theyl.**

**M. D. LV.**



Handwritten text, mostly illegible due to fading and bleed-through. Some words like "München" and "1871" are visible.





Dem Ehrnuesten Für=  
nehmen vnd Achbarn/Herrn Israel  
Minckell/dem Bergkherm zu Straßburg/  
meinem insonders Günstigen  
Herzen.

G Gnad vnd Frid von Gott dem Vatter/  
durch Jesum Christum/seinen Eynig  
geborenen Geliebten  
Sohn 2c.

**L** Ehnuester / besonders Günstiger  
Herz / Wiewol der Allmechtig Ewig Gott/  
in S. Göttlicher Schrifft hin vnd wider/  
nicht allein die glaubreiche Anhörung/sonder  
auch die öffentliche / mündtliche / vnd beständige Be-  
kannuß / seines S. Worts vnd gnadreichen Euange-  
liums / als den Eynigen vnd Höchsten Gottesdienst  
von menigklich / wes stands vnd ansehens er inmer sel-  
tan / ernstlich / vnd bey verlust seiner ewigen huld vnd  
gnad / erfordert / So richtet sich doch der leydige Tei-  
fel zu jeder zeyt mit gewalt dahin / das er sollich herr-  
lich / vñ hoch notwendig Gottes Werck / bey dem grö-  
sten theyl der Welt / auch vnder den genannten Chri-  
sten / hohes vñ niders stands / müglichs fleißs / verhin-  
dere. Vnd das nicht allein mit neben eingefürter fal-  
sch

## Vorred.

scher Lehr/hohen verheysungen/oder erschrocklichen  
grausamen tröumworten / sonder auch / das er die Lehr  
des **S. Euangeliums**/in den hertze der Zuhörer/so ge-  
ring/verächtlich/vnnd ergerlich machet/als dienicht  
Gottes/vnd defhalb nit werdt sey/vmb deren willen  
sich der mensch ineynige gefährlichkeyt begeben solte.  
Will also (meines erachtens) fromen Christen in alle  
weg/vnd zum höchsten von nöthen sein/das sie nit al-  
lein wider des Teüfels hoch erbieten / oder grausam  
schrecken/dardurch er etwan die leüt von der Bekant-  
nuß mit gewalt abreisset / auf Gottes wort / wol ge-  
gründet vnd getröstet/sonder auch in irem hertzen des  
gewißlich versichert seyen / das dise Lehr / so der All-  
mechtig Ewig Gott / auf besondern Gnaden / Teüt-  
scher Nation/zū disen letzten zeytten/auf den Schriff-  
ten der **S. Propheten** vnd Aposteln / durch seine dar-  
zu verordnete Diener vñ Prediger / geoffenbaret hat/  
gewißlich die Ewige/Vnwandelbare vnd Göttliche  
warheyt sey / Jha / wie Paulus sagt / zū Römern im  
ersten Capitel / die Krafft Gottes selber / selig zuma-  
chen alle die/so daran glaubē/vñ defhalb wol werdt/  
auch zur Seligkeyt in alle weg von nöthen/vmb deren  
willen frome Christen / ihr Leib / Lehr/gut/weib/kind/  
haus/hoff / jha das zeitlich leben (wa es der Herr erfor-  
dert) mit freuden in d'schantz schlagen/vnnd verlieren  
sollen vnd müssen.

Wie



## Vorred.

**W**ie ich nun in den Vorreden der zweyen ersten Theyl/so hienor von den H. Gottes Bekennern vnnnd Martyrern außgangen seind/ nach der gnad vñ gaab mir von Gott verluhen/ frome Chrusten ernstlich/ vñ auß erzölten wichtigen vsachē fleissig vermanet hab/ das sie sich weder des Satans hofieren / vnnnd hohes er bieten/ verleckeren/ noch sein tröuwen / toben vnnnd wütten / schröcken lassen wollen. Also will ich nun E. Ehruuest/vnnnd andern Gütthertigen Verständigen Chrusten / zu notwendiger betrachtung / in diser Vorred des Dritten Theyls/etliche Zeügnussen/wider den Lugen vnd Lasterhafftigen Teüfel/nach ordnung einführen/auf welchen gantz gewaltig vñ vnwidersprechlich erweisen würt/das (wie gemeldet) vnser Lehr/die Lehr Gottes/seines lieben Süns/vnd die ewige warheyt gewißlich seye / Vnd deshalb würdig vnnnd notwendig/die von vns Menschen zur glory Gottes/zur auffbauung vnd erweiterung der H. Chrustlichen Kirchen/vñ vnserer seelen seligkeyt/auch mit vnserem Blüt/vor diser argen vnd bösen Welt/bezeüget vnnnd bestättiget werde.

**D**as Erste Zeügnuß nemen wir daher / diuweyl dise vnser Lehr/die aller Erste/vnd Eltiste Lehr auff Erden / vnd von anfang gewesen ist / so Erstlich / nit durch Menschen oder Engel / Sonder von dem Allmechtigen Ewigen Gott selber/im Paradeiß/vnsern

## Vorred.

voreltern Adam vnd Eua geprediget / Nachmals zün  
zeytten der lieben S. Patriarchen vnnnd Propheten/  
Wunderbarlicher weyse für vnnnd für erhalten / vnd  
letstlich durch den Sün Gottes selbers / in angenomme-  
ner Menschlicher Naturen / wie die Epistel sagt / zün  
Hebreern im j. Cap. offentlichen aller Welt bezeüget  
vnd bestättiget worden ist.

Nün sagt Tertullianus recht vnd wol wider Praxe-  
am / das die Erste vnd Eltiste Lehr gewislich die be-  
ste / vnd recht sein müsse / Dann Gott der Herr hat ye  
vnd ye Ein Kirchen auff Erden / vnd von anfang ge-  
habt / deren er seinen ewigen vnwandelbaren / gerech-  
ten vnd gnädigen willen / geoffenbaret hat.

Dierv eyl dan vnser Lehr / mit der ersten Predig des  
Allmechtigē Ewigen Gottes / gewaltig vber eins stim-  
met / vñ deßhalb die Erste vnd Eltiste / billich genant  
würt / vñ auch warhafftig ist / so folget vnwidersprech-  
lich / das sie auch die recht / vñ die ewige Göttliche war-  
heyt sein muß. Dargegē aber befindet es sich auß glaub-  
würdigen Historien / das der Heyden Abgöttische Re-  
ligion / vnd vilfaltige Superstition / aller erst iren an-  
fang genommen hat / zñ der zeyt / da nach dem Sündt-  
fluß / die Leut / der Altuätter reyne Lehr / haben fallen  
lassen / vnnnd dargegen ihnen selbs ihres gefallen / vil  
vñ mancherley Götter / auch vngleiche Gottesdienst  
erwöhlet. So ist es auch gewis / das der Türcken vnnnd  
des



## Worred.

Des Mahomets Lehr/ ein neüw erfundne vñnd erdach-  
te Lehr ist/ Wie auch des leydigen Antichrists/ welcher  
ober sich wol vnder dem Titel der Kirchen für vñnd  
für traglich rhümet/ so ist doch klar vñd offenbar/ das  
sein Lehr (des lebens/ als das zñ vil grob vñ greifflich/  
will ich jetzundt geschweigen) im den fürnembs-  
ten Hauptstücken/ darauff sich vnser seligkeyt fürnemlich  
gründet/ der Ersten/ Alten/ vñd Keynen Gottes Lehr/  
wie Feür vñd Wasser/ Liecht vñnd Finsternuß/ Chri-  
stus vñd Belial/ ernstlich entgegen vñd zuwider ist.

¶ Das ander Zeignuß würt genomen von Keynig-  
keyt diser vnserer Lehr/ an jr selber/ vñd von den für-  
nembs-ten Hauptstücken/ so durch solche Lehr den Men-  
schen geoffenbaret worden seind. Dann gewiß ist es/  
dß durch solche Lehr vil dings an tag kompt/ die mensch-  
licher vernunfft vñnd weißheyt nit allein verborzen/  
sonder auch ganz vnbegreiflich seind / als da ist der  
Artickel von der H. Dreyfaltigkeyt / Gott Vatter/  
Gott Sün/ Gott H. Geyst. Item vom Ursprung vñd  
Ursach der Sünden / sampt allem andern Jamer / so  
von der Sünd wegen vber das ganz Menschlich Ge-  
schlecht einkömien ist. Desgleichen von der Justifica-  
tion oder Rechtfertigung des Sünders &c. Dann ob  
wol das Menschlich hertz durch betrachtung vñd an-  
schauung der Herlichen Geschöpfsten im Hünel vñ  
Erden/ vberzeiget/ bekennen müß/ das ein Gott seye/  
(wie

## Worred.

(wie auch Paulus sagt von den Heyden/zün Römern im Ersten Capitel) so kan es doch mit nichten verstehen/fassen / oder auch glauben / die herlich Maiestätisch offenbarung / so da beschehen ist im Tauff vnseres Herren Jesu Christi / Matth. iij. dardurch dann allen Christen / gleichsam augenscheinlich fürgehaltē würt / das gleichwol mit mehr dan ein Eynigs / Ewigs / vnd Göttlichs wesen / aber doch in dem selbigē wesen / drey vnder schidner Personen / als nemlich der Vatter / der vnser schaffen / der Son / der vns erlöset / vnd der h. Geyst / der vns geheiliget / auch zür gemeynschafft des Ewigen lebens gebracht hat / seyen.

Ob dann schon auch Menschliche weißheyt / allerhand Jamer / angst vñ not / vor augen sihet / den selbigē ernstlich klaget vnd beweynet / auch etwan in der Natur oder Matery / die vrsach sūchet / so weyßt vñnd bedenckt sie doch die vrsprünglich vrsach nicht / als nemlich die Sünd / durch welche sich der Mensch erstlich von Gott seinem Schöpffer abgewendet / vñnd durch solchen fall / sein gāntze Natur erschrocklicher weyse verderbet / vñnd zeytlichem vñnd ewigem Jamer vnder worffen hat.

So ist vñ bleybt gewislich auch diß aller vernunft verborzen / das man verzeyhung der Sünden / rechtē vñnd beständigen trost in aller trübsal / sampt dem ewigen Lebē. allein vmb sonst / ohn vnser vor oder nach  
gohnde



## Vorred.

gohnde verdienst/auf gnaden/durch den glauben vmb  
Jesus Christus willen erlangen vnd vberkomien.

Diueyl dan dise/vnd andere dergleichen Artickel  
mehr(so vmb kurtze willē hie vmbgange)von Mensch  
lichem verstandt/klügheyt vnnnd weißheyt/wie hoch  
die selbig immer sein kan/weder erlernet/noch ergrün-  
det/oder hienon etwas beständig kan gesagt oder ge-  
redt werden/so folget/das dise vnser Lehr/die von  
solchen hohen/vñ zur seligkeyt notwendigen stücken/  
gründtlich/vnd nach dem Zeügnus der h. Propheten  
vnd Aposteln/redet vnd handelt/nit von Menschen  
erdacht/sonder vrsprünglich von Gott dem Herzen  
selbers herkomē/vnnnd defhalb der Mensch schuldig/  
daser bey solcher/vnder allem Creütz vñ leyden/auch  
mit verlust seines zeytlichen lebens/beständig bleyben/  
vnd verharren solle.

Die dritte Zeügnus würt genomen von Krafft  
vñ Göttlicher würckung/so solche Lehr in den hertzen  
der Zuhörer aufrichtet/vnnnd von dem Inwendigen  
Zeügnus des h. Geystes/vnd vnser eygner Gewis-  
sens/welches alle rechtgleübigen vnd Gottsföchtigē  
in irer Trübsal gewaltig befinden. Wie dann hienon  
nit allein vil herlicher Schrifften/sonder auch Christ  
licher leüt warhaffte Exempel/glaubwürdig zeügen.  
Paulus sagt zün Galatern im iij. Cap. das wir durch  
die Predig des Glaubens/entpfahen die gnad vñ gaab

A des

## Vorred.

des H. Geystes/welcher dann nit allein Zeligknuß gibt vnserem Geyst/das wir Gottes Kinder seyen/sonder auch (Rom. viij.) in allen nöthen die hertzen zu warer Anruffung treibet / auch in beständiger gedult/vnder allem Creutz vnnnd Leiden/zü einem seligen end erhalten. Welches auß Heydnischen / oder andern dergleichen Büchern vnnnd Schrifftten / keins wegs kan oder magerlangt werden.

Die Historien bezeüigen/das der Heyd Cato Uticensis / vor seinem todt züm andern mal durchlesen habe/das büch / so Plato von der Vnsterblichkeyt der Seelen geschriben. Ob wol nün Plato in solche Schrifft/alles das/so zü trost der Angesochtenen / Philosophischer vnd Natürlicher weise/kan oder magerdacht vñ eingefürt werden/zusammen getragen hat / So hat sich doch gemeldter Cato solches alles mit nichten trösten können / sonder kompt zuletzt in Verzweyfelung/vnd erwürget sich selbs. Dargegen aber sihet vnnnd lißet man/wie gewaltig die hertzen der Menschen durch vnser Lehz troffen/vnd durch mitwürckung des beywohnenden H. Geystes/züm höchsten getröstet werden/also dz sie sich vor keiner zeytlichen Marter fürchten/oder entsetzen.

Da Christus nach seiner Außerständnuß die schrifft den zweyen Jüngern auflegt / bekanten sie nachmals/dz ire hertzen gebräunt haben ze. Dader H. Apostel Petrus



## Vorred.

trus am Pfingstag die gewaltig Predig/vñ ernstliche vermanung zum Jüdischen Volck gethon/warden ire hertzen dermassen ersücht vñnd durchstoichen/das sie sich von stund an zu warer büß begaben.

Da der frome David ins Elend von seinem Reich durch seinen eygnen Son verstoßen ward/ob er auch wol vilfeltige vrsach der endtlichen verzweyfflung gehapt hette / Jedoch so bleybt er an Gott dem Herren beständig/dañ er tröstet sich Göttlicher verheissung/so im durch den Propheten Nathan verkündigt ward/das Gott der Herr seine Sünd von ihm hingenommen hette/vñ er nit mehr sterben solte/vñd ist in seinem hertzen gewiß / das er widerumb zu gnaden auffgenommen sey/vñ dz in Gott in gegenwertiger trübsal nit werde stecken lassen. Darumb er dan im Psalmen singet / Ich will mich nit fürchten vor vil tausent / deren die mich vmbbringen/dañ du Herr bist bey mir.

Auf solcher Krafft vberwindet der H. Stephanus die stein/damit er getödtet/der Alte betagte Polycarpus/das feür/dardurch er verbränt / der Gottselig Ignatius die grausamen Löwen/von welchen er zerissen/der Beständig Laurentius / die glühenden Eolen/auff welchen er gebraten ward / Vñd andere dergleichen mehr.

Diueyl dan nün solche Lehr/die hertzen der Menschen/wunderbarlicher weyß ändert/vñd durch mit-

## Vorred.

würckung des H. Geyssts/ frid mit Gott/ ein frölichen  
zugang zu ihm in aller trübsal/ In beständigkeyt in höch-  
ster leibs not/ anrichtet/ so folget vnwidersprechlich/  
das solche Lehr gewislich von Gott herkomme. Vnd be-  
findt sich ye mit warheyt/ das ein eynziger Spruch  
auff H. Göttlicher Schrifftten/ waer mit glauben ge-  
faßt vnd verstanden würt/ mehr dienet/ zum trost/ zur  
beständigkeyt ic. dan aller Philosophen vnnnd Natur-  
kündiger bücher vnd Schrifftten/ auff einen hauffen.

¶ Die vierdte Zeügnus würt genomen/ von bestän-  
diger eynhelligkeyt/ vnd eynhelliger beständigkeyt di-  
ser Lehr/ so für vnd für/ auch vom anfang her/ gewäh-  
ret hat. Für vnd für ist in der Kirchen Gottes dise Lehr  
von anfang der Welt/ bis auff den heütigē tag/ durch  
die Altuätter/ Patriarchen/ Propheten/ Apostel/ vnd  
andere/ erhalten/ geprediget/ angenommen/ vnd beken-  
net worden. Das nemlich der Allmechtig Ewig Gott  
der Sünden feyndt/ vnd die selbig auff seinem gerech-  
ten vrtheyl/ zeytlich vnd ewig straffe. Dargegen aber  
gnädig vnnnd barmherzig seye/ allen denen/ so ire sünd  
erkennen/ vnd dieselbigen in warem glauben vmb Je-  
sus Christus willen/ abbitten.

In diser Lehr ist nyemals trennung oder vneynig-  
keyt erfunden worden/ vnder allen Altuättern/ Patri-  
archen/ Propheten/ Aposteln/ Martyrern/ ic. Sondern  
wie nach der red Pauli zur Ephe. im iij. Capitel/ für  
vnd.

## Worred.

vñ für bliben/ein Leib/ein Geyst/eynerley Hoffnung/  
ein Herz/ein Glaub/ein Tauff/ein Gott vñnd Vatter  
vñser aller ic. Kein ander fundament ist nye gelegt  
worden (i. Cor. iij.) Alle Propheten/wie Petrus sagt/  
Actorum am x. geben Zeignuß / das alle/ die an Jesum  
Christum warlich glauben/in seinem Namen/verzey-  
hung irer sünden erlangen. Vñnd seind durch solchen  
glauben die lieben H. Vätter / Patriarchen / König/  
Propheten/vñd alle fromen/im Alten Testament/vor  
der Zukunfft Messie/selig worden/Wie auch nach sei-  
ner Zukunfft alle Gleübigen in Christo / der für sie ge-  
storben vñd auferstanden ist/selig werden.

Solche Eynhelligkeyt kan mit nichten in anderen  
Heydnischen/oder sonst Abergleübischen Religionen  
vñd Lehren/gezeyget werden/dañ die selbigen vil vñd  
mancherley Götter / auch widwertige Gottesdienst/  
in sich schliessen.

Darumb so muß auch folgen / das dise so eynhellige  
Lehr vñd Bekantnuß / auß einem brüñen / nemlich von  
dem Allmechtigen Ewigen Gott / herkomme vñ fliesse.

¶ Die fünffte Zeignuß würt genomen/von bestän-  
diger Succession/Volg vñd Ordnung/deren/ so zu je-  
der zeyt/solche Lehr auß befehl Gottes/in der Kirchē  
geführt haben. Vñ ist sehr tröstlich/wañ man die Kirch  
sampt ihren verordneten Personen vñd Dienern (da  
ye einer auff den andern gefolget/vñd wie die Kriegs-

A iij knecht



## Vorred.

Knecht in der Schlacht/in des vorigen Fußstapffen getreten ist) auß Gottes Wort / vnnnd Glaubwürdigen Historien/nach ordnung bedencket.

Anfänglich seind gewesen die H. Vätter / Adam / Seth / Enoch / Matthusalem / Noe / Sem. Auff sie seind gefolget die H. Patriarchen / Abraham / Isaac / vnnnd Jacob / Joseph ic. Nachmals ist auffgestanden Moses / Josua / Samuel / Vnd nach inen David / Elias / Eliseus. folgendes die Propheten / Esaias / Hieremias / Daniel / Zacharias / Esdras / Nehemias / Onias ic. Nach ihnen ist kommen Mattathias / vnd auff ihn Simeon / Zacharias / Johannes der Teuffer ic. Nach welchem der Son Gottes / Jesus Christus selbst/ins Predigamt getreten ist. Auff den Herren Christum seind gefolget die lieben Heyligen Apostel / Vnnnd nach ihnen die Heyligen Vätter / Polycarpus / Irenaeus / Gregorius Neo Cæsariensis / Basilius / Augustinus / Prosper vnd andere.

Vnnnd ob wol nach solcher zeyt erschrockliche Finsternuß gefolget / Dieweyl die Rhömischen Bischöff sich Weltlichs Gewalts zu vil vnderzogen / So hat doch Gott der Herr für vnnnd für etliche Gottselige / fromme Doctorn vnnnd Lehrer / erhalten / bis das er zu disen vnsern letzten gefährlichen zeytten / den Theuren Man / Doctor Martinum Luther / heyliger vnnnd seliger Gedächtnuß / in Teütscher Nation hat erwecket /  
durch

## Worred.

durch welchen Keyne Lehr/ vnd rechter Gebrauch der  
h. Sacramenten/ widerumb ans liecht gebracht wor  
den ist.

Nun ist aber kein andere Religion oder Lehr/ so sol  
che beständige Folg/ Ordnung/ vnd Succession von  
anfang zeygen künde/ Darauß nun auch ohn alles wi  
dersprechen folget/ das solche vnserer Lehr/ die Ewige  
Gottes Warheyt/ gewislich sein muß / vnd auch war  
hafftig ist.

¶ So geben demnach auch zum sechsten ein gewal  
tig Zeignuß vnserer Lehr/ die Herlichen / Maiesteti  
schen/ vnd Vilsaltigen Mirackel vñ Wunderwerck/  
damit sie von anfang ist gezieret/ bestättiget/ vñnd of  
fentlich vor aller Welt bekant worden.

Im Sündtfluß erhaltet Gott der Herz den frommen  
Noah/ Vñnd mit ihm acht anderer Seelen/ so solcher  
Lehr anhängig waren.

So füret Moses das Israelitisch Volk auß Egi  
pten landt / durchs Rot Mör / mit gewaltiger handt/  
Vñ speyset sie nachmals Gott der Herr in der Wüsten/  
vierzig ganzer Jar an einander.

Die Son stehet am Himmel still/ vmb des Gebetts  
Josue willen.

Elias/ Eliseus/ machen die todten widerumb leben  
dig/ wie auch nachmals der Herr Christus/ vñnd seine  
lieben Aposteln.

Welches

## Vorred.

Welches aber alles fürnemlich darumb beschehen ist/damit frome hertzen warhafftig vergewissert wurden/vñ nicht zweyfelten/dañ das solche Lehr/seye die Lehr Gottes/dieweyl er sie dermassen/sampt iren verordneten Dienern vñnd Predigern/mit so herrlichen Wunderwercken zñ jeder zeyt hat bestättiget.

Vnd ob wol/nit allein vnder den Abergleüßischen Heyden/mancherley wunderwerck fürgegangen/Sonder auch Christus sagt Matth. im xxiij. Cap. das vil Zeychen durch die falschen Propheten/zñ den letzten zeytten beschehen werden/so ist doch klar vñnd offensbar/das die selbigen alle anderst nichts/dañ des leydiggen Teüfels Gespenst/betrug/vñnd bschif seind/Dieweyl sie nit zñ den Ehren Gottes/nach mit warer anruffung seines H. Namens/sonder zñr bestättigung offentlicher Abgötterey/vñd lesterung Gottes/vñd seines H. Worts/die leüt in bekanten sünden/schanden/vñ lastern zustercken/beschehen. Vnd auch dermassen beschaffen/das sie der Teüfel leichtlich nachthün kan/Sodoch Gott dargegen für vñd für solche Mirackel in seiner Kirchen erhaltet/die ihm weder der Teüfel/nach des Teüfels Diener/die falschen Propheten/haben zñ gleich nachthün können oder mögen.

¶ Das sybendt Zeügnuß/seind die herrlichen Propheceyen vñd Weissagungen/der H. Propheten/welche also auch im Werck vñd in der Warheyt stattlich  
(wie



## Worred.

(wie sie verkündiget wordē) zu jeder zeyt erfüllet seind.

Vnd ob wol auch die Heyden / ire Weissager vnnnd Zeychendeütter gehabt / so seind doch ire Proheceyen / gang verborigner / vngewisser / verwirter / vnd vnuerständiger weise / fürgeben wordē / wie solches die Heydnischen Historien in vilen Exempeln genügsam aufweysen.

Dargegen aber seind die Propheceyen vnd Weissagungen / so von Anfang in der Kirchen / vñ vnder dem Volck Gottes gewesen / nit allein von hohen / wichtigen / vñ ernstlichen dingen / als von der Zukunfft / Entpfäncknuß / Geburt / Leyden / Sterben / vnnnd Auferständnuß Jesu Christi / Item von tressenlicher veränderung / der Höchsten Monarchien vnd Königreichē auff Erden / Sonder gang warhafft / verständtlich / vnd gewiß gewesen / Vnnnd seind endtlich dermassen erfüllet worden / wie sie geweissagt / vñ zukünfftig sein / zuvor verkündiget worden seind.

Der Heylig Patriarch Jacob weissagt an seinem Todtbeth / von der Zukunfft des verheysnen Messie / vnnnd setzt klärlich / das er zu der zeyt komen / wann das Scepter vom Königreich Juda hinweg genommen sein werde. Dise Weissagung nün ist folgendes warhafftig auch erfüllet worden / Dañ der Herz Christus ist geboren zu Bethlehem / im xxx. Jar der Regierung des Königs Herodis / & ein Edomiter vñ ein frembdling war.

B Der

## Vorrede.

Der Königlich Prophet David / ober wol garnahemehr dan tausent Jar / vor der geburt Christi gelebt hat / so hat er doch vom Herren Christo / seinem Sterben &c. so verständtlich gepredigt / als were er selbers in seinem Leyden zugegen gestanden.

Der Prophet Esaias / welcher mehr dan syben hundert Jar vor der Geburt Christi gelebt hat / weiffagt so gewaltig von der Entpfäncknuß / Geburt / Todt / vnd Sterben Christi / als wann er solches nit von zukünftigen / sonder zuuor vergangenem vnd beschehenen dingen / geredt hette.

Vmb die selbig zeyt / ernent auch der Prophet Micha das ort / nemlich die Statt Bethleheim / im Jüdischen landt / da der Herr Christus solte geboren werden / welches auch also / nach der Schrift / warhafftig ist erfüllet worden.

So hat der Prophet Daniel gewaltige Gesicht / vñ herliche Weiffagungen gehabt / nicht allein vom Herren Christo / vñnd seinem Ewigen Reich / sonder auch von Veränderung vñ Ordnung der höchsten Monarchien vñ Königreichen auff Erden / Als nemlich / wie die höchste Monarchia von den Chaldeen vnd Assyriern / auff die Persen / folgendts auff die Griechen / Vñnd nachmals auff die Römer kommen soll. Item das nach der vierden Monarchia die Zerstörung durch den Türcken / Vñnd demnach das End vnd die  
Auff

## Vorred:

Aufferstehung der Todten folgen solle. Vnd ist solches alles warhafftig / in solchen Monarchien nach Ordnung erfüllet worden. Darauf dann ein Gütthertziger Christ / leichtlich verstehen kan / das solches alles dem lieben Propheten / durch den H. Geyst (wie Petrus sagt ij. Pet. j.) ist geoffenbaret wordē / Sie auch gewislich von dem Ewigen Gott gesendet / vnd vnser Lehr / so wir auß disen ihren Schrifftten führen / gewislich die Warheyt seye.

Vnd ob wol dises sybende Zeignuß vnder die Mizrael (daruon oben meldung gethon) köndte gerechnet werdē / so ist es doch ein besonders schön Zeignuß / dardurch vil hoher / grosser König vnd Potentaten / als Nabugdonosor / Darius / Cyrus / vnd andere / zum Warhafftigen Gott bekeret worden seind / Vnd deshalb wol werdt / das es insonderheyt gesetzt / vnd mit fleiß offtmals betrachtet werde.

¶ Das Achtende Zeignuß (welches auch der Heylig Augustinus im fünfften Capitel des Dreyzehenden Büchs wider Faustum / den Manicheer / vnnnd sonst gedenckt) ist die Vile vnnnd Menge Frommer vnnnd Glaubwürdiger Leüth / die von solcher vnserer Lehr / ye vnd ye gezeuget / das sie Göttlich vnnnd Warhafft seye.

Da Gott der Herz sein Gesatz / Vnnnd in dem selbigen seinen Gerechten Willen / auff dem Berg

B ij Syna



## Wortred.

Syna/mit erschrocklicher stin vnd vilfaltigen Wund-  
zeychen/dem Jüdischen Volck gegeben hat/seind zuge-  
gen gewesen / mehr dann zwölff mal hundert tausent  
Menschen / welche alle eynmündige Zeügnuß geben/  
das dise Lehr/so Moses beschriben hat/nit von Men-  
schen erdacht/sonder des Allmechtigen Ewigen Got-  
tes Stin/Predig vnd Lehr seye. Nun muß aber dis  
ein vn Sinniger vnruwiger Mensch sein/der so vil hun-  
dert tausent Menschen der lügen vñ vnwarheyt straf-  
fen/vnd inen in solchem fall nit beyfallen vnd glauben  
geben wolte.

Da Christus der Herz von den todten auferstan-  
den/habē in mehr dan fünff hundert brüder (wie Pau-  
lus sagt 1. Cor. xv.) gesehen / die ihazum Zeügnuß der  
Warheyt/einem jeden vernünfftigē Menschen genüg  
sein sollen.

Item da der H. Geyst am Pfingstag den liebē Apo-  
steln gegeben ward/müßte die ganze menge des volcks  
bekennen/das etwas besonders vnd Himilichs mit ih-  
nen fürgangen were/Dann die Apostel/sampt andern  
Gleübigen / redeten in mancherley Spraachen vnd  
Zungen/So geschahen auch grosse wund durch sie 2c.

Dieweyl dann solche Lehr vil gewaltiger Zeügnuß  
hat/von vilen vnd Glaubwürdigen leüthen / so folget  
gewißlich/dz sie nach solchem eynhelligen gemeynem  
Zeügnuß/von Gott dem Herren herkomē.

Zum

## Wort

**I** Zum neündten / so ist auch des leydigen Teüfels vnersettlicher Haf / Neyd / Mordt / vnd Gm̃ / in welchem er sich aller vnd jeder zeyt / wider dise vnserer Lehr außgelehnet / vnd mit ernst eyngelassen hat / ein Tröstlich Zeügnuß der Warheyt vnserer Lehr. Dañ gewiß ist es / das der Teüfel von Anfang keiner anderer Lehr so hefftig zuwider / vnñd grausam zügesetzet hat / dann eben diser vnserer Lehr / vnd allen denen / so sich der selbigen mit ernst vnderzogen / vnñd angenom̃en haben. Vnd ist nicht von nöthen / solches der länge nach vnñd weitleüffig einzuführen. / Dann Gott der Herr solche feyndtschafft selbs verkündigt hat / da er zum Schlangen sagt / Ich will feyndtschafft setzen zwischen dir vñ dem Weib / zwischen deinem sam̃en / vnñd des Weibs sam̃en ꝛc.

Wie wir nūn mit warheyt vnd vnwidersprechlich schliessen / das von Gott dem Herren die Sünd nicht herkomme / Er auch kein vsach der Sünden sey / diaweyles offenbar / das er aller Sünd vnd Vngerechtigkeyt von hertzen feyndt ist. Also kōnden wir auß jertzter zölter Zeügnuß / auch mit güttem grundt schliessen vñ sagen / Diaweyl der Satan vnserer Lehr zum höchsten zuwider / Iha von hertzen vnd spinnen feyndt ist / Das sie gewißlich nicht von im / sonder vom Son Gottes / welches abgesagter feyndt der Teüfel ist / herkom̃e.

**I** So würt auch zum Zehenden ein herlich Zeügnuß

B. iij. nup

## Worres.

nus genommen von der Straff vñ Plag/dardurch auß  
gerechtem Gottes vñ theyl / alle die / so solcher Lehr ye  
vñd ye entweders mit gewalt / oder aber mit Lügen  
vñd falschem Gottesdienst / zuwider gewesen / offent-  
lichen heymgesücht worden seind.

Was der arbeitselig Cain für ein greinlich end ge-  
nommen / weyßt menigklich.

Was erschrocklichs todts vmbkommen / gestorben /  
vñd verdorben sey / Pharaon / Dathan vñd Abyram /  
Jeroboam / Achab / Senacherib / Herodes vñd ande-  
re / ist auß Gottes Wort gnügsam bekant vñ offenbar.

So zeüget Lucas / dz der Zanberer Elymas / vñplötz-  
lich mit Blindtheit von Gott gestrafft worden sey.

Der Tyrann Nero hat sich endlich selbst erstochen /  
oder wie etliche Historien melden / ist er in einem wald  
von den Wölffen zerissen vñd zerzerret worden.

Der grausam Wüterich Domitianus / ist von seinen  
eygnen Dienern erwürgt / vñd mit höchster schanden  
begraben worden.

Der Vnmenschlich Maximinus würt zu Aquileja  
erschlagen.

Der grausam Decius ward von den Gothen in ei-  
ner Schlacht vberwunden / vñd ersoff er in einer Pfü-  
gen oder Mürlachen / wie Dispergensis meldet.

Valerianus der Wild / ward vom Perser König ge-  
fangen / seiner Augen beraubt / vñd in Jamerhafft-  
ger Dienst



## Worred.

ger Dienstbarkeyt sein leben lang gehalten. Dañ wann der König wolt zů pferdt sitze/müßte Valerianus sein Fußschemel/darauff er stünde/sein.

Aurelianus der Grimmig/ward auch von Gott gestrafft / Dann es schlug erstlich ein Feüriger Stral vom Himmel/vor ihm nider/Vnnd ward er bald hernach von seinen eygnen Kriegsknechten jämmerlich erschlagen.

Valerius Maximinus ward vō Gott dermassen am Leib geplaget / das er auch Würm von ihm speiūwete/ So kondte auch vmb grausames gestancks willen kein Mensch vmb ihn sein/oder bleyben.

So starb Julianus der Abtrünnig/eines schandtlichen todts/in grosser Verzweyfelung vnnd Gottslesterung.

Arrius der Keger ward von Gott gestrafft/das er durch den stülgang sein Eingeweyd von sich gab / vn also auff dem Heymlichen gemacht todt funden ward.

Cerinthum/vnnd andere seine Mitgesellen schlug ein Badstüb zutodt.

So schreibe Eusebius in seiner Chronica/das vmb das Jar D. vnd X. zů zeytten des Keyfers Anastasij/seyezů Carthago ein Arrianischer Bischoff/Olympius genant/diweyl er in offner Badstuben / vil lesterlicher Wort/wider die H. Dreyfaltigkeyt geredt hatt/zům drittenmal / mit feürigen Pfeilen oder Stralen vom

## Vorred.

vom Himmel troffen/vnnd also sein ganzer leyb jämertlich verbrast worden.

So hat auch Gott der Herr zu disen letzten zeytten etliche fürneme feynd diser Lehr/vor aller welt öffentlichen zuschanden gemacht/deren etliche gang gählingen/vnd im fuffstapffen/da sie solche Lehr geschencket hatten/Etliche aber in verzweyfelung/oder sonst auff andere weyse/schandtlich vmbkommen vnnd gestorben seind.

Dise vnnd andere mehr dergleichen erschröckliche Exempel/Göttlichs Zorns/wider seine vnnd vnserer Lehr feynd/geben auch ein starck Zeügnuß/das solche Lehr dem Herren angenam/die er also zeytlich/Vnnd nach disem leben in ewigkeyt/an allen Verfolgern vñ Zesterern/gestraft hat/vnd gewislich straffen würt.

¶ Das Eylffte Zeügnuß ist/die gewaltige Administration vnnd beständige Verwaltung/dardurch der Allmechtig Ewig Gott/seine Kirchen/vnd in der selbigen dise vnserer Lehr/gnädigklich zu jeder zeyt/vnnd biß auff den heütigen tag/wider alle feynd erhalten hat/vñ biß zu end/Ihahernach in ewigkeyt/erhalten würt. Dañ ob wol solche Lehr/von Weltlicher macht hie auff Erden/wenig beystandt vnd schutz hat/Dar gegen aber vil grausamer Verfolgung vnnd Anstöß/vom Teüfel/Tyrannen/Kezern/vnd andern Gottlosen gelitten/vnd noch täglich leydet/So hat sie doch  
Gott

## Vorred.

Gott der Herr zu jederzeit/durch sein gnad mitten vnder den Feynden wunderbarlichen erhalten/das auch die Porten der Höllen (wie Christus verheeyt Matt. im xvj. Capitel) vnd weder Höllische noch Menschliche macht/sie nit hat mögen vberweltigen.

Wie wunderbarlich hat doch Gott diese Lehr zu den zeitten der Ersten Welt / Nachmals zu den zeitten des fromen Helie/vnd folgendes zurzeit der Nachabeer/da doch die Kirch vmb solcher Lehr willen sehr geängstiget/klein vnd schwach war/heraus gerissen/vnd erhalten. Wie gewaltig hat er sie zurzeit der Ersten Kirchen im Neuen Testament/da sie doch zum grausamsten durchachtet vnd verfolget ward / beschützet vnd beschirmet? Iha wie gnädig bewaret er noch die selbige/in vnsern Landen Teütscher Nation / wider des Teüfels vnd seiner Instrumenten/greüwlich vnd blütdürstig fürnehmen? Welches gewislich ein ware anzeigung ist / das solche Lehr des Allmechtigen Ewigen Gottes Lehr selbers ist. Vnd sollen frome hertzen solch Zeignuß mit ernst bedencken/vund deshalb nit allein Gott loben vnd dancken/das er diese Lehr noch bis anher so gewaltiglichen erhalten/sonder auch mit höchstem ernst bitten/das er sie zu disen vnsern geschwinden zeitten/vmb seines Namens willen/schützen vnd schirmen / vnd auff unsere Nachkomene gnädiglichen gelangen lassen wolle.



## Worred.

**I** Zum zwölfften vnd letzten (dañ andere Zeügnuß-  
sen lassen wir vmb kürze willen hie anstehen) so gibt  
auch das Blüt/ viler tausent fromer Martyrer / vom  
gerechten Abel an/ biß auff den heütigē tag / so sie vmb  
solcher Lehr willen mit freüden vergossen haben / ein  
gewaltig vnwiderprechlich Zeügnuß / das dise Lehr/  
die Stin Gottes selbers seye/ vmb deren willen recht  
geschaffne Christen/ billich auch jr Leib vñ Leben dar-  
strecken sollen.

Wie nün der todt seiner Heyligen / Gott dem Her-  
ren angenehm vñnd wolgefellig/ also ist auch ohn allen  
zweyfel die Lehr an ihr selbers/ vmb welcher willen sie  
solchen todt gedultig vñd beständig leyden / jm ange-  
nām vñd gefellig.

Vñd ob wol nach der meynung Augustini/ Mit der  
Todt oder die Marter an jr selbs / sonder die Vrsach/  
vmb welcher willen einer getödtet würt / einen rechtē  
Martyrer anzeygt/ So ist doch gewiß / das alle / so  
vmb vnserer Lehr willen ( dieweyl sie den Schrifftten  
der H. Propheten vñd Aposteln/ gemäß) den todt ley-  
den / gewißlich ein auffrichtige / vñnd vor Gott dem  
Herren ein gerechte sach haben/ Vñd deshalb vor jm/  
als rechte Martyrer gehalten/ vñd folgendes reichlich  
sollen belohnet werden.

**I** Dise Zwölff jetzerzölte vrsachen vñ Zeügnussen/  
sollen L. Ehrußest/ sampt allen Güttherzigē / bey sich  
mit

## Vorred.

mit fleiß erwägen. Vnd damit meniglich den selbigen nachzudencken / augenscheinlichen vnnnd gleichsam Greifflichen anlaß vnd vrsach hette / hab ich vor Jarren den Ersten / vnnnd bald hernach den Andern / wie auch auff diß mal / den Dritten Theyl von den H. Gottes Zeüigen / Bekennern vnnnd Martyrern / durch deß Truck offentlichen lassen außgehen.

¶ Das ich aber / Ehruuester Insonders Günstiger Herr / solchen Dritten theyl vnder E. Ehruueste Namen / antag geben / vñ in Truck hab komen lassen / hoffe ich / solches solle von E. E. freündtlichs gemüts verstanden werde / Wie es dan auch von mir ganz Christlicher wolmeynung beschehen. Vnd erstlich darumb / dieweyl sich E. E. nün lange zeyt her (nach dem löblichen Exempel Eüwerer Voreltern / so nün in Gott seliglichen rügen) beyde gegen gemeyner Kirchen / vnd auch meiner Person / in Christlicher liebe vnd wolthat vilfaltigklich erzeyget / Hab ich hiemit mich / in gemeyner vnserer Kirchen / vnd auch besonders vnd fürnemlich in meinem Namen / etlicher massen / vnd mit einer solchen geringen Vergeltung / so zur auffbauung gemeiner Kirchen dienstlich / gegen der selbigē danckbar wollen beweysen.

¶ Zum andern / dieweyl E. Ehruueste neben vilen andern / zum offternmal auch behertziget / vnnnd zu gemüß füret / die geschwinde / sorgliche / vnnnd gefährliche

C 4 zeyt

## Vorred.

zeytten/welche wir erlebet / vñ weitters auch von tag  
zu tag haben zuerwartē / Hab ich der selbigen dise her-  
liche Lebendige Exempel / viler fromer lieber Marty-  
rer / so hin vñnd wider in allen Ständen vñ Landen  
worden seind / Dedicieren vñnd zuschreiben wollen. Da  
mit sie sich neben der mündtlichen Predig vñnd Lesung  
der S. Göttlichen Schrifften / tröstlich hette zuerin-  
nern / was auch Ihr in gleichem fall / zuthun gepüren  
vñnd gezinnen wolte.

Es hat sonst der treuwe Gott / E. Ehrueste / mit  
vil herlichen gnaden vñnd gaaben Leibs vñnd Guts/  
reichlich vñ für vil andere gesegnet. Wa sie sich nün in  
solchem seggen / auch der seeligmachenden Erkantnuß  
vñnd Bekantnuß Jesu Christi / nit allein nit beschämen /  
Sonder getröst vñnd beständiglichen vnderziehen  
vñnd annemen würt (wie sie dann nün herlichen ange-  
fangen / vñ bis her also löblich verharret ist) So würt  
gewislich der Treuwe Gott / nit allein den Leyb / auch  
hinfürt mit Zeytlichen / sonder auch beyde / Leyb vñnd  
Seel nach disem mit Ewigen Himelischen Güttern /  
reichlich vñnd vberflüssig belohnen.

Dem selbigen Allmechtigen Ewigen Gott / vñnd sei-  
nem Eyngebornen lieben Son Jesu Christo / sampt  
dem S. Geyst / wil ich hiemit E. Ehrueste / aller vñ  
jeder zeyt / befolhen haben / ganz freündtlich bittend /  
Dieselbige wölle Ihr dise meine geringe Arbeyt gefal-  
len las



## Vorred.

ten lassen/vnnd mit günstigem willen annemen/Auch  
Gemeyne Kirch / mich / sampt den meinen / in günsti-  
gem befehl zuhaben. Datum Straßburg den drittem  
tag Martij. Anno M. D. LV. Auff welchen tag  
vor 2070. Jaren vō neuwem widerumb auffgebau-  
wen vnd vollendet/auch mit herlichen Opffern vnd  
grosser frolockung Gott dem Herren Geheyliget wor-  
den ist / der herlich Tempel zu Jerusalem / nach dem  
das Jüdisch Volck auß der Babylonischen Gefänck-  
nuß lediggelassen ward. Welche History auch allen vñ  
jeden Gütthertzen/vrsach geben soll/den Herren von  
hertzen anzuruffen / das er seine Christen hin vnd wi-  
der von des leydigen Antichrists schädlicher Gefänck  
auß entledigen/vnnd verleyhen wölle/das sie Ihn/in  
seinen Kirchen/die durch Abgötterey jämmerlich  
verwüestet ligen/in rechtem glaubē/auch  
mit besserung ires lebens/für vñ  
für loben/bekennen vnd  
preysen mögē.

Amen.



E. Ehmueste

Dienstwilliger

Ludwig Rabus Doctor.

## Zum Christlichen Bücherzi- gen Leser.

**D**iewol ich mich gantzlich ver-  
sihe/diser mein getreuer Dienst/vnnd  
groß gehapte mühe vnd arbeyt / werde  
von Meyster Klügling / ders doch nit  
besser machen kan/nit vnangefochten bleyben/Son-  
der(wie sein brauch ist)gelestert / vnnd zum bittersten  
gedelittet vnd außgelegt werden. Jedoch bitte / ver-  
mane / vnnd bezeüge ich andere Gütthertzige Leser / sie  
wollen/wa etwas gefälet/mit freündtlichkeyt verbes-  
seren/vñ mir(dieweyl solche arbeyt nicht eines Men-  
schen ist)in alle weg dahin verhelffen / damit dise Hi-  
storien sampt vnnd sonders/auff das cynfaltigst  
vnd warhafftigst verzeychnet/vnd also  
den Nachkomenden zu Lehr  
vñ trost/behalten  
werden.









# Der Dritte theyl von den Heyligen Außgewölten Gottes Zeit- gen/Bekennern / vnd Martyrern/so zum theyl vor di- ser zeyt/zum theyl aber zu disen vnsern letzten zeitten/da- rin der Allmächtig Ewig Gott seine Kirchen mit der rey- nen Lehr seines H. Worts/gnädiglichen heym- gesucht hat/hin vnd wider in allen Landen / worden seind.

W. Wilhelm Thorpe / ein  
Priester in Engellande.

Die History von diesem eyferigen Gottseligen  
Man, wie er mit den genannten Geystlichen vnd Prelaten in En-  
gelland vmb Glaubens willen ernstlich disputiert/Endlich aber  
von ihnen/nach irem brauch/verdampt/vnd folgendes im Kercker  
heymlichen seye ermordet worden/Ist folgendes auß den  
Schriefften des Hochgelehrten Joannis Balei/  
vnd Joannis Foxi/so hienon auß-  
gangen/warhafftig be-  
schryben.

W. Wilhelm Thorpe/welcher auff  
der Hohen Schül zu Oxforde/in Freyen Wilhelm  
Künsten Magister/vnd folgendes in En Thorpe/  
gellande / ein Priester worden / ist seiner wer er ge-  
person halben eines einfaltigen lebens vñ wesen sey.  
wandels/Aber ein fleissiger Verkündiger vnd Erforscher  
A gewes

Don den H. Gottes Bekennern



gewesen / Aposto-  
lischer lehr / vnd zu  
seiner zeyt ein war-  
hafftiger Predi-  
ger des N. Euan-  
gelij / hat auch nit  
allein Gott seelig-  
lichen / recht vnd  
wol gelehrt / sond  
auch solcher seiner  
lehr / ein gang ge-  
maß / dz ist / einer-  
bars Christlichen le-  
bē / geführt. Derhal-  
bē er vmb Christli-

Wilhelm der Lehe vnd Predig willen endelich durch den Erzbis-  
 chope erst schoff zu Candelburg / Thomam Arundell / zu Londen  
 lich gefang- ins gefaencknuß geworffen worden / im Jar als man zale  
 gen / bald nach der geburt vnseres Eynigen Heylands Jesu Christi /  
 widerumb M. CCC. XC. VII. Aber nach dem gemeldter Erzbis-  
 chofst / aber schoff / durch den König seines Vatterlandes verjagt vñ  
 letztlich wi verstoßen ward / widerumb auß fürbitt seiner verwand-  
 der gefang- ten vnd güeten freünd / durch Robertum Braybroke / der  
 gen vñnd selbigē zeyt Bischoff zu Londen / ledig gelassen. Folgende  
 ankomen aber zu Salopia vnd Candelburg / durch den Antichristi-  
 schen hauffen / widerumb gefangen / vñnd im gefaencknuß  
 greüwlich geplagt / Endelichen im Schloß Saltwoden  
 öffentlichē fürgeführt / von den Prelaten verhört vnd exa-  
 miniert / vnd nachmals verbannet vnd getödet worden.

**Wie:**



# Vnd Marteyren/der iij. theyl. ij

¶ Wie sich aber solch Examen vnnnd verhöör verlose  
fen/folget hernach weitläuffig/vnd mit fleissiger mel-  
dung aller vmbständen/ordenlichen  
beschreiben.

¶ Vnder zeyt / als vilgemeldter Wilhelm Thorpe seines  
Glaubens rechen schaffe geben solt vnd müste / hat er  
zuuor an etliche / so ihm in Christo herzlich zügerho-  
waren / liebe brüder begert / das sie alles / so mit im fürge-  
nommen vnd gehandelt wurde / fleissig auffzeychnen / vnnnd  
zu gemeyner auffbauung vnd besserung viler anderer  
Christen / in schriften verassen solten.

¶ Als er nun im Jar nach der geburt vnsers Lynigen  
Vrlösers vnnnd Seligmachers Jesu Christi / als man zale  
M. CCCC. vnd VII. auß dem Kercker zu Saltwoden /  
da er dann gefäncklich gehalten ward / auff den nechsten  
Sontag nach Petri Rärrenfeyr / im Augstmonat / ge-  
fürt / ward er gestellet für den Erzbischoff Thomam Ar-  
rundell / welcher zur selbigen zeyt Apostolischer / vnd des  
Seils zu Rhom Legat / auch des Königreichs Eng-  
land Cansler /sha der Oberst Potentat im gangen En-  
gellande ware.

Thomas  
Arundell /  
erzbischoff  
zu Canda-  
burg.

¶ Der Erbischoff wolte niemands von den Leyen /  
oder anderem gemeynem volck zugegen stohn / vnd zühö-  
ren lassen / sonder gieng in ein besonder gemach allein / vñ  
name zu ihm einen / mit namen Maluerentim / der zur sel-  
bigen zeyt zu Londen Pfarherr war / vnd noch zween an-  
dere Diener des Geystlichen oder Bapstischen Redtens.  
Daselbsthin ward auch der gefangen M. Wilhelm Thor-  
pe gefürt.

Thomas  
erzbischoff  
will die ley-  
en nit zühö-  
ren lassen in  
der Dispr-  
tation mit  
Wilhelm.

¶ ij Der

# Von den H. Gottes Befehern

Red des  
Erzbischo  
fes wider  
Wilhelmū

¶ Der Erzbischoff von Candelburg sieng an / frage  
in / vnd sprach / Wilhelm / Du hast nūn mehr vber die zwen  
zig ganzer Jar / die vmblicgenden Länder durchzogen /  
vnnnd den grössern theyl vnser's Königreichs / mit deiner  
falschen Lehr verfürer vñ beflecket. Aber nichts desto we  
niger / dieweyl wir alle / nach der Lehr des H. Apostels  
Pauli schuldig seind / mit allen menschen frid zuhaben /  
Wa du dan deine jezige Lehr widerzüffen / vnd dich gelaf  
sen vnd demüthig / den geordneten Kirchen sagungen vn  
derwerffen wirst / so solan keinen rauben oder vnmiltten /  
sonder einen gnädigen freündlichen Herren vnnnd Bis  
choff an mir haben.

Beger des  
Erzbischo  
fes an M.  
Wilhelm.

¶ Dierauff antwortet Wilhelm /  
vnd sprach / Was will das werden? Wie soll ich diß vesten  
hen? ¶ Erzbischoff. Du solt hie nider knyen / deine  
händ auff diß buch legen / vnd mit dem Eydschwur ver  
sprechen / das du allen vnd jeden vnsern gebotten vnd sa  
gungen / die wir dir jezunde auferlegen vnnnd fürhalten  
werden / gehorsam sein wöllest.

Wilhelm  
beger ein  
öffentliche  
bekennuñ  
ß seines Glau  
bens zu thun

¶ Wilhelm. Hetz / Die  
weyl ich vermerck / das ich bey euch im verdacht bin / als  
solte ich etwas Irzigs vnd Kegerischs lehren vnnnd glau  
ben / So bitt ich / Man wölle mir vergönnen / allhie ein of  
fentliche vnnnd freye Bekennuñß / meines Glaubens / zu  
thun. ¶ Erzbischoff. Es sey dir erlaubt / sag vnd be  
ken frey / wie es dir vmb's hertz ist.

Bekennuñß  
M. Wilh  
helm Thor  
re.

¶ Allda sieng Wil  
helm an / die fürnembssten vnd hauptstück / vnser's H. All  
gemeynen Chlistlichen vnnnd Apostolischen Glaubens /  
nach ordnūg / mit angebenckter schöner / aber kürgen auß  
legung zu erzölen. Vnd da er kam an den Artickel von der  
Kirchen / sagt er / Diser Kirchen will ich mich von hertzen  
gern

geth/ vnd mit willen vnderwerffen (dann sie ist in Christo  
Jesu gleichsam als beyh von seinen gebeynen/ vnd fleysch  
von seinem fleysch) Vnd auch allen denen/ die ich auß den  
rechten fruchten des Glaubens erkennen vnd vrtheylen  
mag/ dz sie rechte ware Glieder solcher Kirchen seyen. Ver  
zeüß mich auch hie vor euch vieren/ das ich von herten be  
ger solcher Allerheyligsten Kirchen/ gang eygen zusein.  
Vnd wolte Gott/ das solches die ganze Welt von mir  
wißte. Weiter so glaub ich auch/ das beyde Gesang Got  
tes ( das ist/ Alt vnd Neuw Testament ) welche auß eyn  
gebung vnd befehl der H. Dreyfaltigkeyt/ selbs herkom  
men seind/ seyen dem gangen Menschlichen Geschlecht  
zur seligkeyt von nöthen/ das auch die selbigen zur Selig  
keyt genüg seyen. Vnd das man alles/ so in den selbigen  
von Gott/ entweders gebotten oder verheysen worden  
seye/ mit vngeswefeltem glauben annehmen/ vnd festig  
halten solle. Wa nun jemand mich auß H. Gött  
licher/ oder anderer glaubwürdiger Lehrer vnd Väter  
Schriften/ eyniges irthumb/ in denen Articlen/ so ich  
halte vnd glaub/ vberzeugen vñ vberweysen kan/ dem will  
ich mit willigem vnd gang geneygtem herten gern wei  
chen. Will auch nit fräueler weyse die Schriften der altē  
Väter vñ Lehrer verwerffen/ allein das sieh ich der Re  
gel der H. Göttlichen Schriften erwegen/ vnd der selbi  
gen nit zuwider sein/ befunden werden.

¶ Eins aber ist/ das ich von euch/ Herz Erzbischoff/  
beger zu wissen. Vnd nemlich/ Warumb vnd auß was vrs  
sach/ soll ich mein handt auff diß büch legen? ¶ Erzbis  
choff. In einem zeügnuß/ das du deinen gethonen Eydt/



# Von den G. Gottes Bekehrern

Bey den  
Creaturen  
schwören /  
ist ein Chri-  
sten verbot-  
ten.

Stimma des  
eydts / den  
der gefang-  
gen Wil-  
helm thun  
solte.

mit gütten treuwen vñ glauben halden wöllest. ¶ Wil-  
helm. Ehrwürdiger Herr / Dis büch ist auß vilen Creatu-  
ren oder stücken zusamen gesetzt / durch vñnd bey welchem  
(dieweils die Schriffe verbeüt) kein Chriß schwören kan.  
Aber nichts desto weniger / so bezeüge ich mich / in beysein /  
vñnd vor disen eüwern Priestern / Wa jr mir auß d. Göt-  
licher Schrifteen beweysen künden / dz ich an solchem eyde  
schwür / den ich durch die Creatur thun soll / mich nit ver-  
sündige / Darneben aber auch die Artickel / vñmbständ vñ  
ursach dises Eydts / den jr von mir begeret / erzölen / so will  
ich nichts / das recht vñnd billich ist / abschlagen. ¶ Erz-  
bischoff. Du müst schwören / das du nicht allein alle früge  
Lehr falscher Prediger wöllest faren lassen / Sonder dich  
auch nachmals mit gangem gewalt / vñnd nach deinem be-  
sten vermögen / allen denen / dardurch die d. Kirch vnre-  
wig gemacht vñnd verwirret würt / entgegen vñnd zuwider  
setzen. Wa auch etliche in ihrem gefassten irthumb halß-  
starrig bleyben wolten / so müstu sie bey ihren namen / mit  
samt irer falschen lehr / den verordneten desselbigē ortes /  
oder iren Dienern anzeygen. Zulest / so müstu dich auch  
alles Predigen müßigen vñnd abstecken / biß das wir ge-  
nügßam vñnd eygentlich sehen vñnd erkennen / das du dich  
warlichen bekeret / vñnd deine irthumb verbessere hast.  
¶ Wilhelm entsetze sich von gangem herten ab diser  
red des Erzbischoffs / vñnd dieweyler / wie die lieb Susan-  
na / da sie dermassen geängstiget ward / nicht wol wußte /  
was er hierauff antworten solte / schwig er still. ¶ Da  
sprach in der Erzbischoff selbers an / vñnd sagt / Gib doch  
antwort. ¶ Wilhelm. Ehrwürdiger Herr / Solc ich  
dis thun /

diß thün/vñ so vil lieber fromer/Maß vnd Frauenperso-  
nen/den Bischöffen vñnd iren Gottlosen Dienern/der-  
massen auß bößheyt angeben/so möchte vñnd solte man  
mich billich/sür einen Rundschafter vñnd Verhäter  
des gangen Königreichs Engelland/ihavil erger dann  
Iudam den Verhäter selbers/halten. Dannes möchte  
sich zütragen/das die/so auff den heütigen tag/im weg  
der Warheyt Gottes/noch beständig bleyben vñ verhar-  
ren/auß forcht der Marter vnd der Verfolgung (wie ich  
wolerwañ gesehen hab) widerumb solten/von ein mal er-  
kanter vnd angenomener Warheyt abfallen. So find ich  
auch in allen Biblischen Schrifften/Altes vnd Neüwes  
Testaments nit/dz man solches von einem Christen men-  
schen künde vñnd möge billichen erfordern. Derhalben  
wa ichs nün thäte/wurd ich die selbigen gleich wol züm  
todt/mein armes gewissen aber/in ein greüwlichen vñnd  
vñtráglichen last süren vnd bringen/Vñnd were ihawol  
werdt/das mich nit allein hiezeytlichs vñglück angieng/  
sonder auch zuletzt in ewigkelt müßte verdampt sein/das  
für mich doch/der Gerechte Gott gnädiglichen vñnd vä-  
terlichen behütten wölle.

¶ Erzbischoff. Du bist verstockt/wie vorzeytten der  
König Pharaon in Aegypten auch war/Der leydig Teufel  
hat dich dermassen verblendet vñnd verzaubert/das du  
weder die Warheyt mehr wissen/noch vnser angebotene  
gnad nicht kanst erkennen vñnd bedencken/Ich niet auß  
diser deiner gegebenē vñn lieðlichen antwort wol/dz du dein  
ne alte vñnd eyn mal gefasste irrthumb/noch nit wilt faren  
lassen. Aber das laß dir gewiß sein/du schandlicher ver-  
flüchter

Wilhelm  
will ande-  
rer Christe  
Verhäter  
nit sein.

inbald  
wird  
er  
mit  
dem  
Geist  
des  
Herrn  
erfüllt  
werden.

Der Erz-  
bischoff zür-  
net/vñ trö-  
wet dem ge-  
fangen Wil-  
helm. das  
für.

# Von den H. Gottes Bekennern

flüchter Keger/Würden nicht also bald zu unserer Lehr/  
Decreten/vnnd Satzungen treten/so sollestu öffentlich  
Entweyhet/vn wie dein gesell zuvor/auff offnem marcke  
verbrant werden.

Auff solche red bedacht sich der gfangne Martyrer  
Wilhelm einzeylang/als der nichts mehr vn ernstlicher  
vmb Gott begeren vnd erwerben köndte/dan das er eins  
so herrlichen vnd heyligen todes sterben möchte. Vnd die  
weyl er sahe dz sich der Erzbischoff nicht entfere vnnd  
bekümmerte/ob er wol zuvor im Jar als man zalt nach der  
geburt Christi M. CCCC. den vnschuldigen man Wil  
helm Sautreum hatte lassen verbrennen/Sonder ye län  
ger vnd ye mehr dürstiger vnd begiriger wurde/vnschul  
dig blut zuergießen/hat er sich auch desto weniger für  
seiner Tyranny entsetzet/vnd ihn für einen öffentlichen  
vnd abgesagten feyndt des Allmechtigen Ewigen Gott  
es/gehalten. Es war im aber auch sehr beschwärllich/  
das solche handlung nicht solte in beysein viler frommer  
Christen/brüder vnd Zeügen/sonder allein vnder wenige  
in gebeym/vnd an disem besondern ort verhöret werden.  
Jedoch hielt er mit ernstlichem gebett bey Gott an/das  
er ihn mit dem Geyst seiner Krafft begnaden vnd bewap  
nen wolte/wid solche leut/die sich gleichsam zusamen wis  
der in verbunden hatten.

Vnd als er nun solches bey im in seinem hertzen/vn  
in der stille bedacht/redet in einer auß den Priestern/so zu  
gegen waren/spöttlicher weyse an/vnd sagt/Lieber was  
gedenckstu jergundt bey dir selbers/Thu das/das dich vn  
ser Herr/der Erzbischoff/jergundt geheysen hat.

Wilhelm

Wilhelm  
Sautreum  
in Engel-  
land im jar  
1400. ver-  
brant.

am 12. 152  
152. 152  
152. 152  
152. 152  
152. 152



¶ Wilhelmus bedacht sich noch länger/schwieg still vñ gab kein anwort. ¶ Da redet in der Erzbischoff selbst an/vñ sagt/Dastu dich noch nit genügsam bedacht/was du thun wöllest? ¶ Wilhelm. Ehrwürdiger Herr/ Bekantnuß  
Wilhelmi/  
wie er zu  
dieser Leh-  
des H. E-  
uangeliums  
kommen sey.  
als mich vorzeyten meine Eltern (deren sich Gott erbar-  
men/vnd ihnen gnädig sein wölle) zum studieren verlegte/  
vnd endelich/beyde mit güeten vnd auch mit tröuworten  
dahin beredeten/das ich solte die erste Weyhe zum Prie-  
sterlichen ampt nemen/bate ich sie/sie wolten mich zuuor  
von andern leiten/die ich für andere from/gelehrte/vnd  
heylig sein/gedächte/lernen lassen/was doch zu einem sol-  
chen herrlichen vñd heyligen Ampt/eines Priesters/ge-  
hörete vnd erfordert wurde. Solches vergöneren sie mir  
freywillig/vñd gaben mir auch hiezü die zierung/so ich  
auff dem weg habē müste. Da hab ich mich nün zu denen  
gehalte/die man dazumal für die aller frömbsten/gelehr-  
testen/vnd heyligsten leut hielte/Bey denen hab ich auch  
so lange zeyt verharret/biß das ich vermeynt/ich hette  
mich auch selbst ab irem heyligen leben/vnd aufrichti-  
gen wandel/etwas gebessert. Ward also endelichē/durch  
solche herrliche exempel irer Kunst/Gottseligkeyt/From-  
keyt/vñd vnschuldigen lebens/bewegt vnd verursacht/  
vñ begab mich gar auff die H. Göttlich Schrifft/begert  
auch/vnd beflisse mich auff alle weys vnd weg/dz ich nach  
der selbigen mein ganzes leben anrichten vñ führen könd-  
te. In diser H. Göttlicher Schrifften hab ich mich lange  
zeyt geübet/vnd meinen lust fürnemlich auch gehapt.

¶ Wa ich mich nün jezundt widerumb solte/so bald  
durch euwere freündliche oder tröuwort/von disem mei-

**B** nem

# Von den G. Gottes Befehern

nem fürnehmen / darinnen ich nun mehr dan zwenzig Jar/  
in Lehr vnd Leben / gestanden vnd verharret bin / lassen  
abschrecken / so were ich ja wol werde / das ich von allen  
menschen gestrafft vnd gescholten wurde / vnd hetten sich  
billich jren vil ab mir zuergern. Wurde auch mit solchem  
die Kirch Christi nit bauen / sonder vil mehr zerstören /  
Desgleichen nicht ein treüwer diener vnnnd Prediger des  
Worts / sonder vil mehr ein vnnütz vnd todt Glid sein / dz  
da billich solt abgehawen werden. Ich hab ja vil Exem  
pel deren / so auß schwachheyt widerumb verleügnat / vnd  
abgefallē seind / als Nicolai Herford / Joannis Puruei /  
Thome Brituelli / vnnnd fürnemlich dises Kepingtons /  
gesehē / auß welchen ich wol abnehmen kan / was nit allein  
mir / sond vilen andern güt herzigē Christen / in gleichem  
fall zusörchten seye. Dan wir sehē / mit was grosser gefahr  
vnd schaden / die obernanten drey mit irem schandlichen  
widerzüß / die Kirch Gottes verwüsten / vnd erschrockli  
cher weyse verwirren. So versüret Kepington das arme  
Christenliche Völklin / nicht allein mit Pharisaischem  
gleißnerischem betrug vnd geserbter lugin / sonder versol  
get auch biß zum todt / alle recht war gleibigen. Aber sol  
che des schandlichen fleyschs weißheyt / damit sie jezund  
den Weltkindern hofieren vnd dienen / vnd in iren Predi  
gen schmeichlen / würt gewislich von Gott nicht unge  
strafft bleyben. Vorzeyten predigten sie die warheyt / zu  
grosser auffbauung vnd besserung gemeiner Kirchen /  
aber jezundt so geben sie auch das aller geringst nit / von  
wegen der Warheyt auß.

Verleügne  
re Christen  
thun den  
größte scha  
den.

¶ Erzbischoff. Die heiligen so du jezund erzölt hast /  
die

# vnd Hareyrern/der iij. theyl. vj

die waren vorzeyeren vnweyse leüt vnd Keger/Jegunde aber weyßt menigklich/wie weyse vnnnd hochuerständige Männer sie seind / wiewol sie von dir vnnnd deins gleichen/ für Keger gehalten werden. Ich hab fürwar nyemals ey nigen rechtgelehrten vnnnd erfarnen mañ gesehen/der da lang sey bey eüwerer versütschen Lehr blyben.

Christu ver  
leügnen/  
haltet die  
Welt für  
besondere  
weißheyt.

¶ Wilhelm. Ich glaub wol/dz solche leüt vor der Welt für Weys vnd Klüg gehalten werden / Sie hatten aber doch schon den Pfandeschilling vñ die Versicherung Götlicher Weißheyt/zñ irer vnd viler anderer leüt seligkeyer/enepfangen / Wa sie nur also im Glauben / Armüt des Geysts/vnd warer eynfalt eines Christlichen lebens/werren verharret vnd blyben. Aber wehe denen allen / so dermassen schandelicher räht geben/greüwliche Tyraney treiben/vnd dem zeytlichen also nachhengen / dann hiedurch würt garnache die ganz Welt in alles vnglück vnd samer eyngeführt.

¶ Erzbischoff. Du schandellicher Keger/das weyß ich wol/wañ du vnnnd deins gleichen etwañ wistten ein gütte Pfründ/oder andere der Kirchen gütter zuüberkömen/ ihr liessen eüch die Bärt biß auff die haut hinein/abschären. So war Jesus Christus lebt/so weyß ich keine geizigere bößwicht/dañ eben die/so von eüwerer Secte seind. Ich hab auff einzeyt Johanni Purueo/ein Pfründ / die nicht gar tausent schritt von disem Schloß ligt/geluben/ Es ist aber vnder meinem gangen Bistumb keiner gewesen/der da geiziger gewesen sey im Opffer vnd Zehenden sammeln/dañ eben er. ¶ Wilhelm. Diser Johañ Purueus / der halts nicht so gar mit eüch/ ob er wol ein Pfründ

Johañ Pur  
ueus.



## Von den 5. Gottes Beteuern

überkommen hat / vnd bleybt darzu auch nit beständig bey  
der Lehr / die er vormals schriftlich vñ mündlich bekant  
hat. Diweyl er sich aber dermassen erzeyge / als einer der  
weder kalt noch warm ist / so soll er vnd seins gleichen sich  
wol fürsichen / dz sie nit etwan (wa sie sich nit besseren) auß  
der zal der Außewölten verstoßen werden / vñnd entfalle  
len. ¶ Erzbischoff. Ist Johan Purueus / wie du sagst /  
so arglistig vnd geschwind / so sey ers auff sein gefahr vnd  
schaden / Kompt er aber etwan widerumb in solchen sa  
chen für vns / so wölle wir in nit widerumb hinweg lassen /  
er habe sich dan zu vor öffentlichen vñ genügsam vor vns  
allen erkläret / wes sins / gemüts vñ glaubens er seye. Aber  
sag doch an / wer seind die selbigen herrlichen vnd heyligē  
männer / von denen du dermassen vnderwysen vñ gelehrt  
worden bist? ¶ Wilhelm. Es ward herr Johan Wic  
cleff von vilen / für alle andere / so zu seiner zeyt lebte / zum  
höchsten berhümpt vnd gelobt. Diser war auch leibs hal  
ben gang mager / abtomen / vnd krafftlos / füret aber ein  
vnsträfflich / vnschuldig leben vñnd wandel. Derhalben  
dan auch vil auß den gewaltigsten in disem Königreich  
mit im offemals sich vnderredet / Ihn auch sehr lieb / vñnd  
in allen ehren gehalten / was er sagt / fleissig auffgeschribē /  
vnd seinem leben vnd wandel treüwlich nachgefolgt ha  
ben. So würt auch sein Lehr noch auff den heütigen tag  
von vilen dafür gehalten / das sie der rechten Apostoli  
schen vnd Ersten Kirchen am aller ähnlichsten vñ gleich  
förmigsten sey. Vñnd diß ist auch die vrsach / omb welcher  
willen er heütigs tags von so vil frauen vnd Māns per  
sonen / so gar in grossen ehren vñnd hoch gehalten würt.  
Dar nach

Johan Wic  
cleff.

# vnd Martyrern/der iij. theyl. vii

Darnach war auch M. Aistonus/welcher solche Lehr/  
 die er von jm hatt empfangen/schriefftlich vnd mündtlich m. Aistonus.  
 so vil jm inmer möglich war/hat außgebreytet/vnd nach  
 der selbigen gang vnsträfflich/biß an sein end gelebt. Ein  
 solcher war auch Philippus Kepingtonns/da er noch ein Philippus Kepington  
 Thumherz zu Licestra war. Item Nicolaus Herfordus/  
 David Gottreus/Item Patryngus/welcher ein Mönch  
 zu Bylanden/vnd in D. Schriefft Bacularius war. Item Nicolaus Herford.  
 Johan Purueus/mit etlichen andern/die man zur selbi-  
 gen zeyt für herrliche ansichtige leüt gehalten hat/welche David Gos-  
 aber alle in solcher Lehr mit grossen ernst/mühe vnd ar- treus.  
 beyt/anhielten/vnd auch jr leben gang vnsträfflich füre-  
 ren. Zu denen hab ich mich lange zeyt gehalten/vnnd als  
 ein Junger/von jnen vnderwysen vnnd gelehrt worden.  
 Jedoch zu keinem mehr/dann eben zu bemelttem Johan  
 Wicleff/welcher zur selbigen zeyt der aller heyligste vnnd  
 auffrichtigste Man war/in der gangen weitten Welt.

¶ Von disen nun/hab ich meinen anfang in Lehr vnd  
 leben empfangen/darvon ich auch biß in mein lest end  
 nicht beger zuweichen. Vnd wiewol deren etliche/so sehr  
 erzölet worden seind/widerumb abgefallen/vnnd nun ih-  
 nen selbs zuwider worden seind/so ist doch ihr Lehr/so sie  
 zur selbigen zeyt/nit auß Mosis/sonder des Herren Chri-  
 sti stül/geprediget haben/in alle weg gewiß vñ warhafte.  
 Derhalben sie auch auff den heütigen tag/wa man sie hie-  
 rüber mit ernst anspricht vnd straffer/das sie die Krafft  
 Gottes verleügnen haben/frey bekennen/das sie vormals  
 mit nichten geirret/aber auß forcht des todts/jr meynung  
 vnd glauben verschwigen haben/als die/die da lieber wol-

ten sich ein zeitlang mit verborgnen vnnnd hinderlistigen worten außreden/dan mit dem Herren Christo durchächter vnd verfolget werden.

¶ Erzbischoff. Die Lehr/die du doch für die Warheit haltest/die vererget die H. Römisch Kirchē/wie solches vō ir offemals ist erweisen vñ angezeygt worden. Vnd wie wol der Wicleff eüwer Oberster/von vilen als ein gelehrter fromer man gehalten vnd gelobt würt/so ist doch sein Lehr durch das Zeügnuß der Kirchen nit bestättigt/sonder würt billich in vilen stücken/verworffen vnnnd verdampft. So hat Philippus Kepington/der vormals

Philippus  
Kepington  
ein abgefal-  
lener Christ

Thumherz vnnnd Apt zu Lycestria gewesen ist/erlanget/das er gesücht vnd begert hat. Dann nach dem er ist Bischoff zu Lincoln worden/ist er weder eüch noch den eüweren mehr günstig/Sonder er verfolget vnnnd durchächter auch solche Lehr mehr/dan alle andere Bischöff vnd Prelaten.

¶ Wilhelm. Iha man sagt vil böses dings genüg von disem Man/vnnnd halten in iren vil für den grōsten feynde der Warheyt.

¶ Erzbischoff. Lieber was haltestu vns lang mit solchen vnnügen fabeln auff? Sag an/wiltu vnseren gebotten gehorsamen vnd folgen/oder wiltu es nit thün?

¶ Wilhelm. Wie ich oben geantworret hab/also sag ich auch jczundt/Ich darff eüweren Gebotten nit folgen/dan ich fürchte Gott.

¶ Da ward der Erzbischoff hefftig bewegt vnd erzürnet/vnd wincket einem auß den Priestern/so zugewenware/vnd sagt/Gehe hin/vnd bring die Handschrifft/so mir neüwlich von Salopia/versiglet mit dem Bischen der Oberkeyt daselbst/zugeschickt worden ist/wider die irrige Kezer



ge Ketzerische Lehr/so von diesem losen menschen daselbst gepredigt vnd außgespreyter worden ist. Der Priester bracht sie bald / vnnnd verlas sie öffentlichen/ Der Inhalt aber war diser.

Anflag des  
ren vñ Sa  
lopiā / wid  
Wilhelm

¶ Auff den dritten Sonntag nach dem H. Ostertag/ im Jar als man zalt nach der geburt Christi/vnsers Ey- nigen Seligmachers M. CCCC. vnd VII. ist gen Sa lopiam komen Wilhelm Thorpe/vnd nach dem man ihm erlaubt hat zupredigē/hat er öffentlichen in der Kirchen zu S. Ceddas vor allem volck gelehrt.

Thorpe.

Das im Sacrament des Altars/ auch nach der Consecration/das ist/nach dem der Priester den Canon gesprochen/warhaftig Brot bleybe.

Item/Das man die Bilder nit soll anbetten vnd verehren.

II.

Item / Das die leüt nit sollen zu den Heyligen wallen gehen.

III.

Item / das die Priester kein macht vnd gewalt haben/ den Lebenden sinen zuzueygnen.

IIII.

Item/das man nit schwören soll/ıc.

V.

¶ Als nun aber solches verlesen / vnd die Schrifft wider zusammen gelegt war/sahe der Erzbischoff ganz saur vnd grümig/redet weytter/vnd sagt / Wie soll man auch das arme Volck also leben? Oder was nützt doch solche Lehr das Volck?

¶ Wilhelmus. Dese Artikel haben böse leüt wider mich mit der lügen vnnnd vnwarheyt erdacht/dan also hab ich weder in gemeyn noch bñsonders gelehrt. ¶ Erzbischoff. Ich gib irem schreyben nithe glauben/dan dir. Du Lector/du hast die ganze statt Sa lopiam

lopiam



# Von den 5. Gottes Bekehrern

Salopiam dermassen vnerlöwig gemacht / dz sie mich (der ich  
jetzundt Erzbischoff bin zu Candelburg / der Oberst im  
ganzen Engellande / vñ des ganzen Königreichs Canz  
ler) schriftlichen vnd zum höchsten angesücht vnd gebet  
ten haben / dz ich dich solte / andern zu einem schrecken / hier  
her forderen / damit du entweder widerzüfftest / oder aber  
in widerumb zugeschickt wurddest / zur straff / so du wol ver  
dienet hast. Vnd zwar / sage er zum letzten / es soll in Eits  
vergeß gestellt werden / das sie so ehlich / löblich vnd ernst  
lich begert haben. ¶ Wilhelmus der bekümmert sich nit  
hoch ab des Erzbischoffs vnnützem toben vnd wütten /  
Sonder wie die Natur des Palmenbaums / nit mag mit  
keinem schwärem last vnder sich getrückt werden / sie rich  
tet sich aber ye länger vnd gewaltiger für vñd für wide  
rumb auff / Also ward auch das hertz dises theuren lieben  
Mans / keins wegs durch die hochprächtigen tröuwort  
des Erzbischoffs kleynmüthig / sonder vil mehr mit einer  
Göttlichen Mäulichkeyt vnd Krafft befestiget / Derhal  
ben er im auch ganz vnerschrocken / vnd frey heraus / mit  
nachgehenden worten antwort gab / vñ sagt. Zwar wañ  
ich ye soll die warheyt sagē / so sag ich also / das ich alle die /  
so man zu Salopia od an anderē orten dafür haltet / als  
solten sie dem Christlichen Glauben schädlich sein / war  
hafftig halte für die / die den selbigen Glauben am aller  
meysten befürderen. Dargegen aber die man für Gleübi  
ge leüt vñ gute Christē haltet / sag ich fürwar / dz sie nichts  
wenigers seind / dan eben diß / dz sie in iren grossen Titeln  
dem Volck fürgeben. Vnd das bezeüget ir vnleydenlicher  
stolz / hochmüt / neyd / haß / geytz / vnkeüschheyt / vnd ande  
re dergleiche

die sich am  
meyste rhu  
men / seind  
zum wenig  
ste die rech  
ten Christē.

# Vnd Martyrern/der iij. theyl. ix

re dergleichen des fleysches feyne fruchtlin. Man kan vnd soll ye nicht die ihenigen für die Kirch Christi halten/die Gottes wort offentlich verachten/wie dann solche leüt den mehrern theyl auff den heütigen tag zu thun pflegen. Vnd dise seind eben die/die alle die ihenigen/so Gott den Herren warlich fürchten/für Keger halten. So ist auch kein wunder/ob schon das volck zu Salopia/auff anreysung vnd anstiftung ihrer Geystlichen (daran mir nicht zweyfelt) etwas wider mich erbittert ist/Es hat doch solches der Sun Gottes / Jesus Christus / von den Weysen zu Hierusalem/selbers leyden müssen. Vnd auff ein solche weyse haben den Herren Christum die Obersten in der Schulen zu Nazareth / vmb seiner Predigen willen / zur statte hinauff gestossen/vnd in begert vom berg herunder zustürzē. So hat auch Gott der Herr selbers durch Moysen gesagt / Er wölle denen / so ihm dienen / allwegen ein Volck/das ihnen zuwider sein werde/erwecken/dardurch sie täglich angesochten / probiert / vnnnd bewärt sollen werden. So ist es vnmöglich / das einer Gottes wort bey den Vngleübigen ohn Creütz vnd Verfolgung predigen künde/wie solches beyde die Exempel vnd Schrifften des Herren Christi/vnd der h. Propheten genügsam bezeugen. ¶ Ergbischoff. Haltestu dich dan selbs für einen Jünger vnd Nachfolger Christi: vnd vermeynest/du habest deshalb macht vnd gewalt/ohn erlaubnuß eines ordentlichen Prelaten oder Bischoffs/zupredigen? ¶ Wilhelm. Fürwar der Herr Christus sagt doch selbers/das eines Christenlichen Priesters eynig vnd fürnembst Ampt seye/das er das h. Euangelium frey vnd an allen orten/

Einē rechten priester ist vom herren Christo erlaubt alenthalben zupredigen

C ver

# Von den G. Gottes Bekennern

verkündige vnd predige. So hat er auch/als der Oberste vnd Erzhirt/zñ solchem Ampt niemands gelassen/dañ solche leüt/die sich zñm höchsten beflissen/wie sie dz Volck dem Herren zuführen vnd gewinnen möchten. Wir ehñmē vns zwar nichts solches/bitten aber den Herren ohn vñs derlaß/das wir solche Diener Warhafftig sein mögen.

Rom. x.

¶ Erzbischoff. Du böser schalck/was bringst vns da für ein gespenst/Sagt nit Paulus selbs/vnd fragt/Wie wollen sie predigen/wann sie nicht gesandt oder geschickt werden? Ich hab dich zwar noch nye außgeschickt zupredigen. So ist dein falsche verfürische lehr nñn mehr im gangen Königreich Engellandt verschreyet vñ bekant/dz dir nit bald der andern Bischöffen einer solches erlanben würt. Warumb vnderstehestu dich dañ/du grober ungelehrter Idiot/das zuthun/so du doch von keinem Prelaten oder Bischoff erlaubnuß hast: Sagt nit auch/vñd vermanet der H. Apostel Paulus/Wan solle den Fürgeßten vnd Oberherren gehorsam sein/vnd nit allein den güetigen oder freündlichen/sonder auch denen/die gebrechlich vnd Tyrannen seind. ¶ Wilhelm. Wir fragen nit vil nach eüweren brieffen/nemen sie auch nicht an/dañ in jnen ist nichts anders begriffen/weder solche Sagenungen/die dem H. Euangelio vnd Geyst Christi gang zuwider seind. Dise eüwere brieff dienen wol den armen Brüderlin/die auß anderer leüt armüß reich werden/vñ je narung mit liegen vnd betriegen süchen. Vñsere brieff seind fürnemlich die leüt selbs/die wir vnderweysen vñ lehren/desgleichē die ewige Warheyt Gottes/die jha ein starck vñd gewiß zeügnuß genügt. Danu wir/die wir  
Gottes



## vnd Martyrern/der iij. thyl. x

Gottes Wort dem volck eynfaltig vnd vmb sonst verkündigen / begeren keine solche brieff / die mit dinten geschriben seind / noch eynig menschlich zeügnuß / Vnd das nach dem Exempel des H. Apostels Pauli / der da sagt. ij. Cor. ij. Wir bedörffen keiner Lobbriefe / Vnsere brieffe seind in im Herren / nicht mit dinten / sonder mit dem Geyst des lebendigen Gottes / geschriben.

¶ So vil dan belanger die gehorsame gegen denen / so vns fürgesetzt seind / die gestehē wir ihu / verbieten die selbigen auch niemands / sonderlich gegen denen / so mit gesunder Lehr vnd guttem Exempel andern leütten wol fürgehen. Dargegen aber / so halt ich gänglich / es soll ein fromer Christe sterben / vnd den todt leyden / dan das ihenig thün / das im wider Gottes wort von den Tyrannen aufserlegt vnd gebotten würt. ¶ Erzbischoff. Wan die Oberkeyt etwas vnrechts gebüt / so verdampfe sie sich selbers hiemit / Jedoch so verdient der etwas / der solchem Gebott gehorsam ist / dan die Gehorsam / wie Samuel sagt / Sam. xv. ist besser dann alle Opffer. ¶ Wilhelm. Die Gehorsam welche durch den Propheten Samuel vom König Saul erfordert würt / an gemeltē ort / die betraff fürnemlich Gott / vnd nit den menschen. So bezeügen der H. David vnd Paulus / vnd stimpf mit ihnen der H. Gregorius / das nit allein die / so vnrecht thün / sonder auch die ihenigen / so ihnen solchs vnrecht gefallen lassen / verdampft werden. So zeygen auch der Kirchen Decret vñ Satzungen selbers an / das der Knecht seinem Herrē / der Sün seinem vatter / die Frau irem Ehmañ / der Wöndch seinem Fürgesetzten / in keinen andern / dann

Vom gehorsam gegen den Oberherren.

Wie ferre sich die gehorsam strecken solle.



# Von den 5. Gottes Bekennern

zumlichen ehrliehen dingen/gehorsam zu sein/schuldig seye.

¶ Erzbischoff. Das ist eben stolz genug geredt / Du vermeynest / du vnd deins gleichen seyen allein fromb vnd gerecht / derhalben verachten jr die Lehr Pauli / vnd vermeinen / eüch sey erlaubt alles das anzufahen vñ zuthun / das eüch nur gelustet. ¶ Wilhelm. Wolan so sage mir / Wen halten jr darfür / das er in der Kirchen das Ampt der 12. Aposteln verrichte vñnd trage / Fürwere Priester?

¶ Erzbischoff / Ihain alleweg. ¶ Wilhelm. Wolan was die 12. Apostel für ein Ampt gehapt haben / das laßt sich seyn sehen Marthei am zehenden / vnd Marci am let

Ampt der rechten A-  
postel Christi.  
sten Capitel. Der Herz Christus hat seine lieben Apostel außgesendet / das sie das 12. Euangelium lehren vnd predigen solten. Soliset man auch Luce am zehenden Capitel / das Christus die zween vñnd sybengig Jünger in alle

Stett vnd ort / dahin er dan kómen wolt / allein zupredigen außgesendet hat. Wie auch solchs anzeygt 8. Gregorius / da er im Decret also schreibt vnd spricht / Das das Predig ampt ein gemeyn Ampt sey mit dem Priesterliche ampt. Der Priester / sage er / erzürnet den Allmechtigen Ewigen Gott / von dem das volck die stim des gepredigten Euangeliums nit höret. Itē die Gloß ober den Propheten Ezechiel sagt / Das ein Priester / der nit prediget / aller deren verdammußt heylhafftig vnd schuldig sey / die deshalb verderben. Die auch dem Volck fürstehen / vñ das Euangelium nit predigen / seyen Mörder vor Gott / als die der seelen jr narung vñnd auffenthalt rauben vñnd stelen. So sagt auch Isidorus. Die Priester werden vmb des Volcks missethat vñnd vngerechtigkeyt willen verdampt /

Predigē ist  
dz fürnēl st  
ampt eines  
rechte Prie  
sters.

dampf /

dampe/wa sie die vnwissenden nit vnderweyssen/vnnd die  
 Sünder nit straffen. Christus sage/dazü bin ich geboren  
 vnd komen/das ich von der warheyt zeügnuß gebe. Wer  
 auß der warheyt ist/der höret mein stime. Darauf folget  
 dann gewaltig/das nach dem befehl vnnd Exempel des  
 Herren Christi/aller Priester ampt ist/das sie vor vnd ob  
 allen dingen das H. Euangelium Gottes verkünden vñ  
 predigen sollen. So sagt auch der H. Gregorius/wañ der  
 Mensch das auß fabelässigkeit nit thut/das er doch zu  
 schün schuldig ist/so sey alles anders/er thue gleich was er  
 wölle/dem H. Geyst nit angenam. Vnd Licolnensis sag  
 get schön/Das ein jeder Priester/der Gottes wort nit pre  
 diget/ob er gleichwol sonst keinen fahl an im hat/ein rech  
 ter Antichrist/der Teuffel selber/ein Nacht dieb/ein Mör  
 der im tag/ein Seelen Mörder/vñ ein Engel des Liechts  
 sey/der sich aber in Finsternuß verkeret vñ verwandelt ha  
 be. Auß disen allen angezognen orten vnd sprüchen/ist  
 klar vñ offenbar/das diß vermaledeyete vnnd verflüchte  
 Priester seind/die Gottes wort vnd das H. Euangelium  
 dem volck nit lauter vnd reyn fürtragen vnnd predigen.

¶ Da wendet sich der Erzbischoff zu den dreyen Prie  
 ster/so bey im saßen vnd sprach spöttlicher weyß/Das ist  
 allen Ketzern gemeyn/das sie die schwären ort der schriff  
 ten vñ der H. Vätter wider vns vnd wider der Kirchen  
 sagung führen/dardurch sie sich selbers vnd ire sect verthä  
 digen vnnd außreden. Du ellender Mensch/herrest gern  
 das Psalteriū/das ich dir dormalen eins zu Candelburg  
 genomen habe/widerumb/darauf du jmer etwas finden  
 köndtest/das du vns entgegen werffen möchtest/Aber dz

Ein weyße  
 red von ei  
 nem groß  
 sen Bis  
 schoff.

# Von den 5. Gottes Bekenern

soltu gewislich gläubē/ Ich will dir weder dasselbig Psalterium/ noch eynig ander büch der H. Schrifften mehr zustellen/ biß das ich vermercke/ das du von herten vnd mündt der Kirchen warhafftig versünet bist. ¶ Wilhelm. Ich hoffe/ ich glaub vnnnd halt von der H. Christlichen Kirchen anders nichts/ dan wie es einem Diener Jesu Christi zustehet.

Was die  
Kirch seye

¶ Als ihn nün der Erzbischoff hterüber fraget/ Was doch die Kirch seye? Gab er antwort/ vnnnd sprach/ Ich glaub das die Kirch/ die ich Heylig nenne/ sey nichts anders/ dan der Herz Christus/ vnd seine lieben Heyligen selbers. ¶ Erzbischoff. Das beken vnnnd glaub ich auch/ aber allein von der Kirchen/ die im Himmel droben ist. Ich frag dich aber woz ist die Kirch/ die noch hie auff Erde ist?

Kirch Christi  
ist zwey  
erley.

¶ Wilhelm. Die Kirch ist in zwey theyl abgetheylet/ Deren das ein vñ grösser theyl nün mehr alle Seynd vberwunden hat/ triumphire vnnnd lebt in freiden mit dem Herren Jesu Christo. Der ander theyl aber streyctet noch hie auff Erden/ mit einem rechten Glauben/ wider des Teüfels/ des Fleysches/ vnnnd diser Welt vilfaltige ansechtungen vnnnd anstöß/ Vnnnd dise mag auch kein Gewalt/ kein Stolz noch Hoffart/ kein Verfolgung/ kein Tyrann/ keine Lehrer/ wie widerwertig sie gegen einander reden vnd schreyben/ von dem rechten Glauben/ vnd H. Göttlicher Schrifften/ abtreiben/ Dann sie seind durch Gottes Wort auff den Herren Jesum Christum/ als auff einen starcken Felsen/ gegründet vnd gebawen.

Die rechte  
Kirch ist  
vnüber-  
windlich.

¶ Da redet der Erzbischoff seine Priester/ so zu gegen waren/ an/ vnd sagt/ Lieber sehet doch/ Wie ist doch diser Bôßwicht



Böswicht so gar verstockt / wie gewaltig treybt ihn der Teüfel / das er seine Irthumb für vnd für bestreiten vñ verthädigen will. Wan wirs im zuliessen / so ward er vns mit solchem seinem vnnützen geschwartz einen ganzen tag auffhalten. Da setzt sich einer auß den dreyen Priestern / so bey solcher handlung waren / wider Wilhelmum / vñnd sagt / dieweyl er sich vormals beklage hett / dz die Schrifft so von dem Volck zu Salopia wider in gestellt / vñnd hieher geschickt worden ist / sey auß bösheyt vñ mit vnwarheyt wider ihn angestellt vnd erdacht worden / So frage man in jezund selbers / was er von den selbigē Artickeln / so im fürgeworffen vnd verwissen worden seind / halte vñ glaube / damit wir auß seinem eygnen munde hören / wes er gesinnet / vnd was wir von im zeügen sollen.

¶ Bald nam die Erzbischoff die selbig Schrifft zu I. seinen handen / sprach in an / vñnd sagt / Dir ist erstlich hie fürgeworffen worden / wie das du in der statt Salopia / vñnd in der Kirchen zu S. Ceddas öffentlich geprediget haben soltest / Das im Sacrament des Altars / auch nach der Consecration / das ist / nach dem der Priester die wort darüber gesprochen hat / warhafftig Brot bleybe? Was sagstu nun hierzu? ¶ Wilhelm. Ich hab in der selbigen Predig nichts vom H. Sacrament gelehrt oder geprediget / dan eben wie ich jezund frey sagen vnd bekennen will / Als ich von der Cangel / Gottes Wort predigte / begab es sich eben / das man in der Mess / die dazumal besonders gehalten ward / vñnd als man die Hosty erheben wolt / das glöcklin leütet / Dieweyl dann das Volck vñplötzlich (wie es pflegt) zusamen lieff / darauß ein groß getümmel in der Kirchen

Was im  
Sacramēt  
des Altars  
zugege sey

Kirchen



# Von den H. Gottes Bekennen

Kirchen ward/Daß meniglich ließ die Predig faren/vñ  
sah anderßwa hin/Da hab ich sie also angerebet / vnd ge-  
,, sagt/Ihr Brüder in Christo / Die lebendige Krafft dieses  
,, Sacramentes / die im Glauben stehet/ist ja vil gewaltig  
,, ger vnd krefftiger/Daß die / so allein in einem eüsserlichen  
,, sin hangen vñ leben bleybe. Darüb soltē jr auch vil mehr  
,, stehen bleyben/vnd der Seligmachenden Predig des H.  
,, Euangeliums zühören / daß ein solche vnüg anrichten/  
,, vmb des Spectackels willen der Messen/Dann durch die  
,, Predig Götlichen Worts / würt der Glaub in alle weg  
,, mehr bestättiget/gemehret vnd bekræfftiget. Vnd so vil  
,, hab ich ongefärlch zur selbigē zeyt/wie ichs behalten ha-  
,, be/vom Sacrament geredt.

¶ Erzbischoff. Ich will den ernandten Zeügen mehr  
glauben/dann dir. Diweyl du aber solches nicht gestehn  
wilt/vnd vermeynst dich hiemit außzureden / so frage ich  
dich/Was haltestu doch von disem Sacrament? Bleybe  
auch noch in der gesegneten Osty das materlich Brot/od  
nit? ¶ Wilhelm. In H. Götlicher Schrifften findet

Bekantnuß  
vñ leh: M.  
Wilhelms  
vñ H. Sa-  
crament.

man das wort (Materlich) nit. Derhalben wann ich vom  
H. Sacrament predige / so gedenc ich keines Materli-  
chen Brots. ¶ Erzbischoff. Wie lehrestu daß dz volc  
vñ disem Sacrament? Wilhelm. Eben also / wie ich auch  
selbers hienon in meinem hērgen glaube. ¶ Erzbis-  
choff. So sag an vnd bekē/Was glaubstu daß?

¶ Wilhelm. Ich glaub dz der Herr Jesus/in der nacht  
,, da er ist verzehret worden/hab genomen das Brot/danck  
,, gesagt/dasselbig gebrochen/seinen Jüngern gegeben / vñ  
,, gesprochen. Nemet/Esset/das ist mein Leyb der für euch  
hinge

# Vnd Martyrern/der iij. theyl. xiiij

hingegen würt. Vnd das alle Menschen auff jertzerzöl  
te weiß vom Sacrament halten vnnnd glauben sollen/be-  
zeüß die H. Euangelistē/Mattheus/Marcus/Lucas/  
vñ mit jnen der H. Apostel Paulus. Einen andern glau-  
ben nim ich nie an/Lehre auch keinen andern/sonder ach-  
te diser sey recht vnd genüßsam. Will auch in dem selbigē  
leben vnd sterben.

¶ Erzbischoff. War ist es/das in disem Sacrament  
der Leib Christi ist/vnder der gestalt des Brots. Aber du  
vnd deins gleichen/sagen vnnnd wollen/das das Brot im  
Sacrament Brot bleybe. ¶ Wilhelm. Ich vnd ande-  
re meins gleichen/die ihr als Ketzer verwerffen/glauben  
anderst nicht/dañ wie ich jertzunde gesagt hab. Jedoch be-  
ger ich von eüch zuhören/wie die Wort Pauli zünerstehē  
seyē/da er sagt zün Philippem am andern Capitel/ Ein  
jertlicher sey gesinnet/wie Jesus Christus auch war/wel-  
cher/ob er wol Göttlicher gestalt ware/1c. Nimpt vnnnd  
braucht nit hie Paulus das wörtlin Gestalt/für das We-  
sen oder die Substantz selber? So singt auch die Kirch al-  
le tag/O Herr/der du vnser Heyland bist/bis eingedenck/  
das du vorzeyten auß der reynen Juncffrauwen/da du  
geborē wardest/die Gestalt vnseres Leybs an dich genom-  
men hast/1c. Darumb so gebt mir antwort/Würt nit hie  
vnseres Leybs gestalt/für das Wesen selbers vnseres leibs  
genomen? ¶ Erzbischoff. Ich will dir hierüber nicht  
antworten/dañ die Kirch hat es vil anderst erkant vnd  
beschlossen. Ich frage dich aber/Glaubstu dem/das die  
Kirch geordnet vnd erkant hat/oder glaubstu ihm nit?

¶ Wilhelm. Ich höre wol/was die Fürgesetzten in der  
D Kirch

Das Wört-  
lin Gestalt  
würt oft-  
mals für dz  
Wesen sel-  
ber gebrau-  
chet.

# Von den 5. Gottes Bekehrern

Menschen  
Satzungen  
sollen vnd  
die artickel  
des Glau-  
bens nit ge-  
zolt werde:

Kirchen/aus ihren eygnen Eypffen gemacht haben/ das  
müß ein Artickel des Glaubens sein? Zwar ich hab vor-  
malenye gehört/ das man die Menschen Satzungen/ sol-  
te vnder die Artickel des Glaubens setzen vnd zölen.

¶ Erzbischoff/ Hastu dan das vormal noch nye ge-  
hört/ so weystu noch nit/ hast auch vnd kennest nit den  
rechten Glauben der Kirchen. Aber was sagen vñ schrey-  
ben die H. Alten Lehrer vber dise frag? ¶ Wilhelm.  
Der H. Apostel Paulus / welcher doch sonst ein grosser  
fürnehmer Doctor vñd Lehrer der Kirchen gewesen ist/  
da er den glauben von disem Sacrament lehret/ nennet  
ers auch Brot/ danner sagt / Das Brot das wir brechen/  
ist diß nicht die gemeynschafft des Leybs Christi. 1c. So  
würte es auch in eüwerer Stillmeß selbers / auch nach der  
Consecration/ vñd nach dem die Wort darüber gespro-  
chen seind/ Brot genennet. So ist kein Psaffin disem gan-  
zen Königreich / der nit nach entpfangnē. Sacrament/  
auch imgeben zum Beschluß sage/ O Herr/ verleyhe/ das  
mit wir das / so wir segunde mit munde genossen haben/  
auch mögen mit einem reynen hertzen (dz ist/ wie mich be-  
dunckt) mit warem glauben fassen. Es bekenet auch der  
H. Augustinus/ das diß/ das man im Sacrament des Al-  
tars sihet/ Brot seye/ das man aber darinn sein/ warhaff-  
tig glaube/ seye der Ware Leyb des Herzen Christi. Eben  
also lehret auch Fulgentius / ein feiner Lehrer der Kir-  
chen/ der warlich nit zünerwerffen ist. In der Stillmeß/  
die man liest am H. Christag/ ehe die Son auffgehet/ da  
lesen ihr also / Gott ist vns erschienen/ Also wöllo uns nün  
auch dise Irdische Substanz (verstand das Brot) auch  
geben



geben das ihenig/so Göttlich ist. Vnd beger/sie wöllet mir disen jetzt angezogenen Spruch auflegen vnd erklären.

¶ Erzbischoff. Jegund verstand vnd merck ich erst/was du suchest/vnd wa dich der Teüfel hin treybt/damit du dich der D. Kirchen Sagungen nicht ergebest. Laß aber das faren/vund gib mir also bald ein richtige antwort/Glaubstu das nach der Consecration/vñ nach dem die Wort gesprochen seind / im Sacrament des Altars/noch warhafftig vnd wesentlich Brot bleybe oder nit?

¶ Wilhelm. Diß ist ein spitzfündige frag / die meinem verstande weit vbertrifft/derhalben befilhe ich solches zu ergründen den geschwinden Sophisten vnd Schül Lehrern/vñ will ich mich des eynfaltigen Glaubens vnd Bekantnuß/so ich droben auß den Worten der D. Euangelisten gethon habe/halten vnd vernügen lassen. Die Sophisten pflegen solche verwirre fragen auff beyde theyl gegen einander zutreyben / biß das sie sich zuletzt selbsts nicht mehr verstehen/Vnd in dem sie vermeynen/sie seyen die aller gelehrtesten/vnd halten (biß sicher) vil auff sich selbsts/so werden sie doch/vnd seind die grösten Narren vor Gott.

¶ Erzbischoff. Ich beger dich nit mit solchen spitzfündigen fragen der Schül Theologen/zufahē/dann ich weyß wol/das du sie nit verstehest. Ich will dich aber zwingen/das du müßt der Kirchen Sagungen vnd Bekantnuß/glauben geben.

¶ Wilhelm. Es hat sich die Kirch mehr dan tausent ganger jar nach der Gebure Christi/zü irer seligkeyt/der Bekantnuß/die ich vom Sacrament oben gethon hab/lassen benügen. Was nun her

D ij nader/



# Von den G. Gottes Bekennen

Thomas  
von Aquin

naher / nach dem der Teüfel durch den Engel ledig gelas-  
sen ist / durch Brüder Thomam von Aquin / vnnnd andere  
dergleichen Sophisten / in die Kirch eyngesüret worden  
ist (als da ist die Frag / Ob auch ein Accidens on ein Sub-  
iectum sein künde / vnnnd dergleichen. 2c.) darvon halte  
ich / das niemandts schuldig sey dem selbigen zuglauben.  
Will auch auß dises Brüders erbettelten meynung / Fei-  
nen Artickel des Glaubens machen / Es mache vnd hand-  
le gleich der Allmechtig Ewig Gott mit mir / was seinem  
gnädigen willen wol gefalt. ¶ Erzbischoff. Du solt  
mir heüt auß meinen händen nit entgehen / du habest dan  
dise deine meynung vnd Bekantnuß geändert.

II. Aber jezund wollen wir vom andern Artickel / vñ nem-  
lich von den Bildern / reden / Was sagstu hiezü?

Von den  
Bildern.



¶ Wilhelm. Wir  
lesen im erstē büch  
Mosis / das alles /  
so Got im anfang  
auß nicht erschaf-  
fen hat 7 seye sehr  
güt gewesen. Der-  
halben auch ein je-  
de Creatur in sei-  
ner Art / vñ darzü  
sie 8 Herz fürnem-  
lich erschaffen hat  
soll ehrlich gehal-  
ten werde. Inson-  
ders aber ist der  
Mensch /

Mensch/als der von Gott in seiner Bildtнуß/vnd zu seiner Gleichnuß erschaffen worden ist/für alle andere thier auff Erden/herzlich zuhalten. So ist auch billich/das Christenleut/von wegen allerley herrlicher vnnnd hoher gaaben vnd gnaden/einander alle Ehr beweysen. So ist auch das holz/die stein/das zin/das Erz/Eysen/Silber vnd Goldt/darauff man die Bilder macht/alles vnnnd jedes in seiner art/für sich selbers güte. Jedoch so sollen die Bilder soll außgebauwene/gegossne vnd gemalte Bilder/vnd andere dergleichen ding/so von Menschen erfunden/von den Gleübigen Christē nit angebetet noch verehret werden/ob schon solches die Weltlich Oberkeyt ihr gefallen laßt/vnd erfordert/vnd zu Calendarn oder Ermanungs zeychen/fürgestellt werde solchen leuten/die Gott den Herren weder in seinem Wort/noch in seinen Creaturen loben/Ihn auch auß seinen herrlichen vilfaltigen Wunderwercken/nit verehren/sonder allein auß denen Bildtнуßen vnnnd Gestalten/die der Mensch selbers machet. Derhalben so könden vnd mögen iersterzölte ding/on sonderre Abgötterey vnd Gottesteuerung/nit angebetet vnnnd verehret werden/dieweyl sie die Art vnnnd Gestalt nit haben/darzu sie Gott erschaffen hat.

¶ Erzbischoff. Ich glaub auch/das man die Bildtнуssen nicht vmb ihres selbs willen also schlecht verehren solle/Sonder vmb der Form vnd Gestalt willen/die ihnen gegeben ist/oder vmb des willen/das sie also von aussen bedeütten. Als da ist/das Crucifix/das soll man ehren/von wegen des todes Christi/den es bedeütet. Item/die Bildtнуß der Dreyfaltigkeyt/der D. Junckfrawen Ma-  
D iij rie/

# Von den G. Gottes Befehlten

rie/vnd anderer Heyligen/soll man verehren/vmb deren ding willen/so durch solche Bilder bedeytet werden. Es pflegen doch sonst die Vnderthonen ihrer Welchlicher Herren vnnnd Potentaten/versiglete brieff ehelich zuentpfahen vnd zuhalten/Warumb wolte man dan das nit auch thun vnderzeygen den Bildenussen Gottes/vnnnd seiner lieben Heyligen? ¶ Wilhelm. Dis ist ein Menschliche gleichnuß/vnd kan mit nichten in Gottes sachen gebraucht werden/vñ dis so vil desto mehr/dieweyt Moses/Dauid/Salomon/Esaias/Baruch/vnd garnache alle andere Biblische Scribenten/mit außgetruckten Woeten/vñ mit angehenckter ernstlicher tröuung/allen Menschen alle die Bildenussen/so von Bildhauern gemacht worden seind/verboten haben. ¶ Erzbischoff. Du verstockter Fantast/Ob wol vor der geburt Christi vnseres Heylandes/kein außgedruckte Vorbildung der 17. Dreyfaltigkeyt gewesen ist/so haben wir sie doch jezundt/vnd das auß der Lehr vñ Predig Christi selbers. Vnd ob wol vil vnder den Gelehrten hin vnnnd wider seind/die da vermeynen/es seye sünd/das man die 17. Dreyfaltigkeyt abmale/so achse vnd erkenne es doch ich ein sehr notwendig ding sein/dieweyl es den Leyen vnd dem gemeynen man groesse vrsach gibt zur andacht.

¶ Vnd als der Erzbischoff solches gesagt hatt/wenn der er sich zu den seinen/so zugegen waren/redet sie an/vñ sprach. Es seind an etlichen orten ihensers der Meers solche Künstler vnd Werckmeyster/die haben einen solchen brauch/den ich mir auch trefflich wol gefallen lasse. Wann sie etwan ein Bildnuß/es sey mit malen/auß leyen/od sonst

Bilder we:  
den in Got  
tes Wort  
ernstlich  
verboten.

Von der  
Bildnuß  
d. H. Drey  
faltigkeyt.



sonst mit stechen/machen wollen / so gehen sie zuvor zum Pfaffen/bey dem im ire sünden/entpfahē die Absolution/ vnd geloben sich entweder zu fasten oder zu betten / oder Wallfarten zu gehen/Bitten auch den Pfaffen/das er ihnen in solchem Künstlichen Werck/bey Gott/mit seinem Gebett/zuhilff kome / damit sie ein andächtig Bild machen können. ¶ Wilhelm. Wir zweyfelt nit/wann solche Werckmeyster die Schriften Moses/Dauids/Salomonis/Esaii/Baruch/vnd anderer dergleichen/recht verstanden / es wurde sie solches ihres thuns bald gereuen/ Iha sie wurden auch vil lieber alles leyden wollen/dan ein sollich Gottalesterlich vnd vnfinig handwerck treyben. Aber die Pfaffen sündigen vil schändlicher / diemeyl sie ihnen in solchem vnrechtē fürnehmen / aller erst ein herg machen/das ihnen zu vollbringen/dz doch vor Gott/vnd seinem W. Wort/vnrecht vnd vermaledeyer ist. Wann die Pfaffen den Herrn Christo/vnd den W. Aposteln folgen/vnd ihr ampt recht geschaffen verrichten wolten/so darffte man zur Erkennuß Gottes/keiner solcher stummenden Gözen vnd Bilder. Aber je geys ist vnersetlich/Wardurch sie mit solchen vnd dergleichen Teüfels listen vnd geschwindigkeiten / das arme volck/das leichtlich zu überreden ist/zur ewigen verdammuß führen.

Erlicher  
Maler vnd  
Bildhau-  
wer schant  
liche an-  
dacht gleiß-  
nerey vñ ab-  
götterey.

Bild helf-  
fen zur er-  
kennuß  
Gottes  
nichts.

¶ Erzbischoff/ Ich halte dich / vnd alle andere deins Glaubens genossen/für verfluchte verdammte leüt / die irdermassen des gemeynen Volcks andacht verhindernen vnd auffheben. Soll dan das seyn sein / vnd gefalt es dir so gar wol/du Denckermässiger Lector/Wa in der Kirchen gar keine Bilder gesehen werden.

Wilhelm

# Von den H. Gottes Bekennern

Wer recht  
betet.

Joan. 17.

¶ Wilhelm. Niemandes better seliglicher / dan eben  
die / so alle ihre sin zúschliessen / vnd allein sich mit irem her-  
zen vnd gemüt / im Geyst vnnnd in der Warheyt zú Gott  
hinauff schwingen. Dann der Herr sagt / Selig seind / die  
da nit sehen / vnd dennoch glauben. Derhalben so sollen  
wir vns nit an die Bildenussen / sonder allein auff Got-  
tes Wort verlassen. ¶ Der Erzbischoff war vber sol-  
che red etwas zorniger / sagt derhalben. Du schandlicher  
Kerzer / Gott geb was du mir hiegegen eynfürest / so halt  
ichs doch Christlicher Religion gemäß sein / das man die  
Bildenuß der H. Dreyfaltigkeyt verehren soll. Was sagst  
stu dan hierzú? Es bewegt doch die Seel inwendig / wann  
der Mensch solche ding mit den Augen außwendig an-  
schauwer. ¶ Wilhelm. Ich wolte gern / das jr mich hie-  
rüber / welchs mir dan für vnd für in meinem herten ligt /  
genügsam berichteten. Diweyl Vatter / Son / vnnnd H.  
Geyst / von ewigkeyt ein Gott ist / auch eines ewigen Le-  
bens vnnnd Wesens / in beyden Testamenten / Desgleichen  
auch vil vnder den H. Propheten vnd Altvätern gewes-  
sen seind / die zúm theyl im Glauben dapffer bekennet / zúm  
theyl auch vmb solcher Bekennuß willen auch getödtet  
vñ gemartert worden seind. Was ist nún die vrsach / vmb  
welcher willen man im Alten Testament solche Bildenuf-  
sen / zú einer Erinnerung dem gemeynen Volck (wie jr  
wöllen) nicht hat wöllen zúlassen? ¶ Erzbischoff. Die  
Synagog der Juden hat nit so grosse macht vnd gewalt  
gehayt / wie aber jezundt die Kirch hat. ¶ Wilhelm.  
Der H. Gregorius / welcher ein weitberhümpter herli-  
cher Man gewesen ist / der hat (wie man in den Historien  
lisset)

lisset seinen mit namen Serenus / ob er wol ein Gottloser  
 Man war/hefftig gelobet/das er nit hat wollen die Bil-  
 der lassen anbetten. ¶ Erzbischoff. Du verschampst  
 maul / Ich glaub fürwar / du haltest eben so vil auff die Von wun-  
 Warheyt/als auff ein vnuernünfftigen Hund. Zu Lon- derzeychen  
 den ist ein Kirch/so da geneuet würt zu S. Paul/da han se bey den  
 gen so vil Wunderzeychen an der thüren / so gegen Mit- Bildern d  
 ternacht stehet / die die Junckfrauw Maria vber Meer Heyligen  
 vnd sonst hin vnd wider durch ganz Engellandt gethon beschehen.  
 hat/Solte nün das volck sollich ort/vnd dergleichen / nit  
 mit mehrerer andacht / vnd ernstlicher/dann die andern/  
 besüchen? ¶ Wilhelm. Des bin ich gewiß in meinem  
 hertzen/das die Wunderwerck/dardurch die Gögen vnd  
 Bilder groß gemacht/vnd herzlich gehalten werden/von  
 Gott nit geschehen. So ist auch in jnen kein solche krafft/  
 (wie ich auch in der statt Salopia offentlich geprediget  
 hab) vmb welcher willen sie von den Menschen solten be-  
 sücht/oder mit Eny biegen/opffern/gelübden / vnd ande-  
 ren dingen/sollen verehret werden. Dañ es hat der fromb  
 König Ezechias die ährin Schlang/die doch auß befehl Die Ehin  
 Gottes durch Mosen auffgerichtet wordē war/abgebro- Schlang  
 chen/vnnd zerschlagen / dieweyl sich zubeforgen war/das zerschlagē.  
 Volck wurde Abgötterey darmit treiben.

¶ So schreyben die h. Lehrer/Augustinus/Gregori-  
 us/Johannes Chrysostomus/vnnd vil andere mehr/das  
 die Teüfel selbers mit solchen Wunderzeychen die hertzen  
 der Vngleübigen/vmbßres Vnglaubens willen/vermas-  
 sen verzaubern/verblenden vñ betriegen. So sihet man  
 auch das das Volck auff den heütigen tag vil begiriger  
 vnd



# Vonden H. Gottes Bekennern

vnd mehr geneygter ist/solche Wunderwerck zubesuchen/  
dañ das W. vnd Seligmachend Wort Gottes zuhören/  
oder dem selbigen zuglauben. Derhalben vnser Erlöser  
auch den Pharißeern/zü irer grossen schand/selbs geant-  
wortet hat / das dise Ehbrednerische/arge vnnnd böse art/  
für vnd für grosse zeychen haben wöll/vnnnd sücke. Diege-  
gen aber folle man das W. Euangelium aller vnnnd jeder  
zeyt mit rechtem vnd warem Glauben hören vnnnd auff-  
nehmen. Gottes Wort soll vns für sich selbs / ohn alle zey-  
chen der Bilder/genüg sein.

¶ Darneben aber/dieweyl Gott der Vatter ein Geist  
ist/vnd kein solche gestalt hat / die wir künden begreifen  
oder verstehen/so kan ich mich nit genügsam verwunde-  
ren/was jr im doch wölt für ein Form/gestalt oder Bilde  
nuß machen vnd geben? ¶ Erzbischoff. Es lassen sich  
die rechten Kinder der Kirchen vernügen an der Bilde-  
nuß der W. Dreyfaltigkeyt / die sie von Jhr / als von der  
Mutter / so vil Jar empfangen vnd gehapt haben. Die-  
weyl aber du Gottloser Mensch/ein faul vnnnd stinckend/  
jha ein sollich Glid bist/das von der Kirchen abgeschnit-  
ten ist/so verachtestu auch alles/was sie als heylig erkant  
vnd geordnet hat.

III. ¶ Dieweyl aber der tag verlaufft/so gib auch antwort  
auff den dritten Artickel/von den Walsarten. Du hast ge-  
sagt(wie wir von Glaubwürdigen leuten verstanden ha-  
ben)das dises chorechte/vnd Vnuerständige/Flüchtige/  
Verfluchte vnd Arbeytselige leyt seyen / die auß Gelübd/  
entweder gehit Candelburg / oder Benerlach / Carlinge-  
ton oder Walsingen / oder an andere heylige oet / Wals-  
arten

von Gelüb-  
den vnnnd  
Walsarten

# vnd Martyrern/der iij. theyl. xvij

fartenthun. ¶ Wilhelm. Es mögen meine Widersä-  
 cher von mir gesagt haben/was sie wollen/ Ich hab in der  
 statt Salopia allein von zweyerley Wallfarten/die Gott Zweyerley  
Gott ge-  
fällige wal-  
farten.  
 gefällig seyen/ geprediget/ ¶ Erzbischoff. Welche hal-  
 testu dan/das sie nit recht Wallen gehen? ¶ Wilhelm.  
 Alle Menschen die Gott im geyst süchen/vnd von hertzen  
 den sünden vnd lastern seynd seind/befleissen sich auch die  
 gebote Gottes zuhalten/ die haben jha keinen andern  
 Glauben/dan wie in der Herz Christus im Euangelio sel-  
 bers lehret/oder sie in auß den Articeln des N. Allgemey-  
 nen Apostolischen Glaubens nemen. Dise befleissen sich  
 der rechten wercken der Liebe/es kompt ye einer dem an-  
 dern/nach seinem stand vñ vermögen./zuhilff/vmb keines  
 andern gegen gewinns/ dann allein vmb der verheysung  
 Gottes willē. Dise eröffnen auch on vnderlaß dem Herze  
 ire Gewissen/hütten sich/damit sie in nit beleydigen/vnd  
 ist jnen die gröste freud/ wann sie in jren nechsten Brüdern  
 vñ Schwestern/den Herren Christum selbers sehen/wann  
 sie alle Welliche glückseligkēyt verachten/ des Fleysches  
 bösen gelüsten vñ begirden absagen/ In widerwertig-  
 kēyt/creüz vnd leyden/gedultig/in allen handlungen für-  
 sichtig vnd klüg/jha der tugentgang ergeben seind. Dise  
 fragen auch nichts nach aller Tyrannen greüwlichkēyt/sie  
 tragen nit den armen herzlichen mitleyden/ In gebett  
 seind sie embsig/vnd folgen dem Herren Christo/ in vilen  
 andern/vnd dergleichen stücken/in warer Gottseligkēyt  
 nach. Also seind alle die beschaffen/solche eygenschaften  
 vnd Göttliche warzeychen haben vnd tragen sie an jnen/  
 die dem Allmechtigen Ewigen Gott in jrer Wallfart ge-  
 fallen.

¶ ij Was

# Von den H. Gottes Beteueren

des Papsts  
Walfarten  
wie sie be-  
schaffen sey-  
en.

¶ Was aber auß erwern leuten ist/so da Wallen ge-  
hen/die haben solche eygenschaften warer Gottseligkeyt  
nit an jnen/dz hab ich selbs züm oftternmal vnd eygentli-  
chen erfahren. Man findet vnder sechs hundertten kaum ei-  
nen/der die gebott Gottes wisse/der das H. Vatter Vn-  
ser/den Christlichen Glauben/recht betten vnd sprechen  
künde. So haben sie etwan auch/vñ gemeyniglich lieder-  
liche vrsachen/vmb welcher willen sie solche Walfarten  
fürnehmen/als da ist/des Leybs gesundtheyt/güte Gesell-  
schafft/gut Glück/Vberfluß/Witwill/Schwelgerey/  
Hürerey/ıc. Aber lieber was finden solche leut/nach dem  
sie vil Gelds verzehret/vnd müde füß gemacht haben/an-  
derst/dañ eben Todtenbeyn/vnnd stumme Götzen. Wer si-  
het nün nit/der ein wenig vom geyst Gottes erkant hat/  
das solches alles eytele vnd vergebne ding seind. Wñ es  
dan schon gelt tregt (wie es dann warlich tregt) so würt  
doch dasselbig alles /entweder den geyzigen Geldsüchtis-  
gen Pfaffen/oder den schandlichen vnehlichen weibern  
vnd Huren zutheyl. Will jergunde geschweygen / das da-  
heymen etwan Weib vnd Kind/ih a das ganze Haus ge-  
sind manglen müß/dar für doch ein jeder Christen mensch  
schuldig ist/für allen dingen sorg zutragen. Was man nün  
nach dem befelch Gottes./zū nutz vnserer nechsten Men-  
schen/vnnd vnserer Freünden/solte verwenden / das ver-  
schwenden die armen leut ohn nutz vnnd vmb sonst. So  
seind deren vil / die entweders solch gelt entlehenen / oder  
aber stelen/das jnen zū solcher reys von nöthen ist / gibts  
aber kein theyl wider. Da sären sie dan auch mit jhnen jre  
eygne Spilleut vnd Pfeiffer/Singen etwan auch die al-  
ler schandt,



ter schandlichsten Lieder/damit sie ihren fleyschlichen müe  
willen büßen. Wan sie dann wider heym komen/so brin-  
gen sie nichts anders/dan greüwliche vnnnd gleißnerische  
Gotteslesterung/vnd verfluchte Luginen mit jnen.

¶ Erzbischoff. Du verzweyfelter Lesterer / du sihest  
vnnnd verstehst noch nit das ihenig / das in solchen Wal-  
farten das aller fürnembste vnnnd gröste ist/ Als da seind/  
der armen leüt die also Wallen gehen / mühe vnd arbeyt/  
auch allerhandt aufferlegte peen vnd straff. Darumb so  
bedunckt mich das in alle weg verdienstlich vnnnd löblich  
sein/das du dermassen schendest vñ schmähest. Ob sie dan  
schon auch etwan Spilleüt vnd Pfeiffer bey jnen haben/  
dardurch sie kurgweyl süchen/vnnnd jrer müden füß vnnnd  
mühseligen reysß desto mehr vergessen/dz schadet der Wal-  
fart nichts. ¶ Wilhelm. Paulus lehret / man soll nie

den weynenden auch weynen. ¶ Erzbischoff. Gott  
geb was du wider solche leüt plapperst/so halt ich doch/  
das die Walfartenden menschen zu höherer vñ grösserer  
gnaden verhelffen / von deren du aber gar nichts weyst.  
Summa du richtest alles miteinander dahin/damit du  
das Volck von jrer andacht abtreyst. Aber das du zum  
letsten hie eyngesüret hast/hilff dich nichts/dan der Kö-  
niglich Prophet David sagt /das man Gott mit allen  
Instrumenten loben vnd preysen könne. ¶ Wilhelm.

Disen Spruch soll man iezundt / nach gemeiner Aufle-  
gung der Alten Lehrer/vom Geyst verstehen/vnd stimmen  
hiemit die Auflegung des H. Apostels Pauli/8 da sagt/  
das solches alles vorzeytten in der Figur beschehen sey.  
Derhalben so sollen wir vns fleissig verhüten/damit wir

Wz da heis-  
se Gott off  
alle Instru-  
mente lobē

# Don den H. Gottes Bekenner

nit/wan wir also bloß auff demt alten Büchſtaben bleyben wollen/des rechten zwecks vnd verſtands verſähen/  
Der Herr Chriſtus (wie man liſet Matt. in ix. Capitel)  
der wolt die tochter Jairi nit ehe vom todt auſſerwecken/  
es weren dann zuvor die Pfeiffer hinanß getriben/als die  
vil mehr hinderten/wan man etwas in Glaubens ſachen  
handlen vnd aufrichten wolte.

Da de Org  
len in der  
Kirchen.

¶ Erzbischoff. So höre ich wol du ſchalck / dein meynung iſt / als obſſte man in der Kirchen keine Orglen zu lob Gottes brauchen. ¶ Wilhelm. Nach menſchlicher ordnung ſo braucht man ſie / das weyß ich wol / Aber nach dem beſelch Chriſti / wurde ein Euangelische Predig / beyde Gott dem Herren angenehmer / vnd auch dem Volck vil nützlicher ſein / dan eben die Orgel. ¶ Erzbischoff. So halt ich dargegen / das die Siglen mit ſren lieblichen ſtimmen die hertzen des gemeinen Volcks mehr bewegen / dan vil tauſent Predigen. ¶ Wilhelm. Ich glaub wol das die Weltkinder / ab ſolchen dingen groſſe freud entpfahē / aber es iſt vil ein ander ding vmb die verachtē Diener des Herren Chriſti / die begeren nichts anders / dan das ſie an der ſeelen mit geſunder ſpeych verſehen werden. Dan Gottes forcht / vñ die hohe liebe / die ſie haben zu den himliſchē ewigen dingen / die wenden vñd füren ſie ab / von allem / ſo in diſer Welt zergänglich / vñd dem Fleiſch wolgefellig iſt. Wie dan auch der H. Hieronymus gar herzlich vñd ſeyn ſagt / Das es vnmöglich ſeye / In diſer Welt wöllern freud vñd allen wolluſt / vñd auch nach diſem das ewig leben haben.

Merck.

¶ Ab diſer anwort ward der Erzbischoff hefftig erzürnet

# Vnd Martyrern/der iij. theyl.

xx

zürnet/vnd sage / Warab meynt jr/das sich diser Jdioc  
vnd vngelerete Mensch entsetzen oder fürchten solte/die/  
weyl er doch in meiner gegenwertigkeyt so frech vnd frä/  
uel redet? Aber bey dem lebendigen Gott/du würst vnd  
solt noch anders erfahren.

¶ Was sagstu nun auff den vierdten Artickel. Ist  
auch den Priestern erlaubt/das sie den Zehendē von iren  
Pfaritkindern/fordern mögen? ¶ Wilhelm. Ich hab  
in meiner Predig zu Salopia/des Zehendē nye gedacht.  
Aber nach dem ich einen ganzen Monat im gefändnuß  
gelegē war/kam zu mir ein Unbekannter Mensch/der fra-  
get mich vil vnd weytleüffig vom Zehenden. Dem hab ich  
nicht wollen/vnd ob ich schon gewölt hett/nicht kōnden/  
mein antwort/auff die fürgehaltenen fragen verschwey-  
gen. Dañ Petrus vermanet vns alle/das wir einem jedē/  
ders begert/rechenschafft vnsers Glaubens/mit beschey-  
denheyt geben sollen. Dem hab ich nun geantwortet/das  
man vnder dem schatten des Alten Testaments/den Ze-  
henden den Leuten schuldig gewesen sey / Aber der Herr  
Christus vergönne den seinen solches im Neüwen Testa-  
ment nicht. Dann er gebietete/das man sich der Werck der  
Barmhertzigkeyt in alle weg beflissen soll/wa es sich zu-  
tragen wurde/das vnser nächster/vnserer hilff wurde von  
nöthen sein. So habe sich auch der Herr Christus selbst  
mit sampt seinen Jüngern/nicht vom Opfer oder vom  
Zehenden/sonder auß liebe reichem Alimüßen/vnd gemeyn-  
er freyheit/deren/ denen er geprediget hat / vnderhalten.  
Vnd nach dem er ist gehn Himel gefaren/da haben die lie-  
bē H. Apostel/auch nach dem sie den H. Geyst entpfan-  
gen

III.

Vom Zehenden der  
Priester.



# Von den H. Gottes Bekenner

Wes rechte  
Priester  
Christi seye

gen haben/mit ihren eygenen händen gewercket/damit sie  
auch speys zur notturfft haben möchten/wie man solchs  
an vilen orten in Paulo sehen kan. Jedoch so sey auch vō  
nötten/das die/so das Euangelisch Predigamt führen/  
auch vom Euangelio leben/wie dan auch der H. Apostel  
Paulus an einem andern ort anzeyge. Soliset man auch  
bey etlichen Glaubwürdigen Histori schreybern/das den  
Zehenden in der Kirchen aller erst auffgesetzt hab Papst  
Gregorius/der zehend des Namens/ Im Jar als man za  
let nach der geburt Christi M. CC. vnd LXXI. Taus  
ist aber der kein Priester Christi/der seinen vund der H.  
Aposteln fußstapffen nicht nachfolget/ob er wol tausent  
mal geschmiert/gesalbet vnd beschoren ist/wie dan solchs  
die H. Väter/Augustinus/Gregorius/Chrysostomus/  
vnd Lincolniensis Gotteseliglich beweysen.

¶ Erzbischoff. Meynstu auch/das solche Lehr dem  
gemeynen Man zur auffbauung vnd besserung dienst  
lich seye? Sie ist doch wider alle der H. Väter Sagun  
gen vnd Decret/die den Priestern den Zehenden nit miß  
gönnen/das Opffer nit nemen oder verbieten/auch des  
Volcks andacht in denen stucken allen nit verhindernen.

¶ Wilhelm. Wan der Psaffen ein wenig minder we  
ren/vund man keinen zu einem Priester machere/er were  
dan nach dem Exempel des Herren Christi/vund seiner  
Aposteln/in der Predig Göttlichs Worts fleissig vund  
ernstlich/So wurde on zweysel das Christlich Volck wol  
so vil zusamen legen/das ein jeder der notturfft nach/sich  
wol hette zu underhalten.

¶ Solche red verdroß einen auß den Priestern/so zu  
gegen

zufragen war/ Der halben gab er ihm hierauff antwort/  
vnd sagte/ Du hast im redlich gesagt/ Solten wir erst  
auff des Volcks freywillige vnderhaltung warren? Es  
gibt doch mit vnwillen dz ihenig/ so es Rechts halben zu-  
geben/schuldig ist. ¶ Wilhelm. Es ist kein wunder/ob  
schon das Volk den Pfaffen seynde vnd zuwider ist/dan  
je leben/thun vnd lassen/ist des Herren Christi Lehr vnd  
Leben ganz zuwider. Vorzeyten gab man nach gemey-  
ner des Rechts Erkennuß/ vnd eheylet vnder die ar-  
men auß/ was von den Zehenden/ Stifftungen/ Legaten  
vnd anderen des gemeynen Volcks Steuern vnd Allmü-  
sen/nach dem die Kirchendiener versehen waren/ vberbly-  
be. Aber darnach haben sich die Geystlichen selbers zu  
Schaffnern deren Güter gesetzt/ vnd sie in iren eygne-  
n nutz verwendet/ Ihazres Amptes gar vnd ganz verges-  
sen/vnd (das auch ein schand ist/das mans sagen soll) zu  
allem vberfluß schändlich mißbraucher. Solt es dan ein  
Wunder sein/wan schon der gemeyn Wan anfahet dassel-  
big güte vnd steuer an sich zuziehen/dieweyl sie sehen/das  
sie sich auch hiemit/irer sünden/schanden vnd lastern/die-  
weyl man solche steuer zu aller bößheyt mißbrauche/etli-  
cher massen theylhafftig machen.

welcher ge-  
stalt dz Kir-  
chen güte ist  
ausgerbey-  
let worden.

¶ Erzbischoff. Du würdest nimmer mehr güte thun/die  
Lecker/dieweyl du die Kirch/dein Geystliche Güter/der-  
massen verachtest. Schemest du nit/das du solche ding  
darffst öffentlich vñ so vnverschämpt für allem volck leh-  
ren vnd predigen? Ist nit der Zehend/zü vnderhaltung  
der Priester/norwendig? ¶ Wilhelm. Nach der Lehr  
des H. Appestels Pauli/so hat man allein den Zehenden

§ den

# Von den H. Gottes Bekennern

den Priestern oder Leviten im Alten Testamente gegeben. Diweyl aber Christliche Priester nit vom stamē Levi sonder Juda seind/so gehört ihnen auch der Zehend/nach Gottes verheysung nit zu. Diweyl dan auch das Priesterthumb geändert worden ist/so ist auch das Gesetz geändert/also das wir nun hinfürter nit Mosy/sonder dem Herren Christo vñ seinen H. Aposteln/als die vnserer rechten Priester seind im Neüwen Testament/nachfolgen sollen. So ist es auch nit billich/das der Jünger höher vnd grösser sey/dan sein Meyster/Sonder dz er sich nach dem Exempel seines Meysters/in aller Eynfalt/beschreyden heyt/Sanffmüt vnd gedult erzeyge.

Der Erzbischoff verflucht Wilhelm.

¶ Hierüber ward der Erzbischoff gar vnd gang ergrimmet/vnnd sagt/diweyl du dan dem Alten Testamente nicht dan dem Neüwen/vñ den Leviten mehr dan vnsern Priestern zügibst/so wölle vnnd müsse dich Gott an leyb vñ an seel straffen vñ verfluchen. ¶ Wilhelm. Wich wundert/das jr den H. Apostel Paulum nit anderst vnd besser verstehen. Der Herr Christus vnnd seine H. Apostel/seind ja vil vollkommener gewesen/dann im Alten Testament/die Levitischen Priester gewesen seind. So sagt der H. Hieronymus(welches er on zweyfel auß dem H. Apostel Paulo erlernt vnd genommen hat)das die Priester zu seiner zeyt/entweders widerumb Juden wölten werden/oder aber den Zehenden mit keiner billichkeit erfordert. Vnnd was thün sie anderst/wann sie also für vnnd für im schatten des Mosaischen Gesetzes hangen bleyben/dan das sie mit sampt den Juden/verleügnen/das Jesus Christus/der Sun Gottes/noch nit ins Fleysch kommen vnd Mensch worden sey.

Erzbischoff



# vnd Martyrern/der iij. theyl. xxij

**¶** Erzbischoff. Habt jr auch yemals ein Keger also  
hören reden? Aber das ist jr gemeyne Lehr/mie disen boß-  
haffteigen pseylen / schenden vnd vndererucken sie für vnd  
für die freiheit der Kirchen. **¶** Wilhelm. Lieber was

freyheiten könden jr in der Kirchen auß den Lebenden  
erhalten/dieweyl doch weder der Herr Christus/noch sei-  
ne h. lieben Apostel / den Lebenden genommen haben.

Dargegen aber kan ich wol mit der warheyt sagen/die-  
weyl die Pfaffen den selbigen so geytzig eynsamen / das  
die Kirch vil mehr geerget / vnd ihrer habenden rech-

ten freihelt beraubet würe. **¶** Erzbischoff. Warumb  
predigest du vnd deints gleichen/nit eben so wol ernstlich  
mit eyngesürten Sprüchen der h. Schrifften/vnd Alten

Lehrern/wider das gemeyn volck/wie jr aber wider vns/  
die Priester vñ Geystliche thut? **¶** Wilhelm. Wir haben

in vnseren Predigen kein ansehen der Personen/sonder  
zeygen menigktlichen an/was jr Ampt ist/straffen auch in  
gemeyn alle Sünden vñ laster. Jedoch so heben wir zum

ersten an den Priestern an / welche der h. Chrysostomus  
sagt / sie seyen der Wagen des andern gemeynen Volcks/  
dieweyl wir wissen / das sie in grössern vnd greülicheren

sünden vnd lastern stecken/weder andere leüt. Dañ sie ver-  
derben vnd verunreynigen durch jr Woffart/Simoney/  
Stoltz/Wollust/Neid/Haß/vnd andere dergleichen sün-

den/alle Ständ vnd Ordnung im ganzen Volck/vñ reyn-  
gen auch Gottes gerecht vñ theyl vñ straff/vber alle Men-  
schen / dieweyl sie niemandes vmb solcher sünden willen

straffen.

**¶** Erzbischoff. Du achtest die fürhoffertige leüt / die

S ij nit

Ein fromer  
Prediger  
siehet in sei-  
nem Predi-  
gen die per-  
son nit an.

# Vonden H: Gottes Befehlern

Von der  
Kleydung.

Anzeyg ei-  
nes hoffer-  
rigen stol-  
zen Prie-  
sters.

Vom virey-  
len vnd ver-  
dammten der  
Sünder.

nitz wie du/sond ehrlichen vnd statlichen bekleidet seind.  
Es seind aber die selbigē/ob sie schon in Scharlach/Sam-  
mat vnd Seydin bekleidet seind /vil freündlicher dann  
ebendu/ob du gleich beschaben vnd vnflätig daher zeü-  
hest. Aber sag mir/Warbey erkennest vnd vithylest du  
das ein Priester hoffereig vnd stolz seye? ¶ Wilhelm.  
Wann er den Herren Christum/vnd seine 12. Apostel ver-  
achtet. Dā die selbigē haben aller Welt vñ des Fleyschs  
anreychlichen üppigkeyten vrlaub geben/vñ seind an-  
Geyst arm gewesen. Vnsere aber od eüwere Priester/die  
stellen od vberkōmen etwan mit gewalt/diser Welt Ehr-  
Reichthumb vnd Wollust/Treyben auch mit den Geyst-  
lichen gütern ein schandliche Kauffmanschafft/vñ ver-  
unreynigen also nach dem Exempel Jude des Verhän-  
ters/vnd Simonis des Zauberers/die herrlichen Kirche  
vnd Tempel Gottes.

¶ Erzbischoff. Wā du sorgest einē Priester wistest/  
der mit allen jesterzöltē lastern behafftet were/od ein Dū-  
ren bey jm hett sitzen/woltestu in auch darumb verdam-  
men/oder für einen verdampfen halten? Dā ich sag dir/  
das sich ein solcher in einem Augenblick recht mag bekehren  
vnd bessern. ¶ Wilhelm. Ich will niemands verdam-  
men/Jedoch so bedunckt es mich ein böses zeychē der büß  
sein/wā ein Priester/der der massen gesündigt hat/nit  
auch offentlich sein Büß vnd reüwe bezeüget vnd war-  
machet. Aber man sihet das der grösser vnd wehrer theyl  
vnder jnen/nit ein mal oder zwey mal /sonder für vñ für/  
vnd biß sie gesterben/in solchen sünden fürfaren/vñ sünd  
mit sünd täglich hauffen. Von demē halte ich/das sie zum  
Tode

Tödt sündigen/ für welche man auch/ wie Johannes sagt/ nit bitten soll.

¶ Da stünd einer auß den Priestern auff/ so zugewen waren/ redet den Erzbischoff an/ vñ sagt/ Herr/ Ich achte es sey hienon genüg/ dan ye mehr jr fragen/ ye halßstarreriger er würt/ vñ beschleißet ihm für vñnd für sein eygenest. ¶ Der Erzbischoff antwortet dem Priester/ vñ sprach/ Verzeüch noch ein weyl/ dann es ist noch eins vorhanden/ dauon man auch fragen muß.

Vñ redet den Gefangnen an/ vñnd sprach/ Man hat V. züm letzten wider dich klagt/ das du zu Salopia solst gepredigt vñnd gesagt haben/ Eydt schwören seye vnrecht vñnd in alle weg verbotten? ¶ Wilhelm. Dis hab ich schwär. nyemals weder gedacht/ noch geredt/ sonder ich hab nach der zeügnuß des H. Euangelij/ vñnd des H. Apostels Jacobs/ also gepredigt/ das ein Christen Menschen verboten seye/ durch die Creaturen oder Geschöpfften Gottes/ (wie dann der gemeynbrauch ist) zuschwören. Hab auch gesagt/ das man gar nit schwören soll/ wañ man vor dem ordenlichen Richter die öffentliche vñnd bekante Warheit durch andere Mittel kan erweisen vñnd beybringen. Wa aber das nit sein kan/ so hab ich gelehrt/ das man wol möge mit dem Eydt schwär/ der aber allein vñder dem namen Gottes/ welcher die ewige Warheyt ist/ beschehen solle/ die Warheyt bezeugen vñnd bestättigen.

¶ Die antwortet ein Priester/ fraget den gefangnen vñnd sprach/ Wie sagstu/ Solte nit einem Vnderthonen erlaubt sein/ das er nach befelch seines Prelaten vñnd Oberherren/ mit gebognen knyen/ vñnd angerürtem Euangelij



# Von den G. Gottes Bekennen

Nom gehor-  
sam d. Prie-  
laren vnn  
Oberherz

büch/auff nachfolgende weys schwören dörfte/vnnnd sa-  
gen/So war mir Gott helffe/vnd diß sein H. Euangelie  
um ec. So doch sonst ein jeder treuwer vnderthon/für  
sich selbs/vnd freywillig alles das thün würt/das in seins  
Prelat vnd Oberherz heysset. ¶ Wilhelm. Mich be-  
duncket/diser handel hab sein seyne ordnung/die man frä-  
ueler weyse nit vbertretten vñ verbrechen solle. Wie wā  
vns unsere Prelaten in der Kirchen/etwas vnehilichs  
vñ vnrechts wurden gebieten/müßten wir ihnen darumb  
eben folgen vnd gehorsam sein.

¶ Erzbischoff. Was für gewalt die Oberherzen ha-  
ben/weysen menigklich wol/Aber wā sie schon etwas vn-  
rechts würdē gebieten/so soll man ihnen doch gehorsam  
sein/vnnnd dörfen sich die vnderthonen hierüber/ob sie  
wol schwören/keiner sünden/oder gefährlichkeyt be-  
sorgen.

¶ Wilhelm. Dese wundbarliche red verstand ich noch  
nit genügsam. Aber laßt vns wider auff die fürgenomēn  
frag kōmen.

¶ Ich hab auff einzeyt in eines fürtrefflichen Wais-  
haus zu Inbiss gessen/vnnnd daselbst eben von diser fra-  
gen/ als nemlich vom Eyde schwören/einen Theologum  
oder Prediger/auff H. Göttlicher Schrifft/vñ einen Ju-  
risten/auff den Welclichen Rechten/mit einander hören  
disputieren vnnnd sprach halten. Der Jurist der wolte/  
das/wā einer vom Richter/in einer rechten sachen dar-  
zu angesprochen vnnnd erfordert wurde/ein jeder Mensch  
wol möchte die handt auff das büch legen/vñ also schwö-  
ren/Wer aber vermercken wurd/das die sache falsch vnd  
vnrecht

Ob es auch  
recht sey/  
bey dē Eren-  
turt schwö-  
ren.

# **Vnd Martyrern/der iij. theyl. 221**

vnrecht were/das er die hand / gefahr zuuermeyden/solte  
 hinweg thun.

¶ Dargegen fñret der Theologus oder Prediger ee-  
 liche rsachen eyn / vñnd saget / Welcher die handt auff  
 das bñch legt/der leßtert Gott/vñd erget seinen nechsten  
 Menschen. Dañ was ist das bñch anders / dañ ein Crea-  
 tur/oder ein ding/das auß vilen Creaturen vñ Geschöpf-  
 fen zusamen gesetzt vñd gebunden ist. Derhalben wer al-  
 so schwört/der thut nichts anders / dann das er die todte  
 vñnd zerstörliche Creaturen zu Zeügen der Warheyt/die  
 da Ewig ist/anruffet. Welches aber auch / nach meinem  
 verstandt/verbotten/ vñnd von Gott dem Herren selbs/  
 im Gesag nit zugelassen worden ist/ So bezeügt auch sol-  
 ches der H. Chrysostomus/vñnd strafft die beyde/nit al-  
 lein den/der auff iersterzölce weyß schwört / sonder auch  
 den/der das bñch herfür bringet.

¶ Als die Assessorn vñd Baysinger solchs hörten/sien-  
 gen sie an zulachen/vñd allerley schand vñd schmachwort  
 wider in zureden. ¶ Der Erzbischoff aber/der sieng  
 an/in alle peyn vñd Marter zutrduwen / wa er nit einer  
 andern meynung sein vñnd werden wolt. ¶ Wilhelm.  
 Dis ist nit mein meynung allein/ sonder auch des Herren  
 Christi/des H. Apostels Jacobs/des H. Chrysostomi/vñ  
 anderer alten Väter.

¶ Da befalch der Erzbischoff/ das man da aufflegen  
 vñd herfür thun solte/die Predig Chrysostomi / die er zu  
 Candelburg auff ein briefflin abgeschrieben/dem gefang-  
 nen Wilhelm genomen/vñd sie seiner Diener einem gege-  
 ben hatt. Vñnd als dise Predig offentlich verlesen ward/  
 bis

# Vonden H. Gottes Bekennern

Wie es zu verstehen sey/dz Chrysostomus sagt/Recht schwöre sey auch sünd. **Bis** auff die wort/da Chrysostomus sagt/Das auch recht vnd wol Schwören/sünd sey/1c. bat Valuerenus (einer auß den Bessigern) den Erzbischoff/er wolte doch den gefangne Wilhelm fragen/welcher gestalt er die selbige Wort verstehen vnd auslegen wolte: Welches auch der Erzbischoff nachmals gethon hat. ¶ Wilhelm entsetzt sich erstlich ab solcher fragen/ Jedoch antwortet er lestlich/ getröstet durch den geyst Gottes/vnnd sprach/ Man findet etliche leüt/die in gemeynen geschäften ohn vnderlaß den Allmechtigen Ewigen Gott (damit man ihnen desto mehr glauben gebe) zum zeügnuß der warheit/anruffen vnd nennen. Welches doch aber wider Christliche Religion/vnnd gang fräuel gehandelt ist / dieweyl sie doch hiezü von keinem ordentlichen Richter erfordert od getrungen werden/vnd der Herr Christus zu solchen leütten sagt/ Man solle aller ding nit schwören: Auff vnd wider solche leüt nün/soll das ort vnd der spruch im Chrysostomo verstanden werden. Dañ auß solchem / Kompt dañ vnder dem gemeynen Dañ vnd entsethet/die schandelich leichtfertigkeit des falschen schwörens/ damit sie entweder etwas gewinnen/oder andere leüt betriegen/oder sie selbers der straff enttrinnen mögen. ¶ Erzbischoff. Es mag villeicht solch ort also/vnd auff die weys/wie jegundt erzöle ist/außgelegt vnd verstanden werden. ¶ Da sprach den gefangnen Wilhelmum ein anderer Priester an/vnnd sagt/Lieber was haltestu den Erzbischoff lang auff/leg die handt auff das büch/vnd schwör/du wöllest seinen vnd der Kirchen sagungen/hinfürt gehorsam sein. ¶ Wilhelm. Hab ich nit vor gesagt/das ich vor



# vnd Martyrern/der iij. cheyl. xxv

ich von einem Lehrer der H. Schrift das gelernt hab / in  
 einem gleichen fall / das es eben so vil sey das Buch anrüh-  
 ren / vñ durch das Buch schwören. ¶ Erzbischoff. Das  
 sag ich / es muß mir in ganzem Engellandt kein gelehrter  
 bleybē / der entwedts nit schwören müsse / wa man es von im  
 erfordert / od aber gewißlich mit dir gleiche straff leydē vñ  
 tragen solle. ¶ Wilhelm. Ist euch der H. Chrysostomus  
 nit genügsam zu einem zeügen / in diser sachen? ¶ Erz-  
 bischoff. Jha er ist. ¶ Wilhelm. Dieweyl dan Chrysosto-  
 mus sagt / dz der ein Gottsesterer sey / der allein das buch  
 herfür bringt / dem / der da schwören muß / wievil mehr hal-  
 tet er den für einen Gottsesterer der den Eydt durch dz  
 Buch selbers thut. ¶ Erzbischoff. Wir nemen Chryso-  
 stomum nit an / wa er etwas anders / dan es die Kirch er-  
 kant vnd beschlossen hat / lehret.

Daredet der eine Priester weyter vñnd frage / Hat nit  
 Gottes wort / eben so grosses ansehen / als Gott selber?

¶ Wilhelm. Das widerspricht niemands. ¶ Priester.  
 Warumb wiltu dan nicht beym Euangelio schwören / so  
 doch das Euangelium eben das / das Gott / ist? ¶ Wil-  
 helm. Der H. Augustinus sagt es sey nit Christlich / wañ  
 ein brüder dem andern nit eynfaltig glauben geben will.  
 Derhalben so biñ ich bereyt vnd willig / auff eüwer gefahr  
 in Gottes wort schwören / dieweylich doch sihe / das man  
 mir sonst nit glauben will. ¶ Priester. So lege nün dein  
 handt auff das Euangelium / vñ schwöre. ¶ Wilhelm.  
 Kan man auch das Euangelium mit den händē begreif-  
 fen oder anrühē? ¶ Priester. Ey du treybst schimpffschä-  
 ding. ¶ Wilhelm. Lieber sage mir / welches stehet einem

G Christen

# Von den H. Gottes Bekennen

Welches Christen menschen baß an/das Euangelium anrühren/od  
des rechte dasselbig lesen? ¶ Priester. Das lesen. ¶ Wilhelm.  
Euangelia Der H. Hieronymus zeüget / das dz nit ein Euangelium  
seye.  
sey/wañ man schon die Büchstaben liset / sond wañ man  
22 Gottes wort mit rechtem glaubē annimpt. Item/nit die  
22 bletter im büch / die gar bald zerissen seind / sondern die  
22 Warheyt selbers/die man im Herzen glaubt. Vnd saget  
22 weyers. Das Euangelium/welchs ein krafft Gottes ist/  
22 das bleybt nit in Pergamentenen blettern / sonder in ei-  
22 ner starcken wurzel eines rechten waren glaubens. Bley-  
bet auch nit in solchen büchstaben die mit dinten geschry-  
ben seind / sonder im verborgnen verstande der H. Gött-  
lichen Schrifften. Also sagt auch Paulus in der Epistel  
an die Corinther. Das reych Gottes/spricht er/ stehe nit  
in der red oder in den Worten/sonder in der krafft. Vñ Da-  
uid sagt / Die stim des Herren ist in der krafft/Durch das  
wort des Herren seind die Himel gefehnet / vnd durch des  
Geyst seins stils all ire krafft/es seye Engel/ od menschē.  
¶ Priester. Du woltest gern/das wir in denen dingē/  
mit dir diezeyt also vnnützlich vertribē. Nennet man nit  
auch dises Euangelia/die in vnsern Messbüchern geschry-  
ben stehen? ¶ Wilhelm. Ihr nennen sie wol also/ aber  
durch einen mißbrauch. Bey den Philosophis vñ Natur  
Kündigern nimpt man ja etwā das fürnembste theyl/  
für das gang ding. Also wirt etwā die Seel des Mens-  
chen/die nit mag mit den Natürlichen fünff sinen begrif-  
fen werden/für den gangen menschen genommen. So ist  
auch sonst ein verborgne krafft in einem jeden baum/ die  
man aber mit eüsserlichen augen nit sehen kan. Vnd dies  
weyl

weyl wir droben vom greyffen anrüren oder betastten ge-  
redt haben/ So haben jha auch den Herren Christum/  
weyl er noch auff erden gelebt vnd gangen ist/vil leüt/ge-  
sehen/gehört vnd berüret(wie auch vil auff den heütigen  
tag die Schrifft lesen/auflegen vnd schreyben) vnd seind  
nit vmb ein haar frömer od besser wordē. Wie nün die ewi-  
ge Gottheit nimer mehr on glaubē erkant würt/also kan  
man das Euangelium nit fassen/ohn den Geyst Christi.

¶ Priester. Du bringest vil wunderbarlichs vnd vnge-  
reümpes dings herfür. Wan jr gesellen/die ihr doch wolt  
des volcks Fürsteher vnd Lehrer sein/dise kleyne geringe  
ding nit verstehen wöllen/so ist warlich zübesorgen/ein-  
werde/wie vor zeyten/den Fürsten vnd Eleisten des Jü-  
dischen volcks/das Himelreich gar enenommen werden.

¶ Da sagt Valuerenus. Weystu nit dz etwan ein ein-  
zig wort vilerley bedeutungen hat/ vnd auff mancherley Dz wörtlē  
himmelreich  
würdt man-  
cherley in  
H. Sch:iff  
te verstan-  
den.  
weyß genomen vñ verstanden würt: Das wörtlē Himel  
reich bedeitet mancherley. Wz verstehestu aber hie durch  
dasselbig wörtlē: ¶ Wilh. Wie mich meine Fürsteher ge-  
lehrt habē/so nime ichs an disem ort/ für dē verstände d. H.  
Göttlichen Schrifftē. ¶ Priester. Von welchē würt nün  
solch Himelreich hinweg genomen: ¶ Wil. Vö den Wey-  
sen diser welt/die die obersten sitz süchē in den Schulen/vñ  
sich selbers so für weyß haltē/dz sie vermeynen/ sie dörfen  
wed dem Herre Christo/ noch seinē H. Aposteln ettwariñ  
nachfolgē. ¶ Erzbischoff. Du ellender mensch/du vrthey-  
lest für vñ für die Geystliche Prelatē. Bey dem lebendigē  
Gott/d. König thut vnrecht/wan er dich vñ deins gleichē  
nit lasset verdainen vñ tödten.



# Von den 5. Gottes Bekenern

Von der  
Beycht.

Demnach warff im ein anderer Priester entgegen vnd verwiße im/ wie das er den vergangenem Freytag/ einem Knecht der dem Erzbischoff wol bekant vnnnd verwandt war/gerathen hett/er solte seine sünd keinem Menschen/sonder allein dem Allmechtigen Ewigen Gott beychten vnd bekennen. Hierüber ward der gefangne Wilhelm sehr bekümmert/dañ er vermerckte/dz in diser Lecker schantlich betrogen hatte. Diser war vor zweyen tagen/hinderlistiger meynung zñ im in den Kercker Kommen/vnnnd hatt in vil vnd weytleüffig von der Beycht gefragt/dieweyl er aber hie hörte/das er von im were verihaten vnd angeklagt worden/Bate er erstlich Gott/er wolte im dise sünd zñ argem nit zñrechnen. Demnach bate er auch den Priester/er solte verschaffen/das diser Mensch da öffentlich fürgestellt/vnd von allen denen dingē/wie sie sich verlossen hatten/selbers verhört wurde. ¶ Darüber sagt der Erzbischoff. Es were eben genüg mit denen so jezunde zñgegen weren/Er solte selbs bekennen was er mit im geredt hette.

¶ Wilhelm antwortet/vnd sagt/Als er zñ mir in die Gefängnuß kam/Klagt er(wie es mich bedunckt hat)mit weynenden augen/vber die bößheyt der ganzen Welt/vber den groben vnuerstandt der Priester vnd Geystlichē/vñ das er am Hoff nur ye länger vnd ye erger wurde/berget derhalben auß Gottes wort zuhören/was Gottes güter gnädiger vñ gerechter will were. Nach dem ich nün seinen ernst/auch ware reüw vnd leydt sahe/beredet ich in dahin/das er die alten irthumb solte faren lassen/vñ hinfür sein leben in warer forcht Gottes anrichten. Vnd die weyl

weyl er etwas ernstlich anhielte vñd zu wissen begert/ ob  
 jm auch seine Sünd/wañ er schon dem Priester nit beych  
 tete/köndten verzygen werden: Gabe ich jm die antwort/  
 Das es allein Gottes ampt were/die Sünd zu verzeyhen.  
 Fragt er widerumb/Wie kompt es dan/dz beym Priester  
 die Absolution steht: Da antwortet ich/es were ein ding/  
 die Sünd verzeyhen vñd Absoluieren/vñ solten deshalb  
 dise beyde von Gott begert vñd erwartet werden. Sage  
 auch weyters / Das solche weysß zu Absoluieren mehr als  
 tausent Jar vñ anfang in d Kirche nit were gewesen/da  
 gegen aber were die krafft zu binden vñd zulösen die from  
 men vñ Gottlosen/in solcher zeyt durch die predigē Göt  
 liches worts heymlichen außgespendet vñd außgetheylet  
 worden/Vñ eben auff jertzerzölte weysß/hab ich ein mal/  
 ein Mönch zu Candelburg in offner Kirchē zum Creütz  
 stant/hören predigē. Dis ist nūn gewesen/das ich mit  
 eiuwem diener geredt habe.

Sünd ver  
 zeyhen vñd  
 Absoluierē  
 steht allein  
 Gott zu.

( Erzbischoff. Dise lehrt aber nimpt die Kirch nit an.  
 ¶ Wilhelm. Die Kirch/deren das haupt ist Jesus Chri  
 stus/nimpt gewißlich dise jertzerzölte lehrt vñd meynung  
 an. Lñ es bedunckt mich ein vnleidlicher fräuel vñ müt  
 will sei/das die genandten Geystlichen frome Christen  
 dermañ mit dem Ban zur gehorsam irer eygner Men  
 schen saung zwingen vñd tringen/die doch vom Her  
 ren Christo ihrem Erlöser/warlich frey gemacht worden  
 sind. Vñ weder der Herr/nach seinet. Apostel solche  
 Menschenragungen yemals selbers gehalten/ Jha vil  
 mehr verboten haben. ¶ Priester. Du sürest vil ver  
 borgner betigenlicher reden eyn/die du von denē gehöret

vnd gelernet hast / die das vnkraut vñ andere schädliche  
verfelschte samen / vnder den guten Weygen geworffen vñ  
gesäyet haben. Es were aber mein rath / du stündest ab  
von allen disen jegerzölten deinen irthumben / vñ erge-  
best dich vnserm Herren dem Erzbischoff / du wurddest on  
zweyfflerfarc / das er ein Gnädiger gütiger Herr / vñ ein  
freündlicher lieber Vatter gegen dir sein wurde.

¶ Diegege aber war ein anderer loser Psaff / diser ver-  
wisse dem gefangnen gang grümglich sein halbstarrige  
Keyt / vñ nemlich / dz er neüwlichen zu Londen / den Psaff  
her daselbst / genant Alkerton / etwas rauch angefarē / vñ  
ein Gleysner / Item / einen andn Doctorn / einē Schmeid-  
ler geneñet hat. Es hatte aber gemelter Alkerton vor  
nig tagen in der herrlichen Kirchen zum Creütz genant  
vnuerschamper vñ gang fräueler weys / verworffen ie  
Predig / so einer von Dyomen gethon hatt / vñ aber dzu  
mal den Papisten nit gefallē wolte. Vñ vmb diser vrich-  
willen hat vnser gefangner Wilhelm Thorpe den geach-  
ten Psaffher Alkerton einen Gleysner gescholten. ¶ Da  
antwortet nün Wilhelm dem Psaffen / vnd sagt / Es hat  
niemandts die predig so der von Dyomen gethon mit fü-  
gen kōndē od mögen scheltē / vñ hat Alkerton kei versach  
gehabt / darumb er den guten Jungen Man al solte in  
offner Kirchen vor allem volck geschendet vnd geschmä-  
het habē. So hat auch derselbige vō Dyomē in seiner Pre-  
dig alles w; er sagte / mit dem reynē. Gottes wort / auch  
mit vilfeltiger herzlicher zeügnussen der altē Lehrer / des  
gleichen mit saccē verständlichen vsachen ganz Christ-  
lich bewysen vñ dargethō. ¶ Psaff. Er hat vngereümp-  
te ding



te ding dazmal gepredigt/dz ers auch segundt selber nie  
mehr darff verthädigen. ¶ Wilhelm. Es ist dieselbig Prie-  
dig in Lateinischer vñ Englischer sprachen beschriben/  
würt auch allenthalben vmbhergetragen/vnd von vilen  
in grossen werdt gehalten. Ist er aber abgefallē/so nimpt  
es mich sehr wunder. Dān diß weiß ich wol/da er noch zu  
Lambet war/leügnete er deren stuck keins/die er gepredigt  
get hatt/sond verantwortet dieselbigē alle sampt vñ son-  
ders/offentlich zween ganzer tag/vor dem Erzbischoff  
vñ seinē Doctorn. ¶ Wie fragt ein ander Psaff/vñ sa-  
get/Welchē meynt jr doch auß den selbigē leckern (dān zu  
Dyomen warē jr vil)man muß in auch noch zured stellē/  
eben von wegē diser Predig/die er öffentlichen hat lassen  
ausgehen/Es lasset in zwar nyemandts solche predig ge-  
fallē/dān allein die/so Narren vnd thoren seind/wiedu.

¶ Erzbischoff. Dise verflüchte vñ verzweyffelte Sect/  
die sich vñ begert nichts ands/dān wie sie die Kirch vñ  
alle ihre freyheytē bringen köndt. ¶ Wilhelm. Zwar so  
weyß ich sonst nyemandts anders/der sich vmb gemeyner  
der gangen Christlichen Kirchen wolart so hoch beküm-  
mere/vnd mit solchem ernst annemē/dann eben die jheni-  
gen/die ihr als Keger ganz gütlicher weyß vertheylen  
vñ verdämen. Dān sie seind vñ hergē seind/aller hoffart/  
vberfluß/aller Ehrgeyzigkeit/allē Geytz/Symoney/Ab-  
götterey/vñ andē dgleichē sündē vñ lastern/dadurch die  
Kirch Christi am allermeysten verwüstet würt/dargegē  
wandlen sie in aller cynsale vnd armut des geysts/predig-  
get dē Euangelium vmb sonst/wie dān rechten Gliedern  
des Herren Christi zūstehet/Vñ lassen sich der zeytelichen  
dieses leybs notwendigen vnderhaltung benügen.

# Von den H. Gottes Bekenñern

¶ Da sprach der Pfaff den Erzbischoff an/vnd sagte/ Herr der tag will sich neygen/so haben wir noch weyters zureyten/der halben machet doch ein end daran / dieweyl ers nit thun oder begeren will. Dañ mich bedunckt/ye geduleiger vnd gelassner jr gegen im seind/ ye halstarriger vñ verstockter er würt. ¶ Valuerenus. Mein Wilhelm fall auff deine Kny nider / bitt vmb Gnade/ vnd versprich das du als ein rechter Sün bey der mütter der H. Christlichen Kirchen/ bleybē wöllest. ¶ Wilhelm. Ich hab nüt mehr züm offternmal an den Erzbischoff/ auch in Christi namen begert / er wölle doch allen gefasten widerwiltlen gegen mir faren lassen/vñ mich in verrichtung meins Christlichen ampts nit mehr verhindern. Dann ich beger auff erden ands vnd liebers nichts/ dann das ich in disem meinem beruff vñnd Ampt / meinem Gott vñnd Herren köndte treüwlich dienen.

¶ Erzbischoff. Wan du mir doch noch woltest folgen/ so wurde es dir züm besten reychen vnd dienen. Du darffst vom handel weyters nit mehr reden/sonder sag schlechts/ Jha oder Neyn / Entweders nim die angebotene gnade demüctiglichen an / oder lasse sie als ein vndanckbarer mensch faren. ¶ Wilhelm. Ich frage eüch/ Solle man auch glauben/dz Jesus Christus warer Gott vnd mensch sey/das auch/was er gethon vnd gelehrt hat / war sey? ¶ Erzbischoff. Jha in alle weg soll man solches glaubē. ¶ Wilhelm. Soll man dan auch glauben/ das die Lehr der H. Propheten vnd Aposteln im Alten vñnd Neüwen Testament/vom H. Geyst her kommen seye? ¶ Erzbischoff. Jha. ¶ Wilhelm darauff folget das man die selbige

Welche frage so d gefangene dē Erzbischoff fürhallet.

bige lehr/für allen dingen/zü gemeyner der Kirchen auff  
 bauung anneme/vnd jr ha nichts fürsetze. ¶ Erzbis  
 schoff. Diß gestand ich gern. ¶ Wilhelm. Dañ dise lehr  
 zeygt vñ lehret allein die Arzney/wie man allen lastern/  
 auch des leydigen Teüffels anfechtungen statlichen be  
 gegnen vñnd widerstehen soll/ Ohn welchem man auch we  
 der zü einem rüwigen Christlichen leben/ noch zü der er  
 kanenuß Göttlichs willens komen mag. ¶ Erzbischoff.  
 Darwider bin ich nit. ¶ Wilhelm. Wz jr mich nün wer  
 den heysen/das diser Lehr gemäß sein würt/das will ich  
 vermittelß Göttlicher hilff vnd gnaden/ auch mit meins  
 leybs gefährlichkeyt/mit willen vnd gern thun. ¶ Erz  
 bischoff. Wolan so vnderwürffe vnd ergibe dich den Sa  
 gungen der Kirchen wie ich dir sie segunde fārhalten vñ  
 erzölen will. ¶ Wilhelm. Ihr wißt ja das allein der  
 Herr Jesus Christus/das eynigehaupt ist seiner Kirche/  
 was mich derselbig/oder seine 12. Apostel in ihren schriff  
 ten werden thun heysen/dem will ich mit höchster begir  
 den folgen vnd gehorsam sein.

Wilhelm  
 will alles  
 thun was  
 Göttlicher  
 Schrifft  
 gemäß ist.

¶ Da ergrimmet der Erzbischoff/schlug mit der hand  
 zornigklich auff den Tisch/vnd ruffte mit lauter stim vnd  
 sehr beweglichen Worten/ So war Jesus Christus lebt/  
 würstu nit in meinen fürschlag ohn alle weyttere aufred  
 bewilligē/so will ich dich widerumb ins gefäncknuß werf  
 fen/vnd in dem selbigen dich dermassen fesslen vnd binden  
 lassen/ dergleichen kein Mörder oder Todtschläger ge  
 bunden würt. Darumb bedenck dich segunde also bald/  
 was du thun wöllest. Vnd als der Erzbischoff solches ge  
 sagt/stünd er auff/vnd legte sich ins fenster. ¶ Da sieng

Erzbi  
 schoff er  
 grimmet wi  
 der den ge  
 fangnen vñ  
 tröwet im.

h) Alue



# Von den H. Gottes Befehern



Malueremus vñ  
sonst noch ein an-  
derer loser Pfaff  
an / mit dem ge-  
fangnen Wilhel-  
mo / dann mit  
freundliche / dan  
mit schrecklichen  
erantworten zuhän-  
len. Erzölet ihm  
zum ersten / was  
greüvlicher straff  
er leyden müste /  
vnd erst darnach  
entweyhet / verbä-

net / öffentlichen geschendet vnd geschmähret / zuletzt ver-  
brennet / ja in abgrunde der Hellen ewigliche gestürzt  
werden / wa er sich mit beyzeygen an den Erzbischoff erge-  
ben / vnd seinem gerhonen fürschlag folgen wurde. Ver-  
schloß dise sein red / vñ sagt / Solche jert erzölten des leibs  
vnd der seelen grossen gefähligkeyten / kanstu leydeliche-  
en erinnen / allein mit einem geringen fußfall / dē du dem  
Erzbischoff schickst / der ein treüwer Vatter der Kirchē ist /  
auch deiner seelen halben grosse sorg erregt. Derhalben so  
erbarme dich vber dein person selbers / vmb des Herren Chri-  
sti willen / vnd bedenk doch / was für gemeleiger Gggn-  
ner auch gewesen sind / der jertig Bischoff zu Licolnien /  
Jern / der Erfordt Purney / vnd Birtuellis. Dise aber  
alle haben ihre irthumb widerrißte / verschworen / vnd  
gar

gar verlassen. Darumb so laß dich doch das Exempel diser Männer/die alle vil gelehrter seind dan du/bewegen/vnd begib dich wider in die gemeynschafft der 17. Christlichen Kirchen.

¶ Darnach war noch ein anderer Pfaff des Erzbischoffs vorhanden/der wolt den gefangenen Willhelmu überreden/vnd sagt/das er vom Herfords selbers gehöret hette/das ihn das volck jekundt vil lieber hette/er auch in grösserm ansehen bey dem gemeynen Man were/dann zuvor. In dē auch wider die Ketzere mehr erbittert/dan er zuvor gewesen wer in verantwortung jrer lehr. Dis bestärket auch Maluerenus 8 Pfarrer zu Londen vñ sagt/mir zweyfelt nit/wann du nach einem Priester schicken/vnd im deine Sünd beychten wurdest/auch die büß so dir von vnserm Herren dem Erzbischoff auferlegt vnd fürgeschryben worden ist/annehmen/so wurdestu in Ewigem befinden/das dein hertz auch bas zufrieden sein wurde.

¶ Wilhelm. Wa dise vier (die jr mir jekundt fürgehalten/vnd vermanet haben ich solte jrem Exempel folgen) 8 Welt Ehr/Reychthumb/vñ wollust hette verachtet/vñ dargegen sich der einfalt Christi vnd seiner 17. Aposteln benügen lassen/So solten sie billich mir vñ andern/als Exempel Christlicher Gotesseeligkeyt/denen wir folgen solten/fürgehalten werden.

¶ Diweyl sie aber Gottes wort vnd warheyt verachtet/vñ alle jesterzölte stuck/mit grosser/viler fromer Christen verergernuß/angenomen/so will ich sie auch/als leut die der Kirchen Christi zum höchsten schaden/nit haben.

17 ii Vnd

# Von den G. Gottes Bekennern

Vnd bin in meinem hertzen gewiß vnd versichert/das ich  
hinfürt/ den weg Cains nit mehr wandlẽ/auch den lohn/  
damit Balaam ist betrogen worden/nit eynnemen/noch  
auch in solcher widersprechung wie Chore vnd andere die  
mit im verdorben seind/wölle befunden werdẽ/damit ich  
nit Gottes vnd aller welt gerechte straff vnd raach vber  
mich eynfüre. Die senigen die jr mir segundt erzolt habẽ/  
seind erstlich vmb der bekantnuß willen Euangelischer  
warheyt durch des Antichrists diener schwärlich geplagt  
worden/segundt aber seind die durch den Eyde dahin ge-  
trungen worden/das sie selbs den Herren Christum ver-  
folgen. Derhalben ob jr schon ihr lehr hoch preysen vnn-  
d haltẽ/so solle doch dieselbig nyemandts auß dẽ vnsern/be-  
wegẽ/sond vil mehr in d̃ Lehr des glaubẽs/die wir ein mal  
angenomen/bestättigẽ vnd betreffigen/Dann wir wis-  
sen doch wol/dz der eüsserliche scheyn Menschlicher Kunst  
vñ weyßheyt/wa sie ohn den Geyst Gottes ist/nichts ist.  
¶ Da gebot der Erzbischoff den seinen/sie solten im wey-  
ters nichts mehr rathen. Vnnnd sagt/Sie haben zusamen  
geschworen/das sie wed der Kirchen/noch den verordne-  
ten Prelaten eynigen gehorsam leyssen wöllen. Dañ weyl  
ich jergunder im Fenster gelegen bin/so hat sein mitges-  
sell auß der gefäncknuß einen boten geschickt/vnd lassen  
anzeygẽ/das er kurgumb nit thün wölle/was wir im für-  
geschryben haben/Vñ hat auch disem jungen Menschen  
so hie zugegen stehet/eben dasselbig gerhaten. Redet dem  
nach den gefangnen selbers an/vñ sagt/ Ir lauren/habe  
mit höchsten fleysß euch dahin bearbeytet/wie ihr disen  
jungen Menschen auch in eüwer Sect bringen möchten/  
aber



aber es hat eüch in disem eüwerem Gottlosen fürnehmen weyt gefählet/ Dann er hat mit weynenden augen eüwer betrügliche lehr verlassen/vnnd verflucht dargegen eüch vnd eüwers gleichen / vnd hat sich gar vñ gang der Kirchen ergeben. So war Gott lebt/so werestu wol werde/dz man dir so vil Tödt antheet / so manchen eynsaltigen lieben menschen/du mit deiner verdampften schädlichen lehr verführet hast. Darumb so muß man dich an das ort führen / dazüvor auch Herford vnd Puruei gefangen gelegen / vnnd vmb gleicher vrsach willen seind gepeyniget worden. Hoff auch ich wölle dich bald anderst gesiñet/bedingen. Was giles/ich will sehen/ob ich dich auch am selbigen so traurig machen köndte/so frölich du warest/ da ich auß Engellādt entweychē müßte. Ich schwöre dir bey S. Thoman / es soll dein freüß inn traurigkeyt verwandelt werden. ¶ Wilhelm. Mich hat zwar (wie ich dann mit warheyt beken) eüwer entweichen nit so hoch erfreüwet/ so hoch mich erfreüwet / das ich auß meiner schwären gefändnuß durch den Bischoff zu Londen widerumb ledig gelassen ward. ¶ Erzbischoff. Du weyst nit die vrsach vmb welcher willen ich auß Engellandte entwichen bin. Das solt du aber wissen / das mich Gott widerumb hieher gebracht hat / das ich dich mit sampt deiner Sect vnd falschen lehr aufreüten vñ dempffen solle. Will auch (das solen mir gewislich glauben) nit ehe auffhören oder nachlassen/bis das ich dise Sect vnd Trennung auß gang Engellandte dermassen hinweg jage/dz auch die gedächtnuß eüwers namens in disem Königreych nit bleybē soll. ¶ Wilhelm Der W. Prophet Hieremias/der hat vorzey

Erzbis  
schoff röm  
wet dē ge  
fangenen  
alles hertze  
leydt.

# Vonden H. Gottes Bekenner

te dem falsche Propheten Anania ein solche antwort gegeben/vñ gesagt/Wan da erfüllet vñ beschehē würt/das diser Prophet sagt/so würt man warhafftig wissen/das in der Herr gesendet hab. ¶ Der Erzbischoff griß grammet/wender sich hin vnd her/vnd sagt/Ich will dich bald mit Eysinen Ketten dermassen beschwären/dz du fro würest sein/andere wort zureden. Vnnnd als der Erzbischoff den armen gefangnē/der sich in aller handlung ganz bescheydenlichen gehalten/nach seinem mütwillen nur schandtlich gnüg außgangen vnd verachtet hatt/rüffet er heymlich einen andern Priester zū sich/vnnnd befalch jm/er solte den Obersten des Schloß Saltwoden herein berufen. Demnach kamē auch her zū vil auß dē gemeynē volck/die erdauerten jm vilfeltig/wie vorzeyten die Juden dem Herren Christo. Etlich wolten man solte ihn von stund an verbrennen/Die andern aber sagten man solte ihn ins Meer/das nicht weyt von dannen war/schießen vnnnd ercrencken.

¶ Als nūn beyde die Bauren vnnnd Pfaffen wider ihn dermassen tobte/stünd ein anderer Priester mittē vnder dem andern hauffen auff/siel nider auff seine kny/vñ bat den Erzbischoff/er wolte in der Merten entlassen/vnnnd vergönnen/das er doch auch sein heyl vnd fleyß an disem gefangenen Willhelmen möchte versüchē/Vnd sage/Ich dörfte das versprechen/das ich in innerthalb dreyen tagen dahin bringen vnd bereden wolte/das er seinem Erzbischoff nichts wurde abschlagen. Aber der Erzbischoff siß in seinem grām vnd zorn für/vnd erdauete jm/er wolte gegen ihm handeln/nach dem er verdienet hette. Vnder

Der der weylen kam der Oberst/vnd gieng zu dem Erzbischoff/vnd als sie sich ein wenig mit einander vnderredet hatten/nam er den gefangenen vnnnd füret ihn mit sich/auff befelch des Erzbischoffs/hinauff. Ward aber also bald widerumb hineyn gefordert. ¶ Da setzet der Priester widerumb an ihn/vnnnd bat/er wolte sich doch ergeben/dann das würd im vil besser sein/dan wann er also halbstarrig von dannen hinweg scheyden wurde. ¶ Wilhelm sprach den Erzbischoff selber an/vnnnd sagt/ Ich habe mich ye heüt diß tags zum offtermal protestirer vnnnd bezeüget/das ich nicht allein wölle Gottes geboten gehorsam sein/sonder auch einem jeden glid der Kirchen/so ferz dasselbig dem haupt Jesu Christo/mit seiner Lehr vnnnd Leben nicht zuwider sey. Dann durch solche leüt beger ich von herzen/ermanet/gestraft/vnd vnderwysen oder gelehrt zu werden.

¶ Erzbischoff. Ich habe das vorhin wol gedacht/das sich diser Gottloser Mensch/ohn dise bedingung/in nichts nicht begeben würd. Siengen also ihn/den gefangenen an/schelten/schenden/schmähen/lestern/seinspotten/vnd im zutrudwen/welches aber alles er standt/hafftig geduldet/vnnnd stillgeschwoyen hat. Ober ein kleine weyl fraget in der Erzbischoff/Ob er doch noch wolte/die Sagungen der Heyligen Kirchen annemen.

¶ Darauff gabe Wilhelm antwort vnnnd sagt/ Ich von herzen gern/aber auff die weys/vnnnd mit der maß/wie jezundt gemeldet worden ist. Dann sonst würd ich nicht thün.

Da



# Von den H. Gottes Bekenñern

Wilhelm  
würt wide-  
rumb ins  
gefäncknuß  
geführt.



¶ Da beſalch der  
Erzbischoff dem  
Oberſten / das er  
ihn bald mit ſich  
hinweg fürte. Als  
er nun widerumb  
ins gefäncknuß ge-  
für ward / der vol-  
ler geſtand / wußt  
vnd vnſat war /  
hat der gefangen  
dem Allmechtige  
Ewigē Gott dāck  
geſagt / nit allein  
das er vō ſolchen

Gottloſen leuten were erledigt worden / ſonder auch das  
er weder vmb ſhzer ſchmeychel vnd glatten / noch erſchröck-  
lichen erdworten / in etwas hette bewilliget / das der glo-  
ry vnd Ehr Christi were zūwider geweſen. Dañ er ſich für  
vnd für in diſer gangen vñ langen handlung dem Erzbis-  
choff vnd ſeinen Antichriſtiſchen Pfaffen beſtändigkli-  
chen zūwider geſetzt hatte. Deßhalben lobt vñnd dancket  
er in der gefäncknuß Gott / bittet von hertzen / vñ ſprach.

Geſett des  
gefangnen  
Wilhelms  
in der ge-  
fäncknuß.

O Herre Gott / gib du / dz wir alle in deiner warheyt / zur  
glory deins N. namens / beſtändig vñ eynhellig bleyben.  
Vnd damit ſolches bald beſchehe / ſo bitte ich dich von her-  
zen / du wölleſt gnädiglichen verleyhen vñnd geben / das  
alle / die diſe vñ ande meine Schrifften leſen od hören wer-  
den / mit mir / dich als den eynigen Ewigen vnſterblichen  
waren

waren Gott anrufen / vnd im glauben on allen zweyffel  
 ernstlich bitten / das dein vnaussprechliche gute allen men-  
 schen gnädiglichen wolle verleyhen / damit sie hinfürt  
 in deiner Lehr / ihrer eygnen seligkeyt nit züwider stre-  
 ben / sondern vns allen in Christlichem friden vereyniget  
 vnd zügethon / dir in vollkōnmem glauben /  
 hoffnung vnd liebe / seligli-  
 chen leben . A-  
 men.

**N**ach solchem hat er auch sein letztes Testament ge-  
 macht / In welchem er nach eyngesürten vilen Gott  
 seeligen / Christlichen vnnnd ernstlichen ermanungen  
 zuletzt sein Seel dem Allmechtigen Ewigen Gott / seinen  
 Leyb aber den Peynigern vnd Henckern / das sie den sel-  
 bigen / an welchem ort sie nur wolten / vnd wie es Gott ge-  
 fallē wurde / zermarterten / auffgeopffert vñ befolhē hat.  
 Auch die Kirch der gleübigen von gangem hertzen gebet-  
 ten / das sie doch für ihn / als für einen armen / verlassenen /  
 vnd von aller welt verworffnen Menschen / treüwlich bit-  
 ten wolten / damit im Gott von oben herab seine Ewige  
 Weyßheyt mittheylen wolte / vnnnd er also in der warheyt  
 des Herren Jesu Christi biß ans ende beständiglichen  
 verharren / vnnnd also ein angenām vnnnd wolgefellig opf-  
 fer zü einem lieblichen geruch / züm lob vnd preys seines  
 N. namens / vnnnd gemeynen auffbauung der Kirchen  
 Christi / werden möchte / Amen.

Letzt Test-  
 ment Wil-  
 helmi.

Also ist nün endlich diser vnser theüerer Martyrer vñ  
 Bekenner des Herren Jesu Christi / nach dem er wider den

J

An

# Von den H. Gottes Bekenñern

Wilhelmus im Kercker heymlich ermordet worden.



Antichristlichen hauffen / in der krafft des H. Geystes gewaltig gesigget / im Kercker des schlossz Saltwoden / durch anstiftung des Erzbischoffs zu Candelburg heymlich ermordet/vnd getödtet wordē. Im Monat Augusto/ Als man zalt (wie Johanes Valerus meldet) von der ge-

burt vnfers Heylandes vnnnd Eynigen Erlösers Jesu Christi/ M. CCCC. vnd VII. Jar.

## Johannes Oldecastell ein Ritter in Engel- land.

¶ Die History von disem eheuren Helden/ vñ recht Geadeltem Ritter im Reich Christi / wie er erstlich vmb der Bekennuß Euangelischer Warheyt verklagt / nachmals durch den Antichristlichen hauffen / als ein Betzer verdammet / Weltlicher Oberkeyt vbergeben/vnd ins gefäncknuß geworffen worden/ Auß dem



dem selbigen aber zu nacht enttrunnen/vnd nach vier Jaren wider-  
 rumb gefangen vnnnd verbrennet worden ist/hab ich Günstiger Le-  
 ser/auß den Schrifftten des Hochgelehrten Herren Johannis Ba-  
 lei/vnnnd Johannis Foxi/so hienon auß gangen/  
 hienach warhafftig verteütscht/  
 setzen wollen.

**J**ohannes Blidecastell ist gewe-  
 sen ein Ritter in Engellande / vnd ein Herz  
 zu Cobham/vō gutem geschlecht erborn/derß  
 gleichen auch ein fürtrefflicher / hochuer-  
 ständiger vnd wolberedter Man. Diser/wie  
 wol er zu grossen ehren/vmb seiner redlichen vnnnd manli-  
 chen thaten willen/Kömen / auch seinem Fürsten für ande-  
 re lieb vnnnd werdt gewesen ist / so hat er doch solches alles  
 für gering vnnnd



nichts geachtet/  
 sonder sich dahin  
 bearbeytet/wie er  
 auch in der Er-  
 kantnuß vnd Be-  
 kantnuß seines Er-  
 löfers Jesu Chri-  
 sti / möchte gead-  
 let werden. Dann  
 er wol wußte/das  
 alles was zeytlich  
 ist / auch zergäng-  
 lich were/dargege-  
 aber dz der rechte

Christum  
 kennen ist  
 der rechte  
 Adel.

**I ij Adel**

# Von den H. Gottes Bekennen

Adel diser sey/waß man in Christo Edel ist. Deshalben er auch endlich dahin kommen ist/das er frey vnd vnerschrocken in offnem Parlament mehrmals gesagt/vnd auch erhalten hat/Es werde dem Königreich Engelland zum höchsten nutz vnd gut sein/waß man den Papst zu Rom nit lasse darüber herrschē. Demnach auch vil fromer Christen/so vmb der Kirchen vnd Bekantnuß Christi willen/in allerley leybs gefährlichkeit waren/in sein schutz vnd schirm genommen. Aber solches haben die genandten Bischöff von im gar bald erfahren/Vñ dieweyl sie befunden/das jr fürnehmen durch disen gewaltigen Mañ trefflich gehindert/haben sie sich auch mit höchstem gewalt/jrs besten vermögens/wider ihn gesetzt. Vñ ist demnach/nicht lang hernach/der Erzbischoff vñ Candelburg/Thomas genandt/selbs für den König kommen/vnd disen theuren Helden Christi verunglimpfft vñ verklagt/auch wider in mancherley beschuldigungen eingefüret/Jhm erzölet in was grosse gefahr vnd vnruß die ganze Kirch im Königreich Engelland vmb eines solchen Mañs willen kommen werde/vñ jha nichts vnderlassen/dz zu seinem vnglimpff/reichen vnd dienen konte.

Der König als ein Klüger vnd hochuerständiger herr/nach dē er solche des Erzbischoffs/beschwärliche anflag angehört/ob er wol billich dardurch solt wider vil gemeldte Herre Johanem erbittert wordē sein/hat er doch nichts fräuels gegen disem treuwen redlichen Mañ/den er als einen woluerdienten/in seinem Königreich für andere lieb vnd werdt gehabt hat/fürnehmen vñ handlen wollen/Sonder den Erzbischoff widerumb von sich gelassen/

Johan VI  
decastell  
würte  
schwärliche  
verfla  
get.

# vnd Martyrern/der iij. theyl. xxxv

lassen/vñ befolhen / er soll mit sampt den andern Bischöf  
fen einzeytlang still stehen/so wölle er selbs mit im persönl  
lich handeln/vnd so vil jm̄er möglich/solche errennung vñ  
zwitracht zwischen im/vñnd den Geystlichen stillen vnd  
hinlegen.

**¶** Dieweyl vnd aber/auch durch des Königs ernstli<sup>chen</sup> vnderhandlung/gemelter Herz Johan̄ nie hat Kön<sup>ig</sup>  
den von seiner Gottseeligen vnd Christlichen beständig<sup>en</sup>  
Keyt abgetriben werden/ Item/ der Erzbischoff ihn zum  
anderen mal verklagte/ Ist endlich die ganze sache den  
Bischöffen heymgestellt vnd befolhen worden.

Herz Joan  
Oldecastell  
würde  
den Bis  
schöffen  
überliefert.

**¶** Was aber die selbigen mit im fürgenom̄en/vnd man  
cherley an im haben versucht/wie beständig<sup>lich</sup> er sich  
allzeyt gehalten/vnd letztlich durch geschwinde practickē  
vñ grosse Tyranny mancherley weys seye gepeyniget/vñ  
welchem gewalt vberantwortet worden/ das wirstu  
Günstiger Leser auß nachfolgendem Sendbrieff/so der  
Erzbischoff von Candelburg/an den Bischoff zu Londen  
von diser gangen sachen gestellt hat/weytleüffig vernem  
men. Disen hab ich auch hienach von wort zu wort ver  
teütschet / setzen wöllen/ damit du die warheyt

diser gangen Historien/desto baß  
erkennen vnd züher  
gen führen sol  
test.



# Von den G. Gottes Bekennern

¶ Copey des Brieffs/so der Erzbischoff von Candelburg an den Bischoff zu London geschryben hat/ darinnen auff's kürzest vnd warhafftigst diese ganze handlung begriffen würt/ was sich nemlich von anfang bis zu dem letzten Endurtheyl mit dem theuren Ritter vnd Helden/ Herren Johan Oldecastell in Engelland verlossen hat.

**T**homas von Gottes gnaden Erzbischoff zu Candelburg/ Oberster im Königreich Engelland/ vñ des Römischen Stils Legat/ entbeüret seinen grüß/ vnd brüderliche liebe im Herz/ dem Ehrwürdigen Herren/ seinem lieben brüder/ Herren Reichart von Gottes gnaden/ Bischoff zu London.

¶ Als wir kurz verrückter tagen/ in vnserer Pfarz Kirchen zu S. Paul/ bey einander versamlet hatten/ alle vnd jede vnserer Prelaten vnd Geystlichen/ so vnserm Bistumb vnderworffen sind/ das wir vns/ einer gemeynen Reformation der Kirchen in Engelland verglichen/ ist neben andern/ auch von vns/ vnd obgemelten vnsern Prelaten vnd Priestern endlich dahin geschlossen worden/ das es vnmüglich sein werde/ cynige Reformation in der Kirchen fürzunehmen oder zuerhalten/ wa man nit zuuor die Fürnembsken in diesem ganzen Königreich/ die solcher Kegeren erste Anfänger/ Beschützer vnd Beschirmer sind/ ernstlich ansprechen/ oder auch/ wa es von nöten sein wolte/ durch das vritheyl gemeyner Kirchen/ mit beystandt der Weltliche Oberkeyt/ von iren irrthumben abmanē werde. Vñ nach dē wir in solcher vnserer versammlung/ bey allen/ so dazumal in grosser vile vnd anzahl/ auß

Herz Joan  
Oldecastell  
würt  
schwerlich  
chen im  
Concilio  
Pfaffen  
verklaget.

aus vnsern Gebieten/zusamen kōmen waren/fleyssige vñ ernstliche vmbfrag gehalten / Ist vnder andern vns ernant vnd anzeygt worden / Herz Johān Alderaastell/der Ritter/als einer vnder den Fürnembsten/die solche Keger auffhalten/befürdern/beschützen vñ beschirmen/ Dzer auch im Londischen/Roffensischen vñnd Derfordensischen Bistumb/etlicher solcher jrziger Lehrer/ohn erlaubnuß der Ordinarien an selbigen orten/ auch wider des ganzen Landes erkantnuß/ so hierüber außgangen ist/zupredigen gesendt/ auch in solchen schandlichē predigē/ selbers persönlich zugewesen gewesen/vnd sich wider alle/so solchen Predigern widersprochen/was er sie hat kōnden betreten/mit schreck vnd trōnworten / desgleichen mit gewalts vnd mit dem schwerdt/auffgelehnet hab/Darneben sich auch vernemmen lassen / wie das wir / sampt vnsern Weyhbischöffen/nyemals macht gehabt/auch noch nicht haben/in vnsern Gebieten/solches zūnerhindern.

¶ Zū dem so halte er/glaube vñ lehre vil anderst/ vom Sacrament des Altars / von der Beycht/ von den Wallfarten/von Verehrung der Bilder / von den Schlüsseln/vnd gewalt der Kirchen/dann die Römisch vnd Allgemeyn Christlich Kirch halter vnd glaubt. Derhalben seind wir von gemelten vnsern Prelaten vnd Geystlichen ernstlich angesprochen vnd ersucht worden/das wir vmb jetzerzöleter Artickel willen / wider den Herren Alderaastell / nach vermög vnserer Geystlichen Rechten / fürfaren solten. Dargegen aber / von wegen vnseres Herren Königs / dem dann gemeldter Herz Johān zur selbigen zeyt wol gehalten / vñnd zū Ehren der löblichen Ritter

# Von den H. Gottes Bekennern

Ritterschafft/sein wir mit sampt vnsern mitbrüdern vñ  
Weyhbischöffen/so dazumal zugegen/auch dem Größern  
theyl der Priester schafft vnserer Landen/zñ vnserm Her-  
ren dē König/der dazumal im Schloß Kenyngton lag/  
selbs persönlich gegangen / vñnd jm die Klag wider den  
Herren Oldecastell eröffnet/auch angezeygt warin gemel-  
ter Herz Johan fürnemlich sich irre.

Erkenntnis  
der Geyst-  
lichen wi-  
der dē Her-  
ren Olde-  
castell.

¶ Diweyl dan nün vnser Herz König hierumb geber-  
ten/haben wir in alle weg vns vnderstanden / wie wir in/  
ohn sein schand vñd nachtheyl/ zñ der Kirchē widerumb  
bringen köndten/vñd deshalb die Execution vñnd voll-  
streckung seiner gangen sachen / ein lange zeyt verzogen.  
Endlich aber / diweyl hochgedachter vnser Herz Kö-  
nig/nach vil gehabter mühe vñ arbeyt bey jm nichts hae-  
mögen außrichten/ wie vns dan solches von vnserm Her-  
ren König schriftlich vñd mündlich ist angezeygt wor-  
den/ So haben wir vns folgendes entschlossen/vilgemeld-  
ten Herren Johannem / damit er sich für vns/oberzölter  
stück vñd Articel halben / selbs persönlich verantwor-  
te/auff eine erkandte zeyt vñd tag zuerfordern./ auch vñ-  
sern botten/ mit sampt vnsern Ladungsbrieffen zñ ihm  
abgefertiget/in sein Schloß Couulyng / darinnen er sich  
zur selbigen zeyt gehalten hat. Haben auch vnserm bote-  
ten befelch geben/das er on erlaubnuß in das Schloß nie  
gehen soll/sonder durch Johannem Botteler/der vnser  
Herren Königs Kämmerhüter ist/den Herrn Oldecastell  
ansprechen lassen/ob er jm wolte vergönnen/ins Schloß  
zugehen / vñd die Citation zñuerkündigen/ oder aber auf-  
serhalb dem Schloß sich finden liesse / damit er jm solchs  
köndte



Köndte anzeygen. Hier auff der Herr Oldecastell gemeldtem Johan Borteler/der im solchs fürhielt/öffentlich geantwortet hat/ Er wölle nit das man in citier oder lade/ wölle auch sein Citation nit leyden.

Ber: Oldecastell will die Citation der Geystlichen nicht annehmen.

¶ Als wir nun dessen glaubwürdig bericht/ vnd endlich verstanden haben/das Herr Johan Oldecastell solche Citation persönlich vnnnd selbs/ nicht hat wollen annehmen/ seind wir inn der sachen nach vnserm Rechten fürgefahren/vnd vnder vns beschlossen/das wir ihn widerumb durch ein öffentlich Mandat erfordern/vnd haben dasselbig auch angeschlagen an die thüren der Thümbkirchē zu Kossen/welche allein drey Engellendischer meylen von gemeldtem Schloß Couuling gelegen ist/ Das er nemlich für vns auff den vergangnen xj. tag des Herbstmonats ersheynen/vn sich da selbers in eygner personen oberzöler Artickel halben/ darinnen er der Ketzerey beschuldigt/verantworten solle.

Ber: Oldecastell würt durch angeschlagene brieffe citiert.

¶ Vn als nun diser xj. tag herzu kömen/seind wir in vnserer grossen Capellen/welche gelegē ist vnden am Schloß Ledys/in vnserm Bistumb/ da wir dann dazumal Hoffhielten/mit sampt vnserm ganzen Hoff zu Gericht gesessen/alle ding bey gütten eröwen vnnnd glauben verhört/Vn nach dē wir aller ding gnügsam berichtet/fürnemlich wie man an denē ortē predigt/ da sich dan Herr Johan in seinem Schloß täglich stercket/ auch sein gefasste meynung verthädiget/vnnnd die Schlüssel der Kirchen gegeben/sampt dem Erzbischöflichen gewalt/vilsaltig verachtet/haben wir offtgemeldten Herren Johan/ öffentlich citiert/auch mit lauter stim außgerufft/dieweyl er

Ber: Johan Oldecastell würt verbannt

aber

K

aber

# Von den H. Gottes Bekennern

aber nit erscheinen/ als einen Halsstarrigen vnd ungehorsamen (wie er dann auch war) erkannt/ vnd zur straff solcher seiner ungehorsam / ihn daselbst schriftlichen verbannt.

**Herr Joa[n]**  
**Olderaßell**  
würt züm  
andern  
mal citiert.  
¶ Dieweyl wir aber auch auß jengerzöiten stucken/ auch andern öffentlichen anzeygungen / jha auß der sachen an jhr selbers/ verstanden haben / das sich vilgemelter Herr Johann/ seinen irthumb wider den gewalt der Kirchē zū verhärdigen/ allererst stercket/ vnnnd in seinem Schloß (wie oben gemeldet) wol verwaret/ damit er dān den gefaßten argwon von wegen der Kegerey vnd trennung / auch wider sich selbs war machet / So haben wir vnder vns erkannt vnd beschlossen/ das wir ihn widerumb entweder selbs persönlich / so er mag betretten werden/ oder aber durch ein schriftlich Mandat/ wie vormals beschēhē/ wollen erfordern vñ citieren lassen/ das er für vns erscheine / auff den Sambstag der am nechsten nach des H. Apostels vnnnd Euangelisten tag Matthei kommen würt/ vnd allda für vns rechtmässige vnnnd glaubwürdige versachen anzeygen/ vmb welcher willen er vermeynet/ das man nit soll wider ihn/ als wider einen öffentlichen Keger/ der ein zerstörer vnd abgesagter feynd sey der Allgemeynen Kirchen/ procedieren vnd fürfaren/ auch nit wider ihn das welchlich schwerdt statlichen anrűffen/ vnd ja alles das thun/ darzū vns das Recht vermanen vnd treiben würt.

¶ Als nūn diser termin/ vff Sambstagnach des H. Apostels vnd Euangelisten Matthei tag/ welches war der xxij. tag des Herbstmonats/ erschienen / Seind wir im  
Capit



Capitel hauß der  
Kirchen zu S.  
Paul öffentlichem  
für Gericht geseß  
sen / vnnnd bey vns  
die Ehrwürdigen  
vnserer lieben mit  
brüder / Herz Reis  
chart von Gottes  
gnaden / Bischoff  
zu Londen / vnnnd  
Herz Heinrich vō  
Gottes gnade Bi  
schoff zu Wincest  
er / daist für vns

erschinen selbs per  
Her: Joān  
Oldecastell  
würt ge  
fänglich  
für die Pie  
laten vnnnd  
Geystliche  
gestellt.

sonlich Herz Robertus de Worley / der Oberst vber die  
gefangnen im thurn zu Londen / vñ mit im gebracht off  
gemelten Herren Johān Oldecastell / der dan kurz zuuor  
durch des Königs diener begriffen / vnd ins gefängnuß  
gelegt worden war / vnd ihn für vns dargestellt.

¶ Also haben wir Herz Johān / der dan selbs persön  
lich zugegen stünde / mit sehr freündtlichen worten / alle  
handlung wie sie sich verlossen hat / nach ordnung erzolt /  
Vnd nemlich / wie schwärlichen er / von wegen etlicher Ar  
tikel / so oben vermeldet seind / inn gemeynen versammlung  
viler Prelaten vnd Geystlichen / so vnserm Bistumb zuge  
hörig / sey angegeben vnd verklagt worden. Wie er weyt  
ters öffentlichen sey citiert / aber als ein Ungehorsamer /



# Vom den G. Gottes Befehl

in Bañ gethon worden / Aber diß alles vnangesehen so  
seyen wir / in alle weg willig vnd bereyt / ihn widerumb zu  
Absoluieren.

**H**er: Joa<sup>n</sup> begert sei-  
nes glau-  
bē offent-  
liche rechen-  
schafft zu-  
geben.  
Es hat aber der gefangene Herz Johann / solch  
freündtlich vnser erbieten verachtet / vnnnd dargegen ein  
geführt / wie das er gern wolte / vor vns / vnd obernandten  
vnsern mitbrüdern / seins glaubens rechen schaffe geben /  
Vnd als man jm solches vergönnet vnnnd zügelassen / hat  
er auß seinem büßen ein brieff herauß gezogen / vnd des sel-  
bigen inhalt öffentlichen verlesen / Auch als bald solchen  
brieff vñ Schrifft vns selbers zügestellt / vber die Artickel  
darüber er befragt war / Diser haltet sich nün also.

**S**chrifft-  
liche bekän-  
nuß des  
glaubens  
Herzen  
Joha<sup>n</sup> Ol-  
decastell.  
Ich Johann Oldecastell / Ritter / Herz zu Cobham /  
Ich künde allen Chri<sup>st</sup>en / vnnnd nün hierüber Gott  
züm zeügen / das mein hertz allwegen also gesinnet ge-  
wesen ist / auch mit Gottes hilff also bleyben solle / das ich  
jha alle zeyt mit keyssern vngezweyfeltē glaubē alle Sa-  
cramenta Gottes / die er züm nün seiner Kirchē eyngesetzt  
vnd verordnet hat / erkant vnd bekant habe. Damit ich  
aber in denen vier Artickeln / darüber ich beklagt worden  
bin / meinen glauben etwas verständlicher darchue / So  
halte vnd glaub ich wie folget.

**I**.  
Vom G.  
Nachtmal  
Erstlich glaub ich / das dz hochwüedig Sacrament  
des Altars sey warhafftig der Leyb Christi / vnder der ge-  
stalt des Brots / vnd ja der Leyb / der von Maria der mü-  
ter geboren / für vns gecreüziget / gestorben vñ begraben  
ist / auch nachmals am drittē tag lebendig widerumb auff  
erstanden / gehn himel zu der gerechten des Ewigen Vaters

# **vnd Martyrern/der iij. theyl. xxxij**

eers gefarē ist/mit welchem er jetzt regiert / in ewiger Glo  
 ry vnd Herrlichkeit.

**¶** Zum andern/souil da belangt das Sacrament der II.  
 Büß / so ist diß mein bekantnuß/das ich glaub / Die rech Von der  
 te Büß/das ist/ware Besserung des Lebens/sey nötig al Büß.  
 len denen/die da begeren selig zu werden. Das man aber  
 ein solche Büß mit Reüw/Beycht vnnnd rechtgeschaffner  
 Gnügethüung antretten solle/wie dasselbig in H. Göttli  
 cher Schrifften von vns erfordert würt/ Sonst hat man  
 sich der Verzeyhung der sünden nit zuuertrösten.

**¶** Zum dritten/so halt ich von den Bildern also/ das III.  
 ich sie nit für Artickel des glaubens erkenne / sondern das Von den  
 sie/nach dem der rechte Glaub Christi in aller welt gepre Bildern,  
 diget worden/außerlaubnuß der Kirchen/ also auffkom  
 men seind/das sie den Leyen vnd Vnerfarnen/als ein Ca  
 lender dienen soltē/ dardurch sie des Herre Christi/vñ der  
 andern heyligen todt vnd marter erinnert / zu Gottseli  
 ger nachfolgung angereygt vnd getriben wurden. Wa  
 aber sich yemandts solcher dingen mißbrauchen/ vnd sol  
 chen Bildern die Ehr / so doch vil mehr den Heyligen sel  
 bers/ Ja vil mehr dem Allmechtigen Ewigen Gott / dem  
 die lieben Heyligen alle Ehr allein auch gegeben haben/  
 erzeygen vnnnd thün wolte/oder aber cynig vertrauwen/  
 das allein in Gott gegründet werden solle/dareyn setzen/  
 oder aber an disen Stummen Gözen vnd Bildern hangen  
 bleybē/oder disem mehr dan dem andern geneygter sein/  
 So ist mein meynung / das solche leüt Abgötterey trey  
 ben/vnd schandlich sündigen/wider Gott/von dem alle  
 Ehr allein her kompt.

R iij

Zum

# Von den 6. Gottes Bekennern

IIII

Von den  
Wallfartz.

¶ Zum vierdeen aber vnnnd letzten/so vil da belangee die Walfartē / die man hin vñ wider zu den heyligē thür/ so halt ichs bey mir also/dz ich glaub / es sey kein Mensch in diser gangen weyten Welt/der nit entweder zum Leben/oder zum verderben walle oder wandle. Wer nün also lebe/das er sich wider die Gebott Gottes/ die er entweder nit weyßt/od aber nit lernē will/on büß versündigt/der hat gewißlich das Ewig Leben nit zu hoffen / wā er gleich alle ort der Welt außzuge. Dargegē aber wer Gottes gebott haltet/der kan nit zugrunde gehen / oder verderben / wā er schon sein lebenlang weder gehn Rhom/ noch gehn Candelburg/nach zu S. Jacob oder an andere ort Walfarten geher.

¶ Als nün solche Artickel/wie sie in der Schrift verfaßt stünden / durch Herren Johannem selbers verlesen worden / haben wir vns mit obgemeldten vnsern lieben Mitbrüdern/vnd vilen andern der N. Schrift Doctorn vnd erfarnen vnderredet/vnd demnach gemeldtem Herz Johan/wes wir vns hierüber entschlossen/mündlich vñ auffnachfolgende weyß fürgehalten.

¶ Herz Johan/in diser eüwerer Schrifftē seind vil guter stück / vnd der N. Allgemeynen Christlichen Kirchen gemäß / Aber eüch ist diser termin vnnnd tag vmb anderer vrsachen willen ernant vnd bestimmet / Als nemlich / das jr sollen antwort geben / vber etlich Artickel / so da vns bedunckē irig vnd Kegerisch sein / auff welche jr aber in eüwerer Schrifften vns nicht gnüg gehō haben / Darumb so ist von nöten / das ihr eüch vber dieselbigen / vnnnd auch vber die / so in eüwerer Schrifften eingeleybt seind / weytleufft

Antwort  
der Predi-  
ten Herr  
Johanni  
auff die ge-  
rhore Be-  
kennung  
gegeben.



leüffiger/wie jhrs halten vnd glauben/erklären.

¶ Vnd nemlich/ob jr auch halten/glauben vnd bekennen/das im Sacramēt des Altars/nach beschriebener Consecration/das war materlich vnd wesentlich brot in seiner Substanz/nach da bleybe/oder nicht. Item/ob jr im Sacrament der Büß halten glauben vnd bekennen/das es von nöte sey die Sünd für dem Priester/so vō der Kirchen darzū verordnet ist/vñ man in habē kan/zubeychten vnd offentlich zubekennen/26.

Herr Joān  
laßt es bey  
gegebener  
Bekantnuß  
blyben.

¶ Auff solches nach dem er vil vnd mancherley geantworret hat/hat er außtruckentlich gesagt/ Er wölle sich hierüber andt vnd weyter nit erklären/dañ wie er sich in der vbergebenen Schrifft erklärt habe. Derhalben haben wir im auß besonderm mitleyden/so wir mit ihm trüben/mit freündtlichen Worten vñ geberden/dise antwort geben vnd gesagt/Sehet eüch wol für Herr Johān/dañ wa jr nit werden eüch vber die fürgehaltenen Artickel genügsam erklären in diser zeyt/so eüch vom Richter ordentlichen ernant vñ bestimpt worden ist/so habē wir machtsüßig vnd Recht/eüch als einen Keger zuerklären. Aber Herr Johān ist auff seiner vorigē meynung blyben/vnd hat kein weytere oder andere antwort geben wollen.

¶ Vber solches haben wir vns mit obernantē vnsern Niebrüderē vnd etlichen andern/weyters berathschlaget/vnd hat vns gefallen/das man Herr Johān solte weyteüffiger erklären/was doch die H. Römische Kirch nach der lehr der H. Väter / Augustini/Hieronymi/Ambrosij/vnd anderer/in diser sachen geschlossen hette/welches jha ein jeder Christ schuldig sey zuhalten vnd zuglauben.  
Derauff

# Von den H. Gottes Beküern

¶ Hier auff er geantwortet/Er wölle ja gern glauben vnd halten alles was die H. Kirch erkant vñ beschlossen habe/auch alles was Gott selbers gebotten hat. Aber dz vnser Herr der Papst/die Cardinal/ die Erzbischöff vnd Bischöff/sampt anderen der Kirchen Prelaten/gewalt heben/solches zuschliessen/das hat er keins wegs gestohn oder bekennen wollen. Derhalben haben wir noch weyterers/auß besonderem mittleyden gegen im/vnd hoffnung er wurde sich eins besseren bedenkē/im verheysen/dz wir in etlich Artickel vnd Schlusreden von obgemeldter sachen/darauff er sich dan solce etwas mehr erkläret haben/schrifflichen zñstellen/vnnd auß der Lateinischen sprachen/vmb bessers verstandes willen/in die Englisch verdolmetschen lassen wolten/Befalhen im hieneben vnd bitten in herziglich/das er auff nechst zukünfftigen Montag sein antwort hierüber geben wolte. Haben auch befelch geben vnnd verschafft/das noch den selbigen tag ernante Artickel vnd Schlusreden/auß dem Latein in die Englisch sprache seind gebracht worden/damit er sich den nachfolgenden Sonnen tag gnügsam hierüber heere zñbedencken. Vñ ist diß derselbigen Artickel oder Schlusreden kúrger inhalt.

Glaub der  
Papisten.

Nö Nacht  
mal.

Transsub-  
stantiatio.

¶ Die H. Allgemeyn Kirch haltet vnnd glaubet vom Hochwürdigem Sacrament des Altars also/das nach gehaltenen Consecration/vñ nach dem der Priester die wort in der Messen vber Brot vnnd wein gesprochen hat/das Materlich brot verwandelt werde in den waren natürlichen Leyb Christi. Desgleichen der Materlich wein in dz ware vñ natürlich blüt Christi/derhalben so bleybe auch nicht

# vnd Martyrern/der iij. theyl. xli

nicht mehr weder des brots/noch des Weins substanz vnd  
wesen/so zuvor da war. 2c. Wz gibstu nun für ein antwort  
hierüber?

¶ Item/so hat auch die R. Kirch erkant/das ein je-  
der Christen Mensch so außserden lebt/dem Priester/so  
von der Kirchen hiezü geweyhet vnd verordnet ist/wa er  
den selbigen haben kan/seine Sünd Beychten soll. Was  
haltestu nun von disem Artickel?

Von der  
Beycht.

¶ Weytter/So hat Christus den Apostel Petrum zü  
seinem Statthalter hie außserden verordnet/vnnd ist die  
Römisch Kirch sein siz oder Stül/derhalben er auch ebē  
solchen gewalt/wie Petro/allen nachkōmlingen/die man  
jetzunder Bapst nennet/gegeben hat/durch welchen dan  
in andern neben Kirchen besondere Prelaten erwölte vñ ge-  
ordnet werden/als da seind die Erzbischöff/die Bischöff/  
vnd etlich andere Stend der Geystlichen/welchen aber  
allen das Christlich volck/nach erkantnuß der Rhōmis-  
schen Kirchen zugehorsamen schuldig vñ verbunden ist.  
Also hat es die Kirch beschlossen. Wz ist aber hienon dein  
meynung?

Von ge-  
sam des  
Bapsts vñ  
anderer  
Prelaten.

¶ So hat auch demnach die R. Christlich Kirch er-  
kant/das ein Christ schuldig sey/der Abgestorbenen Heyli-  
gen Stett zubesuchen/vñ daselbst die gebeyn so noch von  
den Aposteln/Martyrern/Bekennern vnd allen andern  
Heyligen/so die Rhōmisch Kirch angenommen hat/vber-  
rig seind/verehren vñ anbetten. Was glaubstu aber  
hienon?

Von Wai-  
farten.

¶ Auff Montag nun den xxv. tag des Herbstmo-  
nats/seind auß unserm vñ unserer lieben Mitbrüder/  
L darzü



# ¶ Von den Hi Gottes Bekenern

darzu wir dann noch auch genomen haben/den Ehrwür-  
digen/unsere lieben Brüder/Werren Benedict von Got-  
tes gnaden Bischoff zu Bangora/geheysß vñ befehl/mit  
angerürten Euangelien beeydiget worden / alle unsere  
Rath vnd Diener/Als nemlich/W. Heynrich Ware Of-  
ficial an vnserem Geystlichen Gericht zu Candelburg/  
Philipp Morgan/ beyder Rechten/ Howellus Kyssyn/  
der Decreten/ Johan Kemp. vñ Wilhelm Karleton. der  
Rechten Doctorn. Auch Johannes Witnam/ Thomas  
Palmer/ Robertus Wombewell/ Johannes Withead/  
Robertus Chamberlayne/ Richardus Dodyngtone vnd  
Thomas Walden der W. Schrifft Professorn vund Lese-  
meyster/ desgleichen Jacob Cole. vnd Johannes Steuyns  
unsere darzu beruffne vñd geschworne Notarij/ das sie  
vber vnd von diser Matery/ auch in diser ganzen sachen  
ihren besten getreuen rath/darhün vnd anzeyge wöl-  
len.

¶ Also ist folgendes obgemeldter Herr Robertus von  
Morlay/ der Oberste vber die gefangnen zu Londen her  
für getreten/vnd mehr gedachten Herren Johan Olde-  
castell mit sich geführt / vnd in offentlichen für vns darge-  
stellt. Waben wir nachmals freündlich vnd güetiglichet  
im nach ordnung erzölt/was sich den vorigen tag verlos-  
fen/auch wie er verbanet worden/vñd noch im Bansey/  
vnd ihn gebetten vnd gefragt / ob er doch die Absolution  
begere/oder solche auch nach gemeynem brauch der Kir-  
chen/leyden möge.

Herr Johan  
will die ab-  
solution vñ  
den Prela-  
ten mit be-  
geren.

¶ Darauff Herr Johan außdrucklich geantwortet/  
er beger in disem fall von vns kein Absolution/ aber von  
Gott allein.

Das



¶ Haben wir in nachmals freüntlichen ersucht vnd gebetten / er wölle doch vber die Artikel vnnnd Schlusß red / so im fürgehalten worden / sein richtige antwort geben / vñ nemlich zum erstē souil da belanget das Sacrament des Altars.

¶ Hierauff hat er nün geantwor-

ter / vnd vnder andn wortē gesagt / Das zu gleicher weys / wieder Herr Christus warer Gott vnnnd warer Mensch gewesen sey / doch die Göttliche Natur inn der Menschlichen / die man an im augenscheynlich gesehen hat / verborgen gelegen / Also sey auch im Sacrament des Altars / bey de der ware Leyb vnd auch das war. Natürliche brot. Dß brot sey diß so wir sehen / aber vnder dem brot sey der leyb Christi / den wir doch mit natürlichen vnnnd fleyschlichen augen nit sehen kōnden. Darneben aber leügnēt er offentlich / vnd wolte keins wegs gestehen / das die Bekantnuß von disem Sacrament / wie sie im von vns in Schriefften vbergeben / auch durch die H. Rōmisch Kirch vnd vil H. Lehrer beschlossen / sey oder kōndte sein die Erkantnuß

Bekantnuß  
Herr Joach  
vñ Nach-  
mal vñ wie  
Christus  
im selbigen  
zugegen  
seye.

der

# Von den H. Gottes Bekennen

der Rechten Christlichen Kirchen. Waes aber ye (sagt er weytters) von der Kirchen also beschloffen ist / so ist es doch gewislich wider die H. Schrifft erkant / nemlich zu der zeyt / da die Kirch hat angefangen reych zu werden / vnd allerhandt falscher giffziger lehr vberhandt genomen hat.

Von der  
Büß vnn  
Beycht.

¶ So vil dan das Sacrament der Büß vnd Beycht belanger / gab er antwort / vnnnd sagt mit außgetruckten Worten / wann einer / in einer grossen vnnnd schwären sünd steckere / dauon er für sich selbers nit köndte auffstehen / so sey es im nutz vnd güte / das er zu einem ordenlichen Priester gange / vnd ihn hierüber rathsfrage. Das er aber seine sünd solte seinem oder einem andern Priester beichten / ob er ihn gleich wol bekömen köndte / das sey zur seeligkeit nit von nöthen / dann solche sünd möge durch ware reuwingenomen / vnd der sündler durch die selbig widerumb gereyniget werden.

Von vereh  
rung der  
Bilder.

¶ Von verehrung vñ anbetung des H. Creüßs / sagt er vnd bezeüget vor vns alle / das man allein den Herren Christum / der am Creüß gehangen sey / anbetten soll / der selbig sey das rechte vnd vnser eynigs Creüß / das man anbetten sollt. Vnd da er befragt ward / was er doch für ein Ehr der Bildenuß des Creüßes Christi anhet / sagt er ofentlich / kein andere / dann das ers sauber hielt / vñ es wol einsperrete.

Daß Papst  
vnd andern  
Geystliche

¶ Souil dann den Kirchengewalt / vnseren Herren den Papst / die Erzbischöff / Bischöff / vnnnd andere Prelaten belangt / sagt er / wie das der Papst / der rechte Antichrist / vnd das haupt were des Antichrists / des gleichen die Erzbischöff /



# Vnd Martyrern/der iij. theyl. xliij

bischöff/Bischöff vnd andere Prelaten/seyen die Glieder/  
die Brüder aber vñ ande Geystlichen seye der Schwanz. „ „  
Welchem Papst/Erbischöffen vñnd Prelaten man nie „ „  
schuldig ist/zügehorsamen/es sey dann das sie warenach „ „  
folger seyen des Herren Christi/vnd des H. Apostels Pe „ „  
tri im leben/lehr/vñnd wandel. Vñnd das diß der Rechte „ „  
nachkömmling Petri sey/der ein fromes leben vnd vnschul  
digen wandel füret/vnd sonst nyemandes anders.

¶ Darzu hat vil gemelter Herr Johan/ mit lautter Herr: Joah  
stim vnd mit außgestreckten armen die vmbständel ange warner die  
sprochen/vnd gesagt/Dise alle/so jr hie zügegen / in disem Umbstā =  
Gericht sehen sitzen/vnd mich armen verurtheylen wöl der für den  
len/die werden eüch alle/vnd sich selbers verführen/vñ eüch Geystliche  
in abgrunde der Hellen stürzen/darumb hütet eüch für  
ihnen.

¶ Vñnd als er nün solches außgeredt hat/haben wir Christlich  
in widerumb vnd züm offtermal mit kläglichem trauris Beständig  
gem angesicht angeredt/auff alle weyß wir imer kondren kerr Herr  
vnd mochten/vnd ihn vermanet/er wölce sich widerumb Johan in d  
zureynigkeyt der Kirchen thun/vnd jha das halten vnd bekantnuß.  
glauben/das die Römisch Kirch haltet vñ glaubt. Aber  
er blib für vnd für auff einer antwort/vnd bekant/er hiel  
te vnd glaubte anders vnd weyters nichts/dan wie er dro  
ben schriftlich vnd mündlich were gehöret worden.

¶ Diweyl wir dan sahen/dz wir mit im nisches kond Endurteyl  
ren außrichtē/haben wir endlich mit betrübtem hertzen wid dē Her  
das Endurtheyl wider ihn gefellet / vnd mit nachfolgen ren Olde =  
den Worten eröffnet.

¶ In Gottes Namen/Amen. Wir Thomas von Got castell er =  
gangen.

# Don den H. Gottes Bekenner

tes Gnaden/der H. Kirchē zu Candelburg Erzbischoff/  
vnnnd vntwür diger Diener / Oberster im ganzen Königs-  
reych Engellande / vnd Legat des Apostolischen Stuls  
zu Rom. &c.

¶ Als wir zu Londen in 8 Pfarckirchen zu S. Pauls/  
die letzte versamlung mit vnserer ganzē Priesterschaft/  
so vnserm Candelburgischen Bistumb zugehörig/ gehalten  
haben/ Ist nach gethoner fleysziger Inquisition/ vnd  
vmbfrag/ vor vns etlicher irziger vnd Kegerischer Lehr  
vnd Artickel halben offentlichen verklagt worden/ Herr  
Johā Oldecastell Ritter vnnnd Herr zu Cobham/ wie er  
auch vormals / vber solchen in vnserm ganzen Bistumb  
Candelburg/ ist verschreyet worden/ Derhalben wir ge-  
gen ihm auff das aller freündelichst / so jmer möglich ge-  
wesen (wie es Gott wol weyßt) erstlich fürgefahren seind/  
nach dem Exempel Christi/ der da nicht will den todt des  
Sünders/ sondern das er sich beker/ vnnnd wider lebendig  
werde/ &c. Habē vns deshalb auch aller mittel gebraucht/  
dadurch wir verhofften vnd gedachten ihn widerumb zu  
der eyngikeyt der H. Christlichen Kirchen zubringen/ in  
der halben nach ordnung/ vnd weytleüffig erkläret vnnnd  
fürgehalten / was in allen vnnnd jeden solchen Artickeln/  
deren halben er verklagt wordē/ die H. Römische Kirch/  
geschlossen/ haltet/ lehret vnd prediget.

¶ Vnd wiewol wir ihn/ als einen/ der in vnserm Allge-  
meynen Catholischen glauben schwärlich irrte/ befunden/  
der auch gang halßstarzig seinen irrthumb/ weder be-  
kennen/ noch entschuldigen oder widerzüffen hat wollen/  
haben wir ihn doch nichts desto weniger/ auß Väterlicherē  
mitley

mitleyden/vnd als die/so sein zeytliche vnd ewige wolfsart von herten begerten zûsuchen/ ein gewisse zeyt/darinnen er sich hierüber weyters hette zubedencken vnd zûberathschlagen/vergönt vnnnd zûgelassen/ob er etwan sich eines bessern bedencken/ vnd von gefasstem irthumb abstecken wolte.

¶ Endlichen aber vnd zûm letzten/dieweyl wir vermerckten das kein besserung bey jm weyters mehr zûuerhoffen were/seind wir/nach verrichtung aller deren ding/so in vnserem Geystlichen Rechten zû vollstreckung solcher sachen erfordert werdē/doch mit grossem hertzgleyde/traurigkeit vnd schmerzen/wider ihn fürgefahren/vnnnd vnser endlich vrtheyl/dabey wirs gedencken bleyben zûlassen/auff nachfolgende weys vnd wort gefelle.

¶ Im namen vnsern Herren Jesu Christi/auff den wir allein in diser ganzē handlung gesehen haben/Nach verhörter sache/zeugen/kundtschafftē vñ mancherley anzeygungen/haben wir endlich befundē/das Herz Johan Oldecastell der Ritter/vnd Herz zû Cobham/warhaftig ein Keger ist/vñ bleyben will/der in denen sünden/so zûm Glauben vnd gehorsam der Allerheyligsten Khōmischen vnd Allgemeynen Christlichen Kirchen gehōrē/fürnemlich aber vnd insonderheyt in den h. Sacramenten des Altars vnnnd der Buß/etlichen irigen vnnnd Kegerischen menschen glauben gibt vnnnd folget. Das er auch als ein Kinde der Bosheyt vnnnd Finsternuß/sein Herz dermassen gang verstocket hat/das er die Stimme seines Hirten nicht will hören/vñ sich weder mit ernstlicher vermanung gewinnen/noch mit freündlichen worten

Vrtheyl wider den  
Herzen Oldecastell.

ten



# Von den G. Gottes Bekennen

ten vnnnd geberden / wider bringen vnnnd bekeren lassen  
will.

¶ Vnd dieweyl wir sha alle handlung in diser gangen  
sachen vrsprünglich mit sonderm fleyß vnd ernst haben  
erkündigt/vnd befunden/das gemeldter Herr Johan in  
solchem allem schuldig / vnnnd sein sünd durch verdampfte  
vnd verzweyffelte halßstarrigkeyt noch erger vnd größ-  
ser macht/Dargegen aber wir keins wegs weytter haben  
wöllen gedulden/das der/der für sich selbs böß ist/nach er-  
ger werde/vnnnd andere mit seiner giftigen falschen lehr/  
versüre/So haben wir auß gemeynem rath vnnnd wolber-  
dachter meynung vnd schluß der Ehrwürdigen vnserer  
lieben brüder/Herrn Reichart zu Londen/Herrn Hein-  
rich zu Wincesser/vnd Herrn Benedice zu Bangora/Bi-  
schöffen/auch eelicher anderer in H. Götlicher Schriff-  
ten/den Geystlichen vnd Wellichen Rechte Hochgelehr-  
ten Doctorn/auch anderer Geystlicher vnnnd Hoherfarn-  
ner Personen/die vnser in diser gehaltenen Versammlung  
Beyfasser gewesen sind/obgemeldten Herren Johan Ol-  
decastell Rector vnd Herr zu Cobham/als einen der einer  
schandlichen Sünden vberzeuget/auch sich mit der Kir-  
chen durch ware Reu vnd Büß nit hat widerumb wöl-  
len versünen/als einen Ketzer / der in den Hauptstücken/  
so von der Allerheyligsten Römischen/auch der Allgemey-  
nen Christlichen Kirchen beschlossen / gehalten/gelehrt  
vnd geprediget werden/vñ insonders in den obernanten  
Artickelen / schwärlich irret/offentlichen erkennet / geur-  
theylet/auch hiemit schriftlich vñ mit gemeyner erkant-  
nuß verdampft vnd verbanet.

Befelhen

# vnd Martyrern/der iij. theyl. xlv

**E** Besselhen ihn hiemit von diser stund an hinfürt als einen Keger der Welclichē Oberkeyt. Habē auch weyter gemeldten Keger/auch alle vnd jede so in hinfürt von wegen seins gefastten irthumbs hehausen vnd beherbergē/schützen vnd schirmen werden / oder cynigen Rath/hilff vñ beystande in diser sachen erzeygen vñnd thün werden / oder sonst solche Keger auffnehmen vnd verthädigen / offentlich verbanet/vnd thün hiemit ihn vnd dieselbigen alle / mit diser Schrifftten als verbannete leüth / meyniglich zu wissen. Vnd damit solches alles/allen Christen menschen im gangē Königreich Engellandt zu wissen vnd künde gerhon werde/so besselhen vnd gebieten wir eüwer liebe allen sampt vñnd sonders / das ihr gemeldten Herrn Johan Oldecastell / als der von vns (wie oben vermeldet) als einen der Kegerische lehr füret/trennung vñ spaltung anrichtet/vñ in obgeschrybnē Artickeln schwärlich irret/offentlichen verdampft vñnd verbanet worden ist/sampt allen denen / so bemelten Herren Johānem seiner irigen lehre zugefallen/eynziehen / beherbergen / beschützen vnd beschirmen/oder ihn cynige hilff/rath vñnd günstigen willen erzeygen werden / als auch die / die so vil an inen ist / die Kegerische lehr verthädigen wölle. Nach diser eüwerer selbs eygner erkantnuß in allen eüweren Kirchen/Stetten/Bistumben/durch eüwere darzu verordnete Diener in ihren Kirchen zu der zeyt / wann das volck am meysten beyeinander versamlet ist / mit hoher verständlicher stime/ vnd in gemeynen Engellendischen spraachen/wie dan solches in disem gangen proceß ernstlich eyngeleybet worden ist/aufschreyen/erklären vñ auß

Herr Johan  
würt Welclicher Oberkeyt befolhen.

M

ruff

# Von den H. Gottes Bekennern

rüssen/Damit doch durch solche öffentliche außspruchung/  
die gefassten irthumben des gemeynen volcks/das vil  
leicht in diser sachen vil anderst/dann sie sich mit warheyt  
verlossen vnd zügetragen hat/berichtet worden ist/hinge  
legt vnd auffgehoben werden.

¶ Wir gebieten auch hiemit/das jr allen vnd jeden vn  
seren liebē mitbrüdern in vnserm Bistumb Candelburg/  
von wort zü wort schriftlichen züschicken vñ Kunde thun  
wollen/Das sie auch alle sampt vnd sonders in ihren stec  
ten vnd flecken/alle weyß vnd form diß gehaltenen proceß/  
sampt vnserm Endurtheyl/vnd allen vnd jeden hiezü ge  
hörigen stücken/so in bemeldter schriftten werde verzeych  
net stehen/offentlichen anschlagen/verkünden vnd auß  
rüssen/auch verschaffen das es durch ire geordnete diener  
vnd helffer außgerüssen/verkündiget/vnd angeschlagen  
werde.

¶ Das sie auch vns vnder schidlich vnd warhafftig wi  
derumb wissen lassen/welchen tag in solche schrift zükom  
men/auch welcher gestalt sie disen vnseren befehl haben  
verrichtet. Datum in vnserm Schloß Maydeston/den  
x.tag des Weinmonats/ Im Jar nach der geburt Christi  
M. CCCC. vnd XIII.

¶ Diweyl dann nün vilgemelter Johan Oldecassell/  
als ein rechter warer Ritter/des Keychs Christi/vnd Be  
kenner Euangelischer warheyt/vō obernanter der Geyst  
lichen vnd Prelaten in Engellande Versammlung/als ein  
Keger verdampt/In ban geschon/vnd Wellicher Ober  
keyt erlaubt war/ Hat dieselbig zü jm griffen/vnd in ge  
fänglich/ als einen verächter vñ schmäher Königlich  
Majestat






Maieſtat/in den  
thurn zu Londen  
legen laſſen. Auß  
difer gefäncknuß  
iſt er bey nacht en-  
trunnen/vnd mit  
etlich vilẽ andern  
in Cabriam ent-  
wichen/vnd da  
ſelbſt vñ neuwem  
wider die genant-  
ten Geiſtliche vñ  
Cleryſey angeſan-  
gen zuhandlen.  
Aber nach vier ja-  
ren widerumb ge-

Ber: Olde  
caſtell iſt  
auß der ge-  
fäncknuß  
entrunnen  
aber wider  
geſangen  
vnd ver-  
brañt wor-  
den.

fangen / vnd gehn Londen ins gefäncknuß geführt/vñ vol-  
gends vnd der Regierüg König Meynrichs des fünfften  
diß namens/auff dẽ platz S. Agidij an eyſine kettẽ auff-  
gehencet/vñ verbrēnet worden. Im Jar nach der geburt  
Chriſti M. CCCC. vnd XVIII. Iſt also in jm erfüllet  
vnd war worden ſein eygne Prophecey/die er von ihm ſel-  
bers/wie meniglichen zur ſelbigen zeyt wol bewiſt gewe-  
ſen iſt/gethon hat. Das er nemlich/wie vor zeyten Elias  
der Prophet/hie auff erden vmbkõmen vnd ſterben wer-  
de. Welches jm dan auch etlicher maſſen war worden iſt.  
Dan zũgleicher weyß wie zũvor im Alten Teſtament E-  
lias/da er von diſer Erden hinweg ſcheyden wolte / in ei-  
nem Feürigen wagen gehn Himm̃el zũ ewigen leben ge-

W ij führt/

# Von den H. Gottes Bekennern



fürt / oder hinge-  
zuckt wordē ist / Al-  
so ist diser vnser  
theurer Marty-  
rer Johā Oldeca-  
stell / Erstlich an  
galgen / gleichsam  
als auff einen wa-  
gen gesetzt vnd ge-  
hencket / nachmals  
aber rings weyß  
vmb mit feür bele-  
get worden / vnd al-  
so gleichsam auff ei-  
nem feürigen bren-

nenden wagen / seinen Geyst auffgeben / vnd gehn Himel  
in die gemeynschafft des Ewigen lebens gefaren.

**W. Wilhelm Taylor /**  
ein Priester in Engel-  
lande.

**I**n disem schreybt der Hoch-  
gelehrte Johannes Baleus / dz er ein Prie-  
ster vnd eins auffrichtigen vnschuldigen  
lebens vnd wandels sey gewesen / Derhal-  
ben er sich dann auch mit Gott seeligem  
vnd



vnnnd recht Christenlichem Eysen / wider die genand-  
ten Papisten / von wegen ihrer vilfeltigen Abgötterey/  
habe eyngelassen / als einer der als ein treüwer vnnnd  
frommer Diener Gottes länger nicht kondte erdulden/  
die erschrockenliche Gotteslesterunge / die sie mit ihrer  
falschen verfürischen Lehre / täglich vnder dem gemey-  
nen Volck/triben vnnnd üben. Hat also dieselbigen/bey-  
de Schrifftlich vnd mündtlich in seinem predigen/mit ge-  
waltiger zeügnuß der H. Göttlichen Schrifften wider-  
fochten/insonders aber wider die anruffung der Creatu-  
ren disen Artickel ernstlich bestritten / das man das Ge-  
bett allein solle zu dem Allmechtigen Ewigen Gott thun  
vnd richten/Wie er dan hienon/vñ nemlich/ das man die  
Heyligen nit soll anruffen / ein besonder büch hat beschry-  
ben. Vnd wiewol ihn des Antichrists diener durch vilfel-  
tige peyn vnd Marter widerumb zum widerzüß getrun-  
gen haben/so ist er doch endelich widerumb auß rechtem  
eyser zum Herren Christo vnd ein mal erkantet warheyt  
getreten/sein Bekennuß widerumb gethon/vnnnd also  
auff den andern tag des Mergen/ Im Jar als man zale  
nach der geburt vnsers Erlösers Jesu Christi M. CCCC.  
vnd XXII.zu Londē auff dem plag/so man den Schmid  
plag nennet / durch des Antichrists diener als ein bestän-  
diger Bekenner Christi / verbrennet worden. Vñ schrey-  
bet Walden in seinem Büch von den Sacramenten/  
das er allein vmb diser vsachē willen/durch der Bischöf-  
fen erkantnuß/zum feür verdampft vñ verurtheyle wordē  
sey/dieweyler gelehrt vñ gesagt hab/Das die Anbettung  
der Creaturen oder der Geschöpfen/ein Abgötterey sey.

M. Tay-  
lou: hat des  
Papsts vil  
feltige le-  
sterung  
ernstlich  
widerfoch-  
ten.



# Von den H. Gottes Bekenñern

Wilhelm Whyte/cin Prie-

ster in Engellandt auf  
Cantua.

Wilhelm  
Whyte hat  
ein Ehe=  
frau ge=  
nommen.



In disem schreybt auch der  
Hochgelehrte Johanes Baleus/dz er ein ge-  
lehrter/auffrechter redlicher vnd wolbered-  
ter Man vnd Priester gewesen sey/welcher  
sein platten vñ schmier hingelegt/vnd ein

Gottselige züchtige Junckfrawē/mit namen Joāna/zū  
seinē Ehlichen gemahel genommen hab. Vñ doch darnebē  
die predig vñ verkündigung des H. Gottes worts/nit vñ  
der lassen/sond für vñ für zū befürderung des rechten wa-  
ren glaubens in den Herren Jesum Christum vil gelesen/  
geschryben/auch treüwlich vnd ernstlich ander leüt geleh-  
ret. Insonders aber sey diß in allem seinem schreyben vnd  
predigen das fürnembste vnd hauptstück gewesen/das er  
alle menschen dahin gewisen hat.

Merck.  
Sinn der  
Leh: so der  
frome Why-  
te geführt  
hat.

I.

¶ Das man verzeyhung der sünden allein bey vñnd  
von Gott müsse erlangen.

II.

¶ Darneben auch bezeügt/das das Ehelos leben des  
Papsts vnd seiner Geystlichen/sey anders nichts/dan ein  
Teüffels stand/ein schwäre gefäncknuß des Antichrists/  
vnd deßhalb ein abfall von Christlicher freyheyt.

III.

¶ Item/das man die Bilder vnd Götzen dem gemeyn-  
nen Man nit gestatten solte.

IIII.

¶ Auch die gebeyn der Todten nit mehr verehren/vnd  
anders dergleychen/te.

Sagt

# vnd Martyrern/der iij. cheyl. xlvij

**¶** Sagt auch die Rhömisch Kirch were der Seygenbaum/welchen der Herre Christus /darumb das er kein frucht eines rechtgeschaffnen glaubens bringen vnd tragen wolte/verflucht hette.

V.

**¶** Item das die Gefapten/geschmierten vnd beschornen Geystlichen/des Lucifers Landesknecht vnd diener weren. Vnd das ihnen allen/dieweyl ihre Ampeln nicht brennen bleyben/sondern aufgelöscht wurden / die thür/wan der Herre Christus komen wurde/verschlossen bleyben wurd.

VI.



**¶** Diser hat erstlich zu Candelburg vnder dem erzbischoff Heinrich Chycheley/ Im Jar nach der geburt Christi/M. CCCC. vnd XXIII. verleüget vnd widerzuffet / Aber doch bald hernach inn Christo widerübersterket vnd manlicher worden / sein bekandnuß ge-

chon/ vund zuletzt zu Londonig durch den Bischoff daselbst / Wilhelmum/zum feur verdampt vnd verbrennet worden. Im Herbstmonat / Als man salt nach der geburt Jesu Christi/M. CCCC. vnd XXVIII. Jar,

# Von den H. Gottes Bekenñern

## Thomas Rhedonensis /

### ein Franzos vnd Carmelit.

**W**ie diser Thomas erstlich auß Frankreich in Welschland gezogen/ vñ daselbst auß Christlichem eyser/ wider den pracht/ stolz vnd vbermüt des Papsts vnd seiner Cardinal offentlich geprediget/ folgend als ein Ketzer verklagt/ gefänglich angenommen vñ verurtheilt worden sey / Hastu günstiger Leser hienach ein feyne Hystory gezogen vnd vertheilt auß den Schrifften Johannis Fori.

Thomas zeucht gen Rhom/ ver meynt daselbst frömer zu werden.



Ye näher Rhom ye böser Christ.

**I**n Jar als man zalt nach der geburt vñsers Heylandes Jesu Christi/ M. CCCC. vñd XXX. ist obgemelter Thomas (welcher ein geborner Franzos/ vñ ein Carmeliter Mönch gewesen) mit 8 Venediger botschafft in Italiam oder Welschlandt komen. Dann dieweyl er die lehr des H. Euangeliums etlicher massen erschmeckt/ vñd derselbigen mit höchstem ernst vñd eyser nachzuhengen fürnemmens war/ hat er gedacht er könde solches an keinem anderen ort besser erlangen/ dann eben in Welschlandt/ vñd fürnemlich in der statt Rom selber. Dieweyl dieselbige Statt/ vñ meniglichem/ als dz haupt der ganzen Christenheyt/ vñ ein sitz oder Stül des Allerheyligsten Apostels Petri/ erkant/ verehret vñ gehalten ward. Dahin ist nün diser vnser Thomas gezogen/ als der da verhoffte/ er wolte durch die beywohnung vñd

Leyme





Exempel solcher  
heyliger herrlicher  
vñ fürtrefflichen  
leüt in warer Gott  
seligkeit/vñ Christ  
licher lehr von tag  
zū tag/ yelänger  
vñ ye mehr zūnem  
men vnd wachsen.

¶ Aber dz werck  
an jm selbers hats  
vil andt bezeugt.

Dann er fand da/ Baughal =  
selbst gerad dz wi/ tung zū  
derspil. Allerhand Rom.  
betrug vnd lauter

gleyßnerey. Dañ da regiert an statt d̄ Himlischen Güter/  
Weltliche Bauchsorg/an statt warer Gottseeligkeyt/al  
lerley vberfluß/an statt güter künsten/ alle Faulkeyt vñ  
Aposteylery/an statt der Apostolisch̄ eynfalt/ lauter  
tyranny vñ greüwliche grosse hoffart/ Summa/ das es al  
les miteinander verkeret vñd verderbt war. Vedoch be  
kümmert disen fromen theüren Dañ nichts mehr/ dan die  
vnmenschlich hoffart/vnd grausam grosse pracht/ den er  
an denen leüthen sahe/ die doch sonst aller Welt/ als seyne  
exempel Gottseeliger demüt vnd gelassenheyt solten für  
gestellt sein. Vñd wiewol er garnache nichts fand/ das  
nach der Apostel lehr angerichtet were/so hatte doch sol  
che hoffart vnd vberfluß dermassen vñ so gar vberhandt

¶

ge

# Von den 5. Gottes Bekennern

Thomas  
 kan länger  
 zu dem  
 prächtigen  
 stolz zu  
 Rom nie  
 stillschwey  
 gen.

genommen/das er auch länger hiezū nit kōndte/ oder wißte  
 er mit gütē gewissen/dieweyl die Kirch Christi/dardurch  
 zugrunde giengē/stillschweygen. An gebeüwen/kleydern/  
 kostlichen Pallästen/ In speys vnnnd erand/ In vile der  
 Knecht vñ Diener/in üppigkeyt des lebens/mit Rossen/  
 auch kriegswaffen/müßte er einē vberschwendliche vber  
 fluß sehen. Vnd dieweyl solches alles Euangelischer lehr  
 vnd Regel zūm höchsten zūwider/so hat gemeldter vnser  
 lieber Thomas länger hiezū nit kōnden stillschweygē/ ob  
 er wol wußte/das er mit seinem reden wenig nutz schaffen  
 wurde. Dann wann ye hett sollen etwas an solchen leuten  
 helfen/so solten sie doch ab dem todt so neuwlich Johan  
 Huß vnd Hieronymus von Prag vmb der warheyt wil  
 len erlitten/frōmer vnnnd besser worden sein/welches aber  
 nit allein nicht beschehen/sonder sie seind nur desto ergee  
 vnnnd verflüchter worden. Wiewol auch solche verrüchte  
 vnweyß ihn nit hat abgeschreckt/dan er auch bereyt war/  
 wa es von nöten/vnd es Gott also haben wolte/den todt  
 vber solchem so heylsamen vnnnd notwendigen Ampt/zū  
 leyden.

4. Tim. ii.

Also ward nūn auß dem/der darumb gehn Rhom  
 zogen war/das er noch ein Jünger vñ discipul solcher leute  
 sein wole/ein Doctor vnd Lehrer/der sie vnderweyset vñ  
 lehret. Sein leben füret er dermassen/das ihm billich alle  
 Menschen solten gefolget haben. So war sein lehr also be  
 schaffen/das sie meniglichen zūm heyl anführen vnd wey  
 sen kōndte. Aber wie Paulus gesagt hat/das alle so da in  
 Christo Jesu wollen Gott seelig leben/müssen verfolgung  
 leyden/also gienges disem gütten lieben Wann auch. Er  
 gab

# Vnd Martyrern/8 iij. theyl. !

gab meniglichen die rechten waren fruchtē/warer Gote  
 seeligkeyt/denen man nachfolgen solte/ So gaben sie ihm  
 dargegen die Kron der Martyrer. Er zeyget ihnen den  
 weg zū leben/so lügten sie darneben/wie sie in tödten vñ  
 vmbbringen kōndtē. Sein mühe vñ arbeyt/ kōndte man  
 mit keinem gelt bezalen/aber dargegen haben sie in auch  
 biß ins feür hinein verfolgt. Dañ nach dem er mit seinem  
 ernstlichen lehren vnd predigen/viler Cardinälneyd vnd  
 haß auff sich geladen/haben sie zuletzt angefangen / nach  
 solchē mitteln zū rachschlagē/ durch welche sie in möchten  
 vmb leben bringē. Bald nemen sie das alte vnd gemey-  
 ne Mittel für sich. Dañ diß ist bey den Genanten Geystli-  
 chē Prelaten vnd Herren/ein besondere vnd ewigbleyben-  
 de gewonheyt/wañ inen einer in seinem Predigen/nit ge-  
 falt/oder zū hefftig einreden/oder jrē gewin vñ einkōmen  
 abbrüchig vnd nachtheilig sein will/ so erdencken sie von  
 stund an etliche Artickel die da Kegerisch/falsch/vñ irrig  
 sein sollen/vñ mit den selbigen beschwären sie ein solchen  
 prediger. Vñ ist diß aller Bischöffeynigs waffen/dz/wañ  
 ein Prediger jrē müetwillen/oberfluß vñ hoffart zūwider  
 ist/ste von stund an wider in als wid ein Keger handlung  
 fürnemen/damit er erwürgt werde. Welchs man in vilen  
 andern vñ gleichsam onzalbarn Exempeln/fürnēlich aber  
 an disem vnserm lieben Thoma leichtlich sehen vnd erken-  
 nen kan. ¶ Dañ so bald er anfieng etwas ernstlicher zu  
 predigen/also dz in des Papsts hoffgesind länger nit hö-  
 ren od dulten kōndte/da namen sie die alte practick für die  
 hand/vñ dz sie neüwlich wider Johan Hussen/vñ Hiero-  
 nymum von Prag/zū Costentz auff dē Concilio/erdacht/

Cardinäl  
 mögen das  
 predigen  
 vñ straffen  
 des fromen  
 Thome in  
 die har: nit  
 leyden.

Papisten  
 gemeyner  
 brauch wie  
 der frome  
 prediger.



# ! Volgeden H. Gocces Bekennern

das erdencken sie auch wider disen lieben Man.

Die ge-  
nandten  
Geystliche  
sind die  
gröste Ty-  
rannen.

**T** Da gieng nun mancherley böser argwon starck wi-  
der in/ sie vberfielen ihn mit mancherley fragen/ Exami-  
nierten in für Gericht/ stellten Artikel/ beschuldigten in  
der Kegerey/ verdampften letztlich vnd erwürgten in als  
einen Keger. Dañ diß ist der fridlich stand aller Geystli-  
chen/ das/ ob sie wol von aussen kein schwerdt noch ande-  
re waaffen tragen oder fürē/ yedoch inwendig im herten  
voller giffte/ bösheyt/ rachgirikteyt/ neyd/ haß vnd aller  
böser practicken/ die ihu vil scherpffer vnnnd spiziger seind  
dañ alle schwerter/ stecken. Es würt in ernstlich vnd zum  
hefftigsten verboten/ das sie kein Wehr auff offner gas-  
sen tragen sollen/ vil weniger darnit sechten/ darneben a-  
ber wañ es für Gericht vnd zur anklag komet/ findt man  
vnder der Sönen keinen so verriichten bößwicht vñ mör-  
der/ der daraachgiriger sey/ vnd seins brüders leyb vnnnd  
leben so gering achte/ dann eben dise leüt. Sie vergiessen  
gleichwol für ihr person kein blut/ schlagen auch vnd töd-  
ten nyemandes/ nichts desto weniger aber/ so vbergeben  
sy sie andern/ zum todt. Vnnnd ist derhalben kein anderer  
vnterscheyd zwischen disen beyden/ dañ das dise die thä-  
ter/ ihene aber die Vrsacher des todt schlags seind.

Artikel  
wider Tho-  
mam ange-  
stellt.

**T** Die Artikel aber/ so sie wider vilgemelte Thomam  
erdacht vnd angestellt haben/ seind (wie etlich vermeldē)  
dise nachfolgende gewesen.

I.

**¶** Das die Kirch einer Reformation von nöthen sey/  
vnd das sie gewislich schwärlich gestrafft vñ Reformiert  
werden soll.

II.

**¶** Das die vngleübigen Juden/ Türcken vnnnd Hey-  
den

# und Märtyrern/der iij. theyl. II

den (so in Mauritania wohnen) zu den letzten zeiten auch zum Herren Christo / vnnnd Christlichen glauben bekert werden.

¶ Das zu Rhom viler schrecklichen greuwels für gang. III.

¶ Das des Papsts bañ / wann er vnrecht gebraucht werde / nichts zu fürchten sey / das auch die / die in schon nit halten / nit sündigen / &c. III.



¶ Nun war auch von nöthen / das jemandes solche sezerzölte Artikel wider in für nehme / vñ zum end außfürte / Der hat sich dan auch bald funden / insonders zu Rhom / da man alle ding / auch die Seelen der Menschen / vmbso gelt feyl findet. Ward also befehl geben de Cardinal Wil-

helm von Rothomagen / welcher zur selbigen zeite des Römischen hoffs Vicecangler war.

Es war aber zur selbigen zeite Papst zu Rom einer mit namen Eugenius / für disen ward vil gemelter vnser Thomas / aber gefäncklich / gefordert / Vñ da er erschine / ward er in Kercker geworffen. Vñ nach dem er ein zeytelang im

N iij Kercker

# Von den H. Gottes Bekennern

Richter gefessen / vilfeltiger weyß gefoltete / gepeynigee vnd gemartert ward / Naben ihn die verordneten Richter widerumb fürgefördert. Da saß nün der Oberst Richter wie ein rechter Wolff / vñ ward vor im Thomas als dz arme schäfflin / welchs dz wasser betrübt hatt / verklagt.



¶ Vnd bald / die weyl er ihzer bosshet vnd gewalt / nit kondte widerstande thün / zün feür verdammet / yedoch mit dē gedding / dz er zūuor aller Geystlichen Weyhe / durch die er Priester wordē war / solte beraubt werden. Also müste nün d fromme Thomas / ehe vñnd er getödtet

ward / zūuor enweyhet / Vnd nachma's auch seins lebens beraubt vnd mit f.ür verbrēnet werdē / Im Jar als man zalt nach der geburt Jesu Christi M. CCCC. vñ XXXVI. Im vierdeen Jar nach dem er gehn Rom kōmen war. Eliche bezeüge auch das Bapst Eugenius zūm offternmal vnd biß in sein end / dises fromen Manns (der im auß neyd vnd haß erlicher böser leüt sey fälschlich verklagt vnd an geben worden) todt heffig geklage vñnd betrauret hab.

Pfarther



und Pfarthern/der iij. theyl.

liij

Pfarther von Schonbach  
vnd Büch.

¶ Was sich mit disen zweyen Pfarthern vnd dem Bischoff zu Merßburg/ im beysein seines Cantzlers vnd eines Magisters verlossen/Findestu hienach/Günstiger Leser / auß einer Schrifft/so hienon außgangen ist/Im Jar M. D. xxiii. nach ordnung verzeichnet / vnd von inen selbers(wie es sich ansehen laßt) beschriben.

Handlung des Bischoffs von Merßburg/ mit den zweyen Pfarthern von Schonbach vnd Büch/ geschehen am Dinstag nach Bartholomei.

Anno Domini. M. D. XXIII.

**D**instags nach Bartholomei früh vmb vii. vhr / seind wir Pfarther zu Schonbach/vnd Büch/zü Merßburg für vnsern G. D. den Bischoff in seiner G. stube gefordere/vnd in beysein S. G. Cantzler/vñ eins Magisters/ vnser bedunckens/Prediger daselbst/verhört/in massen/wie hernach folget.

¶ Erstlich hat vnser G. D. zü Merßburg/ein langere de gethon/vnd den inhalt seiner Citation/Geleyesbrieff/vnd schreybens an Pfarther zü Schonbach gethon/repetiere/auch seiner antwort / mit anzeygung des vnghehorsams/

# Von den G. Gottes Bekennern



sams/ des sein G.  
mit vnbillich ver-  
druss hett/ yedoch  
wolt sein G. gern  
vergessen vnd ver-  
gebe/ so wir nach-  
mals inn gehor-  
samer erscheinen/ vñ  
beyde in gnaden  
annehmen/ beuor/  
so wir vns der Ar-  
tikel/ damit wir  
angeben vnd be-  
rührtigt/ wölten  
weysen lassen/ vñ  
bessern/ dann sein

G. were auch ein sündler/ gnad von Gott bedörffend/ der-  
halben sein G. nit wüßte vngnädig zu sein/ so wir vns er-  
kēnten. Fürer weyter eyñ mit langen Worten/ wie sein ge-  
nad sein tag vil/ vnd etwas mehr/ dan wir jungen leüt/ er-  
faren/ manchem gewaltigen grossen vnd gelehrten vnder  
augen gesehen/ auch zūm theyl (on rhūm zureden/ wz das  
nūn were) etwas gelesen. Aber solche seltsame dinge/ die  
wir vns Pfarthern fürgenōmen herten/ werē seinen gna-  
den frembd vnd vngehört/ vñnd derhalben auch nit leyd-  
lich/ souil in seine vernunft weyset/ vñ Bischöflich ampt  
verursacht. Nemlich / dz wir Ehweyber genōmen hettē/  
des solten wir nūn grunde vnd vsach anzeygen/ vnd fra-  
get wie folget.

Bischoff

**B**ischoff sprach: Pfarrer von Schonbach/habt jr/  
 als man sager/ein Theweyb: **P**farther. Gnädiger  
 Wer: Jha. **B**ischoff. Auß was ursach: **P**farther.  
 Ich hab in mir befunden die ansehung des fleyschs also  
 geschwind/das mir Keuschheyt zuhalten nicht möglich.  
 Vnd wiewolich Gott darumb vilmals gebetten/so hab  
 ich gespürt/das mir solchs von Gott nit gegeben/so lang  
 ich trost von Christo Matth. am xix. empfangen/da er  
 spricht/Non omnes capiunt uerbum hoc, sed quibus datum est.  
 Das ist/Das wort fasset nit jederman/sonder denen es ge  
 geben ist. Vnd darnach. Qui potest capere capiat, &c. Das  
 ist/wer es fassen mag/der fasse es. Auch fürther im Pau  
 lo. Melius est nubere quam uri. Das ist/Es ist besser freyen/  
 dan brunst leyden. In welchen/auch andern vil sprüchen  
 ich befunden hab/das mir ein weyb zunemen/nit allein ge  
 botten/sonder auch zugelassen. **B**ischoff. Weynet jr/  
 das die sprüch den heyligen Vattern/der Christlichen ver  
 samlung/der Römischen Kirchen/den heyligen vier Leh  
 rern/unbewist seind gewesen: halt jr euch/vnd erweiteren  
 fürer Doctor Martinum mehr vnd besser/dann die/die  
 für gut angesehen haben/das die Priester/die das aller  
 höchst Mysterium/od geheymnuß/der Messen handeln/  
 reyn vnd Keusch leben sollen/wie auch im alten Testamēt  
 figurirt vnd bedeutet ist bey der Archen/xc. Auch würet  
 das wörtlin Capere, das ist/Fassen/in Mattheo darvon  
 nit verstanden. **P**farther. G. N. ich hab auch wol ge  
 wüßt den gebrauch der Römischen Kirchen/ich hab aber  
 dz wort Gottes/den mensche gebotten/die wir nach Pau  
 lo laqueos, dz ist strick/billich nennen/vorgezogē vñ besser ge  
 acht.



# Von den G. Gottes Bekennern

acht. Will mich derhalben versehen/ L. G. werd es auch thun. D3 aber d3 wörtlin capere, d3 ist/ Fassen/ in Mattheo dauo verstande würt/ ist Teütsch gnüg/ wañ L. S. G. die Bibel ansehen wolt/ würd sichs also befinden/ vnnnd will es eüwer gnad hören/ so will ichs auß meiner Bibel lesen/ dan sihet eüwer gnad/ das d3 pünctlin/ da Christus sagt/ Non omnes capiunt uerbum hoc. Das ist/ D3 wort fasset nie jederman/ sich dahin zeücht/ das die Aposteln sagen. Domine, si sic est, non expedit nubere. Das ist/ Herz steht die sache eines Wans mit seinem Weyb also/ so ist es nicht güc chelich werden. Vnnnd also fürtan/ das das wörtlin/ Capere, Fassen/ niendert anders gehört/ dann dahin/ das die Apostel in irer frag sagen/ Non expedit nubere, das ist/ So ist es nicht güc chelich zu werden/ vnnnd zu dem wörtlin Eunuche, das ist/ Die Beschnittenen/ ich meyn ye es sey Teütsch gnüg.

¶ Cangler vnnnd Magister. Es ist Lateinisch/ nicht Teütsch. ¶ Pfarrer. Das meyn ich also/ Es sey klar vñ verständlich gnüg. ¶ Bischoff. Lieber laßt eüch weisen/ die sprüch werde nit den Priestern/ sonder den Leyen gesagt. Es stehet auch ein wörtlin zuuor/ Duriciam cordis, das Christus sage/ Moses habe vmb der herrigkeyt ihres Dergen willen/ ihnen etwas nachgelassen/ das möchte ich eüch wol zu legen/ dann ihr seyde ye ein harter verstockter mensch. ¶ Pfarr. Ich wils beweysen/ wiewol der vnder scheyde zwischen Leyen vnd Pfaffen in der geschrifte kein grunde hat/ so wir alle in Christo Priester seind/ das die sprüch auch den Priestern gesagt/ dan Paulus in der Epistel zum Tico vnd Timotheo sagt. Oportet Episcopum unius uxoris Virum esse. Das ist/ Ein Bischoff soll

solleins Weybs Man sein. So Christus vnd Paulus in  
vorigen Worten vnd sprüchen nit die Psaffen (als jr sage)  
gemeynt/so ist hie Paulus wider Christum/vñ sich selbs.

¶ Bischoff. O lieber Psaffher/maxime erratis, Ihr irrend  
euch weyt/wa rechenet ihr eüwer uotum, oder Gelübd/bin?

¶ Cangler vnd der Magister. Jha/ jha / das solt jr vor  
hin bedacht haben/da ihr eüwer ordines, oder Weyhe na  
men/vnd ehe dan jr Celibatum uouiert, Keüschheyt gelobe  
haben/jhr habt eüwer alter gehabt/ warum b bedachters  
irs nie vorhin/ehe dan jr iuriertē vñ schwüren. ¶ Psaff.  
Ich beken/das ich uotum vnd iuramentum/das ist/Gelübd  
vnd Lyde gethon/beken aber nit/das ich wol vnd billich  
vouiert vnd iuriert hab/ich hab gelobt/das ich nicht ver  
mag/vnd das ich on sünd nie haltē kan. Item/ auß vnuer  
stande bin ich vom Bischoff versürt/warumb solt ich eins  
bösen Juments/oder Lydes nit abstehe/vnd nit auff  
hören zū sündigen (Wie ließ man mir nit statt gnüg züres  
de/wie dan garnache allemal) Ich kan mich auch wolerin  
nern/das mein gelübd mit dem zusatz geschehen ist/Quano  
tum humana fragilitas permiserit, das ist / Souil Menschlich  
blödigkeyt erleyden mag / L. G. nem auch in ein beden  
cken/was ergernuß vñ sünd/vngezweyffelt auch hie in L.  
G. Seiffe von Priestern geschehen/mit souil vnzüchtigen  
weybern/die hie zū Merßburg erhalten/vnd offentliche  
sünde zügelassen werden/welches alles auß dem bösen ge  
lübd der Keüschheyt erwechset. ¶ Bischoff. Ly lieber/  
habt jr nit auch gelesen/Alter alterius onera portate, das ist/  
Ls trage einer des andern last. Wie soll man jm thün/es  
müß einer mit dem andern gedult tragen/es ist ye leydli

D ij cher/

Hirerey  
ereyben ist  
bey den Pa-  
pisten ley-  
denlicher /  
dann ein  
Eheweyb  
nehmen.

cher / das ein Priester außgebeyden vñ schwachheyt fallt  
mit einer armen dienerin zu sündigen / dann das er fräuen-  
lich ein Eheweyb zunemen / wider das Jurement vnd wi-  
der den gebrauch der Kirchen thut. Es kompt zweyspal-  
tigkeyt / ergernuß / vnd hader darauß / dz der Ley spricht /  
Schaw / der Psaff ist sonderlich / vñ nimpet ein weyb /  
die anderen alle müssen vngerecht sein / der ist allein klug  
vnd from. Lieber laßt von eüwer blindheyt vñ torheyt /  
laßt mein gütige vñ gnädige vermanen statt haben bey  
euch. ¶ Pfarther. Mein gnädiger Herr / ich werde dan  
besser vnderrichte / dann bißher geschehen. ¶ Bischoff.  
Wolan / es ist mir leydt / Gott helff euch.

¶ Hierauff wender sich der Bischoff / vñ  
sprach den andern Pfarther von  
Büch an / vñnd  
sagt.

Drey vrsach-  
en was  
rumb man  
in Ehestad-  
tomen soll.

**H**err Pfarther von Büch / bekent jr / das jr ein Ehe-  
weyb habt. ¶ Pfarther. G. N. ja / ich bekens. ¶ Bis.  
Was ist eüwer antwort. ¶ Pfarther. G. N. wie-  
wol ich mich gang auffß Pfarthers von Schonbach ant-  
wort vñnd fürgebrachte schrifft referier / so sage ich doch  
auch / vñ stell mein antwort auff drey vrsach.

- I. ¶ Zum erstē / das ich in mir nit befunden habe die gaa-  
be der reynigkeyt.
- II. ¶ Zum andern / dz es die Schrifft an keinē ort verbeüt /  
auch wenig heylige Lehrer darwider seind.
- III. ¶ Zum iij. das ich ergernuß verhüt / welche Christus  
so offte





so offte vnd hoch  
anzeget / auch  
Paulus da er sa  
get. Episcopus sit  
Vir irreprehensi  
lis, &c. dz ist / Ein  
Bischoff soll vn  
sträfflich sein / &c.  
Also / das mir in  
keinen weg an  
ders gezymmen  
wolt / dieweylich  
vnwürdig / als  
ein Pfarther /  
Gottes wort pre  
digen solt / dann

das ich ein weyb neme / &c. ¶ Bischoff. Allmechtiger Gote  
wie verstockte blinde leüt / mich verwundert / was ihr eüch  
doch jmer zeycht. Ich setz das es recht were / das jr beyde al  
lein eüch / on vernunft / vñ gnügsame vsach / so starck wi  
der ein solche kreffteige gewonheyt der Kirchen dörfte se  
gen / möcht doch geharret haben / biß von der gemeynen  
Kirchen were zügelassen vnd gebillich / vnd nit also züge  
plagt. ¶ Pfarther. G. H. wir fürchten es wurde zü  
lang / heeten gern künden / aber nie so lang harren. ¶ Bi  
schoff. Glaubts / wolt auch wol eins genommen haben.

¶ Pfarther. Warumb chüts eüwer gnad nit. ¶ Bi  
schoff. Mache ein Creüz für sich. Da sey Gott für / da sey  
Gott für / ich verman eüch beyde mehr dan mir gepürt / ist

D iij aber

# Von den G. Gottes Bekennen

aber alles on frucht vnd für nichts angesehen/Tun wol  
hin/ich hab das mein gethon.

¶ Hierauff wendet sich der Bischoff we  
derumb zu dem Pfarther zu Schon  
bach/vnd sagt.

Von Fasten  
vnd fleysch  
essen.

**P**farther zu Schonbach/mit euch hab ich weyer zu  
reden. Es ist vns fürkommen/ das jr eüwren Pfar-  
leuten die Fasten verbieten/heysen sie fleisch/vn was  
sie wollen/essen. ¶ Pfarther. G. W. ich habe fasten nicht  
verbotten/aber geprediget/das fasten/das ist/essens vnd  
erindens mässigkeit/seyan kein zeyt/rag oder vnder  
scheyde der speys gebunden/zutöden das fleysch. ¶ Bis.  
Ir werden mir ye die xl. tägige Fasten nicht umbstossen/  
die vns Christus nachzüfolgen fürgebildet hat. ¶ Pfarr.  
Es seind zweyerley werck Christi/erstlich die sich ziehen  
ad fidem & charitatem, das ist/auff den glauben vnd Liebe/  
da er spricht/Discite à me, quia mitis sum & humilis corde. Ds  
ist/Lerner von mir/dan ich bin sanffemütig vnd von her  
gen demütig. Vnd sonst vil dergleichen vns nachzüfolgē  
vermanet/den selbigen sollen wir nachfolgen. Zum and  
ern sein wunderwerck/als todten erwecken/kranken ge  
sunde machen/sonil Tausent menschen mit so wenig brot  
vnd fisch speysen/xl. rag vnd nacht sich der leyblichē speys  
enthalten/xc. welche seind ein bewärung d Gottheit Chri  
sti/ vnn haben damit ein Geystlichen verstande vnn  
lehr/den selbigen können wir nicht nachfolgen/ist auch  
nicht no. ¶ Bischoff. Ich laß das xl. tägige Fasten nic  
anders

Zweyerley  
werck Chri  
sti/vnd wie  
man den  
selbige fol  
gen solle.

anders sein/dan ein werdt der nachfolgung / sage was ihr wolt. ¶ Pfarther. Wills eüwer G. nit anders haben / so gehe eüwer gnad hinauß in die Wüsten/vñ esse in vl. eagen vñnd nächten keinen bissen. ¶ Bischoff. Ihr dörfte mich nicht heysen was ich thün soll / ihr seydt noch zu gäl vmb den schnabel / vñd zuwenig mich zuheysen / auß auß was böreich. ¶ Bischoff. Was sagt jr dan zur Aß die jr in eüweren kleydern/vñnd nicht wie die heyligen Väter geordnet habē / halten. Den leüten beyder gestalt das Sacrament gebt. Es ist aber nichts / das ich eüch vil für halt / ich vernim kein besserung. ¶ Pfarther. G. H. das ich kurz darzu antwort / ich neme für mich die drey Luan gelisten / vñd Paulum / wie eüwer gnad selbs wol weyßt.

Bischoff zürnet.

Von der Aß vñnd beyder ley gestalt des Sacraments.

¶ Bischoff. Ach jr vernembes nit / jr folget den Griechen nach / darauff jr eüch vñlleicht referiert / das seind böse vñgehorfame leüt / haben sich züklüg geacht / dz sie soltē von den Römern regiert werden / vñd haben bißher allzeyt ihres kopffs gelebt. ¶ Cangler. Ich biñ auch in Grecia gewesen / vñnd gesehen ire weyße zu celebrieren / aber danoch in iren verordneten kleydern vñnd gebrauch / auch von menschen geordnet / ic. was ihr eüch zeyhet / solt eüch noch mehr wundern dann mich. ¶ Pfarr. Ich hab mich nichts gezogen auß die Griechen / wundert mich / wie ihr mich dahin fürē wolt / Ich geb in dem falleben souil auß die Griechen / als auß die Römer / ich stehe auß dem wort Gottes / vñ will mit keiner lehr gefangen sein / er hab dan die geschrifft. So nñn die wort Christi / darinn die Aß steht / keine d weyß / wie wir bißher Aß gehalten / inhalt / sollen sie mir auch willkürlich vñd frey sein. ¶ Bischoff.

Wine Christen bester grundt ist Gottes wort.

Das



# Von den H. Vatters Befehren

Das ist sonil gesagt/wir seind allein klüg/vnd alle Väter der Kirchen seind Narren/wissen nichts. Mein lieber freündt/D. Martin weysß noch nit alles/würt mich nit verreden/das ich mehr von ihm/dañ den Heyligē vier Lehrern halt/ich bin der wenigsten einer/wolt noch D. Martin an vil ditzern weysen / da er nicht hin gedacht hett.

¶ Pfarrer. Soll ich ihm das also von L. G. sagen. Der Christlich from vatter Martinus hat sich alle mal erboten/er künde vnderricht leyden/auch von einem kindt/geschweyg vō L. G. ¶ Bis. Ich sag nit dz ich mit ihm disputieren will/es ist mir auch nit not/dañ er ist in meinē Gebet nit/des ich Gott danck/mir ist zūnil an eüch beyde. Aber ich will eüch ob Gott will noch dahin bringen/das jr mir folgen solt/ich sage allein darumb/dz jr alle ding mit Bibel vnd Euangelio beweyßt wölē haben/vnd also die heyligen Väter vnnnd Doctores veracht. Ich wolt gern von

Merck

Christlicher  
Leser der  
Papisten er  
schändliche  
blindheyt.

eüch wissen/wie jr alle Artickel des Glaubens mit dem Euangelio beweysen wolt/vnd so gar nichts auff die Lehrer geben. ¶ Pfarrer. Welcher Artickel stehet dañ nit im Euangelio. ¶ Bischoff. Descendit ad infernum, dz ist/ Abgestigē zū den Hellen. ¶ Pfarrer. Hilff Gott er stehet doch in Geschichten der Aposteln / vnnnd in Paulo.

¶ Bischoff. Ja Paulo / ist das im Euangelio? ¶ Pfarrer. Ja freylich im Euangelio/wañ L. G. Paulum nit das Euangelium will sein lassen/haben wir bass zuthun mit L. G. ¶ Cangler. Paulus enim habet alia uerba, quā Euangelium, si alia uerba, non est idem cum Euangelio. Dz ist/ Paulus hat ander wort/dañ das Euangelium / dieweyle er dañ ander wort hat/so ist er ye nit ein ding mit dem Euangelio.

ko. ¶ Pfar. Da da/Nego consequentiam, das ist/die folg  
 schleußt nichts. ¶ Cant. Ja man mag sagen/Licet non  
 sit idem cum Euangelio explicite, tamen implicite, das ist/ Ob  
 wol Paulus nit eins ist mit dē Euangelio außdrücklich/  
 so ist ers doch verborgenlich. ¶ Bischoff. Wolan/laßts  
 gut sein/wir wollen vns mit ihn in kein disputaz geben.  
 Aber eins muß ich sagen/ mich wundert das jr die Messige  
 wande vnnnd weyß der Messen nichts wölt sein lassen/ so  
 doch jr nit leügnē dörfft/ das man bey dem hochwürdigē  
 Sacrament das leyden Christi bedencken soll/ Nun ist  
 nichts am Kleyde vnd Character/ dan lauter anzeygung  
 des leydens Christi. ¶ Pfarher. Hett Christus dar  
 durch wöllē memoriam sui, dz ist/ sein gedächtnuß/ bey vns  
 haben/er hett vns nit sein Leyb vnd Blüt gelassen/ hett  
 auch wol Kleyder vnnnd Characteres gebraucht/ vnnnd ge  
 sprochen. Hoc facite in meam commemorationem, &c. Dz ist/  
 Dis thüt zu meiner gedächtnuß/ ic. Wan man das wort  
 Gottes profitiert/oder predigt/wie Paulus sagt/ schaffe  
 freylich mehr Gottes zügedencken/ dan das spiegelsechtē.  
 ¶ Bischoff. Ihr seydt ein Narr/das hör ich wol/ ein rech  
 ter Narr. ¶ Pfarher. Danck eüwerē G. wills also gern  
 von E. G. annemen. ¶ Bischoff. Ists doch warlich war/  
 ihr machens selbs mit eüweren Worten/ heysen das aller  
 heyligst ampt ein spiegelsechten/ey ey/wie arme leüt seind  
 jr/wolan/emendiert vnd bessert eüch/ vñ seydt nit sonder  
 lich/thüt wie fromen Priestern zügehört/nach gewonheit  
 der Christlichen Kirchen/ nempt bey leyb nichts neü/  
 wes für/ laßt Martinum Martin im bleyben/ Ich habe  
 Martinum ehe gekent dan jr/man weyß wol was lebens

Ob Paulus  
 vñ dz E. n  
 gelinn ein  
 ding sey.

Von S.  
 Martin  
 Luther.

# Von den G. Gottes Befehlern

Der Teuff-  
fel muß ge-  
logen habē

Martinus ist / es ist vns wol gesagt. ¶ Cangler. Sage  
mir Pfarrher / was kleydes hat er jetzt an? ¶ Pfarrher.  
Sein schwarze kappen / vnd was ist es dann / was ligt am  
kleyde ¶ Cangler. Man weys wol anders / mein G. N.  
ist auch wol vnderricht / wie er in allen quassen ligt / wild /  
vnd vnzüchtig in Worten vñ geberden / ist noch lang kein  
Gott. ¶ Pfarrher. Wie ich jetzt on not rede / sag dan  
nocht / das vnser Christlicher fromer Vatter Martinus  
eines Christlichen fromen lebens ist / vñnd sag / das L. G.  
zümilt berichte / wie aber dem allē / so hat vns L. G. in kei-  
nem puncten besser geweyset / derhalbē wir wissen vns in  
keinem der Artickeln züendern / hat aber L. G. nit gnüg /  
an vnserer leüffigen züfelligē antwort / wöllē wirs L. G.  
noch ein mal schriftlich züstellen / vñ L. Gnaden erkande-  
nuß replicieren / nach vermögen fürlegen / mit hoffnung /  
L. G. werd sich benügen / vns fürter vnbeschwäret lassen.  
¶ Bis. Ich will mich fürter in kein schreyben noch weytte-  
rung begebē / sond vier wochen gib ich eüch ein bedencken /  
werdt jr eüch in d zeyt nit bessern / vñ mich als eüwerē Her-  
ren erkennen / vñ eüch meiner vnderweysung vnd gnädiger  
vermanung nit halten / werd ich müssen darzū thun / souil  
sich gebürt. ¶ Pfarrher. G. N. wir bitten in aller vn-  
derthänigkeyt / L. Gnad wölle vns keinen gewalt thun.  
¶ Bischoff. Neyn ich ob Gott will. ¶ Pfarrher. Dan  
thut vns L. G. gewalt / wann vns L. G. wider das wort  
Gottes zur gewonheyt der Kirchen zwingen will. ¶ Bi-  
schoff. Ich will nichts vngegründes fürnehmen / solt auch  
kein vngleichs von mir erfahren / allein was mir gepürt /  
vñ auß gehorsam nit vnderlassen darff. Ir habt eüweren  
abscheyde

Was da  
heysß dem  
andern ge-  
walt thun.



vnd Archyern/der iij. theyl.

lvij

abscheyde/gehet hin vnd bessere euch. ¶ Psal. 6. H. wir  
danken eüwerē gnaden in vndthänigkēyt/des gnädigē  
verhörens vnd vnderweysens. Erbieten vns L. G. in al-  
ler vnderthänigkēyt gehorsamlich zudieneu/benor/  
wa wir nit wiß die Geschrifft vnd Got-  
tes wort zuehün geweyßt  
werden.

Christliche  
Erbietung  
beyder  
Pfarhern.



## S. Johaṇes Castellan.

¶ Die History von diesem Eyserigen Gottseeligen  
vnd beständigen Bekenner Euangelischer warheyt / wie er nemlich von  
dem Antichristischē hauffen erstlich gefänglich gegriffen/folgēds als ein  
Ketzer verdampt vnd verbrant wordē sey / Hab ich Günstiger Leser / züm  
rheyl auß den Vorreden / so der Hochgelehrte Franciscus Lambertus vber  
die Propheten / Oseam vnd Micheam / beschryben hat / züm rheyl auß an-  
dern hievon außgegangnen Schrieffen / auß Frantzösischer  
spraaehen / auffß warhafftigst vnd cynfaltigst  
verdolmetschet / hienach se-  
zen wollen.



S. Johaṇ Castellan ist seiner ge-  
burt halbē / auß der Statt Tornaw / gelegen  
in Brabant / seines standes halben aber ein  
Augustiner mōch / desgleichē / in d. Schrif-  
ten / ein Hochberhämpter Doctor / vñ seiner  
Person oder lebens halben ein ansehenlicher / ehlicher /

Wer S.  
Castellan  
seiner leh-  
vñ lebens  
halben ge-  
wesen sey.

P ij Gottselig

# Von den G. Gottes Bekennern



Gottseeliger vnd  
recht Christlicher  
man gewesen. Als  
ihn aber der All-  
mächtig Ewig  
Gott / auß beson-  
dern gnadē zu wa-  
rer erkantnuß sei-  
nes H. Wortes be-  
rüffen / hat er das  
selbig auch also  
bald / erstlich an er-  
lichen orten im Bi-  
stumb Metz geles-  
gen / als zu Barle

duc / Vitri / Partoys / Schalon. Item / in der Statt Vic/  
welche des Bischoffs siz vñ Camer ist / demnach aber auch  
in der Statt Metz selbers / Im Jar als man zalt nach der  
geburt vnsern Herren Jesu Christi / M. D. vnd XXIIII.  
offentlichen vñnd mit grossen ernst gepredigt / vñnd deß-  
halb ein grossen zulauff von allem Volck (das reyner lehr  
begirig war / vñnd die Antichristischen Baalspfaffen / de-  
ren zur selbigē zeyt bey ix. hundert in der Statt Metz wa-  
ren / verachtete) bekömen. Diu weyl er aber in seinen predi-  
gen / des Antichrists vilfältigē greüwel / mit Gottes wort  
offenbarte vñnd widerlegt / seind sie im vber die massen zu-  
wider gewesen / vñnd allerley mittel vñnd vrsach gesucht / da-  
mit sie ihn hetten mögen erwürgen vñnd vmbbringen.  
Köndten aber solches nicht zūwegen bringen / so lang ge-  
meldet

Des Anti-  
christis ge-  
sind kan die  
predigen  
S. Eapitel  
lans nit ley-  
den.

melter D. Johan Castellan in der Statt Metz blybe. In  
sonders aber tobten vnd wütheten wider in der Abt vber  
dz Antonier hauß zu Wien in Franckreych/welcher zur sel  
bigen zeyt des Hertzogen in Lottringen Oberster rath  
war / vnnnd Bonueventura Kennel ein Minorit / der des  
Nochgedachten Fürsten Beychtuatter war/mit sampt  
etlichen andern auß den Phariseern vnd Schrifftgelehr  
ten/dardurch dan gemeyniglich die grossen Fürsten vnd  
Herren schandlich verfürte vñ betrogen werden. Dise/ob  
wol d Hertzog für sein person / ein freündlicher/ gütiger  
Herr war/beredten sie in doch endlichē dahin/das er alle  
die/die sich Euangelischer warheyt/ so der Allmechtig wi  
derumb durch seinen diener D. Martin Luther gnädig  
lichē geoffenbaret hatt/solte erwürgen. Ließ auch auff  
ir ernstlich anhalten / ein ganz grausam Mandat auß  
gehen/darinn er als Keger verdampt/alle die/so die war  
heyt Euangelischer lehr hatten angenommen. Welches ja  
ein kläglich vnderbärmlich ding ist/dz des leydigen An  
richrists diener sonil vermöge/das sie auch Gottesfürcht  
ge hertzen der grossen Potentaten vnnnd Fürsten vnder  
einem scheyn falsch angemasteter heyligkeyt/vom Herren  
Christo vnd seinem gehorsam abführen.

¶ Als nun aber obernante Phariseer/den Gottseeli  
gen vnsträfflichē wandel / sampt den eyferigen predigen/  
dieses vnser theuren Martyrers D. Johan Castellan/  
länger nit kondren dulden/oder leyden / haben etliche ein  
solchen rath funden/dz man zu im greyffen vñ in gefänck  
lich annemen solte. Vñ dieweyl solches in der Statt Metz  
mit keinen sügen beschehen mocht / haben sie hinderlistig



# Von den H. Gottes Befehlern

S. Johan  
Castellan  
würt von  
des Cardi-  
nals in Lo-  
rringen die-  
nen gefan-  
gen.



ger weyß practi-  
ciert/ vnd sonil er  
lange/ das er sich  
auß der Statt  
Weg hinauß ges-  
thon/ Vnd nach-  
dē er auß der Statt  
hinauß gegangē/  
haben die mörder-  
rischen verhäter  
bestellet/ das er al-  
so bald von des  
Cardinals in Lo-  
rringen diener  
uberfallē/ gefanck-

lich angenomē/ vnd in den thurn zu Gorze (welches ein  
Abtey ist/ nahe bey Weg gelegen/ geworffen ward. Von  
danen er nachmals in ein stättlin/ genant Nomeny (auff  
zwo meyl von Weg gelegen) ist geführt worden.

Des Antis-  
christis ge-  
sind würt  
frölich/ frö-  
me Christē  
aber zum  
höchsten be-  
kummert  
über die  
gefäncknuß  
S. Johan.

¶ Da nun solches beschē/ hat sich der Antichristisch  
hauffen zum höchsten erfreuet/ vnd öffentlichen sich mit  
solchen Worten hören lassen vnd gesagt/ Was gilt/ diser  
verführer ligt nun im thurn/ etc.

¶ Dañ diser leut art ist/ das sie sich freüwen wañ sie ee-  
was vnrechts gethon/ vnd frolocken/ wañ sie schandlich  
ding begangen haben. Dargegen aber ward das Gleübi-  
ge Volck zu Weg zum höchsten betrübet/ das ihnen diser  
ihz so eyserige Prediger/ Prophet vñ rechter Bischoff/ sol-  
te hinweg geführt sein. Warden deshalben auß besonderns  
trib

# vnd Martyrern/der iij. theyl. 17

erib Gottes auch vnrüwig / vnnnd namen hiegegen ettl-  
 che des Cardinals hinderfassen vñ vnderthonen gefänck-  
 lich an/behielten sie auch so lang im Kercker/biß das ob-  
 gemelter Abt des Antonier hauß zu Wien in Fräckreych/  
 genandt Theodorus von S. Chalmund/der sich einen ge-  
 neral Vicarien in Geystlichen vnd Weltlichen sachen ob-  
 ernandts Cardinals im Bistumb Neg / Tulli vnd Ver-  
 duni neñet / mit etlichen Bullen vnd Briesen vom Stül-  
 zu Rom/selbers gehn Neg kam/vnd durch etliche fürge-  
 schlagne mittel mit der Oberkeyt vnd gemeyner Burger-  
 schafft/auch andern Amptsuerwandten sonil handelte/  
 das die gefangnen widerumb frey wurden außgelassen.  
 So waren auch etliche vnder den Burgern/der fürhas-  
 bens/das sie das ort mit gewalt wolten vberfallen/da di-  
 ser Mañ Gottes gefäncklich gehalten ward/damit sie in  
 widerumb ledig machen/vñ Gottes wort von jm/wie vor-  
 mals auch/hören möchten / Aber solches ward durch die  
 Obersten der Statt fürkōmen vnd abgeschafft. So ver-  
 hießen ihnen auch die Seynd/vnd betrogen das arm volck  
 mit der erlognen zusagung/das sie ihnen nemlich den ge-  
 fangenen/wa er vnschuldig befunden wurde / widerumb  
 ohn cynige entgelt nuß/zustellen wolten.

Vnrüg zu  
 Neg vmb  
 des gefan-  
 genen Ca-  
 stellā wil-  
 len.

Also ist nñ vilgemeldter D. Johan Castellā im D. Johan  
 Kercker zu Tumeny vnd Wy (wie oben auch gesagt) bey Castellā  
 ix. gänger Monat/vñ nemlich vñ iij. tag des Meyes/Im  
 Jar M. D. vnd XXIII. biß vff dē vij. des Jēners/des nach  
 folgendē M. D. vnd XXV. Jars gehalten wordē. Aber in  
 solcher zeyt seiner gsācknuß für vñ für stādhaftig blibē/  
 auch

ix. Monat  
 gefangen/  
 aber für vñ  
 für bestān-  
 dig blyben.

# Von den 5. Gottes Bekennen

S. Castell-  
lan ist auff  
mācherley  
weyß ange-  
fochtē wor-  
den.

auch mit vnerschrocknem hertzen den Herren Jesum Chri-  
stum / vnd die warheyt seins gnadreychen Euangeliums  
beständiglichen bekennet. Es seind gleichwol zu jm kom-  
men / die Phariseer vnd die Kinder der Babylonischen hür-  
ren / die nach dem blut der Außerwöleen dürstet / vnd hat-  
ten ihm vil greüwlichs dings getröuwet / darneben aber  
auch mit freündlichen glatten Worten zügesprochen vnd  
vermanet / das er von Gott abfallen / vnd den schandli-  
chen Antichrist anbettē / damit er sein lebē erretten könd-  
te. Aber er liesse sich keins wegs dahin bereden. Begert ar-  
ber an sie / wa er vnrecht gelehrt hette / das sie jm ein ands  
vnd bessers (wie man dan in glaubens sache billich thün  
solle) auß dem geoffenbartē W. Gottes wort woltē zeygē.  
Dagegen aber verstopffte sie ire ohrē / wie die natern / vñ  
woltē sein stin / ob er sie gleichwol mit Gottes wort be-  
richten wolte / nit hören.

¶ Etliche vnder ihnen / dieweyl sie sahen das sie mit  
schanden von jm vberwunden wurden / siengen an wider  
jn zütoben vnd züwüten / nicht anderst / als wā man der  
bärin ire junge nimpt / ergrimten vñ griffgrameten auch  
wider ihn mit ihren zānen / Dann die tollen wanwitzigen  
leüt gedachten nit / das der Geyst Gottes in jm redete / vñ  
jm munde vñnd weyßheyt gebe / deren sie nit köndten wi-  
derstandt thün / sonder sagten er were dermassen verzaub-  
ert. Sihe / sagten sie / was ist doch diß für ein arger verfür-  
rischer Mensch / Er verzaubert alle die so mit ihm disput-  
ieren / das in nyemandes vberwinden mag. Darumb sol-  
le man sie fliehen / dan sie mit irem lehren die leüt dermas-  
sen betriegē / dz wer sie höret / von stund an verfürt würt.

Wehe



**¶** Wehe aber disen Lestekern vnnnd Teuffels Kinder/ die also fräuel vnd vnnerschampt/ vmb irer eygnen Ehr willen/vnd zur schmach der glorien Gottes/ die Göttlich warheyt schenden vnd lestern.

**¶** Dieweyl sie dan vor dem angesicht dises Manns Gottes nit künden bestehen bleyben/vnd für vnd für von seiner weyßheyt vnd vom Geyst Gottes/der in im redt/ vberwunden wurden/habē sie einen andern weg an die hand genommen/vñ nemlich/wie sie ihn gar künden hinrichtē/ damit sie doch wider ihn sagen vnd obligen möchten. Gedachten aber nicht die arbeitsseeligen Ellenden leüt/das beyde die Göttlich warheyt durch kein ander vnnnd besser mittel künde bestätiget vnd bekrefftiget werden/ desgleichen ihr schalckheyt vñ bosshet mehr an tag kōmen/ dan eben durch das blüt fromer lieber Christē/die solcher warheyt zeügnuß geben/vnd in alle weg bereyt seind vmb der bekantnuß der warheyt willen alle peyn vnd Marter/ ja den todt selbers zūdulden/vnd zūleyden.

Mit dem todt vnd blüt fromer Christen/würd die warheyt nur desto mehr bestätiget.

**¶** Es verimeynten dise blinde Mörderische leüt/das sie wider disen heyligen Gottes mann schon gesiget hetten/wann sie ihn erwürgeten/ Verimeynten auch/das durch seinen todt vil andere von der Warheyt solten abgeschrocket vnnnd zuruck getriben werden/so doch das gegentheyl war ist/vnd frome Christen/ye mehr sie ihrer mitbrüder vnnnd schwestern blüt anschawen/in der warheyt desto mehr bekrefftiget/vnd in alle weg eysriger vnd eynbrünstiger werden.

i. Esa. vi.

**¶** Also ist diser vnser lieber Martyrer D. Johan Castellan/auf obgemeldter gefandnuß zu Nomeny in ein  
Q ander

# Von den H. Gottes Bekenñern

andere gefäncknuß / der Statt Wygenandt / gelegen in Lottringen / geführt worden / vnd daselbst in beständiger bekennuß seiner Lehr auch bis zum tode verharret / dadurch dann vil volck zur erkennuß des rechten waren Euangelij gezogen / andere aber die derselbigen schon einen anfang hatten / durch disen herrlichen vnd kostlichen tode / den nachmals diser fromme Man erlitten hat / zum höchsten gesterckt vnd bekräftigt worden.

¶ Wie es im aber am selbigen ort bis zu seinem letzten end ergangen / hat der gütstg Leser auß nachfolgen der relation warhafftig zuuernehmen.

¶ Vff den xij. tag Febrers / Im Jar als man zalt nach der geburt vnser cynigen Erlösers vnd Seeligmachers Jesu Christi / M. D. vnd XXV. seind in die Statt Wy (darin / wie oben vermeldet / diser vnser Martyrer gefäncklich gehalten ward) zusammen komen vil Abt / auß gangen Lottringen vnd Mezer Bistumb / vnder welchen aber der Oberst vñ fürnemst war obgemeldter Antonier Herr / Theodorus / 16. Disen ward nun zugegeben ein schandlicher Kegermeyster / welcher ein abgesagter feynd war Göttlicher warheyt / mit etlichen andern / die auch seins sinns vnd seiner Faction waren.

¶ Dise liessen nun Erstlich dē gefangne Johan Castellan / auß dem Kercker für sich forderen / damit / wa er nie wolte also bald vnd im süßstapffen ( wie man sagt ) seine Lehr vnd bekennuß widerreissen / sie ihn von stund an erwürge



würgten/vnd ins  
feur (das darzū ge  
rüstet war) würf  
fen. Hatten auch  
an dasselbig ort  
vil volcks zusam  
men beruffen/vnd  
allen denē/ die bey  
solchē vrtheyl vnd  
todt sein wurden/  
besonde Gnad vñ  
Ablass versprochē.

Solche leüt seind/  
des Antichrists  
Pfaffen vnd ande

Vnsinnig  
Feyt des An  
tichristische  
gesinds.

re Phariseer/die aller warheyt so seynd/ vñ vnschuldiges  
bluts so begirig seind / das sie auch im selbigē einen rhüm  
haben/vnd vermeynen das sie Gott einen besonderit an  
genāmen vnd wolgefelligen dienst beweysen/wañ sie der  
massen seine Heyligē erwürgen/ Ja, das noch mehr ist/ so  
ladē sie zū solchē dz Christlich volck/ als zū einer herzlichē  
Malzeyt/vnd verheyssen ihnen erst darzū/wann sie solch  
vrtheyl wider die frommen sehen/ verzeyhung aller ihrer  
sünden. Diß seind jha / meynich/in der gāngen Christen  
heyt/ die schädlichsten leüt bescheysser/ dardurch nit al  
lein das arme volck/sonder auch die gewaltigen Potenta  
ten vnd Oberkeyten schandelich verfür vñ betrogen wer  
den. Dises seind rechte faule Weüch/ die alles aufffressen

Q ij vnd



# Von den H. Gottes Bekennen

vnd verschlucken/ein rechte Synagog vñ Kirch des Teufels/Abgesagte seynd Gottes vñ des Bluts Christi/Christen mörder/stinckende würm/vnd vergifftet hier/ıc.

Beständig  
freyt des  
fromen S.  
Johann Ca-  
stellan.

¶ Als nun aber das volck zugegen stünde/haben sie vil vñ mancherley wider in geredt/darzu er aber stillschweig/wolt auch seinen Mundt nit auffthun. Sie vermaneten in er solte dz ihenig/so er gelehrt hett(vñ aber die gründtlich warheyt war) widerrißen. Vñnd begerten er solte den Herren Christum/vmb des Antichrists/vñnd die warheyt vmb der Lugin willen verleügnē/ıc. Aber diser treuwe Knecht vnd diener Christi blib beständig vnd vñ beweglich. Derhalben sie dan wider in gang grüniß führen/vñnd erstlich mit der Degradation/demnach auch durch die Weltlich Oberkeyt mit dem feür. Wie aber vnd welcher gestalt das endurtheyl vñ fürnemlich die Degradation oder Entweyhung/ergangen vñ beschehen sey/folget hienach von wort zu wort ordenlichen verzeychnet.

¶ **Form vñ weys des Endurtheyls vnd gehaltenner**

Degradation/so wider den Gottseeligen

Johann Castellan ergangen ist.

**S** Johann Castellan/der du ein Priester vnd Geystlicher S. Augustin Ordens gewesen bist/dieweyl man mit dir nach ordenlichem vñ gebreuchlichem Proceß der Rechten/gehandelt/bistu mit warheyt verklagt/vnd als ein Keger verdampt worden. Du hast ein vnreyne/jerrige/vñ mit falscher lehr besleckter bekantnuß/auß freyem willen



willen vñ eygnem  
munde gethō. Du  
hast alle vnd jede  
vnserē getreūwe  
vermanungen / so  
wir an dich / da du  
noch zū Weg wa-  
rest / gethon habē /  
wie ein schläg / die  
ire ohren verstopf-  
set / verachtet. Da  
man dich gefrage  
hat / vnd auch mit  
dem Eyde deine  
gegebne antwor-  
ten widerholt / ha-

stu nit allein nach des Teüffels art / die warheyt verschwi-  
gen vnd verhalten / sonder hast auch nach dem Exempel  
Cains / deine sünd vnd missethat nit wöllen bekennen. Zu-  
letst hat man auch etliche vnd vil Zeügen verhōret wider  
dich / vnd ja nichts vmbgangen / das zū diser sache eygent-  
lich vnd von Rechts wegen gehōrt / auch mit fleysß soll er-  
wegen werden. Vñ ist bey solcher handlung allwegen ge-  
wesen der Ehrwürdig Herr Nicolaus Saum / der D.  
Schriffte Doctor vñ Regermeyster. Vñ ist diser Proceß  
wider dich gehalten worden / welchē da vil gelehrter leüt /  
vñ Doctorn in beyden Rechten / Geystlich vnd Weltlich /  
vnderscribenvñ bestätigt haben. Nun ist es auß solchem  
Proceß klar vnd offenbar / das du O Johānes Castellan

# Von den H. Gottes Bekennern

offemals vnd an vilen orten offentlichen vnd vor allem Volck gelehrt/aufgespreyct vnd geprediget hast/vil Artickel die da irrig/falsch/gantz Kegerisch/vñ voll der Lutherschen lehr gewesen seind/welche auch dem H. Catholischẽ glaubẽ/der Euangelischẽ warheyt/vñ dẽ H. Stül zu Rom/in alle weg zñwider vñ entgegen seind/Bist also in disem deinem Ellenden abfall/darinnen du widerumb hinder sich gesehen hast/ein lugner an dem Allmechtigen Ewigen Gott befunden.

¶ Nun ist im Geystlichen Rechten erkandt vñnd beschlossen/dz es recht vnd von nöten seye/das man alle/die mit ihren giftigen zungen die H. Schrift verfelschẽ/dergleichen auch die Seelen vnd Leben der Gläubigen begeren zñuergifften/schwärlich straffe/damit sich andere hie ran stoßen/vnd sich desto weniger solcher irriger lehr auch vnderstanden.

Endurtheil  
gefellt wi  
der D. Ca=  
stellan.

¶ Derhalben auß sezerzölten/vñ andern dergleichen Ursachen/so in deinem proceß begriffen seind/fellẽ wir auß Apostolischem gewalt vnd oberhandts vnseres Herrn des Cardinals auctoritet/deren wir dann in disem theyl gebrauchen/disen vnsern schließlichen Sentenz/den wir hie mit in Schrifften verzeychnet haben/vor Gottes angesicht/vñnd als die wir wol wissen/das vns eben mit der maß/damit wir andern leütẽ messen/auch soll widerumb gemessen werden/Vnd sagen/erkeñen/vnd erklären dich Johannem Castellan/außerucklich vñnd klärlich/wie du hie vor vns stehest/von wegẽ deins verdiensts/ja vil mehr deins Mißuerdiensts/darinnen du wider die Ewige Maiester Gottes/vñnd wider den H. Christlichen glauben schwärlich



schwärlich gesündiget hast/ als einen verbannten menschē  
mit vnd durch den grössern Ban/ desgleichen auch als ei-  
nen öffentlichen Ketzerey/ der du nachfolgest vñ dich theyl-  
hafftigmachest alles des Luthers Gottloser lehr/ welcher  
mensch vil alter Ketzerey / so vor Jaren verdampft wordē  
seind / widumb herfür gebracht hat. Achte auch dz du hin-  
für nūn mehr vnwürdig seiest/ 8 Priesterliche würde/ al-  
ler ander deiner Weyhē/ auch deiner Consur vnd Geystli-  
chen Kleydung/ desgleichen aller pfründē (wa du anderst  
eine hast) auch aller Priesterliche freyheyt / Vñ entsetzen/  
ja wir sondern vnd berauben dich als ein stinckend glid al-  
ler Bemeynschafft der Gleübigen. Vnd wañ diß vollē-  
det ist/ so befehlen wir dich der Weltlichen Oberkeyt/ Vñ  
erkeñen/ dz man dich/ 8 nūn also aller deiner würde berau-  
bet / vñ von der Kirchen abgesondert bist / auch jegunde  
mit der zhat Entweyhen soll/ vnd befehlen solliches dem  
Ehrwürdigen Herren Weyhbischoff/ so hiezugegen ste-  
het/ an dir zū vollbringen/ in Krafft vnd befehl/ wie oben  
vermeldet.

¶ Als nūn solcher Sentenz öffentlich vorgelesen/  
vñnd die Predig (nach ihrer gewonheyt) vollendet war/  
hat gemeldter Wenzischer Weyhbischoff/ der da in Bis-  
schöfflicher Kleydung / mit sampt der anderen Priester-  
schafft/ vñnd etlichen vom Adel / zugegen saß/ die Ent-  
weyhung oder Degradation vilgemeldtes D. Johann  
Castellan von Tornay/ öffentlichen vñnd statlichen im  
Werck fürgenōmen vnd angefangen.

¶ Also ward nūn D. Johā Castella/ zūm ersten vō des  
Weyhbischoffs diener mit priesterlicher Kleydūg angehö-  
vnd

Degrada-  
tion D. Jo-  
hā Castella-  
nans.

# Von den G. Gottes Bekehren

Form vnd  
weyß der  
Bäpstliche  
Degradati  
on/oder  
Entwey-  
hung.

vnd für den Weyhbischoff geführt/für den er dan mit zu-  
samen gelegten händen/vñ gebognen knyen nider knyet.  
Vnd als er also kniet/gaben jm die Diener in seine hände  
ein Kelch/mit wasser vnd wein vermischer/Item ein Pa-  
ten mit einer Osty/dises aber name der Weyhbischoff also  
bald widerumb auß seinen händen / vnd sage / Wir nemen  
hienit von dir den Gewalt vnd die Wacht zuopfer-  
fern/vñ dz du hinsürt nie mehr dörffest Aß lesen für die  
todten vnd für die Lebendigen.

**E** Nachmals nam der Weyhbischoff ein stuck von eto-  
nem zerbrochenen glasz/vnd schabt jm die geschmierten finger  
in beyden händen (welchs er doch wol mit einem schär-  
messer hetze thun mögen) vnd sage / Mit disem schaben  
nemen wir von dir die krafft zu Opffern/zü Weyher/vnd  
zü Benedeyen/welche du empfangen hast/da man dir dei-  
ne hände vnd den daumen gesalbet hat. Demnach nam er  
auch von jm die Casel vnd sagt / Wir berauben dich auch  
billichen diser Priesterlichen kleydung/dardurch die liebe  
bedeüet worden ist/dañ du hast dich auch selbers solcher  
liebe vnd aller vnschuld beraubt/du hast auch das Creütz  
vnseres Herren auff deinem rücken allein bleyben lassen/  
derhalben wir auch die Strol von dir nemen/vnd machen  
dich also hinsürt vntauglich zü verrichten die Priesterli-  
chen ämpfer/sampt allem so herzü gehört.

**A**ls sienn die Entweyhung/sonil die Priesterlich  
würde belangt/vollendet hatten/müßten sie nün anch wey-  
ters fürfahren/vnd in auch vom Diacon  
nat Ampt/entse-  
gen.

Der

**S** Erhalten gaben die diener jm in die handt ein **E**uangelien buch/diſſ name der Weyhbischoff wider rumb/vnd ſage/Hiemit nemen wir von dir den gewalt/das du hinfürt in der Kirchen dz Euangelium nit mehr leſen ſolt/dañ ſolches ſtehet niemādes zū/dañ allein denen die es würdig ſeind.

**N**achmals name er auch von jm des Diacons Kleydung/ſo man Dalmaticam nennet/vnd ſage/Wir entſetzen dich auch der Leuitiſchen ordnung vnd Weyhe/dañ ſouil die ſelbig belangt/ſo haſtu deinem ampt auch nit genügend gethon.

**F**olgendſ name der Weyhbischoff von jm auch hinweg den ſchapper/vnd ſage/Wir nemen ſolchs billich von dir/dann ob du ſie wol gang weyß vñ unbefleckt entpfangen/vñ vor dem angeſicht Gottes ſolteſt getragen haben/ſo haſtu doch dein Ampt vnd wandel nicht gnügsam bedacht/ſonder den Gleübigen ein böſes exempel geben/derhalben ſo verbieten wir dir/das du hinfürt des Diaconat amptes müſſig ſtandeſt.

**A**uff ſolches namen ſie auch von ihm das Subdiaconat Ampt/gaben ihm erſtlich ein **E**piſtel buch in die handt/welches der Biſchoff von ſtund an hinweg nam/vnd ſage/Wir nemen hiemit von dir/das du hinfürt kein **E**piſtel in der Kirchen mehr leſen ſolleſt/dañ fürwar du biſt zū ſolchem ampt gang unwürdig worden. Also nemen wir auch vō dir die Kleydung ſo einem Subdiacon zūſtehet/dañ die forcht Gottes die in ewigkēy heylſam vñ reyn bleybt/hat dein hertz nit erbauen/noch deinen **L**eyb gezāmet.



# Von den 5. Gottes Bekennern

¶ Weyters nemen wir auch vō dir die Manipel/dañ du hast durch die frucht güter werck (die durch den Manipel bedeytet worden seind) die anstöß vnd list des Geystliche feyns nicht von dir gewysen.

¶ Folgends rüret der Bischoff die andere Kleydung an/vnd sagt/dieweyl du dein stīm nit gemässiget hast / so nemen wir auch dise Kleydung von dir / dardurch dan ein hälle reyne vnd heylige stīm bedeytet würt.

¶ Als nūn solches alles beschehen/bracht der diener einer zwey kleiner Kändelin/eins mit wasser / das ander mit weyn / Item/ein krüglin/beckin vnnd handtzwel / ein lāren Kelch mit sampt der Paten/vnnd gab sie jm in die handt. Aber dises alles nam jm also bald auß seinen hānden der Erz diacon/außgenommen den Kelch vnd die Paten/die nam der Weyhbischoff/vnnd sagt/Hie mit nemen wir auch von dir den gewalt / das du hinfürt nicht mehr darffst in die Sacristey cynghehen/oder auch die Corporalia vnd andere geheyligte geschirz mehr anrühren / Ja wir nemen auch von dir alle andere 17. Kleydung/ mit allen denen dienstē vñ ämptern so einem Subdiacono zūstehē.

¶ Nachmals haben die diener von ihm genomen den gürtel/1c. vnd seind komen mit jm auch auff die Degradation der mindern oder Kleinern weyhe. Derhalben brachte der diener einer ein lārs Kändelin/vñ gabs dem armen gefangnen in die handt. Bald nam jms der Weyhbischoff/vnd sagt/du vnflätiger vnnd schandlicher Mensch/hinfürt soltu auch nit mehr weder wein noch wasser dem Prieſter in der Messen darreychen vnd vbergießen.

¶ Nachmals nam er auch von jm einen Leuchter vnd  
ein

ein aufgelöschte wachsin liecht / vnd sagt / Du solt hinfür  
auch kein liecht mehr tragē / dan du hast auch durch deins  
verkerren wandel / dem volck / durch dein faulteit / dz geyst  
lich liecht nicht wöllen mittheilen. Derhalbē so nimb ich  
von dir hinweg alle ämpter so einem Acolutho zugehörē.

¶ Folgende hat in auch der Weyhbischoff vom Exor  
cisten ampt entsetzet / Der diener bracht vnnnd gab im ein  
büch / darin die weyß zubeschwören alle ding / verzeychnet  
war / aber dises nam man im von stund an widerumb / vñ  
sagt / Wir nemmen hiemit von dir den gewalt des hände  
aufflegens / auff die Leüt / so von bösen Geystern besessen  
seind / Item / den gewalt die Teüffel von den leüten außzu  
treiben / Summa wir verbieten dir / alles was zu solchem  
Ampt erfordert würt.

¶ Nachmals haben sie auch das Läs ampt von im ge  
nommen / auff nach folgende weyß / Der Weyhbischoff riß  
im das Büch auß der handt / vnd sagt / Du solt hinfür in  
der Kirchen Gottes / wed lesen / singen / brot weyhen / oder  
andere ding. Dan du hast ye dein Ampt nit treüwlich / vñ  
nit wie es sich gepürt / verrichtet.

¶ Nachmals das sie auch das Thürhüter ampt von  
im nemen möchten / hat man im die schlüssel zur Kirchen  
gegebē / welche aber der Weyhbischoff also bald wider von  
im genomen hat / vnd gesagt / dieweyl du wider die schlüs  
sel gesündiget / so lasse sie von stund an hie wider fallen /  
Vnnnd dieweyl du das innerst vnd die thür deines hertzen  
vbel beschlossen hast / vor deinen feynnden / so nemmen wir  
auch von dir das Thorhüter Ampt / das du hinfür kein  
glock mehr leyten / kein Kirch ader Sacristey mehr auff

# Von den 5. Gottes Bekeñern

schließen/ auch dem der predigē will/ kein buch mehr nach-  
tragen vñ geben sollest.

¶ Zulest hat auch der Weyhbischoff die erste Weyhe  
von ihm genomen / ihm seinen Rock außzogen / vñnd ge-  
sagt/ In krafft Gott des Vatters/ Sūns vñ h. Geystes/  
auch in vnserer krafft / nemen wir von dir das Priester-  
lich Kleydt/ vñd stellen dich hiemit gang bloß dar / wir be-  
rauben dich aller Geystlichen zierd / wir entsetzen/ Degrä-  
dieren/ vñ nemen dir/ alle Weyhinen/ alle Freyheyten/ als  
der du solcher nit werdt oder würdig bist. Vñ stellen dich  
widerumb mit diser schandelichē Kleydung als einē Leyen  
vñd Weltlichen menschen dar.



¶ Danam der  
Weyhbischoff ein  
schar/ vñ schar in  
das haar selbers  
ab/ dan es wolt es  
kein Scherer thū.  
Vñ sagt/ Wir stos-  
sen dich / als einen  
vñdäckbarn Sūn  
ausser der Erb-  
schafft des Herren  
hinauß/ zñ welcher  
du warest beruffet  
worden/ Vñd nem-  
men von deinem  
haupt die Kron/

welche ein Königlich zeychen ist des Priesterthums/  
von



von wegen deiner Bosheyt. Vnd hatte der Weyhbischoff auch wol diese nachfolgende worte brauchen mögen/vnd sagen/Was du mit Munde gesungen/das hastu im hertzen nit glaubt/vñ mit dē Werck nit erfüllet/darumb so nemmen wir auch des Sängers ampt von dir in der Kirche.

Als nūn aber solche Degradation vñ Entweyhung auffsegerzölte weyß vollendet war/begert der Procurator vnd Fiscal des Hoffes vnd der Statt Metz/vom Notario/ein oder mehr Instrument/wie man pflegt. Nach solchem habē die diener dem frommen Martyrer ein Weltlich Kleydt gezogen. Vnd nach dem solches alles beschehen/hat man ihn/als einen der nūn aller Weyhe entsetzet war/nach ordnung Papst Innocentij des dritten/dem Weltlichen gewalt vbergeben. Der Weyhbischoff wolt in nie mehr anrühren/sonder hat ihn der Weltlichen Oberkeyt vbergeben/vñd gesagt/Wir befehlen nūndich der Weltlichen Oberkeyt/die solle dich/als den/der du nūn mehr Entweyhet/vñd aller Priesterlichen freyheyt beraubet worden bist/in ihr handt vnd gewalt nemen.

S. Castellā  
würdt Welt  
licher Ober  
keyt vberge  
ben.

¶ Vedoeh bat der Weyhbischoff den Weltlichen Richter(nach ihrem/aber doch Pharisaischem vnd gleyßnerischem brauch)das er dz vñtheyl dermassen wider disen armen menschen fellen wolte/das es ihm an seinem leben/oder seinen glidern kein schaden vñd nachtheyl brächte/Vñd sagt.

¶ Werz der Richter/wir bitten durch Gott vnd seine Barmhertzigkeyt/ir wöllen disem armen Menschen kein vbel oder schaden zufügen/das ihm zūm todt/oder zūm nachtheyl seiner glider vñd seins leybs reychen möchte.

# Von den 5. Gottes Bekennern

**A**lso hat nun die Oberkeye der Statt Vic/od Wy/ vilgemelten Johan Castellan zu ihren händen genommen/ vnd das oben gefelle vrehel/ vber ihn/ ihr gefallen lassen/ vnd in also Lebendig verbrennet.

Wie S. Ca  
stellan von  
diser Welt  
hingefchey  
den seye.

**D**arab aber diser vnser Martyrer sich mit nichten hat entsetzet/ dann nach dem er zum feur verurtheylet worden ist/ ist er auff die Walstatt mit freuden/ gleich zu einer frölichen Walzeyt/ gegangen/ Vñ als er daselbst hin kommen/ ist er auff seine knye nidergefallen/ vñ einzeytlang in einem ernstlichen gebett zu Gott verharret. Vnd als er solches gebett vollendet/ ist er widerumb auffgestanden/ vnd sich den Wencckern freywillig dargegeben/ das sie ihn an den Psal binden köndtē/ Nach welchem das feur bald



angangen/ vnd er durch dasselbig (seins alters vmb die fünffzig Jar) ein herlicher martyr vnd Bekenner des Herren Christi wordē ist. Vñnd durch disen todt gewaltiglichen wid alle feynde der Wahrheit gesiget. Küget nuns im Herze/ bey welchem ihm auch gewislich die Kron der

der Gerechtigkeyt hinderlegt vnd vorbehalten ist.

¶ Als nun aber das volck zu Aenx gehöret/das jr lieber Prophet vnd treüwer prediger dermassen vmbtömen/ist es zum höchsten bekümmert vñ beerrübt wordē. Vñ hat der Herr etliche auß sinen erweckt/die mit gewalt in die heüser solcher Worderbreñer vñ Pharisceer eyngesfallen seind/vñ haben einen andern gefangnen Gottes Mann/mit namen Johan Vedaustus/auß Flandern bürtig/entlediget/welchen obernandre Wörder auch/wie man sagt/bald hernach her/wolten verbrennet haben.

Johan Vedaustus  
würt mit  
gewalt  
auß dē hān  
den der  
Wörder  
hinweg ge  
nommen.

## Johannes Clerick.

¶ Von diesem Johanne/wie er nemlich zu Aenx vmb etlicher Bilder willen/die er auß Christlichem eyfer hatte zerbrochen/seye gefangen/vnd folgendes mit grausamer Tyranny ermödet vnd verbrannt worden/hab ich nachfolgende History/auß der Vorred des hochgelehrten Francisci Lamberti/so er vber die Auslegung des Propheten Michee/ic. gestellt hat/hierher verzeichnen wollen.



¶ Als Jar als man zalt nach der geburt Christi M. D. vnd XXV. ward in dē Statt Aenx auß besonderm eyfer zu Gottes ehren/bewegt/einer mit namen Johan Clerick/vō Wēldē bürtig/vñ seins hāde werckes ein Ferber/oder Waleker/oder Wolstreicher/vnd dieweyl er auß



# Von den G. Gottes Beteñern



er auß den Gebor-  
ten Gottes wußte/  
dß man die Abgöt-  
tischen Bilder/bey  
verlust der gnadē  
Gottes / nit solte  
verehren vnd an-  
betten/schlug er ei-  
nem Gözen den  
kopff ab / desglei-  
chen thet er auch ei-  
nem andern Bild/  
das vor dem jetz  
gemeldten mit ges-  
bognen knyen/ ges-  
hawē war. Bald

aber nach solchem/ward gemelter Johān Clerick gesānt-  
lich angenomē/vñ auch zūm todt verdampft von solchē  
leüten/die den Herren Christum selbers auch verdamē.  
Nachmals auff Sambstag den xxij. tag des Neüwmo-  
nats/in die gassen gefürt/so man nenet Champasselle/ da  
dañ ein grosser scheyter hauffen/vñ in der mitten ein star-  
cker psal/auffgerichtet stünde/vnd also mit kätinen vnd  
stricken daran gebunden vnd geschlagen.

**A**ls er nūn aber also angeschmiedet war/saget er zū  
dem Antichristischen hauffen / Ach ich hab groß vñnd  
herzlich mitleyden/mit dem armen vmbstehenden volck/  
dieweyl es dermassen so erbärmlich durch die lehr der fal-  
schen Propheten verfūret ist. Das es vermeynt/ Ich habe  
daran

Christlich  
mitleyden  
des gefan-  
genen mit  
dem vmb-  
stehenden  
volck.

Daran gesündiget/das ich einem Gözen den Kopff abge-  
geschlagen habe/ Wir etlichen andern gantz Christlichen  
woizen/die er dazumal einfürt. ¶ Nach solchem sprach in  
einer an/vnd sagt/ Beger doch vom volck das es ein Pa-  
ter noster vñ ein Ave Maria für dich bette. Dar auff ant-  
wortet er/vnd sagt/ Ich bitt euch alle/ das jr für mich ein  
H. Vatter vnser betten wöllen/ damit mir Gott rechten  
waren glauben schencken wölle. Hier auff sagten des An-  
tichrists diener/ Warumb begerstu nit auch ein Ave Ma-  
ria: Johānes antwortet/vñnd sagt/ Wers sprechen will/  
der sprech es/ich begers zwar nit/nit das ich hiemit die Al-  
lerheyligste Junckfraw wolte verachten/sonder dieweyl  
ich bleyb beym Herren Jesu Christo/der auch für mich ge-  
storben ist/vñnd diser ist der eynige Mittler/vñnd eynige  
Fürsprech zwischen Gott vnd den menschen/ wie Paulus  
sagt/.i. Tim. ij. vnd Johānes. j. Johā. ij.

Johān Ele-  
rick bittet  
das volck/  
es wölle  
für in bitten

Vom Ave  
Maria.

¶ Bald nach solchem ist der Hencker zu ihm getret-  
ten/vñ im mit glüenden zangen erstlich die nasen hinweg  
gerissen (sagen etliche die solches selbers gesehen/das er  
erstlich das haupt hinder sich vnd zuruck gezogen/bald a-  
ber widerumb dem Hencker vnd zu der glüenden zangen  
gang willig geneyzt habe/ dar auß dann der kampff des  
fleyschs mit dē Geyst/welcher auch in den Außerwöltē für  
vñ für biß zum end bleybt/gantz cröstlich abzunemen ist)  
nachmals sein ganzes haupt ringsweyß herumb/ wie ein  
Circkel oder Kron zerissen. Welchs aber alles er mit freis-  
den/wie vorzeyten der H. Laurentius/da er auff dē roost  
lag/vnd der H. Vincencius/da er an der Solter hieng/er-  
duldet hat. Demnach hat er im auch sein rechte handt ab-

Gewölle  
che marter  
hat diser  
frome  
Mañ be-  
ständigli-  
chen erlittē

S gehauwen/

# Von den H. Gottes Bekennern

gebauwen/ vnd zuletzt das feur angezündet/ In welchem  
dieser vnser herzlichster Martyrer/ den herzlichē cxliij. Psal  
men Davids/ der wider alle Abgöttische Bilder gerichtes  
ist/ als nemlich/ Da Israel auß Aegypten zog/ zc. biß  
er seinen Geyst dem Herrn auffgab/ gesun  
gen hat. Vnd also im Herren  
seligliche verschey  
den.

## Johann Beck/ genandt Bis stums/ von Wörden.

**D**ie History von diesem theuren vnd beständigen  
Martyrer Jesu Christi/ wie er nemlich vmb beständiger bekandnus E  
uangelischer warheyt willen gefänglich gegriffen/ vnd nachmals in Hol  
landt verbriefet worden/ Ist erstlich durch Herrn Wilhelm Gnapheus/  
hürtig vom Hag/ als dem der in von jugend auff gefandt/ vnd folgende  
mit vnd bey ihm/ im Bercker gelegen/ warhafftig beschriben/  
Im Jar M. D. xxv. vnd jekündt von mir  
glaubwürdig veretlicht  
worden.

Wer Joann  
Beck gewe  
sen.

**J**ohann Beck von Wörden in Hol  
landt/ Ist gleichwol nit von hohem/ aber doch  
Ehrlichem geschlecht/ vnd fromen Eltern ge  
boren/ vnd von jugend auff/ mehr dan andere  
seine mitgesellen/ eines erbaren tugentsamen lebens ge  
wesen. Derhalben da er zwölff Jar alt war/ vnd neben an  
dern





derm / bey dem  
Thümbherren im  
hohen Stiffe zu  
Verich zum Kir-  
chen gesang ge-  
braucht ward / ha-  
ben in die Pfaffen  
von wegen seiner  
hohen vñ scharpf-  
fen stim lieb vñnd  
werde gehalten.

¶ Als er aber in  
solchē standt nach  
dreyen Jaren an-  
sieng heyser zuwer-  
den / hat er von ge-

meldeen Thümbherren schwärlich das vrlaub erlanget/  
vñd sich widerumb mit höchster begird vñd freuden zum  
Studieren / das er nün einzeytlang hart vnderlassen / Ja  
gar hat faren lassen müssen / begeben. Vñ ist dazumal sein  
Preceptor gewesen Johānes Rhodius / ein gelehrter vñd  
fromer Man / welcher zur selbigen zeyt Oberster vber dz  
Myronymianer Collegiū war. Von disem hat er die für-  
nembsen hauptstück der rechtē Gottseeligkeyt / vñ vnserer  
Christlichen Religiō mit grossem fleysß erlernet / vñ sich in  
solchē sehr ernstlich geübt / Also dz er mit sampt seinē schül-  
meyster / von wegē der Lutherischē lehr / verdacht / vñ ver-  
hast ward. Dā es sieng ebē zur selbigē zeyt an / die Evan-  
gelische warheyte widerumb herfür ans licht zukommen.

Johānes  
Rhodius  
der Schül-  
meyster Jo-  
hannis Be-  
cken.

Johān  
Beck köpt  
der Luthē-  
rischen lehr  
halben in ei-  
nen ver-  
dacht.

S ij Der

# Von den G. Gottes Bekennen

derhalben dann auch gemeldter Johan Rhodius/damit er die selbige desto stattlicher verantworten vnd beschirmen köndte/offtmals in ober Teütschlandt reysete.

Johan Beck würt vom Studiern zum Sigristen ampt von seinem Vater geordnet.

¶ Darneben aber besorget sich sein Vatter/im möchte solches endlich zum verderben reychen/vñ dieweyl der neyd vnd haß wider die Lutherische lehr ye länger vnd ye mehr zunahme/hat er ihn auß der Schulen widerumb zu im in sein hauß heym genommen/vnd in neben im zum Sigristen ampt in der Kirchen gebraucht. In solchem aber hat er nichts desto weniger allenthalben seinen Wirbungen die lehr des H. Euangeliums fürgehalten/vñ vil Jünger dem herren Christo gemacht.

Johann Beck zücht gehn Leui auff die Hohe Schül.

¶ Von dannen ist er folgendes (in seinen angefangenen Studien weyters fürzufaren) auff die Hohe Schül gehn Leui geschickt/vñ dem Hochgelehrten Herren Erasmo von Roherodam (der dann seinem Vatter/mit dem er in der jugendt zur Schülen gangen war/zum höchsten bekandt vñ verwandt was) befolhen worden/Da er dan in kurzer zeyt trefflichen fürgefahren ist.

Johan Beck würt geweyhet.

¶ Wie lang darnach gedacht der Vatter (dem dann mehr an seinem eygnen trug/dann an der Kunst seines Süns gelegen war) wie er doch seines Süns zum besten köndte genießen. Schicket ihn derhalben gehn Vrich vñnd liesse in Weyhen. ¶ Also ward der frome Jüngling gezwungen/seinem Vatter zu folgen/die Weyhe anzunehmen/vnd die Lutherey zuuerschwören.

¶ Aber solcher stand hat im nyemals gefallen/derhalben er sich allenthalben vernemen vnd hören ließ/Er hetze sich in disen Geystlichen stand/dem Vatter zugefallen/begeben/

begeben/das er doch auch durch solches mittel den Cathe-  
chisum/das ist/die hauptstück Christlicher Lehr/offent-  
lichen lehren vnd üben köndte/wie er dan solchs in seinem  
Vatterlande fleysig vnd ernstlich gethon hatt.

¶ Vnd deshalb (diweyl solches von ihm außkam/  
vnd öffentlichen gesage ward) nit lang darnach gehn V-  
errich/daselbst sich zuuerantworten/citiert vnd beruffte  
worden. Diweyl er aber wol wußte/was heymlicher lüsti-  
ger praccicken sie wider ihn beschlossen hattē/hat er auff  
solche Citation/vor solchē leuten/die seine abgesagte seyn  
de waren/nit wollen erscheynen.

Johann  
Beck wäre  
gen Verrich  
citiert/  
will aber  
nit erschey-  
nen.



¶ Derhalbem  
er folgendes von  
den Pfaffen zu  
Verrich/von we-  
gen solcher seiner  
vnghorsame/vor  
dem gangē Rath  
in Holland ernst-  
lich ist verklaget  
worden. Vnd die  
weyl solchē ellens-  
den leuten glanz-  
ben gegebē wa:d/  
ist vilgemeldter  
Joan/mit sampe  
seinē mitthelffer/

Johann  
Beck wurde  
gesandlich  
angnommen.

durch den Amptman im Schloß Werden/gesandlich an-  
genomē worden.



# Don den G. Gottes Bekennern

Johann  
Beck wäre  
widerumb  
entlediget/  
aber ins el  
lend vera  
schickt.

¶ Diemeyl aber sie widersäcker/ auß forcht (wie man  
vermeynt) der gangen Burgerſchafft/nit dorfften wider  
ſie/als wider Keger klagen/zū vorab an einem ſolchẽ ort/  
da ſie nie vollẽ gewalt hatten/hat es ſich begebẽ/ diemeyl  
der and an d Kotten rür tödelichẽ träck lage/dz auch diſer  
Joannes / damit in nie auch ſolche träckheyt anſtieße/ auß  
der Gefäncknuß ledig gelaffen ward/ doch mit gegebenner  
erzū/er wolte ſich widerüb/wa er Citirt wurde/für Ge  
richt ſtellẽ. ¶ Darauff wardẽ diſe beyde vō den Officialen  
zū Verich(die es dan zūm höchſten verdroß/dz inẽ ſolcher  
raub entgangen war)durch grewliche erdūwort/dahin  
gezwungẽ/dz ſie ſich ſelbs freywillig ins ellend begebẽ ſol  
ten. ¶ Derhalben zogen ſie miteinander in Sayen/die  
Kirch Wittenberg/ auß Gots ſeligem eyſer/zū beſichtigẽ/  
Vnd als ſie auff ſolcher reysß drey Monat verzogen hat  
ten/ſeind ſie widerumb heym in ihr Vatterlande kōmen.

¶ So bald aber ſolchs denen zū Verich künde gethon  
ward/Seind ſie vō ſtund an für Gericht/ ſich d Keger ey  
halbẽ/ſo ſie beſchuldigt warẽ/zū erantworten/berüffen  
worden. Da iſt inen endlich auſſerlegt worden/ſie ſollen  
gehn Kom ziehen/vnd drey ganzer Jar auſſerhalb ihres  
Vatterlandes im ellend ſich enthaltẽ. ¶ Solchen Sents  
vñ vithcyl(als der ganz vnbillich war) hat vilgemeldter  
Johann verachtet/vñ deßhalb keinẽ fuß auß dẽ Stäetlin  
verrückẽ wöllẽ/ will geſchweygẽ dẽ ſelbigẽ nachzū kōmen.  
Dannenher dann auch ſeine Wißsäcker hefftig wiß in er  
grimer werdẽ/vñ beſchloſſen endlich/ ſie woltẽ in/wa ſie  
in inrer Herrſchafft betretẽ vñ finden werdẽ/erwürgẽ.

Vnd war der beſelch dem Oberſten vber die Keüer ge  
geben/das er einen ſo Widerſpenſtigen fräuelen menſchẽ

gesäncklich annemen/vnd gehn Verich/wa er in ankomen wurde/füren solt. In diser zeyt enthielt sich gleichwol Joha<sup>n</sup> von Wörden/das er in deren von Verich Gebiet vnn<sup>d</sup> Land nicht kame/darneben aber durchzoge er gang Holland/vnd cröset die Brüder vnn<sup>d</sup> Kirchen/so an allen orten im Herren beyeinander versamlet waren. Damit er aber auch das jhenig / so er in seiner Lehr fürete/mit der that vnd im werck bezeügete/vnn<sup>d</sup> war machte/hat der frome Ma<sup>n</sup> / ob er wol ein Geweybeter Priester war/ein Eheweib genomen(welches bey den Widerwertigen als Kezerisch gehalten würt) nachmals auch fürgefaren/vnd also bald von der Weß abgestanden/seinen vorigen Standt verlassen/im nicht mehr wöllen lassen die blatten schären/Jha sich/als ein neüwer Ehman/keiner arbeyt/wie gering sie war / beschämet oder gewärgert. Da<sup>n</sup> wa man sein bedorffte / ließ er sich gebrauchen/damit bachen/dort mit graben / vnd andern dergleichen diensten vnd arbeytten. Vnderließ doch nimmer/das N. Euangelium daheym in heüßern zupredigen/damit er ye kein zeyt vergebens/vnd im Müßiggang verzeerete.

Joha<sup>n</sup> Beck hat ein Eheweyb genommen.

Wie er nün also/vnn<sup>d</sup> auff jengerzölte weyß/sein zeyt vnd leben vertribe/hat es sich begeben/das der Bapst zu Rom seinē arbeyt seligen Reich / dz nün mehr schwancckē/vñ ja gar verfallē wolte/zuhelffen/neüw Erdichtē Ablas außgehē ließe. D nün nit/wiel ißher d brauch gewesen/vñ Welt feyl war/sond vergebēs vñ umb sonst auffgerungē ward/allē denē/so da Büss thun/vñ die Weß fleissig besüchē wurdē. ¶ Da nün solcher Ablas im Stettlin Wörden verkündigt ward/hat sich diser vnser lieber martyrer mit ernst/als ein starcke mau/vñs hauß Israels willē/darwi

Bapst gibe einen vergebnen Ablass auß.

Joha<sup>n</sup> Beck prediget wider des Bapsts Ablas.

# Von den H. Gottes Bekehrern

der eyngelassen. Dañ wie er des leydigen Teuffels gedancken/als ein fromer Man/wol wußte. Also hat er auch leichtelich des Aneichrists fürnehmen vñnd betrug mercken können. Hat sich folgendes auch selbers in Beycheßkül gestellet/vñd zur Beycheß gessen/Aber daselbst mit höchster eysen vñd ernst/des Päpstischen Ablass betrug vñ beschiff angezeyge.

¶ Vñnd damit er ye solche Kauffmanßschafft bey meniglichen verhaßt machete/vñd vom Betrug des Ablass abzöge/hat er keinen Beycheßpfenning (wie sonst die Pfaffen gemeyniglich pflegen) gefordert oder genomen/ Sonder sich in alle weg beflissen/Das er die hauptstück warer Gottseeligkeyt vñd Christlicher lehr allen Menschen wol eynbildete/die schwachē hergē in Christo tröstete/vñ die vnruwigen gewissen mit dem Euangelio Christi besriedete. Dannenher es auch beschah/dieweyl die Burger hauffen weyß zu im kamē/dz des Pfarrhers gewin sehr schmal vñd klein ward.

¶ Dem Pfarrher thet solches wehe/hielt derhalben bey der Oberkeyt ernstlich an/das sie einem solchen Menschen/der die H. Mess/das gemeyn Gebett/vñ den Papst zu Rhom/so offentlich vñnd schandelich verachtete/die Kirch verbieten solten.

Johann  
Beck laßet  
sich wider  
rumb vñnd  
erlicher  
leit willē/  
zur Mess  
er eyben.

¶ Da nūn solches beschah/ist diser vnser Martyrer auß ernstlichem vñ trungenlichem anhalten der Brüder dahin beredt worden (damit er solch herzlich vñd wol angefangen werck nit also stecken/vñd dargegendes Papsts Jarmarck vñd Kauffmanßschafft ye länger vñd weyter einreysen liesse) das er widerumb Mess gehalten/vñd die  
blat



# vnd Martyrern/der iij. theyl. lxxiiij

blattē hatt schärē lassen / daß er lieber wolt der Liebe vñ gegenwertiger not dienen / daß seinen eygnen Affecten folgen vnd statt geben. Vnd ist solches die vierdte Weß gewesen / die er in dreyen Jaren gehalten hat.

¶ Vnder der weylen / als der Mietling oder Pfarther am selbigen ort mit todt abgieng / ist ein neüwer Roma- nist an sein Statt komen / vnd gemeldtem vnserm Mar- tyrer einen neüwen Lermen angerichtet. Danner für ge- richt öffentlichen gestellet / vnd ihm befehl gethon ward / sein sachen daselbst züuerantworten.

Johā Beck wäre für gericht gestellet.

¶ Als er nün vil vnd weytleüffig gefragt ward / vom Papstumb / vom Fegfeür / vñnd von den Sazungen der Väter / hat er mit einem eyngigen spruch seiner Wider- wertigen müthwilligs begeren verantwortet / vnd öffent- lichen bezeüget / An diene Gott mit Menschen Lehr vñ Sazungen vmb sonst / vñnd vergebens. Diweyl sie aber auch seins Thestandts halbē rechen schaff vñ vrsach von jm begerten zü wissen / entbot er sich solches zuthun / wann mehr vnd auch gelehrtere verständigere leüt zügegen sein wurden.

Gemeyne verantwor- tung auff al- le fragen.

¶ Bald wurden etlich Pfaffen berüffen / die in solcher The sachen solten schliessen / vnd nemlich drey / vnder wel- chen aber einer war / dem solcher fräuel vñ vermessne hand- lung dises neüwen Pfarthers nicht gefiel / diser / ehe vñnd man zur inquisition griffe / fraget den Pfarther / auß was befehl er ein so grosse vnriig in einer freyen Statt hett er- regen vnd machen dörfen. Diweyl er aber keinen schrifft- lichen befehl hierüber von der hohen Oberkeyt zeygen- kōndte / ist er mit schanden abgezogen / vñnd die Versam- lung auffgestanden.

T

Am

# Vonden H. Gottes Bekennern

¶ Am nachfolgenden anderen tag aber/ hat er vom Rath zu Wörden aller diser verloffnen handlungē brieff genomen/vnd alle ding als ein vnuerschampter Lestere auff das aller bitterst vnd neydist an Frau Margareten hoff angebracht. Dise gab als bald befelch / das man gemelte Johanem widerumb gefäncklich annemen solte/ welches auch beschehen/Vnd ist er mit vier knechten zum Hagen gefangen geführt worden.

Johann  
Beck wirt  
ins gfänck  
uß gelegt



Wilhelm  
Gnapheus  
auch gefan  
gen wordē

¶ Auff welcher reys/ob er wol gute gelegenheyt gehabt hette/widerumb züentfliehen / so hat ers doch nyemals versüchen oder thün wollen. Jha auch in Kercker zum Hag/mit freudē/Vñ selbs freywillig gegangen.

¶ Zū im ist solgends den drittē tag auch ins Ger

säncknuß geleeget worden / Wilhelm Gnapheus / den die Mönch verrachen vnd angegeben hatten/als den der ihren Stand vnd Orden schrifftlichen widersprochen vund verworffen hette. Diser hat auch nachmals von ihm alles das/ so von den Ketzern meystern insonders mit im gehandelt

# vnd Martyrern/der iij. theyl. Lxxiij

handlet/fleyssig vnd warhafftig (wie bald folgen würt)  
beschryben.

¶ Wa aber der gütig Leser etwz weyters vñ eygentli-  
chers vñ disem vnserm Martyrer zu wissen begert/ So ist Beschrey-  
bung der  
Gestalt  
Johannis  
Becken.  
er eins auffrichtigē geradnē leibs gewesen/eins ersamē vñ  
doch frölichen angesichts/mit einer hohen vnd erhabnen  
Stirnen/einer dapffern freyen gestalt/ Sein haar war  
schwarz/zimlich lang vñ düñ/ Seine gebeyn vnd Glider  
starck/Seins alters eben im xxvij. Jar.

¶ Im disputieren ist er hefftig/ Im Lehren aber eyn-  
saltig vnd auffrecht. Im vermanen gang frey gewesen.  
Wann er die Widersächer antastet/ war er gang embfig  
vnd higig. Sein gang war züchtig vnd dapffer. Sein  
farb war etwas braun.

¶ Vnd souil vom Leben vñnd Wandel dises fromern  
Mans.

¶ Folget nün was sich mit ihm vñnd den Kegermey-  
stern von Lenti in gemeynen vnd offnen handlungen/bis  
zu seinem end verlossen hat.

¶ Wiewol nün offemals zuuor mit jm handlung für-  
genommen worden ist/so ist doch die erste vnd stattliche In-  
quisition dise nachgehende/so auff den viij. tag Hermon-  
nats vor mittag/ Im Jar M. D. vnd XXV. mit ihm ge-  
halten ist.

**Inquisition/ oder Verhör des glaubens**  
so von den Sophisten zu Lenti/mit Johan

von Widen/ vber der Prieister

Abge gehalten wor-  
den ist.

T ij Vns



# Von den H. Gottes Befehlern

Vnderhändler/so zugegen ge-  
wesen sind.

¶ Montanus. Magister noster/ Nicolaus a Monti-  
bus/ Kegermeyster.

¶ Rosemündus. Magister noster/ Godtschalckus Ro-  
semund. Ein beyziger oder Assessor.

¶ Enchusanus. Magister noster/ Ruardus Enchu-  
sanus ein Assessor/oder Beysig.

¶ Bucho Bernardus ein Phryß. Dechant vnd Bur-  
germeyster zum Hag.

¶ Duennorchus Brunchus Procurator vñ Fiscal.

¶ Johan von Wörden/der Gefangne.

¶ Der Kegermeyster Nicolaus Montan-  
sieng das Gespräch an/  
vnd sagt.

**D**Ein Johannes wilt du das wir Lateinisch / oder  
Teütsch/reden sollen? ¶ Johannes gab antwort/  
Wie jr wölt/dañ es gilt mir gleich. ¶ Hierauff sa-  
get Montanus zu den Beysigern/ Ihr Herren/ Was soll  
man zum ersten fragen? ¶ Rosemund. Man greiff zum  
handel an im selber. ¶ Enchusan. Mit nichten/ sonder  
man muß zuor fragen/ ob er euch auch für den Ordenli-  
chen Richter erkennen vnd annemen wölle. ¶ Montan-  
nus/ Ir werdet euch nie beschwären/auff meine frage ant-  
wort zugeben? ¶ Johannes. War zu mich das Reche  
weyset/darauff will ich antwort geben. ¶ Montanus.  
So



So lege nū die hand zūm herze/ vnd schwöre du wöllest in allem/ danon du gefrage wirst/ die warheit sagen. ¶ Johan. Zwar ich beschwäre mich vil zu schwören/ Bezeüg aber bey meinen gūten treūwen vñ glauben/ das ich eūch antwort geben wölle/ nach dē es die Gerechtig

vñ Johan ne wirt d Eydt begeret.

Keyt diser Vnderhandlung erfordert. ¶ Montanus. Wolan/ Kennestū nū diese hand vnd dise Schrift: Dis ist jba dein Bekantnuß die du neūwlich allhie den Rathsherrn des Keyserlichen hoffs (Herrn Johann Duenen/ vnd Abel Colcten) vbergeben hast. ¶ Johan. Siemags wol sein/ Ich hab mir aber endlich fürgenommen/ ob jr mich schon vil fragen wurden/ auff keinen Artickel antwort zugeben/ Ich habe dann zūuor in gemeyn auch eūch meins glaubens rechenschafft gethon. Bitt der halben/ wölle dieselbigen gütwillig jezunder von mir anhören. ¶ Montanus. Was fragen wir nach deiner Profection: Gib antwort auff das/ das wir fragē. Ist dis dein Bekantnuß/ vñ bistu derselbigen auch zufriden/

Johan begeret seines Glaubens bekantnuß verhört zu werden.

T iij oder

# Von den G. Gottes Bekenner:

oder nicht? ¶ Johannes. Nicht ein wort will ich antworten/Ihr haben dan zuvor mein Protestation angehört.

¶ Montanus. Wir wollen dir aber solches nicht gestatten/Sonder Gib antwort auff das/das wir fragen.

¶ Johannes. Wie? Wöle jr mich dan zwingen/das ich mit meiner antwort eüwerem fräuelen müßwillen dienen müsse: Was ist das für ein vnbillich Keyt?

¶ Duennorth. Er begeret das billich ist/darumb ver gönners im/Er protestier recht was er wölle. ¶ Johannes. Mich dunckt ihr seyen allein hieher kómen/mich zugreifen. Was ist aber das für ein schandlicher brauch?

¶ Enchusan sahe in saur an/vnd sagt. Wir begeren dich zu einem andern vnd bessern verstande od meynung zubringē/Was sperrestu dich dan vns antwort zugeben?

¶ Bucho. Mein Johanes/damit du die sache verstandest/So ist vnd sitzt hie vnder vns zugegen der Keyserliche Comissarius/damit er in deiner sachen Richter seye.

¶ Montanus. Vnd hie sthestu die Credenz brieff meines habenden befelchs. ¶ Enchusanus. Man verlese den Artickel/darinnen die sum des Mandats begriffen ist.

¶ Johanes. Ich glaubs gern/das er vom Keyser hie her geschickt seye. ¶ Enchusan. Das ist nún genúg/dan er hat schon bewilliget vnd erkennet/Ihn/als den Richter.

¶ Montanus. Was sagstu nún zu diser deiner Bekantnuß? ¶ Johannes. Wan ich meines Glaubens re chenschaft zuvor gegeben hab/als dann werdet jr mein antwort auch hören werden. ¶ Duennorth. Wolan so sag an/was ist dein Protestation? ¶ Johannes. Ich Johannes von Wörden protestier vnd bezeuge vor eüch

allen/

Protestatio  
Johannis  
Becken.



# vnd Martyrern/der iij. theyl. lxxvj

allen. 10. Vnd dieweyl die Kegermeyster sein hierüber lachten/redet er sie an/vnd sagt. Lieber warumb zersperret jr die meüler also/ Jhr seydt zwar seyne Gesellen. Warumb verlachtet jr mich? Soll man auch eines armen Gefangnen Mañs/der sein sach verantworten will/dermassen spotten? O jr stolzen Phariseer?

¶ Bucho. Herz Johann/die Herren hie zugegen/spotten zwar dein nit/Sonder das verwundert sie/das du vermeynst/du habest dise deine Protestation nur gar seyn vnd artlich fürgenomen? Aber red weitthers/vnd farfürt? ¶ Johanes. Ich Johañ von Wörden/protestier vnd bezeugemich hie vor eüch allen/das ich nichts nit schliessen will.

¶ Wie fiel im Enchusan in die red/vnd sagt spöttlicher weyß/Ja/Jha/Jha/du schöner Schliesser/wer will dich in Gottes sachen für einen Schliesser halten? Du magst mir wol ein fräueler mensch sein. ¶ Johannes. Wann jr mich dermassen für vnd für schmählichen verspotten wölt/so will ich kein wort mehr reden. ¶ Duennorth. Far für wie du angefangen hast.

Johañi sal  
let man in  
sein red.

¶ Da fieng Johannes an zum dritten mal/vnd sagt/ Ich Johañ von Wörden/protestier vnd bezeugemich hie vor eüch allen/das ich nichts beger zuschliessen/oder mit ernst bestäetigen vnd behaupten will/das in N. Götelischer Schrifteen nit anseruckenlichen verkeybet ist.

Ob man al  
lein der  
Schrifte vñ  
nit auch dē  
Vätern  
glaubē soll

¶ Enchusannus. Lieber halt still ein weyl/vñ gib mir dein Bibel her? Da frag ich nün/Ob man allein der He schrifft/vñ nit auch den Vätern glauben geben soll? So doch in der Apostel Geschicht im xv. Capitel klärlch vermeldet

# Von den H. Gottes Befehlern

meldet/ Das Paulus dem Volck gebotten hab/ zu halten/  
was von den Aposteln vnd Elreisten der selbigen zeyt er-  
kandt vnd beschlossen war. ¶ Johanes. Daran hat im  
der Apostel recht gethon. Dañ solchs alles/ so von den El-  
reisten beschlossen/ war H. Götlicher Schrifft gemäß.

Act. xv.

¶ Rosemund. Die Apostel aber sagen im selbigen Ca-  
pitel vnder andern Worten also/ Es gefalt dem H. Geyst  
vnd vns/ das jr eüch enthaltet vom Blüt/vñ vom erstick-  
ten/ &c. Hier auß ist jha klar vnd hält/ das die Apostel mit  
samt ihren nachkömmlingen etwas gebotten haben/ das  
in der Schrifft nit verfaßt gewesen ist/ Dañ sie sagen/ Es  
gefalt dem H. Geyst/ vnd Vns. Lieber was sagstu zu dem  
wort/ VND VNS, &c.

Christliche  
anglegung  
vñ verstädt  
vom gehal-  
tenen Con-  
cilio zu He-  
rusalem.

¶ Johannes. Die H. Apostel haben im selbigen Con-  
cilio nichts/ dz nit zeügnuß hette/ in H. Götlicher Schriff-  
ten/ fürgenomē. Das Gesatz hatte den Juden verbot-  
ten/ das sie nichts von solchen thieren/ die selbs gestorben  
waren/ anrühren solten/ auch kein Blüt nit essen/ dann es  
sey die Seel des Geschlachtenen Opffers. So kondte das  
Concilium der Aposteln auß den Schrifften der Prophe-  
ten/ leichtlich vnd wol abnemē/ das nün auch die Heydē  
zum Christenthumb solten gebracht werden. Diweyl a-  
ber solchs die Juden/ als die von wegen des Gesatzes sich  
hoch vbernamen/ vngern zülieffen/ hat es die lieben Apo-  
stel/ auß eynggebung des H. Geystes/ für güt vnd gerachtē  
angesehen/ ein solche mittele weyß zu finden/ dardurch die  
zwey widerwertige Völcker/ nemlich Juden vñ Heyden/  
zur eynigkeyt eines Glaubens versamlet wurden. Das  
hat nün anderst nicht kōnden beschehen/ es gebe dañ ein  
theyl

theyl dem andern etwas nach / vnnnd das auß schuldiger  
pflichtē der Brüderlichē Liebe/die etwan von der Streng  
ge des Gesages etwas miltet/ vnd nachlaßt. Dañenher  
es auch kōmen ist/das erstlich die Juden die Strenge der  
Beschneydung ihnen vnd den Heyden nachliessen/ Dem/  
nach auch die Heyden einzeytlang sich vom Blüt vnd er/  
stickten enchielten / Vnnnd also beyde Völcker Euangeli/  
scher lehr sich settigen ließen. Das aber solche Erkantnuß  
der Apostel den Heyden nit für vn̄ für zū halten/auch den  
andern Gottes gebotten / nit gleich gewesen sey/befindet  
sich an dem/das solche auff den heütigen tag gar abge/  
thon vnd auffgehoben ist. Derhalbē so ist in solchem von  
den Aposteln nichts fräueler weyß gehandelt wordē / So  
haben sie auch hierinnen nichts wider den Befelch/ so sie  
in Mattheo empfangen haben/ gethon.

Liebe ist  
des Gesa-  
ges rechte  
außlegerin

¶ Montanus. Du würst es vil anderst finden Mat/  
thei im xvij. Capitel/dann du segundt sagst. ¶ Johan  
nes. Was kan hällers sein dann eben die wort / damit der  
Herr seine Apostel in alle welt abfertiget: Gehet hin/ sa/  
get er/ in alle Welt/ vnd predigen das Euangelium allen  
Creaturen/vnd lehren sie halten alles was ich eüch besol/  
hen hab. ¶ Montanus. Ich wolt nicht dises / Aber be/  
denck das xvij. Capitel / Da liest du also. Auff Moses  
Stül sitzen die Schrifftgelehrten vnnnd Phariseer/ Alles  
nün was sie eüch sagen/das jr halten solt/das halter vnd  
thüt. Aber nach ihren wercken solt ihr nit thün. Hörst du  
das? Hast du es auch verstanden? Christus sagt/ Was sie  
eüch heysen/das solt jr thün. ¶ Johānes. Seydt dann  
jr Herren/die Schrifftgelehrten vnnnd Phariseer zū diser  
zeyt/

Vom stül  
Mosis  
Matt. xxiij



# Von den H. Gottes Bekennen

Dapisten si  
re nit auff  
Mosis  
Stül.

zeyt/deren lehr wir hören vnd folgen/das leben aber straf  
fen vnd schelten sollen: Sehet eüch wol für das jr nit mit  
ihnen in gleiches vrtheyl Gottes fallen/die jr mit bösem  
Exempel eüwers lebens/die warheyt der reynen Euan  
gelischen lehr schenden vñ schmähen. Wiewolich eüch nit  
darfür erkenne vnd halte/das ihr auff dem Stül Mosis  
sigen/Dañ ihr lehren das Gesatz/so Gott dem Mose gege  
ben hat/nit. Derhalben solle man eüch auch nicht hören.  
Dann Gottes wort soll pur vñnd lautter/hindangese  
zet allen menschen satzungen/gepredigee werden/wie ge  
schryben stehet/Was ich dir heüt gebiete/das allein solen  
dem Herren thün/auch weder darzü noch etwas darvon  
thün.

¶ Enchusan. Soll das war sein/wie du jegundt sa  
gest/so haben die H. Apostel der warheyt weyt verfähet.

Vom Tauff  
der H. Apo  
steln.

¶ Johānes. Lieber wie das? Enchusan. Da haben sie  
die form vnd weyßzüteüffen/wie die vom Herren Christo  
selber mit außgetruckten Worten fürgeschryben worden/  
verändert/vñd nemlich allein im nammen Jesu geteüfft/  
wie man liset im büch der Apostel Geschicht. ¶ Rose  
mund. Also ist jm auch lieber Herr. ¶ Montanus. Was

Johannes  
beclagt sich  
ab dem vn  
gereympte  
schreyen sei  
ner Wider  
wertigen.

antwortestu nün hiezü? Schweygestu gar still? ¶ Jo  
hannes. Wie das ihr doch so hefftig wider mich schreyet?  
Ist das der weg/die vnuerständigen zü vnderweysen/vñ  
die irrenden widerzubringen? Ir schreyen doch alle wid  
mich eynhellig/wie die Wölff/wider ein Schäßlin. Soll  
man also handeln? ¶ Rosemund. Thü gemach mein  
Johannes/das was wir thün/das thün wir dir zü güt/  
damit wir dich/der du vom rechten weg irz gangen bist/  
wir

widerumb vom irthumb bringen köndten. ¶ Johan-  
nes. Das würt man am end wol sehen. ¶ Montanus:  
Gib du antwort auff das / das dir fürgeworffen ist / Wa-  
rumb doch die form vnnnd weyß zuteüffen / von den Apo-  
steln seye geändert worden?

¶ Johannes. Die Apostel haben fürnemlich im nam-  
men Jesu getaufft / damit er als der Erlöser der ganzen  
Welt / den aber noch wenig leüth kenneten vnnnd ange-  
nommen hatten / desto mehr geprysen wurde.

Warumb  
die Apostel  
allein im  
namen Je-  
su getaufft  
haben.

¶ Zu dem / was ist es anderst im namen Jesu / der doch  
warer Gott vñ Mensch ist / teüffen / dan teüffen im Nam-  
men / das ist / in der krafft des Vatters / Süns vnd Heyli-  
gen Geysts: Es sey dan das Christus vnrecht geredt hat /  
da er spricht / Ich vnd der Vater seind eins / Item / Phi-  
lippe / wer mich sihet / der sihet auch den Vater. Oder / soll  
der die person des Süns vnnnd des H. Geysts verleügnen  
haben / der allein den Allmechtigen Ewigen Gott Vat-  
ter nennet / So hat vns doch Christus selbers nicht recht  
lernen betten / da er seines eygnen namens geschweyget /  
vnd vom Vater das Gebett ansahet.

Johan. xiiij

¶ Souil dan die form vnd weyß zuteüffen / wie die vom  
Herzen Christo selbers eingesetzt worden ist / belangt / die  
hat er vns nit eben so hoch gebotten / als wann es Sünd  
sein solte / von den fürgeschribnen Worten etwas zuwey-  
chen / so man doch der sachen an jr selbers vergleicht vnnnd  
eynig ist. Dann das Reich Gottes stehet nit in Worten /  
sonder in der Krafft. So würt auch nyemandes im nam-  
men des Vatters / vnd des Süns / vnd des H. Geysts war-  
hafftig getaufft / es sey dan das er durch die Krafft Got

V ij res/

# Von den G. Gottes Befeñern

tes/vnd salbung des H. Geysts begossen vnnnd gereyniget/  
warlich nach dem inwendigen Menschen wider vñ neuw  
geborn werde. Derhalben wie auch dise vnser e Einwey-  
hung / die da beschicht in disem Bad d Widergeburte/nic  
allein den eüsserlichen büchstaben/puncten/ ritteln / vnd  
fürgeschrybnen wortē/sonder vil mehr der Gottes krafft/  
die vns neuw gepürt / vñ vnser hertzen mit einem vil bes-  
sern Geyst/begnadet/zügeben sollen. Wiewol mir auch  
nyemandts leügnē kan/das die Apostel nit auch im nam-  
men des Vatters vnd des H. Geysts die Christen geteüf-  
set haben/dieweyl Lucas meldet/sie haben gleichwol im  
namen Jesu/aber doch nit im selbigen namen allein ge-  
teüffet.

Johannes  
will nichts  
glauben dz  
nit in Got-  
tes wort  
verfaßt ist.

¶ Bucho. Ach es bedarff nit einer so langen vñ weyt-  
leüffigen Disputation vnd verantwortung/ Die Herren  
Ketzermeyster begeren allein das zü wissen / damit du sie  
recht verstandest / Ob du auch etwas glaubest / das in H.  
Göttlicher Schrifften nit außgetruckt seye? ¶ Johan-  
nes. Zwar nichts nit / wie klein vnd geringes immer sein  
mag. ¶ Montanus. So höre ich wol / du achtest es für  
sünd / wañ man etwas außserhalb der Schrifften glau-  
ben solt? ¶ Johannes. Ich glaub keiner andern / dan  
allein der Heyligen Schrifften / als auß welcher man al-  
lein notwendige Lehr / züm Heyl vnd Ewigen leben / nem-  
men kan. ¶ Bucho. Warumb sagt dan Christus / Mat-  
th. x. Wer euch höret / der höret mich? ¶ Johannes.  
Dis ist ja recht vnd wol gesagt / von denen / die zü der E-  
uangelischen Erndten außgeschickt worden. Zwar man  
soll die Priediger des Euangeliums (wie Christum den  
Herren

Matth. x.



Herren selbers hören. Dañ von ihnen würt gesagt / Ihr seydes nit die jr reden / sonder der Geyst meines Vatters / der in eüch redet. Wañ nün jr auch nach solchem Exempel vom Herren / züm Dienst sein Euangelium zupredigen / wie die Schaff mitten vnder die Wölff / gesandt weren / so wolten wir vns keins wegs beschwären / eüch zuhören / jha wir wolten eüch für lebendige Gottes Engelerkenen vnd halten. Diweyl jr aber hieher mit Keyserlichen vnd Bapstischen briefen vnd Bullen kōmen seind / nicht zuerhalten / sonder vns zūuerderben / so halten wir eüch auch nicht für Gesandre oder Diener Jesu Christi / sonder der Menschen / vnd deßhalb wollen wir eüch auch nit hören. Dann das zū den Aposteln gesagt worden ist / Wer eüch höret / der höret mich / das geht eüch gar nichts an.

¶ Montanus. Du hast ein böse fräche oder fräuele zungen. ¶ Rosemund. Glaubstu nün allen büchern der H. Göttlichen Schrifften? ¶ Johannes. Ja ich glaub allen denen / die auß eynggebung des H. Geysts als Canonisch angenommen seind. ¶ Montanus. Maher weystu nün welche bücher angenommen / vñnd welche verworffen seind / wañ du hierin nit der Kirchen gemeynen erkandt / nuß glauben geben wilt? ¶ Johā. Die Kirch ist nit vber die H. Schrifte. So nimpt die Schrifte auch nit ihr Auctoritet von der Kirchen / Diweyl aber sie an allen orten seyn zusamen stimet / vñ der Geyst des glaubens / von vns erfordert / das wir vns derselbigen vernügen lassen / so ist's jha billich / das wir von derselbigen auch warhafftig zeügen / vnd hierüber nit allererst der Kirchen erkantnuß vnd vrtheyl erwarten. Darumb sagt auch der H. A /

Von Canonischen büchern der H. Schriften.

Von der Kirchen vñnd H. Schrifte.

# Von den H. Gottes Bekehrern

postel Paulus. ij. Cor. iij. Diweyl wir desselbigē Geysts/  
des glaubens halben/nach dem geschryben steht/Psalms.  
cxv. Ich glaub/darumb rede ich. So glauben wir auch/  
darumb so reden wir vnd wissen/1c. Auß diesem Glauben  
nün/vnd dem Geyst der in vns zeüget/sollen wir die war  
heyt der H. Göttlichen Schrifften mehr/dan außdem vr  
theyl der Kirchen/schliessen vnnnd erkennen. Dann die  
Kirch hat nit gewalt/etwas als einen Artickel des Glau  
bens/auffzutringē/das nit in H. Göttlicher Schrifften/  
so vom H. Geyst verzeychnet worden ist/gegründet sey.

Wartumb  
den alten  
Lehrern  
nicht also  
bloß zu-  
glaubē sey.

¶ Enchusanus. Was hastu aber für Ursachen/vmb  
welcher willen du den H. Alten Lehrern der Kirchen nit  
glauben wilt? ¶ Johānes. In den Schrifften oder Bü  
chern der Väter kan ich betrogen werden/ Aber in H.  
Schrifften ist solchs vnmöglich. So hat auch die Kirch  
Christi einē einzige Lehrer der Warheyt/ als nēlich dē  
H. Geyst/der vom Vatter außgehet/ Welcher H. Geyst/  
diweyl er der erste anfänger ist der Schrifften/ die nach  
dem zeügnuß Petri/ ij. Petri. j. nit geschicht auß eygner  
auslegung/1c. So hat sich auch nyemandts dessen zu ver  
wundern/das der Herr Christus vns zu solcher Schrifft  
ten weyset/da er sagt. Johā. v. Süchet in der Schrift/  
dan sie ist/sie die von mir zeüget.

¶ Zu dem/so würt der Sün Gottes Jesus Christus  
vns selbs fürgestellt/das wir in hören sollen/dann also lau  
tet die Stimme vom Himmel herunder/an alle menschen.  
Matth. ij. diß ist mein lieber Sün/in dem ich wolgefals  
len hab/Ihn solt ir hören.

¶ Enchusan. Noch hastu kein ursach vmb welcher wil  
len

len du die Bücher vnnnd Schrifften Gelehrter Männer so schandlich verachten soltest: Dañ was die Euangelisten verschwygen haben/als die die Werck Christi nit also vollkōmenlich haben beschreyben kōnden / das ist nachmals den H. Lehrern vnd Vātern befolhen worden/das sie es auff die nachkōmenden gelangen ließen. Darumb sagt auch Johannes der Euangelist im xvj. Capitel. Es seind auch vil andere ding/die Jesus gethon hat/welche/so sie solten eins nach dem andern geschryben werden/achteich die Welt wurde die Bücher nicht begreifen/ die zūschreyben weren. ¶ Rosemund. Daran ist ja kein zweyfel/was die Euangelisten nit beschryben haben / das ist den nachgehenden H. Vātern vbergeben vnd befolhen worden. ¶ Johannes. Dis ist nūn gar ein seyne vsach/ıc. aber wie stuchweyß vñ halbieret jr die Schrifte anziehen/ laßt sich wol hierin sehen/ das jr das ihenig so Johannes hinzū setzet / gar seyn verschweygen/dañ er sagt/ Johān. am xvj. Dise aber seind geschryben/das ihr glaubet/ Jesus sey Christ/der Sūn Gottes/vnnnd das jr durch den Glauben das leben habt in seinem Namen. Ist nūn nit auß solchen worten hāll vnd klar genūg/das alle ding/welche vns zū wissen zur seligkeyt von nöten seind/ auch beschryben worden seind/das man jha weyters anderer leüt schrifften vñ Decreten nicht bedarff. Der Herz Christus weyset vns zū dem eynigen Tröster dem Meister der Warheit / das wir von dem selbigen in alle warheyt gefürt werden.

¶ Enchusan. Du bist fürwar ein verwegner Mensch/ dieweyl du dich rhūmest/du wissest für gewiß/was für bücher der H. Geyst geschriben hab? ¶ Montanus. Wey

Ob nit alles zur seligkeyt von nöten/in Bi blischen Schrifften verfaßt sey

stu



# Von den H. Gottes Bekenñern

stu wes fürnemens der H. Geyst ist? ¶ Rosemund. Ach Gott/wie seind das so fräuele leüt/die da vermeynen/sie haben den H. Geyst? ¶ Johannes. Lieber wie grißgramet jr wider mich/vnd wie neidisch lachet jr mein?

¶ Enchusan. Hast dan du den H. Geyst/du doller vngeschickter mensch? ¶ Johannes. Rom. viij. Wer den Geyst Christi nit hat/der ist auch nit sein.

**Vnder=**  
**scheidt zwi**  
**schen dem**  
**Glauben**  
**so Götli-**  
**cher schrif-**  
**ten/vnd dē**  
**so andern**  
**dingen ge-**  
**gebē würt.**  
¶ Duennorth. Mit erlaubnuß eüwer meiner Herren/ Ich will in auch etwas fragen. Herz Johan/Lieber wannenher weystu das du ein Priester bist? Vnd wader glaubstu das der dein Vatter ist/den du einen Vatter nennest? wer hat dich in solchen dingen vergwisset?

¶ Johannes. Lieber schemestu dich nit einer so thoren/vnd vngereümpften frage/Wan es kind theten/so werē sie warlich wol der rüte werdt. Es ist ein grosser vnder-scheydt/lieber Herz/Ob du wz glaubest/dz in H. Götlicher Schrifften verfaßt ist/welcher alle frommen/vngezweyfelt/glauben geben/vñ das auß dem geyst des Glaubens/den sie entpfangen haben/ Oder aber ob du etwas glaubest in andern dingen/die ausserhalb der Schrifte seind. Der Glaub in Gott vñnd sein Wort/ist in alle weg notwendig vñnd heylsam. Aber der Glaub oder gefasste Opinion vñ wohn von andern dingen/ist weder notwendig noch heylsam/Sonder würt einem jeden menschen seines gefallens frey gelassen/on cynige verlezung der Gottseligkeyt.

¶ Montanus. Wie? Glaubstu dan auch das du ein Priester bist? ¶ Johannes. Warumb solt ichs nicht glauben? ¶ Montanus. Wer hat dich dessen versichert?

Wer

Wer hat dich zu einem Priester gemacht? ¶ Johannes. Der Weyhbischoff. ¶ Montanus. Glaubstu auch das er zu solchem gewalt vnd macht habe? ¶ Johannes. Iha. ¶ Montanus. Tuñ stehet ye das nyergend in d. Göttlicher Schrifften. So glaubstu nun etwas / das on grunde der Schrift gehalten würt / als nemlich / das der Bischoff macht habe / Pfaffen zuweyhen? ¶ Johannes. Was gehet diser mein gefasste Opinion vnd Wahn / den Glauben der da selig macht / an? Zu dem / so sihe ich nichts was ich guts von einem solchen Bischoffen empfangen habe / dann eben das man mich einen Priester oder Pfaffen nennet / dieweyl ich von einem Symoniaschen Bischoff / Symoniascher weylß in disen Priesterlichen Stand auff genommen worden bin. ¶ Enchusan. Wolan wie soll man dann nach euwerem Euangelio einen Bischoff wdh len / oder Priester weyhen? ¶ Johannes. Wir werden nie Priester durch die wahl / sonder durchs Wasser vnd den Geyst geboren / vnd würt vns befolhen / das wir Geystliche opffer dem Herren opfferen sollen. Sonst weylß die Kirch / welche ist ein Gespons vnd Braut Christi / von keinen andern Priestern. Darneben aber so werden die Diener des Wortes / oder die Seelsorger / entweder auß gemeyner Wahl der Kirchen erwölet / oder vom Herren selbers beruffen.

Vom Bischoffen od Priester Weyhen vñ Wdhle.

¶ Enchusan. Ach Gott / woz kan doch vngereümpers gesage werden / dann das alle Christen Priester sein sollen. ¶ Rosem. Wie. Dörffen dan die weyber auch Mess lesen? Dem volck Gottes wort verkünden vnd teuffen? ¶ Montanus. Das Gesag Mosi hat keine andere Priester /

Ob alle Christen Priester seyen.

# Von den G. Gottes Bekennern

ster/dann die vom Stamm Leui geboren waren. ¶ En-  
chusan. Seind dann alle Menschen Priester / so wüirt die  
ganz Christenheyt vnruwig / auch kein ordnung in der  
Kirchen erhalten werden / welches ist wider den Apostel  
Paulum / der da sagt / Es sollen alle ding zierlich vnd nie-  
ordnung beschehen. ¶ Johānes. Lieber warumb schreyet  
ihr allzumal vnd miteinander wider mich? Es rede einer  
in eiuwer aller namen / damit ich wissen mög / wem ich ant-  
worten solle.

Ob alle  
Christen  
Priester  
seyen.

1. Par. 11.

Wer zum  
Prediga-  
mpt ge-  
schickt sey

¶ Montan. Du wilt das mit gewalt erhalten / das al-  
le Christen Priester seyen ¶ Johānes. Ja sie seinds auch /  
dañ der Herr sagt / Exod. xix. Die gange Erd ist mein /  
vnd jr solt mir ein Priesterlich Königreich vnd ein heylig-  
es volck sein. Mit disen Worten redet Jha der Herr nie al-  
lein die Leuiten / sonder alles volck Israel an. Will man  
dann Christum ansehen / so seind auch die Geliebten auß-  
denen / die nit Lieb waren. Das sagt auch Petrus zu den  
Juden / so in der Zerströuung waren / da er sagt / 1. Per.  
11. Jr aber seydt das auserwölte Geschlecht / das König-  
liche Priesterthum / has Heylige volck / das volck des ey-  
genthums / 12. Wiewol nun dem also ist / so wolt ich doch  
nit das sich ein jeder des Predigampts vnderzöge. Dann  
hiezu ist niemands geschickt oder würdig / er werde dan /  
wie Aaron / vom Herren beruffen. So seind wir nun alle  
Priester / die wir des Priesterthums Christi theylhafft-  
ig worden seind / so ferz wir auch mit Christo ein wolgesel-  
lig opffer vnserem Gott / vnseren vernünfftigen Gottes  
dienst auffopfern / vnd auß schuldiger pflicht der Liebe /  
auch für die not vnserer Wiebrüd herzlich bitten. ¶ En-  
chusan.



**Wufan.** Ach wie irret doch diser mensch so hefftig? **Ros**  
semund. Ach nimt wunder das du dich doch solcher rei-  
den nit schemest? **Montanus.** Du bist fürwar nit bey  
die selbers / dieweyl du sagest / das alle Christen Priester  
seyen. **Johā.** Ich will euch ein grob Exempel geben.  
Souil da belange die Erschöpfung des Menschē / so bin  
ich zwar eben so wol ein Mensch als Keyser Carle. Dar-  
neben aber würt er ein Keyser genant / nit von wegen sei-  
ner geburt / die mit vnd im gleich ist / sonder von wegē der  
Chur / oder wahl. Ich aber / der ich von niderm geschlecht  
geboren / leb also auch in geringem stand / vnd als ein pri-  
uat person. **Mon.** Dz gleichnuß gilt nichts. **Enchu**  
san. Es hat vil ein andere rechnung mit der Priester Wey-  
he / dann in der selbigen würt ein vnauflöschlicher Charac-  
ter oder Malzeychen eyngetruckt vnd gegeben. **Rose.**  
Er bringe vil gleichnussen hereyn. **Enchu.** Nün sihet  
man / das du nit recht haltest vom Sacrament der Wey-  
he / welchs du mit deinem Meyster dem Lueher so schandt-  
lich verachtest. **Rosemund.** Also ist im auch. **Monta**  
nus. Was sollen wir nün weyters fürnehmen? **Enchu**  
san. **Befelcht** jr im / das er in seiner angefangenē Pro-  
testation fürfar. **Johannes.** Ich weyß nit was ich sa-  
gen soll / dieweyl jr mich alle dermassen ohn auffhören be-  
reüben. **Montanus.** Sag doch an / wir wollen alle  
stillschweygen / bis du außgeredt hast.

**Johā.** Wolan / so will ichs thun. Ich Johannes von  
Wörden protestier vñ bezeüge mich hiemie öffentlich vor  
euch allē / dz ich gänglich des fürhabens bin / nichts nit zū  
schliessen / oder beharlicher weyß zūuerthädigen / das nit

Protestatio  
Johā Be-  
cken.

K ij in D.

# Von den H. Gottes Bekennen

NOTA in H. Göttlicher Schrifften gegründet ist / welche aber  
 „ dermassen soll verstanden werden / wie sie der H. Geyst/  
 „ der sie dañ angegeben hat / selbers will verstanden haben.  
 „ Zur anflehung aber derselbigen ist nit von nöte das wie  
 „ anderer vnd frembder wortē / dañ deren damit sie beschry  
 „ ben worden ist / gebrauchen. In andern dingen glaub ich  
 „ woz die H. Allgemeyn Christlich Kirch glaubt. Derhalbē  
 „ verfluch vnd verdamē ich auch aller Menschen Lehr vnd  
 „ Ketzerey / so dem geoffenbarten Gottes wort zuwider  
 „ seind. Also habt jr nūn mein Protestation.

¶ Montanus. Nūn sihet man / das du den Lehrern  
 der Kirchen / deßgleichen den H. Vätern keinen glau  
 bē gibst: ¶ Johān. Ich hab vornals gesagt / man jr euch  
 recht wolt erinnern / das ich allen denen Schrifften glau  
 ben geb vnd zūfalle / die mit H. Göttlicher Schrifften zū  
 stimmen. ¶ Montanus. Es ist doch gut / das du der H.  
 Väter Schrifften auch erwar für haltest. ¶ Enchu  
 san. So haltestu nūn / das man den H. Vätern auch fol  
 gen solle: ¶ Johānes. Ich merck wol das jr mich betrie  
 gen wölē / Man sage mir das mit güten Teütschen ver  
 ständelichen wortē. ¶ Buchs. Herr Johān / die Herrē  
 allhie fragen allein dises / ob du auch vermeynst das man  
 die Kirchen sayungen / als da seind die Feyrtag / Fastag /  
 Kloster gelüb / vnd andere dergleichen Decreta der H.  
 Väter / halten solle: ¶ Johānes. Was ausserthalb der  
 H. Göttliche Schrifften gebotten würt / dz kan mir mein  
 gewissen nit binden. ¶ Enchusan. Nūn lobt doch die  
 H. Schrifft die Fastag / die Beycht / dē Sabbath / dz Nach  
 mal / vnd die Gelübden / welche alle aber wir / von wegen  
 das

Von Fast  
 vnd Feyrta  
 gen / Klo  
 ster gelüb  
 den.

Das es der Kirchen vnnnd den Vättern also gefallen/für  
Gebott halten. ¶ Johannes. Es ist ein grosser vnder-  
scheydt vnder denen sehterzölten stucken/die jr auff einen  
hauffen zusammen gefast haben.

¶ Enchusan. Wie? Ist nit die Fasten gebotten/damit Vom Faste  
wir desto geschickter seyen die Göttlichen ämpter züner-  
richten/nach dem Exempel Moses/ Exod. xxxviii. wel-  
cher xl. ganzer tag an einander Fastet/da er vom Herren  
die wort des Bundts empfahen wolt. ¶ Johannes. Ob Man soll  
schon dem also ist/was gehet aber solchs eüwer fasten an? für vnd für  
die jr vns/vnder der Straffe einer Todt sünden auff gewis Fasten.  
se tag vñ speysß gebieten? Fasten in der Schrifft/ist nichts  
andß dan ein Mässigkeit vnd Nüchternkeit/deren sich der  
Mensch zü aller zeyt befleissen soll/nach der red Christi/  
da er sagt. Luce am xxi. Würet eüch das eüwere hertzen  
nit beschwäret werden mit fressen vnnnd sauffen/vnd nie  
sorgen diser Welt. ¶ Montan. So hör ich wol/du wilt  
man solle gar nit Fasten? ¶ Johannes. Das sag ich nit.  
Sonder ich beger dargegen/das jr mir eüwere Fastē auß  
H. Göttlicher Schrifften probieren vnd darchüen/Die-  
weyl doch sonst Paulus die Galater strafft/dz sie die tag/  
Monaten vnnnd Jarzeyt hielten. Gal. iij. vnnnd sagt zün  
Römern. viii. das das Reych Gottes nicht stehe in essen  
vnd trincken. ¶ Enchusan. Du solt aber auch wissen/  
das den Fürgesetzten vñ Fürnembstē Heüptern der Kir-  
chen zügelassen ist/in solchen dingen änderung fürzunem-  
men/was nün sie dermassen erkennen/das soll vnnnd müß  
man jha für ein Gesatz vnd Gebott erkennen.

¶ Rosemund. Herz Doctor/dise Disputation wurde

℥ iij sich



# Von den G. Gottes Befehlern

Von der  
Römischen  
Kirchen vñ  
ihren Ge-  
bottē/ oder  
Satzunge.

Sich zuuillang verziehen/laße vns widerumb kōmen auff  
die Satzungen der Kirchen: ¶ Montanus. Wie: Glaub  
stu auch alles was die Allgemeyn Christlich Kirch glaub  
bet: ¶ Johannes/ Ja/ ich glaub. ¶ Montanus. Dzt ist  
recht. Wann du also reden würst/so wöllen wir nit hoch  
wider dich streitten. ¶ Enchusan. Was halcestu aber  
von der Römischen Kirchen: ¶ Johannes. Eben auch  
dasselbig. ¶ Montanus. Das man halten soll/was sie ge  
beüret: ¶ Johannes. Die Römisch Kirch ist kein Ty  
rañ/ beschwärt vns auch mit keinen Gesagen/ Sondern  
ist dem Enangelio vnderworffen/vnd lehret vns/das wir  
dem selbigen allein auch gehorsam sein sollen.

¶ Enchusan. Das kanstu jha nit leügnen/ Die Kiro  
chen Ceremonien seind sehr weyßlich eyngesetzt wordē/ da  
mit die leüt im Gottesdienst nit kalt vnd fahrlässig wor  
den. Dañ durch das Fasten/ Seyrtag/ Gebett/ Beycht vñ  
anders dergleichen/ werden die trägen hertzen der Men  
schen ermundert/ vñnd sonderlich zu disen letzten zeyten/  
darinnen die Liebe erkaltet/die vngerechtigkeyt aber vber  
handt genomen hat. Das wir jha alle/solcher Gebott vñ  
Gesag/die vns treyben vnd manen/von nöten seind. Wa  
nñ solche solten vndergehen vnd veralten/was wird zu  
letst auß der Allgemeynen Christlichen Kirchen werden?

¶ Johannes. Ach Gott wie reden jr doch so dolle ding.  
Habt jr nicht gelesen/ das Gott ein frölichen Geber lieb  
hat. ij. Cor. ix. Warumb wölt jhr dann solche faule fahr  
lässige leüt/durch Gebott vnd Straff/zñ einer solchen ar  
beyt/die doch nichts nützet/zwingen vñnd tringen? Der  
Knecht bleybe doch nicht ewig im Haß. Zu dem/so seind

die

ij. Cor. ix.

die Werck/die wir auß vns selber erdichten/vñ sie andern  
leiten aufftringen/mit nichten vnd keins wegs zūnerglei-  
chen/mit denen die vns im Gesag Gottes fürgeschryben  
werden. Vnd dieweyl Abraham/der doch sonst ein Vate-  
ter aller Gleübigen geneñet würt/vor Gott keinen rhüm  
hette/wa er solte oder müste durch die Werck des Gesags  
gerechtfertiget werden/Zwar so werden vil weniger eüwe-  
re Werckheyligen sich zūrhümen haben für Gott/von we-  
gen ires gemurmleten Gebetts / ihres Fasten/ vnd ande-  
rer kalten Ceremonien.

Mit wera-  
cke kan mā  
die seelige  
feyr nit er-  
langen.

¶ Montanus. Wann nit Gesag vñ gewisse Ordnun-  
gen sein solten/darzü die leüt angehalten wurden / Was  
wurd doch zūletzt auß der welt? ¶ Bucho. Wann kein  
Galg oder Schwerdt were/ so dörfte ich doch nicht sicher  
auff der gassen gehen/dann jederman wurd mörden/rau-  
ben vnd stelen. ¶ Johānes. Ich beken das alles/wie ihr  
hie sagen/Aber es ist des Keyfers ampt/dem der Gewalt  
des Schwerdts von Gott gegeben worden ist / das er die  
vnschuldigen für gewalt beschützen/die Schuldigen aber  
vnd Ubelhäter der gepür nach am Leyb straffen solle.  
Yederman weyßt es / das die Burgerliche sagungen zū  
erhaltung Stätt/Land vñ Leüt/in alle weg von nöten  
seind. Aber wir handeln hie von den Kirchē Ceremonien  
vñd Sagungen/da sage ich/das der/der sie haltet/dan-  
noch keinen rhüm für Gott habe. ¶ Montanus. Wir  
gestehen das gern/das die Fromen von hertzen allweg be-  
geren recht zūthün/ desgleichen das die Bösen sich vom  
argen auß forcht der straff enthalten. ¶ Johānes. Was  
ist dan diß für ein vnbillich ding/das jr beyde die Gütten

Burgerli-  
che Sagen-  
gen seind in  
diser welt  
von nöten.

vnd

# Von den G. Gottes Bekennern

Papisten  
tyrannisie-  
ren mit irē  
Satzungen  
gantz grau-  
sam wider  
die armen  
gewissen.

vnd Bösen zugleich mit eynerley Gebotten zwingen/ So  
doch geschryben stehet. i. Tim. i. den Gerechten sey das ge-  
sag nit geben/sonder den vngerechten vnd vngleübigen?  
¶ Enchusan. Wie das? ¶ Johannes. Dann/ wer nit  
fastet/nit Seyret/die Speys so von der Kirchen verbo-  
ten seind/nit vnderlasset/den verdampft jr/als einē Vbel-  
chäter/vnd muß endlich getödtet werden/ Jha ihr saren  
noch weyters/auch wider vnser Seelen/eiwer Tyraney  
zuüben. Dañ jr wollen/das wir Priester alle/ wir leyden  
brunst/oder nit/ohn Eheyweyber/leben sollen/so wir doch  
in krafft des glaubens vnnnd vnser gewissens/zum Ehe-  
stand beruffen werden. Ist nit in disem fall/das höchste  
vnd strengste Recht/die höchste vnd Gröste vngerechtig-  
keyt?

¶ Enchusan. Nün/eins gib mir antwort / Ist nit ei-  
ner dem andern nach dem Gesag der Liebe zudiene schul-  
dig? ¶ Johanes. Jha. ¶ Enchu. Warumb solten sich  
dañ die fromen in krafft solcher Liebe denen Satzungen  
nicht vnderwürfflich machen / ergernuß zuuerhüten/mit  
welchen die Bösen vom vnrechten abgehalten werden?

¶ Johanes. Jha/wañ das Gewissen frey bleybt / vnd  
dem Glauben kein gewalt beschicht. Wie es dañ beschicht  
im Verbott der Priester Ehe. Sonst ist es ja allein Chri-  
sten leüt/das sie aller Menschen knecht werden/ damit sie  
alle dem Herren Christo gewinnen.

¶ Montanus. Wie? So höre ich wol/du dazfftest/ob  
du wol ein Priester bist/das Gelübd deiner Keüschheyt  
hindan setzen/vnnnd ein Weyb nehmen? ¶ Rosemund.  
Jetzt Kömen wir gar seyn auff die hauptsach an jr selber.  
Johannes.

Ob ein  
Priester  
künde Ehe-  
lich werde.



¶ Johannes. Was die W. Schrifft ohn vnderfcheyde allen Menschen frey erlaubt vnnnd zügelassen hat / das sollen wir nicht allein auff etliche vnnnd wenig leüth ziehen vnnnd deüten. Es kan nicht ein jeder das wort fassen / da man die Ehemeyber verbeüret. Derhalben diu weyl Paulus befihet / es solle ein jeder Man sein eygen Ehemeyb haben / warumb solt nicht auch ein Priester dörfen ein Eheman werden? ¶ Montanus. Hastu ein Weyb genommen / oder nit? ¶ Johannes. Sagstu das ich eine genommen hab? ¶ Montanus. Alle welt sagt solches von dir. ¶ Johannes. Was frage ich aber nach solchem? ¶ Montanus. Lieber was darffstus vil leügnen / der gemeyn Man weyßts doch wol / yederman sagt solches / vnd wann es von nöten were / so wolt ichs wol mit tausent zeügen beybringen vnd war machen. ¶ Johannes. Habt ihr etliche Zeügen / die vmb meine Ehe wissens haben / so nennen mir sie mit namen. ¶ Montanus. Unser Rechte vermag / das man dich / wan schon kein Zeüg vorhande were / allein vmb gemeynen geschreys willē / verdammen kan. Wiewol wir souil Zeügen gnüg haben / das wir vmb irer zeügnuß willē / du gestandest gleich oder nit / dich verbrennen wöllen. ¶ Johannes. Wann ihr dann diß bey eüch beschlossen habt / was darff es diser Inquisition. Nempt mich hin / laßt mich also bald an den Psal schlagen / damit eüwer müßwillen an mir erfüllet werde. Ihr seydt Blütdürstige leüt / die ir nichts dann feür tröuwen können.

Frag an  
Johannem  
ob er ein  
Ehemeyb  
genommen  
hab.

Bäpstliche  
Recht.

¶ Montanus. Das sag ich dir / Wann du also / wie du angefangē hast / woltest außflucht süchē / so wöllē wir dir

V

ein

# Von den 5. Gottes Bekennen

ein andere vnd heyttere frag auffgeben/damit wann du es  
nit gern thün/darzu mit gewalt getrungen werdest/vñ be  
kennen/dz du ein Ehemann bist. ¶ Johan. Wolt jr dan als  
Richter/einen solchen Menschen/der durch keine zeugen  
uberwysen ist/also gerad an die Folter lifern? Oder ist ein  
mensch schuldig/sich selbers zuuerzathē? Es ist vnbillich/  
das jr/die jr zu mir/Rechenschaft meines glaubens zufor  
dern/verordnet seind/erst darzu meine Folterer vnd Hen  
cker sein wollen. ¶ Montanus. Erstlich/so bezeugetes ein  
wer Pfarrer/das du ein Ehemeyb genommen habest/vnd  
hat dich auch deßhalb am Hoff zu Mechel verklagt. Zum  
andern so bezeuget solches das gemeyn geschrey. Darumb  
haben wir auch vrsach gnüg mit der Folter zu dir zugreif  
fen. ¶ Johannes. Wann es mit armen gefangnen leu  
ten also soll zugehen/so ist es ihazweyen oder dreyen Lestes  
tern vnd Lugenmeülern erlaubt/das sie falsche redē von  
den Vnschuldigen aufstossen. Wa man inē dan glauben  
geben würt/so ist bald vmb vnser leben beschehen. Aber  
man beruffe vnsern Pfarrer/damit er hie öffentlich zeüg  
nuß gebe/ob ich ein Weyb genommen habe? ¶ Montan  
us. Wir wissen dz du ein Weyb genommen hast. ¶ Johan  
nes. In welcher Kirchen/für was leütten/vnd zu welcher  
zeyt ist solches beschehen? ¶ Montanus. Lieber es ist  
nit gar erlogen/was man so gemeyniglich sagt. ¶ Jo  
hannes. So seind ihr fürwar schandliche Richter/die  
ihr mich nün zween ganger Monat allein vmb hör sa  
gens willen im Kercker gefänglich gehalten habt. Ist es  
euch nün gnüg/das jr etlich zeüggē haben/die da allein sa  
gen sie habens gehört/vnd habt aber keinen ders gesehen  
hetten

hette/wolan so gehet hin/verurtheylet mich gar/das ich doch auß diesem Kercker entledigt werde/vnd jr mich hinfür nicht mehr also plagen. ¶ Montanus. Dein auffzug würt dich fürwar nichts nützen/dann wir wollen in vnserm Rechten biß zum end mit dir fürfaren. Darumb so were es dir vil weger vnnnd besser/du thetest vns aller dings ein freye offentliche bekantnuß/damit wann du dich gegen vns demüctigerzeygest/vnd dise deine verwürckte schuld vnd sünd abbettest/wir vns auch barmherzig gegen dir finden ließen. ¶ Johannes. Ich kenne euwere lustige weyß wol/damit jr mich züsahen können seydt. Fürwer zeyt ist nun vorhanden. Nun köndt jr mir gleichwol disen meinen Leyb verbrennen/aber mein Seel würt der Himmelsch Vatter in seiner hande/in ewigkeyt erhalten. „  
Auff solche hoffnung verlaß ich mich gang vnd gar/vnd „  
fürchte mich derhalben nichts/vor allen denen/die mir v/ „  
bels wollen. „

Christliche  
antwort  
Johannis  
Becken.

¶ Buchs. Mein Johannes/ich bitte dich/du wöllest dich nit also halßstarrig wider die Herren Doctores allhie erzeygen/bekenn aber vnd sage die warheyt/so würt gewislich dein sach wol stehen/Glaub mir darumb. ¶ Rosmund. Was beschwärstu dich vil gegen dem Herrn Commissario. Lieber hilff dir selbers von diser handlung.

¶ Johannes. Wie ich jezundt gesinnet bin/so will ich nichts nit antworten/ich sehe dann meine Lesterer vnnnd Ankläger allhie vor augen. Damit wann der Ankläger nichts beybringen kan/der Angeklagt vnd beschuldigt als lediger kan werd. ¶ Montanus. Diweyl vns solche handlung nicht will von statt gehen/so müssen wirs

V ij auff



# Von den H. Gottes Befehern

auff ein andern weg versüchē. ¶ Duennorth. Es ist zeyt  
das wir von einander gehen/dann es ist schier vmb Mit-  
tagzeyt. ¶ Montan. Was soll aber hiezwischen der Gef-  
fangen thün? ¶ Duennorth. Man führe in widerumb ins  
Gefängnuß. ¶ Enchusan. Mich bedunckt nit gerathen  
zusein / dz man in dort hin führe/dan daselbst ist auch Gna-  
phens/die möchte villeicht der sachen eins werdē. ¶ Mon-  
tanus. Man lege in diweyl in disem Gemach an ein Kä-  
ten/bisß das wir nach essens wider kömen. ¶ Johānes.  
Wan jr mich schon nit anlegtē/ wölte ich doch nit entrin-  
nen. ¶ Montan. Bedenck du dich bey dir selbers/ bisß wir  
wider kömen/wie du vnserm rath folgest/vnd dich selbers  
aus diser Gefängnuß ledig machest. ¶ Duennorth.  
¶ Wollen wir nit gehen? ¶ Enchusan. Wölte ihr  
dem gefangnen nicht etliche knecht zuordnē  
die ihn verhüten. ¶ Duennorth.  
Iha freylich. Habt jr nün  
güte sorg auff  
ihn.

Die ander handlung so von oben ge-  
melten Inquisitorn vnd Beysigern mit Jo-  
han von Wöiden/auff den xiiij-tag des Heiwe-  
monats nach Mittag gehalten  
worden ist.

**M**ontanus. Welcher meynung bistu nün?vnd weß bi-  
stu gesinnet? ¶ Johānes. Zwar ich bin in meinem  
herzen wol zufriden. ¶ Montanus. Hastu auch  
alle



alle ding recht bey  
dir selbsts erwe-  
gen? ¶ Johannes. Iha. ¶ Mon-  
tanus. Wie nun?  
Wilt du doch zu-  
letzt auff die ange-  
fangene Frag von  
deinem Ehestand  
antwort geben?

¶ Johannes. Ja/  
doch mit dem ge-  
ding / wie ich ge-  
sagt habe / wann  
nemlich zuvor mei-  
ne Ankläger fürge-

steller werden. ¶ Montanus. Wiltu mit einem wort hö-  
ren/was der handel miteinander ist? ¶ Johannes. Iha  
gern. ¶ Montanus. Würstu vns nit ein satte antwort  
geben/so wöllē wir dich der Keyserlichen Oberkeyt über-  
schicken/die würt dich dann entweder soltern vnd peyn-  
lich fragen/oder gar tödten. Nun/sitz ein wenig näher zu  
mir. Was gibstu da für ein antwort?

¶ Johannes setzt sich ein wenig näher an der linken sey-  
ten zum Montano/antwortet/vnnd sagt / Diuweyl ihr  
Richter seydt/so nimpt es mich zwar hefftig wunder/ das  
ir wider mich armen Gefangnen so Tyranisch wüten vñ  
toben. ¶ Montanus. Diuweyl du dich so halbsittig  
erzeygest / so darff ich dich mit gleicher freüdigkeyt zum

Papisten  
seind tra-  
gige vnd  
blutdürst-  
ig leit.

V ij für

# Von den 6. Gottes Befehren

seier verurtheilen/als ich darff des lesen/will geschweygen/ das ich erst Gottes zorn hierüber hette zü besorgen. ¶ Johannes. Ich glaubs gern. Dañ also seind die Pharisæer vñnd alle Verfolger der Christen allweg gesinnet/ das sie vermeynen sie thuen Gott ein besondern dienst/ wann sie vns erwürgen. Aber sehet wol zü/ob jr auch in solchem fall des Herren Christi nachfolger seyen/ der ja nye yemandes züm Glauben gezwungen hat. ¶ Rosenmund. Sehet doch geschryben. Matth. am xvij. das der Herr sagt/ Nöttige sie hereyn zükömen? ¶ Johannes. Ich weys wol dz diß wort seind meins Herren Jesu Christi/ Aber sie werden allhie wider sñs vñd nit recht angezogen. Es zwingt ih a Gott/vñnd befiehlt das man die leüt zwingen vñd nöttigen soll/aber nit mit Kercker/ nit mit Feur/oder Geyßlen/sonder mit seinen vberzeychen vilfaltigen gütthaten/ desgleichen mit der krafft seines gepredigten H. Euangelij. Also sollē wir auch vnser seynd bezwingen/das sie sich wider mit vns versünen/wie Paulus sagt/Rom. xij. Vñnd ihnen glüende Kolen auff ihr haupt werffen/welcher zwang nicht allein lieblich vñ angenehm/sonder atich ganz krefftig ist. Ach das es Gott gebe/das ihr nach dem Exempel der H. Aposteln vil tausent menschen zü der Hochzeit Christi/mit rechter Lehr/vñ Gottes seeligem fromen leben/nöttigen vñd zwingen köndten.

¶ Enchusan. Dise sucht aber ist so schädlich/wa man sie nit hinweg schneydet mit gewalt/so hat sie gar bald/wie der Krebs/vmb sich gefressen/vñd alles ander vergiffet. Derhalben ist es weger das wir ein reüdig Schaff beyzeyten erwürgen/dañ das wir im gestatten/sein Gift in

Ob man  
züm glau-  
bē yemäde  
nöttigen vñ  
zwingen  
solle.



# vnd Martyrern/der iij. theyl. lxxxviij

den gangen Schaffstall auszugiessen. ¶ Johānes. So höri ich wol/Christus ist nit so verständig gewesen wie ihr/Dañ er befolcht Matth. im viij. Man soll dz vnkraut lassen mit auffwachsen biß zur zeyt der Erndtē/damit man nit mit sampt dem vnkraut auch den guten weyzen außrauffe. Vnnd Paulus der Apostel spricht zum Tito im iij. Capitel. Ein Kezerischen Menschen meyde (steheet im Latein De uita) wann er ein mal vnnd abermal ermanet ist.

¶ Mon. Ja es stehet recht in Paulo De uita sc. tolle, dz ist/Man solle in erwürgen vnd nit leben lassen. ¶ Johānes. Wiewol du solche außlegung der worten Pauli spötelicher vnnd schimpfflicher weyß wilt eyngesürt haben/so hat man doch solche leüt vnder eüch gefunden/denen solche außlegung nur trefflich wol gefallē hat. Bin ich nun ein Kezer/darfür ich mich doch nit halte/Warumb strafet jr mich nit mit bescheydenheyt/ob ich mich widerumb von des Satans stricken vñ banden kerete. Aber ich kan vil baß von eüch sagen/das jr Kezer vñ abgesagte seynd Christi seydt/dieweyl jr alle/so eiuwerer faction vnnd lehz nit sein wollen/von stund an gefäncklich angreyffen/vnd an Lysin kätten schmyden laßt. Wa habt jr ye vom Herren Christo gelernet/das ihr also gegen mir handeln sollen?

¶ Montanus. Es ist kein wunder/ob schon Christus solches nicht gethon hat/Er war des vermögens nit/dz er ein öffentliche Jurisdiction vñ Gerichtszwang anrichtete.

Johann

# Von den G. Gottes Bekennen

¶ **Johannes.** Ach/gleich als wann nit alles Gericht dem Sün were vbergeben worden/vñ er nit allen Gewalt het te in Himm̃el vnd auff Erden? Aber was sagt jr vom H. Apostel Petro/des nachk̃ömling vñnd Stülerben jr sagt/das der Bapst zu Rom sey? ¶ **Montanus.** Hat nit Petrus mit gewalt gefaren/da er Acto. am v. Ananiam vnd Saphyram verflüchet vnd vermaledeyet hat.

Merck  
Ch:istlicher  
Leser.

¶ **Johannes.** Dieweyl jr mit dem Exempel Petri eür weren beselch verantworte wölt/Wolan so verderbt auch jr mich in S. Peters krafft vnd namen/vñnd geben mich als einen verflüchten Menschen/dem Teüffel.

¶ Ab solcher red habē sie sich entsetzt/stillgeschwygē/vñnd einander angesehen/endelich aber antwortet Duennoth/vnd sagt/Wie? Dörfftestu auch der gefahr solches flüchs gewertig sein? vñnd solchen fluch mit der that erfaren? ¶ **Johannes.** Warumb nit? Dañ also würt of fenbar/ob ihm auch der H. Geyst solchen fluch/den dise leüt/die sich als Apostel Christi rhümen/thün wurden/ge fallen ließ. Aber sie werden solches nit versüchen/oder sich solcher waaffen gebrauchen/dañ sie haben nün mehr andere waaffen vom Keyser vnd den Fürsten diser welt enlehenet/dardurch sie die Gerechten vberweltigen vnd erwürgē wöllen. Der Herr Christus sagt/Matth. xix. Wil tu (zwingt nyemandts) zum leben eingehē/so halt die Gebott. Aber eürer liedlin ist disem hefftig zuwider/dañ es trönet vns den todt/wa wir eüch vñ eürer lehr nit wöllen annehmen. So hat auch Christus den seinen verboten/das sie nit wie die Weltlichen König herrschen vñnd regieren/auch nit mit andern/dann allein mit Geystliche  
**waaffen**

waaffen kempffen/oder streyten sollē/So erzeyget sich hie  
 gegen der Bapst auff alle weg/dz er der rechte Antichrist  
 sey/in dem nit ein tugent steck/die die H. Schrifft/dem H.  
 Apostel Petro mit ehren zülegt. ¶ Enchusan/Was darff  
 stu vns vil predigen? Ist jm nit also/Aller gewalt ist von  
 Gott vnserm Herren? ¶ Johannes. Jha/das gestand  
 ich. ¶ Montanus. Hier auß folget/das auch diser vnser  
 Gewalt/mit welchem wir dich als einen Kegerischen  
 Menschen verdampft/in die handt der Weltlichen Ober-  
 keyt vbergeben mögen/von Gott sey. ¶ Johannes. E-  
 ben also kan Judas Iscarioth/der den Herren Christum  
 den Hohen Priestern verrathen hat/entschuldiget wer-  
 den. Also mögen sich auch die Obersten der Jude entschul-  
 digen/die danit wolten selbers den Herren Christum er-  
 würgē/gaben in aber in die hand des Richters Pontij Pi-  
 lati/das er ihn verurtheylen solt. Dann jr gewalt ist eben  
 so wol von Gott gewesen/als jr wollen das diser eüwer ge-  
 walt von Gott seye. Sehet eüch aber wol für/das eüch di-  
 se seyne vsachen nit verfüren. Dann zügleicher weyß/wie  
 die Gedächtnuß des Herren Christi vñ seiner Apostel für  
 vnnd für bleybt/vnnd alle welt ihren todt herzlich halten  
 würt/also zweyffelt mir gar nit/wañ ihr mich schon vmb  
 der Bekantnuß der Warheyt willen erwürgen/dannoch  
 ich herzlich/Ihr aber in schand vnd schmach/ewiglichen  
 sein vnd bleyben müssen. ¶ Enchu. Vergleichstu vns dan  
 den Juden/Schrifftgelehrten vnd Phariseern/du vnner-  
 schampter Mensch? ¶ Rosen. Seind wir dan die Verfol-  
 ger? ¶ Johannes roffelt an den Kettenen/daran er gefan-  
 gen lag/antwortet/vnd sagt/Was ihr für leüt seydt/das

Papisten  
 rhümen ihr  
 gewalt sey  
 von Gott.

Wol gerr  
 ster ist der  
 from Joā  
 für vnd für  
 blyben.



# Von den 5. Gottes Bekennen

Johann be-  
schuldiger  
seine Wi-  
derwerri-  
ge / als die  
die recht en  
Phariseer  
seyen.

hört man jergundt an den Kättrinen wol/ ob ich schon still  
schweyge. Darneben bezeüge ich mich/ auff eüwer eygen  
Gewissen/ Habt ihr auch etwas wenigere an mir gethon/  
dann die Juden selbers/ die den Herren Christum erwür-  
get haben/ Auß eüwerem befelch bin ich erstlich gefangē/  
vnd nün lange zeyt im Kercker gehalten wordē/ Jergundt  
aber so erdruet ihr mir allererst darzu/ ihr wölt mich als  
ein Keger verdamien/ vnd dem Weltlichen Gewalt vber  
antworten. Was hab ich gethon: vñ wamit hab ichs ver-  
schuldet? ¶ Montanus. Der Keyser hat dich fahen las-  
sen/ Wir haben kein schuld daran. Ist dir hierin vnrecht  
beschehen/ so magstu dich dessen gegen Keyserlicher Ma-  
iestat beklagen. ¶ Johannes. Ihr thüt ihm nün recht/  
das jr eüwer Gottlose handlung mit Keyserlicher Maie-  
stat namen wollen verdecken/ Es hat doch der Keyser sel-  
bers solche sach eüch auff den halß gelegt/ wie er auch sonst  
alle Glaubens handlungen eüch züerkennen vñd züur-  
theylen befelch geben hat. Da ligen doch die Commiß-  
brieff/ wie mans neñet/ die allererst jergundt seind gezeyge  
worden. Derhalben dieweyl eüch vnser vnschuld wol be-  
kant ist/ so solt jr vns ledig lassen/ Dieweyl es doch alles  
bey eüch stehet. ¶ Montanus. Bey vns? Meyn zwar/  
dann du bist des Keyser gefangner. ¶ Johannes. Jro-  
ret eüch nit/ ihr frommen leüt/ Gott laßt sein nit spotten/  
oder ihm von eüch ein Tlasen machen. ¶ Enchusan. Sie-  
he doch der schandlichen reden die diser Mensch treybet/  
Wie darffstu dich doch so fräuel/ vnd mit vilen Worten wi-  
der so herliche gewaltige leüt eynlassen/ Ey du bist nicht  
werdt/ das dir solche leüt ein eyuigs wort antwort geben.  
Johannes.

¶ Johannes. Ich ehüme mich nit/ das ich ein grosser Doctor/ wie jr/ oder auch sonst grosser vnd hoher Kunst sey. ¶ Rosemund. Dieweyl du dann nit so gar gelehrte bist/ so soltestu auch solchen hochgelehrten leuten nit also widersprechen. ¶ Montanus. Du bist ein halbstarrer verstockter Keger/ darumb wurd ich mir kein gewissen machen/ ob ich dich schon züm feur verdammen solte. ¶ Johannes. Ach wie gern wolt ichs/ das ich solte vmb des namens Christi willen/ den todt leyden. ¶ Enchusan. Ey mein brüder/ bedenck dich eines bessern/ stand ab/ dan du irrest weyt. Ich zwar begier nit mit dir/ wie du jezund gesinnet bist/ zusterben/ vñ wann ich gleich die ganz Welt dardurch köndte bekömen. ¶ Johannes. So wolt ich zwar mit eüch/ so lang jr also gesinnet seind/ weder Leben/ noch sterben. Ihr plagt vñd oberweltigen mich. Wann ich schon solches thun köndte/ so wolt ich eüch doch im wenigsten nit schaden züsügen. ¶ Montanus. Es ist hie von nün mehr gnüg geredt/ Last vns widerumb kömen auff die Hauptsach vnserer Inquisition/ von deren wir ein wenig abgewichē seind. Sag vns frey heraus mit ein wort/ ob es recht sey/ das Priester in die Ehe kömen/ oder nit? Warumb schweygstu jezundt still? ¶ Bucho. Lieber was sperist du dich vil/ den Herren dein meynung anzuzeigen. ¶ Johannes. Da sihe ich noch keine andere Ankläger/ dann eben dise meine Richter hie zugegen. ¶ Montanus. Du bist doch nün mehr gnügsam beklagt worden/ du habest züm Ehestand griffen. ¶ Johannes. Von wem aber/ Zü welcher zeyt/ vñd wie ist solche anklag beschehē? Bistu nün der Richter/ so ist vnbillich/ das du auch der

Johannes ist willig vmb Christi willen zu leyden.

Von der Priester Ehe.

# Von den H. Gocces Bekennern

Kläger sein wilt. ¶ Montanus. Du hast doch dein Ehe/  
wie du solches vilen selbers bekant hast/nit heymlich/son  
der öffentlich gehalten. ¶ Johannes. Dieweyl jr dann  
mein Bekantnuß/vnnd sonst viler anderer leüt zeügnuß  
vnd kundschaft habt/warumb fellet jr das vrtheyl nie  
vber mich? ¶ Montanus. Das köndten wir bald thun.  
Dan ich hab mit disen meinen ohren selbers gehört/dz du  
gesagt vnd gestritte hast/die Ehe sey den Priestern nicht  
im Göttlichen Rechten verboten. ¶ Johannes. Wo  
lan/dieweyl jr dann so hefftig auff mich ringen/so laße  
mich mein sach von offner Canglen/öffentlich verant  
worten. Wa ich mich dann nit veraneworten/oder auch  
der Priester Keüschheyt vñ Eheloff leben glaubwürdig  
klich widerlegen würd/so will ich doch gern den todt ley  
den. ¶ Montan. Lieber schweyg mit disem rath. Dan  
die N. Römisch Kirch laßt auch gar vngern zü/das wir  
mit den Kegern disputieren sollē. Dan sie seind verstock  
ter/dann das sie bekennen solten/sie weren vberwunden.  
Derhalbē so soll mā sie mehr mit feür/dan mit wortē vber  
winden/damit sie nit weytern vnd größern schaden thun  
mögen. ¶ Johannes. Wie gehet nit solches alle Men  
schen an/das jha menigklich wisse/was in den Artickeln  
vnseres Glaubens beschlossen werde:vnd deßhalb dz gātz  
volck zusammen berufft werde. ¶ Endu. Wer wolt in sol  
cher vile/der Richter sein/vñ die Streitigē parthen wide  
rumb vereynigen? Soltens die Handwercksleüt oder  
Kärcher (Kärchlin zieher) thun? ¶ Johannes. Die ganz  
Kirch so zugegen were/solt solches thun. Dan bey jr als  
lein/stehet das vrtheyl der Schrifft vnd Propheceyen/  
vnd

Johān be  
gert sein sa  
chen offens  
liche zūner  
antworten.

Papisten  
wollen nit  
das mā vor  
den Leyen  
vom glanz  
den vil dis  
putieren  
selle.



vnd nit bey ein oder zweyen/ob sie gleichwol hohe Titel/  
das sie Aeyster seyen/haben vnnnd tragen. ¶ Enchu-  
san. Ich meyn du seyst vn Sinnig. Diweyl der vngelerzte  
pöfel sonst nichts verstehet/wie wolt er dan in Glaubens  
sachen recht vrtheylen könden? ¶ Johannes. Lieber was  
ist diß für ein außflucht? Gleich als wañ nit die Schriffe  
selbers/der Warheyt zeügnuß gebe: das sich hierinnen die  
gantz Kirch von Vngelerzten leüten nichts zübesorgen  
hette. Würt es sich befinden/dz ich fälschlich od vnereüw-  
lich mit der Schrifft vmbgang/so nemen sie mich alle hin/  
vñ verbrenen/oder versteynigen mich/wie ich werdt biñ/  
Würd ich aber obligen/vnd mein sach durch gemeyne er-  
kandnuß behaupten vñ behalten/so willich selbs der Wie-  
ler für eüch/vnd mich ehe selbers mitten in die höchste ge-  
fahr begeben/ehe vnd ich wolt zülaffen/das ihr am wenig-  
stē finger solten beleydigt werdē. Dan es soll damit gnüg  
sein/wañ die warheyt dē preys vñ züfall vberkomet. Wie  
wol jr eüch nichts für d vnüß des volcks zübesorgē habt/  
diweyl jr mit Keyserlichē Bullē vñ Gwardy wol gester-  
cket seydt. ¶ Montanus. Wir wollen nit ein haar breyt  
von gemeynem brauch der Römischē Kirchen abweychē.  
Dan es ist billicher/das das eynfaltig/grob vnnnd vnuer-  
ständig volck sich der Kirchen erkandnuß vnnnd vrtheyl  
vnderwerffe/dann das die Gelehrten vnnnd Fürnembssten  
der Kirchen jres willens oder vnwillens müßten geleben.

Papisten  
endlich für  
nemen in  
erkandnuß  
der streyti-  
gen Reli-  
gion.

¶ Johannes. Zwar mit der weysß werdet jr eüwer Inqui-  
sition nymermehr groß vñ herzlich machen/auch kein Re-  
gercy oder falsche lehr außreüten. Dann mit disen heymli-  
chen Disputationen vnd Gesprächen/dardurch jr die Tu-

# Von den G. Gottes Bekennern

gent selber vndertrucken/vnd den Armen im verborgnen verschluckt/werdet jr dem Volck nymermehr gnüg thun/welches dan ymerzu auch begeret / etwas gewisses zu erfassen/in der sache/die sie auch/eben so wol als euch/betrifft. Es sey dan das jr für gering halten/das jr täglichs vnd mit warheyt hören müssen/das von euch öffentlichen gesage würt. Wer böß thut / der hasset das Liecht. ¶ Adon-  
tanus. Die Leyen werden darumb nit zügelassen / wann man von Glaubens sachen handelt/dann sie glauben zü-  
wil gern/vnnd haben ein sonder gefallen/wann sie neüwe ding hören. Wann sie dann hören/das ihr Christum im mundt auch haben/vnd die W. Schrift fürē / die doch die Ketzer auff iren verstandt zwingē / so würdē sie euch bald glauben geben/ dardurch dann zü besorgen were/es möch-  
te etwan ein neüwer jamer vnd auffrühr im Volck entste-  
hen. Das Exempel haben wir an dem schandlichen Erz-  
ketzer Arrio/der doch souil menschen mit dem süßen Gifte seiner falschen lehr vergiftet vnnd verderbt hat/dieweyl er die Schrift / auch für sich / aber doch fälschlich / anzo-  
get. Hetten ihn nün vnser Vorfaren gerad im anfang ver-  
brant/so were nit nachmals ein so grosser jamer in d gan-  
zen Kirchē gefolgt. ¶ Johan. Daran thüstu vnrecht/dz du die Arrianisch Ketzerey mit vnserer sachen vergleichst. Wir lassen vns damit vernügē/wan wir vnser meynung darge-  
thon/vnnd dieselbig mit zeügnuß der Schrift war gemacht haben/Befelhen sie demnach vnd vbergeben sie dem Vrtheyl der Allgemeynē Christlichen Kirchen / vñ zwingen nyemandts / das ers eben mit vns halten solle. Arius aber/welches Exempel ihr treüwlich folgen/der hat

Warumb  
die Leyen  
nicht sollen  
zur Dispu-  
tation vnd  
Verhör zü-  
gelassen  
werden ein  
Bäpstliche  
ursach.

Vnser leh-  
ist weyt vñ  
des Bes-  
ters Arrij  
leh: abge-  
sündert.

hat den Weltlichen Arm (wie jhrs nennen) das ist/Weltlichen gewalt angerüffen/vnnd greüwlicher wunderbarer weys wiß die gewütert/die seiner meynung nit habē sein wollen. Welche handeln nūn dem Euangelio gemāßer? Ihr / die jhr mit dem Keger Arrio / als reysende grimmige Wölff die armē Schäßlin schlachten vñ meßgen: oder Wir/die wir die Verfolgung mit den Aposteln vnnd allen Aufferwöhlten gedultig tragen vnnd leyden?

¶ Enchusanus. Das jr nyemandes zwingen/ist warlich allein die vrsach/dieweyl jhr nicht souil Macht vnnd Gewalt haben solches zuthūn.

¶ Johannes. Was habe dan jhr für ein Gewalt von Gott enepfangen/dardurch jr vns als zūm todt hinweg reysen / Enthaupten / Verbrennen / Schlachten vnnd Verderben?

¶ Enchusanus. Stehet nicht geschryben Romanorum am viij. Aller Gewalt ist vom Heren? Item/Vederman sey Vnderthon der Oberkeyt. So sagt auch Paulus/Seydt vnderthō eüwern Oberherren/auch den Wunderlichen?

¶ Johannes. Dise letzte wort/damit jhr eüch nicht irren/steht nicht in Paulo/sonder in Petro. Also fleysfig vnnd wol seydt jhr in fürnembsten vnnd hauptsprüchen der Schrifft erübt/das jhr ein Apostel für den andern anziehet? Wa jhr aber auch Paulum recht wolten ansehen / so wurden jhr jha nicht sagen/das er von disem eüwerem gewalt/ deß jhr eüch aber hier hūmen/redete. ¶ Enchusanus. Wilen vns erst lehren wie wir Paulum verstehen sollē/da vnuerchampter mensch? Ich gedencke jha wir haben Paulum offter gelesen/dan eben du?

Vom Gewalt/der der Oberkeyt von Gott gegeben ist.

¶ Petri. ¶

Johannes.



# Von den H. Gottes Beteñern

¶ Johannes. Was sagē aber die Kinder in der Schü-  
len: Lesen vnd nit verstehen/ist verlornē arbeyt. ¶ Ro-  
semund. Laß solche schelt vnd schmachwort vnderwegē/  
Was sagstu zū dem/Aller gewalt ist von Gott: ¶ Johan-  
nes. Ich sag das der spruch eüch gar nichts angehet. Dañ  
er gibe allein dz Schwerdt der Weltlichen Oberkeyt/oder  
Weltlichem gewalt/wie jr s nennen/vnd nit eüch/den Bis-  
schöffen oder Priestern/deren ampt allein ist mit dem  
Schwerdt des H. Geysts/welchs ist Gottes wort/kempff-  
en vñ streyten. Dañ Paulus sagt/ Vnsere waaffen seind  
nit fleyschlich/sonder Geystlich. So hat auch Christus sel-  
bers eüch alle neygunz zur hochheyt/deß gleichen alle ehr-  
geyzigkeyt verbotten/da er sagt/Matth. am xv. Vnder  
eüch soll es nit also sein? ¶ Enchusan. Nün sehen wir  
wol/das du Paulum nit verstehest/vñ die H. Schrifft als  
so obenhin/für den müßiggang/wie man sagt/lisest. Pau-  
lus sagt/Vedermanñ sey Vnderthon aller Oberkeyt/er sa-  
get nit von einer Oberkeyt allein. Dardurch werden wir  
Iha vermanet/der Geystlichen Oberkeyt eben so wol als  
der Weltlichen gehorsam zuleysten / Wie dann auch der  
Herr Christus solchen gehorsam beyde der Kirchen/vnd  
der Weltlichen Oberkeyt/zuleysten befolhen hat/ Dann  
also stehet geschriben. Die seind zwey schwerdt. Luce am  
xvij. ¶ Johannes. Hierauff kñnde ihr Iha wol sehen/  
wan jr nit gar blindt seydt/wie vnbillich vnd schläfferig  
jr mit der Schrifft vmbgehen. Dann dieselbig soll billich  
mit anderer Schrifft/vnd nit mit erdumen/die jr auß eü-  
weren kōpfen selbers erdichten/ außgelegt werden. Es  
würde vns zwar gebotten/das wir Vnderthon sein sollen  
aller

Vñ Sprich  
da Paulus  
sagt/ Aller  
gewalt ist  
von Gott.

Den Pfaf-  
fen gehört  
das Welt-  
lich  
schwerdt  
nit zū.

Welcher  
Oberkeyt  
man schul-  
dig sey zū-  
gehorfamē

# vnd Martyrern/der iij. theyl. xciiij

aller Menschlichen ordnung / wie Petrus sagt / oder wie  
 Paulus schreybt / aller Oberkeyt / die Gewalt vber vns  
 hat / vnd dasselbig vmb's Herren willen. Aber welcher O- Rom. xij.  
j. Petri. ij.  
 berkeyt man vnderthō sein soll / wann du es wissen wilt / so  
 zeygt dir's Petrus seyn an / dann er saget / Es sey dem Kō-  
 nig / als dē Obersten / od den Haupteleuten als den gesand-  
 ten von ihm / zur raache vber die vbelthäter / vnnnd zu lobe  
 den fromen. Da habt jr nūn eūwere vil Oberkeyten nach Oberkeyt  
thut jr  
ampt nicht.  
 ordnung erzōlet / welchen allen die Gerechtigkeit des  
 Schwerdes befolhen ist / Aber / wie ich sihe / so hat es sich al-  
 les vmbgeteret. Dann wa strafft man jergundt die The-  
 brecher / die Mūrer / die Trunckenbōlg / die Spieler / die  
 Gotteslesterer vnd Wūcherer? So achten auch jrs für ein  
 gering ding / ob jr schon Gottes wort mit eūweren Glosen  
 vnd trōumen / verfelschen. Wann aber etwan ein Esdras  
 kompt / der das Gesag Gottes / das gar veraltet vnd ver-  
 blichen ist / widerumb erneūuern / der die genanten Geyst-  
 lichē / die in allem mūtwillen vnd vberfluß gang frāch vñ  
 frāuel leben / reformieren will / wider den schreyē / reynhel-  
 lig / er sey ein Keger. Wider einen solchen braucht man  
 gar bald das Schwerdt / dz doch nit eūch / sonder der welt-  
 lichen Oberkeyt gegeben ist. Heyst nūn das die fromen Warnmb  
offentliche  
Büßē mehe  
platz bey  
den Papi-  
sten haben/  
dann die ge-  
nanten Lu-  
therischen.  
 loben / schützen vnnnd schirmen / dargegen aber die bösen  
 schelten vnd straffen? ¶ Montanus. Weystu auch wa-  
 rum? ¶ Johannes. Wie? ¶ Montanus. Alle die so  
 du jergundt als sūnder vnd böse leūt erzōlt hast / wann sie  
 solcher sūnden ermanet vnd erinnert werden / so erkennen  
 sie doch jr straff vnd vnrecht / Derhalben ist auch billich /  
 wann sie es begeren / das man jnen gnad erzeyge / vnd nie

a stracks

# Von den H. Gottes Bekennern

stracks dz Schwerdt wiß sie brauchē. Du aber/ob du wol ein Weyb genomen hast/so wil'tu es doch nit für ein sünd erkennen/das du dich in die verbotene Ehe begeben habest. Wer wolt nūn einem so halßstarrigen Menschen genad beweysen. ¶ Johannes. Lieber sage mir doch welches achten jr für billicher vnd leydenlicher/ Das ein Priester/der die Brunst leydet/seyt diser/dañ einer andern an hange/oder aber ein Eherweyb/zū beständiger Ehelicher beywohnung/nēme. Ich bezeüge mich hie auff eüwer Gewissen/ gebt mir ein freye vnd in Gottes wort gegründte antwort. ¶ Montan. Wir lassen vns deren keins gefallen. ¶ Johannes. Diweyl danñ dise beyde nach eüwerem vatheyl zūgleich sündigen/wie kompt es dann / das jr sie nit auch beyde/vmb solcher begangner sünden willē / gefäncklich annēmen. Solte aber diß beschēhen/so besorg ich fürwar/es wurde nit plag gnüg im Kercker sein/dahin man alle Ehebrecherische Nürenpfaffen hin legen kōndte.

¶ Enchusan. Diß will ich dir gar seyn verantworten. Den andern/diweyl sie sich in irer Sünden nit rhūmen/sonder als sūnder demütigklich erkennen/verzeycht man iharechte vnd billich jr begangne Sünden. ¶ Johannes. Ihr verzeycht es ihnen wol/oder sehen durch die finger zū irem schandelichen ergerlichen leben/ aber doch alles vergebens/vnd wider Gott/dañ es reüwet sie doch nicht von hertzen ihrer begangnen sünden/sonder fallē als bald widerumb in den alten vnflat vnnnd wüßst hinein/welchen sie mit der erlognen vnd gleyßnerischen Beycht abgelehnet haben. ¶ Rosemund. Lieber vritheyl nit so frāuenlich. Dann ob sie wol tåglichs sündigen vnnnd fallen/so reüwet es sie

Obs besser  
sey mit vi-  
len Nüren  
oder mit ei-  
nem Ehe-  
weyb zūle-  
ben.



es sie doch auch/vnd Beychten täglich. ¶ Johannes.  
Es were vil besser nimmermehr Beychtē/ dan vnder dem  
scheyn einer gehonnen Beycht/in Sünden desto miltwilli-  
ger fürfaren. Dann recht Beychten/ist/der Sünden von  
herzen seynd sein. ¶ Rosemund. Sie Beychten aber

Was rechts  
Beychten  
sey.

mit allein/lieber gesell/sonder sie bitten auch Gott on vn-  
derlaß/er wölle inē solche ire Sünd vñ schuld verzeyhen.

¶ Johannes. Warumb befeissen sie sich dan nit vil mehr/  
das sie ir Büß mit der that vñnd im Werck vollbringen/  
Ihr leben bessern/vnd öffentlichen bezeügen das sie nicht

Gleyßner seyen. ¶ Montanns. Es stehet doch geschry-  
ben/ Der Gerechte fallt des tags syben mal. ¶ Johan-

nes. Es ist war/aber solche leüt seind weder Gerechte/vnd  
stehen auch nimmermehr widerumb auff. Dan man sihet

Seyne be-  
schreibung  
Bäpsti-  
scher Pfaf-  
fen leben.

wol dz diß Lhebrecherisch volck/ wie die vnflätigē Seiw-  
nimmermehr von den Eartigen mürlachen/darinen sie sich

für vñ für vmbwalzen/auffstehet vñ hinweg gehet/Dan  
sie entweder stättigs sauffen/ oder schandliche hūcrey-

creyben/oder aber müßig gehen. Vnd solche hüpsche sey-  
ne fruchtlin eines newwē lebens/ soll man allererst für Ge-

rechtigkeyt erkennen. ¶ Montanns. Wir bekennen dz  
sie alle straffwürdig seind/ Wann allein solchem vbel zu-

helffen vñnd zurathen were. Jegundt aber dieweyle so  
gar vberhandt genomen/vñ vnder allen so gang gemeyn

worden ist/so muß man/nach außweysung vnserer Rech-  
tē/solcher menge vñ vile/ob sie gleichwol sündigt/verscho-

nen. ¶ Johannes. Ihr dörfte nicht mit der Vile vñnd  
Menge des Volcks/eüwer miltwillig vnd vngestrafte

schandlich leben/verthädigen. Dan das die Lhebrecher

a ij nit

# Von den 5. Gottes Bekennern

Wartumb nit mit dē Schwerde gestrafft werdē/acht ich diß die für  
die Ehebre nembste vrsach sein/das gemeyniglich die ihenigen/so dz  
her nit am schwerde führen solten/selbs in disem Spital kranck ligen/  
leyb ge= vnd mit solchen schanden vnnnd Sünden behafftet seind.  
strafft wer Derhalben sehet eüch wol für/damit jr nit/in dem jr vber  
den. meinem spreissen alle vnriß anrichten/eüwers balckens  
vergessen/vñ der malē eins ein greüwlicher vñtheyl tragē  
müssen. Ich zwar wurd als ein Keger öffentlichē außge  
rüffen/vñ aller welt zñ einem Spectakel vñ Schauspiel  
fürgestellt/allein vmb des Ehestands willē/dē mir doch  
Gott zñgelassen/aber der Mensch im scheyn verbotten  
hat. Dargegen aber verkert eüch nyemandes/ob ihr wol  
vil greüwlicher schand vnnnd laster in eüwerem Ehe lösen  
leben begehen. Aber ob ihr wol die augen der Menschen  
blenden/so ist doch ein Gott im Himel/der solchs alles si  
het/vnd vñtheylen würt. ¶ Rosemund. So hör ich wol/  
es kan ein Priester mit gütem gewissen wol Ehe lich wer  
den. Dann mich beduncket deine reden seyen alle dahin ge  
gangen. ¶ Johannes. Wann ichs eüch schon sage/so  
glaubt jr mir doch nit. ¶ Montan. Wir wöllē hörē/was  
du für ein antwort hierüber gibst. ¶ Johāñ. Ich besorg  
aber jr seyen solche Thund/die da mehr geneygt seind mich  
zuzerzerren/dann zulehren. ¶ Montanus. Ey thü ge  
mach. ¶ Johannes. Wölt ihr meins vñtheyls auß der  
Schrift vernüget sein/so will ich eüch bald antwort ge  
ben haben. ¶ Montanus. Wolan/was verzeüchst du  
lang damit. ¶ Johann. Wie? Wiltu es bey meinem vñ  
theyl bleyben lassen? ¶ Montan. Da behüt vns Gott  
für. ¶ Duennorth. Lieber laßt in doch sagen. Sibe/  
wir

wir wollen dir das vrtheyl heymgestellt haben. ¶ Montanus. Dareyn wollen wir nicht bewilligen / wir heysen dich aber antwort geben / damit du von vns / wann du der warheyt verfühlest / recht vnderwysen werdest. ¶ Johannes. Ihr seydt / wie Pilatus / nit werdt / für welchen man 8 Warheyt zeügnuß gebe. Dañ wie Christus sagt / Matt. am vij. So soll man das heylig den Hunden nicht geben / noch die Berlin für die Seüw werffen. ¶ Montan. Wiltu vns nit zuletzt darauff antworten / vñnd sagen / ob du ein Weyb genomen habest / od nit? ¶ Johan. Ich willes nit thün / Ihr stellen mir dann die Zeügen dar. ¶ Montanus. Was berüffstu dich vil hinderlistiger weys auff die Zeügen / es soll dir billich genüg sein / das wir dich solches beschuldigen vñnd anklagen. ¶ Johannes. So wölt ihr (höri ich wol) dem Fiscal in sein ampt greysen? ¶ Montanus. Warumb nit? Ich selbs erfordere vñnd klage dich an / von wegen deines Ehestands. Hastus verstanden? ¶ Johannes. Phy. Was gebt ihr mir da für ein selzam wunderbarlich thier / nemlich einen solchen Richter / der zugleich auch Fiscal sein will? ¶ Montanus. Wie waiß mein Knecht Fiscal were / vñnd ich der Richter? ¶ Johannes. Das willich nicht hindern. Es tritt der Fiscal / dein Knecht / herfür / vñnd klage mich an. Hörstus / dieweyl du Fiscal bist / w3 klagstu wider mich? Sihe / der Fiscal hat kein zung nit / er kan nicht reden / er ist stummer dann ein Fisch. ¶ Montanus. Halt / ich will für in reden. ¶ Johannes. Das willich nit thün / Er ist alt gnüg darzü / Er rede selber. ¶ Montanus. Du hast doch zuuor selbs dein Ehe bekandt / Wiltu dann nün widerumb das leügnen / dz du



# Von den H. Gottes Bekennern

bekant hast: ¶ Johannes. Ihr komet widerumb auff eüwer alte geigen. Wie wā ich auß forcht der pein/vnnd auß mühseligkeyt des Kerckers/bekennere/ich hette ein morde gethen/wolten irs darumb auch glauben?

¶ Montanus. Ey das ist nichts/Wā der sachen nie also were/so wurde das geschrey von deiner Ehe nicht biß gehn Leui komet sein. ¶ Johannes. Phy/als wā wir nie ein Erlogen ding eben so wol in alle Welt außgesagt kōndte werden? Ich wolt lieber das man mir für ein jede Lugin/die gesage würt/allein einen heller/dā für ein jede Warheyt zehen bagen bezalen solte/Ich wolte fürwar mehr gewinns dardurch bekomen. ¶ Duennorth. Wasstu dā vergessen mein Johannes/was du vns nicht also vorlangem/da wir dich Ampts halben verhört haben/geantwortet hast: ¶ Johan. Ir Richter/habt ir mich dā Examinirt/vñ an mir ein böß stück/des todts würdig/befunden/so möge ir doch wol das Endurtheyl sellen?

¶ Duennorth. Wir seind weder deine Richter/noch deine Ankläger. ¶ Enchu. Lieber warum verzeuchstus so lang? ¶ Johannes. Wā ir mir versprechen vnd zusagen wolt/dz ir in meiner sachen/nit nach eüweren od andern mensche Sagungē/sonder nach Warheyt der H. Gdteeliche Schrifftē/die dā vil höher/dā aller mensche gebott/soll gehalten werdē/auch billicher mehr ansehens haben soll/richten vnd vrtheilen wolt/so will ich eüch länger nit auffziehen. ¶ Montanus. Wir sagen dir nichts gewisses zu/Aber doch/wann du den handel frey herauß sagen wirst/so sagen wir du sollest gute hoffnung haben. ¶ Johannes. Dise hoffnung will ich mir zwar nit kaufsen/

fen/mit gefahr meins lebē / vñ verdammnuß eüwiger See-  
len. ¶ Montan. Lieber Herr Johan/ Ich sage dir/das  
ich dir Gütes gönne/so war mich Gott lieb hab/aber wür-  
stu also mit verstocktem hertz deine Lhe verleügnen/so  
will ich dermassen mich gegen dir erzeygen / das sich dein  
hertz darüber entsetzen muß. ¶ Johan. Wan jr dan am  
heftigsten toben vñnd zürnen werden/so will ich meinen  
Gott hertzlich anruffen / dz er mir in diser meiner trübsal  
Gedult gnädiglichen verleyhe. ¶ Montan. So schwör  
ich dir beym Ampt der h. Aelß / das ich mir kein gewis-  
sen machen wölle/ob ich schon tyrannisch mit dir vmbge-  
hen würd. ¶ Johan. Diß ist eben / das der h. Apostel  
ij. Timot. iij. gesage hat / Es werden zu den letzten zeytten  
kommen solche Menschen/die von sich selbers halten/rhüm-  
lich/rhätig/lesterer/schender/vngütig/Störig/vñ ein schein-  
haben werden/eins Gottseeligen lebens / aber sein krafft  
verleügnen/1c.

ij. Tim. iij.

¶ Montanus. Das du vns für störrige vnbarmher-  
zige vñ vnfreundliche leüt achtest / thüstu vns vnrecht.  
Dann wir sehen darumb so saur vñnd vbel/damit wir ye  
nichts vnderlassen/sonder alles das versüchen/dardurch  
wir ein sollich störrig fräuel hertz/wie du hast/möchten er-  
weyden vñ gewinnen/dir zum heyl/vñd nit zum verder-  
ben. Darumb rahte ich dir / du wöllest doch frey antwort  
geben/vñ mit einem wort sagen / was du gethon oder nit  
gethon habest. ¶ Johannes. Ihr werdet das von mir  
nit herauß zwingen/dz ich ein Weib genomen hab / Wer  
ich aber vor Gott sey/das gehet eüch nichts an. ¶ Du-  
vennortch. Lüg das du dich nicht selbers verthatest/oder  
deiner

# Von den H. Gottes Bekenñern

deiner eygnen Handschrifft widersprechest/Sonst wüßstu gewißlich dahin getrungen werden/dz du deine eygne Handschrifft gestehen müßt. Derhalben ist vil weger/du bekennest deine Ehe/darein du kommen bist/darnach so verantworre solches mit H. Götlicher Schriffen/wie du es dan leichtlich thun magst. Vnnd diß ist mein rath.

¶ Johannes. Ich glaub wol mein Herz/Ihr handlen mit allem fleiß dahin/das es mir in meiner sachen wol ergange / Derhalben were ich eüwers raths wol zufriden. Wa ihr nün wölt/wie fromen Richtern züsteher/der Gerechtigkeit beystehen/vnd mich vnschuldigen für gewalt erhalten vnd schüzen/Wañ ich mein sach/als die an sie selbsts recht/leicht/vñ wol zuerweysen / mit H. Schriffen/vnnd andern vernünfftigen redlichen versachen dardhün wurde/So will ich eüch auff alles/was ich gefragt werd/antwort geben/vnnd ich nichts verschweygen. ¶ Du uennorch. Wir wollen dich verantworren in allen denendingen/darzü du recht hast.

¶ Johannes. Wolan / dieweyl dann Gott in meinem bergen inwendig/mich zü solchem ermanet/defgleichen eüwer gegebne treüw vnnd Glaub / so will ich kein außflucht mehr suchen. So hören nün mein öffentliche freye Bekantnuß. Ich bekenn ich hab ein Ehefrau genommen/aber heymlich/niemandes ist darbey gewesen/ich hab aber das auch billich gethon/hab darzü süg vñ recht gehapt. ¶ Montanus. Lieber was für recht: das Göttlich oder das Weltlich? ¶ Johannes/Ob ich schon das Weltlich nit gehapt/so hab ich doch dz Göttlich gehapt/damit ich ich durch sollich Mittel meines fleyschs grossebrunst

Johannes  
bekent das  
er ein Ehe  
weyb genö  
men habe.



brunst möchte hinlegen/vnd andere schand vnd Hurerrey  
vermeyden. ¶ Montanus. So höre ich wol/du hal-  
test es für recht/billich/vnnd erlaubt/das die Priester/so  
ewige Keüschheyt verlobet haben/wol mögen Ehelich  
werden? ¶ Johānes. Warumb des nit/wañ sie brunst  
leyden? Dañ es ist ye/nach dem zeügnuß des H. Apostels  
Pauli 1. Cor. vij. besser/in die Ehe kōmen/dañ brunst ley-  
den. ¶ Montanus. Diser spruch des Apostels Pauli  
soll mit nichten von den Priestern vnnd denen/so da Ge-  
lūbd gethon haben/verstanden werden.

¶ Johannes. Mich nimpt wunder/das jr doch solche  
außflucht kōndt erdencken/so doch der H. Geyst/von dem  
alle Schrift herkompt/von solchem spruch nyemandts  
außnimpt/er sey gleich ein Mōnch oder ein Non/Dann  
der Apostel sagt mit klaren außgetruckten wortē/Züuer-  
meyden Hurerrey/soll ein jeder sein eygen Weyb habē/Es  
sey dann das vnser Priester/die sich dermassen verloben/  
keine Menschen seyen/darumb sie dann auch der spruch  
Pauli nit angange. ¶ Enchu. Es ist vil ein ander ding  
mit denen so die Keüschheyt gelobet haben/dann mit den  
Leyen. ¶ Johānes. Hat dann Paulus die Epistel zūn  
Corinthern/allein an die Leyen geschryben? ¶ Montanus.  
Das ist der gemeyn brauch/oder verstande in aller  
Schrift/dz/wa sie vom Ehestand redt/sie die Priester vñ  
Geystlichen allwegen außnimpt. ¶ Johannes. Wer  
hat dir solchen brauch oder verstande der Schrifften geof-  
fenbaret/so doch solches nyergendts in H. Schrifften ver-  
meldet ist? Man soll zū Gottes wort vnnd Gebott nichts  
thūn/auch darvon nichts nemen. Wer gibt eüch dan den  
b gewalt/

Priester  
möge wol  
Ehlich wer-  
den.

Vom Ehe-  
stand würt  
niemandts  
weß stüds  
der ist/auß  
geschlossen

## Von den 5. Gottes Bekennen

gewalt/ ja wie dörfte ihr so fräuel sein/ das jr die Schrifft an disem ort so schandelich nach eüwerm gefastē mütwillen/dörfen biegen/zwingen vnd deüten. Zwar meint Der Christus hat mir selbers zum Ehestand gerathen/dan er sagt/Wer es fassen kan(verstand ausserhalb der Ehe zu leben)der fasse es. Darauß dann folget/wers nicht fassen kan/das ers vnderlasse. Solcher freyheyt hab ich mich vertröst/vnd hierüber(wie ichs dan frey bekē) ein weyb genomen. Dan ich bedacht(wie es dan an jm selber war/vnd es mit grosser mühe vnd sorgen ersaren hab) es were nit güt/das der Mensch allein/dz ist/ausserhalb der Ehe seye/sond jm sey von nöten ein solcher gehilff/der jm gleich sey/nemlich ein Weyb. Was kan nün hällers vnd klarers beygebracht werden? ¶ Montanus. Wann du allein gewölt hettest/so hettestu wol mögen Keüsch leben. ¶ Johannes. Ich hette fürwar den gemeynen lauff vnd gang der Naturen nit baß mögen stellen/dann eben durch die beywohnung eins ehelichen weybs/die hab ich nün genomen/andere Nürerey vnd schand züuerhüten. Darneben glaub ich gänglich/das kaum einer in Mönchs Klöstern möchte gefunden werden/der so ein grossen abscheühen/ auch von jugent auff/ab allen Weybsbildern gehabt habe/danne eben ich. Will geschweygen was mühe vñ arbeyt es mich kostet hat/damit ich doch möchte Keüsch leben. Gleichwol hat es sich zütragen/ye mehr ich solches thät/ye mehr bey mir solche bösen begird vñ gelüst vberhande namen. ¶ Rosemund. Mit was für mitteln hastu solcher sünden wöllen widerstande thün? ¶ Johān/Eben mit denen/mit welchen dann solche art der Teüffeln außgetrieben

Johannes  
hat sich  
höchlich be  
mühet/ob  
er möchte  
Keüsch le  
ben.

getriben würt/als mit strengem vñ ernstlichem wachen/  
Fasten/Hungern/Gebett vñd Arbeyt. Hab auch in sol-  
chem zwey ganger Jar keinen wein mehr getruncken.

¶ Montanus. Das soltestu alles vorhin gewist vñd  
bedacht haben/ehe vñd du dich hast Weyhen lassen/ Ver-  
gundt aber ist es zuspat.

¶ Johannes. Nette ich mich selbers gekandt/vñd die  
ding vorhin gewist/so wer ich mein lebenlang kein Pries-  
ter worden/wiewol es mir nit vast gefallen oder geliebet  
hat.

¶ Enchu. Was hat dich dan darzü bewegt/ das du  
Priester worden bist?

¶ Johannes. Zwar nyemandes  
dann eben mein Vatter selbers/der ist mir für vñd für on  
vnderlaß angelegen/vñd hat gänglich mich zu einem Prie-  
ster haben wollen/ damit man nit gedencen solte/ er heet  
allen vñkosten vergebens an mir angelegt/vñd das er den  
grösten theyl seines ampts mir auff den halß legete/dann  
er was ein Sigrift/ oder Wefner.

¶ Montanus. Wir  
wöllen die ding faren lassen/ vñd widerumb auff die für-  
genommene frag kommen. Was sagstu nün? Kan auch ein  
Priester on sünd Ehelich werden?

¶ Johannes. Die Ge-  
schrifft bezeügt solches offenbar/vñd gibt an meiner statt  
antwort. Deren will/oder kan ich kein zil setzen.

¶ Montanus. Du verstehest die Schrifft nit.

¶ Johannes. So  
vnderweyset jr mich/so will ich eüwer Schüler vñd Jün-  
ger sein/vñd mich vnderweyssen lassen.

¶ Montanus.  
Das Geystlich Recht/dem du gelobt vñd geschworen bist/  
das gebeütter/ das die Priester ausserhalb der Ehe leben  
sollen.

¶ Johannes. Jegundt bringstu gar höflich her  
für das grosse vñd hohe Recht/dardurch ich ernstlich be-

Warumb  
Johannes  
Priester  
wordē sey.

Ob ein  
Priester  
Ehelich  
sein/oder  
werden  
möge.



# Von den G. Gottes Bekennen

dringte würd. Erstlich/ so bekenn ich ja dz der Ehlich stand den Priestern im Geystlichen Rechte verbottē würt/ vñ ist der streyt nit hierumb/sond ob auch solchs mit grunde H. Götlicher Schrifften beschehe/das solt ihr noch beybringen/vnd war machen. Dañ da ligt solche frag mit ein ander. Zum andern/ So hab ich auch gehalten was ich geschworen hab. Dann ich habe geschworen ich wölle nach dem Geystlichen rechten lebē/sonil mir zu wissen / vñ auch möglich sein werde (Dann also lautet der Eydt) Wa ich mich nün hette länger künden enthalten/so hette ich fürwar mich in Ehestand nit begeben. ¶ Enchusan. Die Catholisch Kirch/die vom H. Geyst regiert würt/hat gewalt vil dings nach irem gefallen zu ordnē / auch in denen stücken die außserhalb der H. Götlichen Schrift seind. wie dann auch der H. Apostel Paulus/welcher ja ein treüwer diener der Kirchen gewesen ist/selbers sagt in der ersten zu den Corinthern im vj. Capitel. Das ander will ich ordnen/wañ ich kome/xc. ¶ Johānes. Souil da die eüßerlichen gebreuch / Ceremonien/ vnd dergleichen sagen gen/so zu erhaltung gemeyner ordnung vnd güter sitten dienstlich/belange/so gib ichs gern zu / das die Kirch ire freye macht habe / etwas zu ordnen / vñ zu ändern/ doch mit dem geding/das man vns in solchem nichts nit auffringe / als einen Artickel des glaubens/der zur seligkeyt von nöten sey. Diweyl aber der Psaffen Ehelos leben in keiner H. Schrifften gegründet / so folget ja das es frey sey/ außserhalb oder in der Ehe zu leben. Das auch die Engel vom Himel kein macht haben / auß solchem einen Artickel des glaubens zumachē/ will geschweygen die Kirch/

Wie ferz  
sich strecke  
der Kirchē  
gewalt.

Kirch / die doch mit Gottes wort regiert würt/vñ nie sie  
 vber Gottes wort herrschet. ¶ Endu. So höre ich wol/  
 du glaubst nit das die Kirch macht habe etwas vnder vñ  
 bey der straffe einer Todesünd zügebieten: ¶ Johānes.  
 Ich glaubs ja nit. Dañ zügleicher weyß/wie kein Mensch  
 liche krafft oder macht / auß den Kindern des Lichts/  
 vnd Erben des Ewigen lebens / kan oder vermag Kinder  
 der Finsternuß vnd des ewigen Höllichen feurs machen  
 (dann das kan allein Gott thün / der den Teüffel vber/  
 wunden / vnd vollmechtigen gewalt hat vber Todt vnd  
 Leben) Also kan auch die Kirch / keinen Menschen bey  
 der peyn einer Todesünd / durch ihre eygne sayungen / wa  
 sie sich nit in Gottes wort gründē / verbinden oder verstrick  
 en. ¶ Montan. Wie? So hör ich wol / dein meynung  
 ist / das ein jeder Mensch freye macht hab / die ordnungen  
 vnd Gesag der Kirchen züübertretten vnd züuerachten:

¶ Johannes. Das sag ich nit / vnnd sonderlichen / wa  
 solche ordnungen d. Göttlicher Schrifften gemäß seind/  
 Wie jr mich dann offtmals gehört habt. ¶ Endusan.  
 Was haltestu nün von denen statuten / welche / ob si ewol  
 ausserhalb Gottes wort fürgenomen werden / so seind sie  
 doch dem selbigen nicht züwider / oder entgegen / Wie dan  
 der selbigen vil vnnd mancherley in der Kirchen seind:

Von denen  
 sayungen/  
 die Gottes  
 wort nicht  
 stracks zü  
 wid seind.

¶ Johannes. In disen allen / ob man wol vmb der Lie  
 be willen vil thün / vnd zülaffen soll / so soll man doch den  
 armen Conscientzen vnd gewissen kein strick legen. Also lo  
 bet der d. Apostel Paulus in der ersten Epistel an die Co  
 rinther im vij. Capitel den Coelibat / oder das Leben / so  
 ausserhalb der Ehe ist / yedoch der gestalt / das er hiemit

# Von den 5. Gottes Befehlern

Keinem Menschen einen strick legē wölle. Welches er aber ehäre/wañ er yemands von wegen seines raths zu solchē leben zwingen vnd eringen wolte/wie dann ihr gang fräuel vnnnd verwegen chün. ¶ Montan. Nün wart/wie müssen ein vil andern weg mit dir gehen/dieweyl wir auff seitzerzölte weyß bey dir nichts künden aufrichten.

¶ Rosemund. Ach mein lieber Johannes/laß dich doch/vmb Gottes willen/von disen vnsern gelehrten/vnnderweysen. ¶ Johannes. Das will ich fürwar gang wil lig vnd von herten gern chün/allein sie lehre mich etwas rechts vnnnd gūts. ¶ Rosemund. Ich will den Allmechtigen Ewigen Gott ernstlich vber dich bitten vnnnd anruffen/ob du doch widerumb möchtest auffrechtē weg gebrache werden. ¶ Johān. Wañ ich ir/als dan so bitte für mich. ¶ Rosemund. Morgen im Ampt der D. Wess will ich für dich bitten. Würstu es aber auch gern haben/vnd zu danck annemen? ¶ Johannes. Bitte nün redlich vnd dapffer/ich bün nicht darwider. Dan es kan doch der Allmechtig Gott das gebett meiner Seynden/zūm lob vnd preysß seines D. namens/wol verwenden.

¶ Duennorth. Ihr meine Herren/es ist zeyt das wir heym gehen/dan es will abend werden. ¶ Montanus. Morgen wöllen wir wider kōmen. Derhalben so bedenc du vnder derweylē alle ding auffß fleysßigst/vñ stand von diser deiner gefasste meynung ab/wa du anderst nit wilt als ein Keger offentlichen außgeruffen vnd erklärt werden. Nün sihe wol zu/dann ich hab dirs alles vor gesagt. Enchusan. Ich glaub warlich es hab schon sybne geschlagen. ¶ Rosemund. Jha es ist vber die sybne.

Enchusan.



## Vnd Martyrern/der iij. theyl.

c

¶ Endus an. Wolan / so lüg / ob du dich dise nache ei-  
nes bessern bedächtest / vnd dise dein meynung widerrüff-  
test / dan sonst würstu dich fürwar selbers in grosse gefahr-  
lichkeyt stecken. ¶ Johannes. Was Gott will / das ges-  
chehe.

¶ Also hat nün dise ander handlung ein  
Ende genommen.

**S** Es andern nachfolgenden tags / seind die obernan-  
den Kegermeyster widerumb erschinen / aber nit al-  
so bald mit vilgemeldtem vnserm lieben Martyrer  
Johān handlung fürgenomen / sonder zūvor für sich las-  
sen fordern einen andern Gefangenen / vnd nemlich Wil-  
helmum Gnapheum / welcher auch nachmals (wie oben  
vermeldet) dise ganze History fleißig auffgezeychnet vñ  
beschryben hat. Disen klagten sie nün an / als were er der  
Lutherischen Kegerrey zū höchsten verdacht vñnd be-  
schuldigt / dieweyl er der Mönch leben vñnd Orden ver-  
worffen / vñnd einen solchen Mönch / der auß dem Kloster  
gegangen / vñ seinen Orden verlassen / gelobt hette. Aber  
dieweyl er sich wider solchen verdacht entschuldigt / vñnd  
nach allerley vmbständen die sache an jr selbers / zūm theyl  
widerlegt / zūm theyl aber begätiget hatt / haben sie ihn  
weyters nit mehr gefragt / sonder in widerumb lassen ins  
gefängnuß fürē / Vñ also bald mit grossem ernst an dē lie-  
bē Johānem gesetzt / der hoffnung / sie woltē in dahin ende-  
lich dringen / das er seinen Ehestand offentlichen / als vn-  
recht / widerrüffen müste. Dieweyl sie aber vermerckten /  
das es inen nit wolt / wie sie es begerten / von statt gehen /  
haben

Wilhelm  
Gnapheus  
würt von  
den Keger-  
meystern  
fürgeführt.

## Von den H. Gottes Bekennern

haben sich die Kegermeyster in alle weg beflissen / ob sie noch vber die oben gethene Bekantnuß / etliche andere Artikel / von vnd auß im / Köndten erforschen / damit er nit allein vmb seines Lhestandes willen (dieweyl er sonst eines vnsträfflichen lebens vnd wandels war) als ein Keger erkant vnd verdampet wurde.

¶ Hiebey aber soll der Günstig Leser des erinnert vñ vermanet sein / das das shenig / so jezundt in diser Disko-  
ry folgen würt / nicht eben auff einen tag beschehen / son-  
der auß allen vnd vilen mit im gehaltenen Gesprächen / zu-  
samen auff das kürzest aber warhafftigst gezogen sey.

Dañ wa man alle ding solte nach ordnung beschreiben /  
wurden sie dem Leser vil mehr vnlusts vnd verdruß ma-  
chen / dieweyl die Kegermeyster vil vngereümpres vñd  
rechte Kinderthädung eyngesüert haben.

¶ Folget also die dritte Handlung / so von den Keger-  
meystern / mit dem herlichen vñd H. Man Gottes / Jo-  
hanne / gehalten worden. 2c.

**Die dritte Handlung / so von den ge-  
ordneten Inquisitorn vñd Kegermeystern / mit  
vilgedachtem vnserm theüren Bekenner der War-  
heyt / Johaṇ von Wd:den / gehalten  
worden ist.**

**M**ontanus. Wie? Herz Johaṇ / hastu auch allen der  
nen dingen / von welchen ich dir gestern / als ich von  
dir hinweg schide / befelch gethon / dise nacht fleissig  
nachgedacht? ¶ Johannes. Iha / gang fleissig.

Montanus



¶ Montanus.  
Wie stehet es dan  
nün in deinem her  
zen? ¶ Johannes.  
Ich bin zwar in  
meinē hertze noch  
nye so rüwig ge  
wesen/als ebe auff  
dise stund. ¶ Rose  
mund. Hastu dan  
nit auch in deinem  
herzen befunden/  
die krafft meines  
gebetes/ Dan als  
ich heüt das ampe  
der D. Wess hiel

te/hab ich mit höchstem ernst den Allmechtigen Ewigen  
Gott/für dich gebetten. Hastu dann auch befunden?

¶ Johannes antwortet spöttlicher weys/vnnd sagt/  
Solt ich eins solchen fromen Mans gebet nit befinden?  
Aber mir ist gang wol zumit. ¶ Montanus. Wolan/  
die sache stehet recht. So wiltu nün (wie ich hör) alle ding  
widerrüffen/Wiltu nit? ¶ Johannes. Welche ding soll  
ich widerrüffen? ¶ Montanus. Sihe wunder zū/serzt selte  
er vō stund an widerumb auff sein alte meynung. Du ver  
flüchter Mensch/ich rede von deinen irrthumben/das du  
die selbigen widerrüffen soltest. ¶ Johannes. Ich kan  
mich keins irrthumbs erinern/in allen denen stücken/da  
rinnen ich euch meines glaubens rechenschaft gegeben  
hab.

Johannes  
will keins  
irrthumbes  
geständig  
sein.

c Enchu



# Von den H. Gottes Bekenern

¶ Enchusan. Wie darffstu diß sage: Du haltest doch  
mit von den Sazungen der Kirchen / wie einem Christen  
Menschen züstehet / dann du hast die selbigen mit deinem  
Weybnemen / als ein vngehorsam Kindt öffentlichen vñ  
fräueler weyß verachtet. Welches doch noch alles erlicher  
massen zgedulden / vñnd dir / wa du dein sünd bekennen  
woltest / züuerzeyhē were / Wan du nit also halßstarrig dz  
bestreyten woltest / als were dir solches im Götlichen  
Rechten / erlaubet vñnd zügelassen / Ist nün diß kein jrr  
thumb? ¶ Johān. Ich hab zwar meinē Bestandt erst  
lich mit gewaltigē vrsachē / demnach aber auch mit offent  
lichen vnwidersprächlichē schrifften vñ Exempeln / erhal  
ten vñnd dargethon. Kan ich nün mit solchem bey eüch  
nichts erlangen / So hab ich noch disen Leyb vñnd das na  
türlich leben vberigs / dz willich nün auch / vermittels der  
gnaden Gottes / zuletzt mit willen / vñ on eynige beschwär  
nuß in die schantz schlagē / das ich auch mit meinem Blüt  
bezeüge vñnd war mache / was ich auß d. Götlicher  
Schrifften züvor eyngesüret vñnd bestätigt hab. Ich habe  
ye sonst nichts mehr / dann disen meinen Leyb vñnd leben /  
das ich zü ehren dem H. Euangelio / vñnd zü rettung der  
warheyt / verlieren kōndte. Wa nün das beschehen würt /  
so hoff ich am Jüngsten tag kōnde mir nit verwissen wer  
den / als ob ich mein Leben lieber / dan meinen Herren Jes  
sum Christum / gehabt hette. ¶ Montanus. Lüg aber  
vñnd sihe dich wol für / das nit etwan diser dein rathschlag  
vñnd fürnemen / zünilgäch vñnd bigig sey. So soltu auch  
nit gedencen / das wir deins todts oder Blüts so begirig  
seyen / Sondern wir begeren von gangem herten / das du  
wider

Merck die  
Gottselige  
beständig=  
keyt Johan  
nis.

Merck mit  
fleiß Christ  
licher Le  
ser.

widerumb der rechten Mitter/nemlich der Kirchē/versä-  
ner vñ zūgehon werdest. ¶ Johān. Man würt es mie der  
zeyt wol sehē/wie güt irs gegen vñ mic mir gemeynt habē.  
Vergundt aber bleyb ich beständig auff dem / wie ich jes-  
gundt gehört biñ. ¶ Rosemund. Ach mein Sün / schon  
dein selbers / Ich wünsche/vnnd bitte / das dir doch Gott  
der Herz ein ander hertz / vnnd einen anderen sün geben  
wölle. ¶ Johannes. So bitte ich hiegegen/dz eüch Gott  
andere hertzen vnd sün geben wölle/das jr doch dermalen  
eins auffhöreten/das Euangelium Christi zäuerfolgen/  
vnd vns die Prediger Göttlichs worts dermassen in todt  
zūüberantworten. ¶ Montanus. Du wilt zūvil wigig  
sein/Lüg vnd verlasse dich nit zūvil auff dein weyßheyt.

¶ Johannes. Fürwar ich verlasse mich gar nit / beson-  
ders in diser sachen/auff mein weyßheyt/sondern auff den  
starcken Felsen / welcher der Herz Jesus Christus selbers  
ist/disem hangich an. Will auch / ob Gott mill/im Tode  
vnd meinem letsten end von seiner Lehr nit abweychen.

Johannes  
verlaßt sich  
auff Christū

¶ Montanus. Wie? Belten dan souil gewaltiger hey-  
liger Väter/souil Concilia / so grosse Lynhelligkeyt vi-  
ler Völcker/vnnd so ein lange zeyt her gebrachte löbliche  
gewonheyt/bey dir gar nichts? Bistu dann allein der Wi-  
gigst vnder allen anderen Menschen? Meyßt das nicht/  
sich auff seine eygne weyßheyt verlassen/dieweyl du ober-  
zölten stücken allen/dich entgegen vnd zūwider setzest?

¶ Enchusan. Ey jha/jederman würt irren/vnnd allein  
du war haben.

¶ Johān. Wan ein engel vom Himel käme/vñ ein an-  
der Euangelium/ dann wir vom h. Apostel Paulo ent-

NOTA

c ij

psan

# Von den H. Gottes Bekenern

„ pfungen haben/predigen wurde/so soll er verbannt sein.  
 „ Nun laßt die H. Göttlich Schrifft frey zu/ Ehlich zuwer  
 „ de. Dife freyheyt will ich mir/so lang ich leb/mit nemen las  
 „ sen. Vnd frag ih a nichts darnach/ Gott geb was die Con  
 cilia/die Väter/die Kirchen vnd die lang hergebrachte  
 gewonheyt hiewider erkennen vund schliessen. Dann sol  
 ches alles kan dem H. Gottes wort/welches wir auff vn  
 ser seyen vund für vns haben/mit nichten etwas abbre  
 chen. ¶ Enchusan. Wolan/so will ich disen deinen jrr  
 thumb/mit einem hellen klaren spruch der H. Göttlichen  
 Schrifft/widerlegen vñ umbstossen/dieweyl du ye nichts  
 anders hören oder annehmen wilt/dann was in der Bibel  
 geschryben sthet. Der Herr Christus sagt also/ Luce im  
 xxiij. Capitel. Petre/ich hab für dich gebetten/das dein  
 glaub nit auffhöre. Vñ wañ du dermaleins dich bekerst/  
 so stercke deine Brüder. Hörestu nun hie die wort unsers  
 Erlösers Jesu Christi selbers? ¶ Johanes. Iha ich hö  
 re/erkenne vnd verehere dise wort/Aber was meynstu/das  
 auß solchen Worten folge? ¶ Enchusan. Dieweyl der  
 rechte Glaub im H. Apostel Petro nyemals auffgehört  
 bat/So folget jha/das er auch im Römische Papstumb/  
 in welchem dann der H. Apostel Petrus durch seine nach  
 kömpling sitzet vund regieret/nicht auffhöre könde. Was  
 dan nun der Apostolisch stül zu Rom erkennet vund ord  
 net/das würt kein rechter Christ leügen/das man es al  
 les steyff vñ vest halten solle. Wie hastu geschrifft/darauff  
 du dich für vnd für zeuchst. ¶ Johannes. Ey wie seyde  
 jr doch so grobe vnd vngeschickte Ausleger der H. Schriff  
 ten/wa jr nit anderst lehren/so verdreüßt es mich/das jhr  
 disers

Der Papi  
 sten hüp=  
 sche Argu=  
 ment.



diesen namen tragen sollet/dz ie Theologi/das ist/Lehrer  
 der H. Schrifft seye. Der Glaub des H. Apostels Petri/  
 damit er on eyngewen fleyschs vnd bluts/den Herrn Chris-  
 tum einen Sin sein des lebendigen Gottes bekant hat/  
 hat ihu nyemals auffgehört/vnd würt in ewige zeyt nym-  
 mer mehr auffhören/so lang hie auff erden die Außersöl-  
 ten Gottes sein/vnnd den namen des Herren Christi mit  
 sampt dem H. Apostel Petro in gleicher beständigkeyt  
 des glaubens bekennen/loben vnnd preysen werden. Was  
 gehet aber solche des rechten Glaubens beständigkeyt/  
 des Bapsts Keych/oder die Römische Kirchē/oder auch  
 andere Menschen gebott vnd sayungen an? Es würt der  
 Herr Christus seinen Außersölten allwegen vñ biß zum  
 end diser Welt zugegē sein/Aber mit disem/würt darumb  
 nit eben das Römisch Bapstumb bestätiget oder gebil-  
 licher. Dañ das Keych Gottes kompt nit mit eüsserlichen  
 geberden oder Ceremonien/besonderer personen/stett/  
 ort/zeyt/speys/Eleyder/damit das ganz Bapstumb für-  
 nemlich vmbgehet/sonder es ist inwendig in vns. Das a-  
 ber der Herr zu Petro sagt. Luce im xxiij. Wan du derma-  
 len eins dich bekereß/so stercke deine Brüder/das sagt der  
 Herr von allen denen/die mit dem H. Petro/des rechten  
 Petri/das ist/des rechten cynigen vnd standthafften Sel-  
 sens/durch den Geyst des glaubens/rechtgeschaffne Be-  
 kenner seind/ Dann sonst ist einem jeden Christen Mens-  
 chen befolhen/das er seine Niebrüder auß schuldiger brü-  
 derlicher liebe/tröste/lehre/vermane/Vnd im glaubē ster-  
 cke. ¶ Montan. Ach Gott/wie redet doch diser Mensch  
 so schandlich vom Bapst zu Rom/vom obersten gewalt

Der glaub  
 Petri/ ges-  
 het den  
 Bapst zu  
 Rom  
 nichts an.

Luce xxiij.

# Von den 5. Gottes Bekennern

Das felle  
erduwe die  
Papisten/  
wan sie nit  
weyter kön  
de kōmen.

Peeri/vrind von der Kirchen authoritet? Ich sage die  
fürwar/würstu dise ding nit alle widerrüffen/so soltu ge-  
wislich in kurger zeyt vñ wenig tagen/als ein Keger ver-  
brant werden. ¶ Johannes. Ey so tragt wol bald die  
scheyter zu hauff/vnd zündens an/dann jr habt mir lang  
gnüg gerröuwer. ¶ Montan. Du vermeynst villeicht  
vns sey nit ernst/vnd du werdest nit/eines so greüwlichen  
todts sterben/vnd bist deßhalben so verwegen vñ fräuel/  
aber du solt(wa du dich nit bekerest)bald ersarē/das vns  
rechter vñd gütter ernst gewesen ist. ¶ Johannes. Ey  
warumb erwürget jr mich dann nit also bald/vñ weschet  
eüwere hānd in meinem blut?

¶ Rosemund. Ach wie bistu doch so schandlich/durch  
die verfluchte Lutherische Kegerey/verfärt worden.

¶ Montanus. Was soll man dan nūn mit dir anfa-  
hen? Was solle man mit dir fürnehmen? ¶ Enchusan.  
Mein Herr Johān/kanstu nit etwas von deiner vngestü-  
me nachlassen? Lieber gib doch dem Herren Cansler et-  
was nach/der doch dein wolfare/vnd nit dein verderben  
sücht. ¶ Johannes. Was soll ich aber thūn? Soll ich  
den namen meines Gottes verschwören?vnd meinen glau-  
ben verleügnen?vñd als ein Verhäter mich widerumb  
vnder des Teüfels Reich begeben? Wolt jr mich auch das  
heysen? ¶ Enchusan. Wir wöllē dichs nit heysen/Son-  
der begeren allein das du von deiner strengen meynung/  
belangend die Kirchensazungen/doch ein wenig nachlas-  
sest. Würstu nūn dz thūn/so wöllē wir alle vnsern müglic-  
hē fleyß ankerē/dz du diser gfüncnus entledigt werdest.

¶ Johān. Wolā/so will ichs thūn/vñ mein meynung/so  
vil

wil dz gewissen/vn̄ mein glaub erleyden kan/etwas freüntlicher darthün. Man gebe mir Tindren/Seder vnnd Papeyr. ¶ Montanus. Die sach stehet wol/Ach lieber Johannes/biß doch etwas geschlechter. ¶ Johannes. Ich fürchte aber vnd besorge mich für vnd für/jhr werden auß solchem vrsach nemen/mich zusahen vnd zugreifen.

¶ Montanus. Du darffst dich solches nit besorgē/wir wollen freündtlich gegen dir handeln/wan̄ du dich allein auch freündtlich gegen vns erzeygest.

¶ Da haben sie nūn alle ein kleine weyl still geschwygē/ bis das der Gefangene sein Confession vnnd Bekantnuß geschryben hat/ Vnd als solches beschehen / sagte der gefangne Johannes/Nūn habt ihr mein Bekantnuß/was ich in gemeyn von allen Menschen sagungen halt vnnd glaub. Ich vbergibe eūch aber solche/der gestalt vnd mit dem geding/das jr mich nit weyters vn̄ auffetliche besondere fragen dringen vnd treyben wölt. ¶ Montanus. Herr Ruard /leset doch solche Bekantnuß. ¶ Ruard/oder Enchusan. Von den Kirchen sagungen glaub ich/das man sie nit soll ohn vrsach vnd fräueler weysß verbrechen/sonder entweder notwendig/oder aber löblich sein/so ferr sie Gottes wort nit zūwider seind. ¶ Montan. Das ist recht. ¶ Enchusan. Was haltestu nūn von dem das die Kirch in der Fasten das fleisch essen verbottē hat?

Johannes  
hät sein  
Bekantnuß  
von Mens-  
schē sagn-  
gen schrifte-  
lich.

Da fleisch  
essen.

¶ Johannes. Sehet doch vmb Gottes willē/wie bald habt jr eūwer gegeben treūw/vnd zusag vergessen/vnnd wölt mich jegundt von besondn Artickeln vn̄ puncten fragen: ¶ Enchu. Du kanst doch wol nach diser deiner schrifft en vns hierüber antwort geben/was dir gefalt. ¶ Joh.  
han.



# Von den H. Gottes Bekennern

han. Wasr eüch nit wöllen lassen vernügen/ an diser meis-  
ner gehonenschriffelichen Bekantnuß/ so soll dz alles/ so  
ich eüch zügelassen hab/ widerüfft sein. ¶ Enchu. Dieweyl  
wir vns auß deinem hertzen nit gnügsam künden verrich-  
ten/ soll es auch vnrecht sein/ oder was beschicht hierin  
vnbillichs/ wann wir etwas fleysfiger darnach fragen?

¶ Johannes. Fürwar/ ich hab mich allweg/ vnd billi-  
chen vor eüch entsetzt/ dann jr sucht doch nichts anders/  
weder ein vrsach mich zugreiffen. ¶ Enchusan. Wann

wir vns schon deiner Bekantnuß benügen ließen/ so müs-  
sen wir doch auch hierin antwort geben vñ gnügthun  
den jhenigen/ die vns zü solcher Inquisition/ als Kegere-  
meyster verordnet haben. Dann dise handlung belanger  
nit allein vns/ sonder auch sie/ vñ in gemeyn alle Chris-  
ten. ¶ Johannes. Ey so bleyben recht/ wie jr seydt. Der

» thut ein vergebene arbeyt/ der eüch vnderstehet auff dem  
» rechten weg zubringen. ¶ Montanus. Dieweyl du dir

auch gefallen lassest/ was die Kirch geordnet/ vnd jrer au-  
thoritet nit züwid sein wilt/ so zweyffelt mir nit/ du förche-  
rest dich auch der sünden/ wann du soltest auff einen sol-  
chen tag fleysch essen/ den aber die Kirch verbotten hat?

Mit der  
speyß soll  
nyemandis  
sein nechste  
ergern.

¶ Johannes. Wa ich solt mit meiner speyß/ meinem  
brüß verergern/ so wolt ich ehemein lebenslang kein fleisch  
mehr essen/ wie Paulus sagt/ 1. Cori. viij. ¶ Enchusan.

Wan du dich aber in solchem fall keiner ergernuß hettest  
zubeforgen/ vnd du güte gelegenheyt hettest/ fleysch zu es-  
sen/ woltestu es auch/ dieweyls die Kirch verbottē hette/  
vnderlassen? ¶ Johannes. Ey wie lüftig gehet ihr mit  
mir vmb? ¶ Enchusan/ Lieber laß vns doch hierüber

ein

# vnd Martyrern/der iij. theyl. cv

ein Klein wenig miteinander ersprachen. ¶ **Johannes.**  
 Es gibt der Herr Christus vber solche frage selbers ant-  
 wort/da er sagt. **Matth.** im xv. Capitel. Was durch den  
 munde eynghebet/das verunreyniget die Seel nicht. Des-  
 gleichẽ thut auch der H. Apostel Paulus / da er sagt zûn  
 Römern im viiij. Capitel. Das Keych Gottes stehet nie  
 in essen vnnnd trincken. Item/ in der ersten Epistel an die  
 Corinther im viij. Capitel/sagt er/Die speyß fürdert vns  
 nit vor Gott. Vnd zûn Collossern im andern verbeüret  
 er auch/das vns nyemandes vmb speyß vnnnd tranck wil-  
 len vrtheylen solle. ¶ **Enchusan.** Souil ich auß diser dei-  
 ner setztgegebner antwort verstande /so fragstu nicht vil  
 nach den Kirchen sayungen. Warumb hastu aber in dei-  
 ner schrift bekennet/das man dieselbigen Kirchen sayun-  
 gen nit vbertretten/oder verbrechen solle? ¶ **Johannes.**  
 Damit jr eüch nit irren/so wißt jr das ich hinzu gesetzt ha-  
 be/man solle sie nit fräueler weyß verbrechen. ¶ **Roses-**  
**mund.** Was haltestu dan vom H. Karfreytag? haltestu  
 in auch für heylig? ¶ **Johannes.** Jr wisset doch selbers  
 wol vnnnd habt es gehört/das der H. Apostel Paulus die  
 Galater (**Gal.** iij.) ernstlich strafft/dz sie auff die tag/ Jar  
 vnnnd zeyt achtung hatten. ¶ **Enchu.** Das hab ich doch  
 allwegen gesagt/Die Lutherischen süchen vnnnd begeren  
 anders nichts/dann wie sie ihrem Fleysch wol außwarten  
 vnd hosieren künden. ¶ **Johannes.** Man handler hie nit/  
 lieber gesell/von des Fleyschs mitwill/sond von der freye-  
 heyt des Gewissen/vñ warheyte der H. Götliche Schrift-  
 ren. Dann wann ich meinem munde hosieren wolte/vnnnd  
 essen was mir wol schmackt/so wolt ich /a vil lieber Wiscb/

**Matth. xv.**

**Rom. xiiij.**

d dann

# Von den H. Gottes Bekennern

V3 Fleysch  
essen.

Dann Fleysch essen. Derhalben sonil die speysß belanget/ so solt jr eüch des vernügen lassen/ das ich gesagt habe/ man solle in solchen fällen der liebe dienen. ¶ Enchusan. Es hat aber die Kirch noch ein andere vsach/ vmb welcher willen sie das Fleysch essen verbotten hat/ Als nemlich/ damit vnser Fleysch nicht zünil geyl/ vnd müerwillig werde.

¶ Johannes. Man solle dem Fleysch zu aller zeyt widerstandt thun/ dann alle so yemals Gott gefallen habē/ die haben jr Fleysch mit sampt den andern sünden vnd begirden gecreüziget. Was gehet aber solches/ dise Teüffels lehrer (wie sie d. Apostel Paulus 1. Tim. iij. nenēt) an/ dardurch Speysß vnd Ehe verbotten würt?

Von den  
Sacramen  
ten.

¶ Enchusan. Ich besorg warlich/ er sey gar mit der Lutherischen sect verführet. Was haltestu aber von den H. Sacramenten? ¶ Johannes. Recht vnd wol/ das sie nemlich Sacramenta seind. ¶ Montanus. Glaubstu auch das syben Sacrament seind? ¶ Johannes. Hieuon wöllen wir zu anderer zeyt handeln/ jetzt müssen wir in vnserer sachen vom Ehestand furtfaren. ¶ Montanus. Wer in einem Artickel irret/ den haltet man für vnnnd für im argwon/ das er auch in andern irre. ¶ Johannes. Der Artickel von den Sacramenten ist nit mein/ darumb will ich in segunde auch nit verantworten. ¶ Mon. Man du doch allein dz chārest/ vñ deinen verstandt/ sonil da belange die Kirchen sungen/ auch vnder das gehorsam Christi gesungen nemest. ¶ Johannes. Thū ich dan das nicht/ so ich mich doch für vnd für an Gottes wort halte. ¶ Enchusan. Du soltest aber auch gedencken/ dz die Gehorsam vil besser ist/ dan alles opffer. ¶ Johan. Dz bekē ich gern/ aber



aber doch nit von aller/sonder allein von der Gehorsam  
 Göttlicher Gebotten/wer denen nit gehorsam ist vnd sol  
 get/der begehet ein greüwliche schandliche Abgötterey/  
 wie auch die gang Schrifft bezeüget. ¶ Montanus. Ich  
 glaub wann wir schon lang mit dir disputierē/so wüßtu  
 zuletzt gar leügnen/das ein Kirch sey/dieweyl du sie so  
 schandlich verachtest. ¶ Johannes. Du darffst diß nit  
 besorgen/dañ es müßte ein vnvernünftiger mensch sein/der da  
 auß dem H. Apostolischen glauben/nicht glauben oder  
 bekennen wolte/das die Allgemeyn Christlich Kirch/ein  
 gemeynschafft sey der Heyligen. Wie nün aber dise Kirch  
 vom H. Geyst regiert würt/also nimpt sie auch vnnd ge-  
 beüret nichts/dann das dem H. Gottes wort gemäß vnd  
 ähnlich ist/wie ich vormals auch gesagt hab. ¶ Enchu.  
 Glaubstu dan auch das die Allgemeyn Christlich Kirch/  
 Heylig sey? ¶ Johannes. Warumb solt ich das nit glau-  
 bē/so ich doch warhafftig weyß/dz ich der selbigē Kirchē  
 ein Glid bin. ¶ Enchusan. Du magst wol ein Glid der  
 Kirchen sein/aber kein lebendigs oder gesundes/sondern  
 wie ich halt/ein faules vnd stinckends Glid/dieweyl du  
 der Kirchen sagungen so gar verachtest. ¶ Rosenmund.  
 Wabey kanstu wissen/das du ein Glid der Kirchē seyest/  
 oder nit? ¶ Johannes. Auß der zeügnuß des H. Geysts/  
 der in mir redet. ¶ Enchusan. Phy/was hör ich? Redet  
 dan der H. Geyst in dir? ¶ Johannes. Paulus sagt zün  
 Römern/im viij. Capitel. Der Geyst Gottes/gibt zeüg-  
 nuß vnserm Geyst/das wir Gottes Kinder seind. ¶ Ro-  
 semund. Ach Gott/wie fräch vnd verwegen seind doch die

Welches  
rechte vnd  
ware ge-  
horsam sey.

Von der  
Christliche  
Kirchen.

Merck.

d ij ich

# Von den H. Gottes Bekenñern.

ich den H. Geyst hette. ¶ Johannes. Du glanbest auch nit/das die Liebe Gottes in vnsern hertzen außgossen ist/durch den H. Geyst/der in vns wohnet. Diser eüwer vn-  
glaub der macht das ihr zweyffelhaftige/ Gottlose leüt  
seind/in welchen der H. Geyst nit wonet. ¶ Enchusan.  
Dieweyl du dan die Kirch Gottes/für heylig haltest/wa-  
rumb haltestu nit dan auch für heylig das ihenig/ so von  
diser Kirchen gesetzt vnd geordnet würt? ¶ Johannes.  
Die Kirch Gottes/welcher Haupte der Herr Christus ist/  
die gibt nicht vil gesag/wie der Papst zu Rom/der eüwer  
Gesaggeber ist/sie beschwärt die Gewissen nit/verdampfe  
auch vnd verbannet die leüt nit/wie jr thut. ¶ Enchu-  
san. Wie? Meynstu auch das der Priester/ der auff einem  
bloßen Tisch/vnd on die Priesterliche Kleydung/ on ange-  
zündte Kerzen/vñ wiß der Kirchen sayung vñ gebrauch/  
Mess haltet/ auch warlich consecrieren vnd Mess halten  
könde? ¶ Joha. Wz solte es schaden/wañ man schon dz  
Nachtmal vnser Herrn Jesu Christi/auffs aller eynsal-  
tigst/on alle Ceremonien/Kerzen vnd Pfaffenkleydung  
nach dem Exempel des Herrn Christi anrichtete vñnd  
hielte? ¶ Montanus. Du bist vil erger vnd böser/dann  
der Erzkezer der Luther selbers. ¶ Rosemund. Wir  
dörffen nur nit in sin nemen/das wir grosse Ehr an disem  
herten Kopfferlangen werden. ¶ Enchusan. Was hal-  
testu dan vom Sacrament der letzten Delung. ¶ Johan-  
nes. Es weyßt jederman wol das es allein ein Kirchen-  
brauch vnd gewonheyt ist. ¶ Montanus. Wir habē vns  
nün mehr gnügsam vber disem Kezerischen menschen be-  
arbeytet/ob wir in doch widerumb beteren köndten/aber  
alles

Von prie-  
sterlicher  
Kleydung/  
Kerzen etc.

Von der  
letsten  
Delung.

alles vmb sonst vnd vergebens. Derhalben ist mein rath/  
diweyl wir nichts bey jm erlangen mögen/das wir auch  
hinfürt nichts weyters mit jm reden. ¶ Endusan. Ich  
sihe auch wol das es vnmüglich sein würt ihn zubekehren.  
¶ Montanus/Wir wollen hinfürt mit feür vnd Holz  
mit dir disputieren/Hörstu es auch? ¶ Johannes. Er  
füllen recht auch an mir die maß eüwerer Väter. Ich  
fürchte mich für dem tode nit/will ihn auch nit abbieten/  
dann ich weyß das er mir ein gewin/euch aber ein ewige  
schand vnnnd schmach sein würt. ¶ Endusan. Wiewol  
wir jergund von dir hinweg scheydē/Herz Johan/so würt  
dir doch noch zeyt vnd weyl vergönnet/darin du dich wey  
ters bedencken vnnnd wol widerrißffen kanst. Wir wollen  
auch das vtheyl nit wider dich gehen lassen/ich hab dich  
dā zuuor selbers im Kercker heymgesücht/vñ angespro  
chen. ¶ Johannes. Der will des Herren beschehe. ¶ Monta  
nus. Laß vns hinweg gehen. ¶ Rosemund. Herz Jo  
han/iß vnd trinck du/vnd biß güter ding. ¶ Johannes.  
Mir ist wol in meinem hergen/Ich iß vnd trinck/vnd hab  
zwar/sonil meins leibs gesundtheyt belägt/nye so wol ge  
essen vnd truncken. ¶ Rosemund. Ach das du doch einen  
andern sin hettest. ¶ Duennorth. Man füre in wider  
rumb in sein gefändnuß.

Leiste Ara  
gumēt der  
Papisten/  
seind feür/  
Schwert/  
c.

¶ Hiemit hat also dise dritte handlung (wiewol sie  
nit/wie oben gemeldet/auff einen tag beschehen  
ist) ein end genomen

**N**ach dem sich nün aber solches alles (wie hie obē nach  
ordnung vnd weytleüffig erzolt worden) mit dem ge  
fangnen Johanne von den geordneten Inquisitorn  
d iij vnd



# Von den H. Gottes Bekennern

Ruardus  
Enchusan  
besucht den  
gefangnen  
Johannem  
im Kerker

vnd Kegermeystern verlossen hat/ist folgendes Ruardus  
Enchusan (wie er dan solches zuvor versprochen vnd zu  
gesagt hatte) zu dem gefangnen Johanne/selbers ins Ge  
fängnuß/welches dann gar finster war/ Kommen/der meyn  
nung/er wolte in zum Widerriß treyben vnnnd bewegen.  
Als er nun den schnecken hinauff gieng/schwißet er vnnnd  
schnaußet hefftig/dann er war ein weicher zarter Man/  
wie dan gemeyngtlich dieselbigē leüt/so man Theologos  
im Papstumb/oder Magistros nostros nennet/zusein  
pflegen. So bald er aber den ersten tritt ins gefängnuß  
gethon/vnd des grausamen wüstē gestandts vnd vnflats  
gewar ward/ward er sehr zornig/speüwet auß vñ schwür  
auch vber solchen gestand. Der gefangen Johannes ward  
berüßt/vnd gieng herfür an das Gitter/verwisse im aber  
zum ersten/was doch diß für ein vnmenschlich ding were/  
das er/der doch kein böß stuck/so des todes werdt were/ge  
thon hette/dannocht in so einem schandelichen vnd stin  
ckenden keffig gehalten wurde. ¶ Enchusan der ent  
schuldiget sich/vnnnd redet dem gefangnen auff das aller  
freündlichst zu/vermant in/er wolte im doch selbers auß  
diser gefängnuß verhelffen/damit er nicht länger solchen  
greüwlichen geschmack vnnnd gestand müste leyden. A  
ber wie sich zuvor der gefangne Johannes nicht hatt ire  
eröwort schröcken lassen/also ließ ers ihm auch jegunde  
nit hoch angelegen sein/ob ihm wol fürgehalten ward/er  
möchte auß diser gefängnuß wol ledig werden.

Johannes  
beklagt sich  
seiner stin  
ckenden ge  
fängnuß  
halben.

¶ Darnach sieng Ruardus ein klein wenig an mit im zu  
disputieren/von den gebotten der Kirchen/vom gewalt  
vnd ansehen der H. Väter vnd der H. Concilien. Zulest  
tröstet

erhöhet er den Gefangnen/vñ behielt's zum höchsten/das ihm dises sein vnglück trefflich leydt sey. Also gesegneten sie einander zu beyden theylen/vñnd lieff Ruardus eylendts den schnecken widerumb hinab/speüwet auß/vñd gehüb sich vbel/von wegen des geschmacks/den er da ein- genomen hatt. Der gefangne aber gieng widerumb an sein ort/das voller leuß vñd Wentlen war (dañ es waren bey jm noch andere zehen schandliche böse Lecer vñnd Büben gefangen/vñd müßte diser vnser Martyrer mit- een vnder jnen/als wañ er der aller ergst gewesen/sein vñ- ligen)vñnd verzeeret die zeyt seiner Gefändnuß/in gro- ser gedult vñd Gottesforcht. Dañ er hielte allen tag vn- der gemeldten Ellenden leütten seine Predig/damit es ihre rohe wilde hergen etlicher massen mit der Erkant- nuß Gottes/vñd seines D. Euangeliums/treffen vñd be- wegen/vñd sie auch zum todt/den vil vnder jnen wol ver- dient/vñd auch gelitten haben/etwas herghaffter vñnd mañlicher machen köndte. Es hat auch solch sein predi- gen/lehren vñnd vermanen/so vil nutz geschaffet/das vil vnder jnen offentlich sagten/sie wolten von hergen gern/ vñd mit willen/mit disem fromen Menschen sterben.

Johannes lag mit sampt an- dern zehen in einer ge- fändnuß.

Es war auch vnder den selbigen bösen büben einer gang nackter/vñnd vbel gekleydet/dem schencket er seinen Ober rock. Bezeugt auch vilmal in der selbigen zeyt/dz er solches der reynen Lehr hergklich gönnete/das er einen solchen Artickel auß D. Götlichen Schrifften (der nicht allein verständlich an ihm selbers/sonder auch für allen menschen löblich were) bekommen hette/den er mit seinem eygnen Blut/bestättigen vñd erhalten müßte. Vñd mit welchem

Johann trda- ster sich sei- ner so ge- rechten sa- chen..

# Von den H. Gottes Bekennern

welchem er auch den Bapstischen Theologen so bang vnd angst gemacht hette/das sie nit wüßten/was sie mit ihm weyters fürnehmen/ihn behalten/oder faren lassen solten. Dann wann sie ihn also solten ledig lassen/so wurden sich nach seinem Exempel vil Priester in den H. Ehestand begeben. Wann sie in aber im gefäncknuß länger behalten/oder gar erwürgen wurden/so solten sie doch für vnd für ein nagenden wurm in irem vnruwigen gewissen behaltē.

¶ Als nun aber vilgemelter Johanes garnache einen ganzen Monat lang in diser gefäncknuß gehalten/der hoffnung/ob er wol bißher nit hette wöllen widerrißfen/so solt ihn doch dise langwerende gefäncknuß dahin treyben/Ist Frau Margareta/die Tochter Keyser Maximiliani/mit sampt Herrē Montigono/dem Grafen von Hogstrat/welcher des ganzen Landes Oberster war/vñ mit andern der Keyserlichen Maiestat Rächē/gehn Dagen eyngeritten. Allda hat sich ein neüwe vnruß erhebt/vnd ist die Inquisition von neüwem fürgenommen wordē. Vnd seind auß allen Stetten in ganzem Holland alle gefangene/die man als Keger gegriffen hatt/gehn Dagen geführt worden. Vnd ward zu einem Obersten Kegermeyster verordnet/M. Jodocus Louering/welcher 8 Scatthalter war zu Mechel/ein anherziger ernstlicher Disputierer/vnd ein geschwezigier Jurist.

¶ Als nun vnser Johannes für dise Versammlung gestellet/versucht sich Louering auff alle weyß vñnd weghiele ernstlich an/setzt mit güten freündtlichen vnd glatteen/dan bald mit vnßnigen zornigē tröuwortē. Verhieß im grosse ding/vnd vnderließ ihn nichts/dardurch er verhoffte/

Alle gefangene Christen werden zum Hagē geführt.



# vnd Martyrern/der iij. theyl. cip

hoffte/er wolte das hertz Johannis (welches dann steiff vnd vest stünd/wie ein Maur) zum Widerriß treyben. Wöllen also hienach die letzte Inquisition vñ handlung für vns nemen/darauß der Gütterzig Leser wol abnemen kan/wie grausam der Teüffel seine diener treybe/wider den Herren Christum vnd zu vndertruckung Euangelischer warheyt/die doch von den Pforten der Hellen nymmermehr kan oder würt überwältiget werden.

## Letzte handlung/so mit diesem vnserm

theuren vnd standchafften Martyrer

vnd Bekenner Christi/Johan von Wöiden

für genommen vnd gehalten

worden

ist.

**D**ie letzte Inquisition vñ handlung ist gehalten worden im innersten ort des größern Sal zum Hagen. Vñ ward den verordneten Kegermeyster nach ordnung gesetzt wie folget.

¶ Erstlich saß M. Jodocus Louering der Statthalter von Mechel/ An dem selbigen saßen/der Herz von Argen/Assendelphus vnd Sasbodus. Gegen vber vnd gegen auffgang der Sonnen saßen die Kegermeyster/Montanus, Enchusan, Rosemund, Gegen Mittag saßen auch am Tisch Brunchus der Procurator vnd Fiscal/ desgleichen Sandelius der Stattschreyber. Es stünd auch zugegen Nicolaus Daminius der Oberst vnder den Schergen/der wartet auff die Herren/was sie in heysen wurden. Ge

e

gens

# Von den 5. Gottes Bekenñern

gen Witternachte saß darniden der Gefangne Johannes allein.

¶ **R**egermeyster die den handel fürnemlich  
fürten/waren dise nachge-  
schrybne.

**J**odocus Loueringus/Statthalter zu Mecheln/  
ein Jurist.

• **M**agister Noster. Nicolaus Copinus vō Berg/  
ein Regermeyster.

**M**agister Noster. Godscaleus Rosemund/ein Löuischer  
Theologus.

**M**agister Noster. Ruardus Enchusan/ein Löuischer  
Theologus.

**J**ohā Beck von Wörden/der arme vnnnd gefangene.

¶ **A**ssessorn vnd Beyfinger/waren dise  
nachgeschrybne.

**S**r Herz von Angen / Keyserlicher Maiestat In-  
nerster vnd geheymischer Rath.

Herz Gerard von Assendelff/Ritter.

**M.** Jacob Sasibodius/ein Jurist vnd Rath.

**M.** Rejnerus Brunehus/Procurator/ Fiscal/vñ ein Ju-  
rist.

**M.** Arnold Sandelinus. Diser war der Schreyber.

**A**ls sie nū nach ordnung (wie/ergandt gemeldet) ge-  
essen/sieng Louering der Statthalter zu Mecheln  
an/



an/vñ sagt zu dem  
gefangnen/ Wesh  
hastu dich dan bey  
dir selbers ent-  
schlossen? ¶ Joh-  
hannes. Eben des/  
danon ich allwege  
gesagt hab. ¶ Lo-  
uering. Wiltu dan  
noch nit widerrüf-  
sen? ¶ Johannes.  
Nyn/ich will nit  
widerüffen. ¶ Lo-  
uering. Du müst  
warlich entwed wi-  
derüffen/ od aber

Johannes  
will nit wi-  
derüffen.

als ein halßstariger Keger verbrant werden. ¶ Johan.  
Ich hab deren tröuwort nñ vil gehört/darumb frag ich  
inen nit nach/laß sie mich auch nit bekümmern. ¶ Loue-  
ring. Das du aber sehest das es mein rechter ernst ist/so  
schwör ich dir bey meiner Ritterlichen würde/das du den  
mornigen tag/sterben müst/dann du solt vns mit deiner  
halßstarigkeyt länger nit mehr auffhalten. ¶ Johan-  
nes. Ich sihe doch noch niemandts der holtz zu trege/Wa-  
rumb machen ihr nit frisch den scheyterhauffen/wann ich  
ihn höre neñen/so freüwet sich mein hertz. ¶ Louering.  
Du bößwicht/spottest erst vnser darzu. ¶ Johannes.  
Ich spotte eüwer nit/sondern ich verlache eüwer nichtige  
tröuwort. ¶ Louering. Meynstu dan das der Keyser

Johannes  
verachtet  
seiner feyn-  
de tröu-  
wort.



## Von den 5. Gottes Bekennen

so arm sey/dz er nyemands habe/der ein scheyterhauffen zusammen tragen vnd auffrichten künde: ¶ Johannes. Dasselb weys ich wol/lieber grosser Hans/dan auch diser Lychwald der am aller nächsten hie ligt/der kan euch gnüg holz geben/wan jr gleich zwey tausent menschen/die meines Glaubens vnd meiner Bekantnuß seind/verbrenen wolte. Ich hab nichts wiß die Keyserlich Majestat geredt. Dieweyl aber jr meine rechte Teüffel seydt/die mir für vnd für anders nichts/dan feur/holz/2c. tröu wē/so hab ich gedacht das beste zusein/dz ich euch mit meiner verachtung vberwinde. Dan dz jr verhoffen/ich werde die ein mal erkante vñ bekante Warheyt/widumb verleügnen vnd verschwören/da würt fürwar nichts auß/es wolte mich dan der Allmechtig Gott (das er doch/wie ich hoffe/nit thun würt) mit seinen Gnaden verlassen.

Die stund  
des todts  
würt Jo-  
hanne ver-  
kündiget.

¶ Louering. Dieweyl du dich dan dermassen geset-  
hast/so sag ich dir fürwar/morgen des tags müstu gewiß  
lich sterben. ¶ Johannes. Man thue mir doch den todt  
ein mal an/den man mir so oftmal getröuwer hat/vnd  
braucher euch des Gewalts/der euch vom Himmel zügelas-  
sen vnd gegeben worden ist. So will ich hieneben dem All-  
mechtigen Ewigen Gott von hertzen lob vnd danck sa-  
gen/das er mich so gnädigklich biß auff den selbigen tag/  
erhalten hat. ¶ Louering. Ja morgen müstu sterben/  
wir wollen dich länger nit mehr leben lassen. Derhalben/  
so rüste vnd schicke dich zü diser deiner letste stund/wie du  
vermeynst dir am nügsten vnd besten zusein. ¶ Johan-  
nes. Sehet/hie habt jr mich/ich bin bereyt zü allem wie es  
Gott gefalt/vnd mit mir haben will/das weys ich/Ein  
böse

böse stund/würt mir lange vñ ewiger üg schaffen. ¶ Louering. Du darffst nit gedencē/das es so bald werde zūge-  
hē/dein marter soll sich nit so bald endē. ¶ Joān. Ich hoff  
doch eüwer Tyrānisch blütdürstig hertz/soll in einem hal-  
ben tag sich an mir armen gnügsam erkülen vnd ersettē  
gen. ¶ Louering. Es ist alles was man mit jm ansahet  
verloren/Er würt doch nymer mehr besser. ¶ Mon. Er  
ist gang halßstarrig. ¶ Rosemund. Wir haben fürwar  
auff das aller freündtlichst gegen ihm gehandelt/ist aber  
auch alles vmb sonst gewesen. ¶ Louering. Ey so ver-  
künde ich dir/du Ergrezer/das nün mehr der letzte tag/  
an dem du der gepür nach / vnd wie du wol verdient hast/  
solt gestrafft werden/vorhanden ist. So erwöhle nün dir  
jergent einen/dem du deine sünd Beychtest. ¶ Johan-  
nes. Wan darff mir hierinnen die Wahl nit gebē. ¶ Lo-  
uering. So hör ich wol du wilt auch nit Beychten. ¶ Jo-  
hannes. Das sag ich nicht/darumb verstand mich recht.  
Wan wir vnser Sünd bekennen/so ist Gott ein treüwer  
Gott/der vns verzeyhung der Sünden zūgesagt hat.

¶ Louering. Wen begerest du nün zu einem Beichtu-  
zer? ¶ Johannes. Wen jr wölt. ¶ Louering. Wiltu  
einen Mönch oder sonst einen Weltlichē Priester haben?

¶ Johannes. Es gilt mir gleich. ¶ Louering. Wie/  
wan ich dir ließ einen Mönch holen? ¶ Johannes. Das  
magstu vol thun. ¶ Louering. Wiltu aber lieber einen  
Weltlichen Priester? ¶ Johannes. Ich frag gar nichts  
darnach/gebe mir welchen jr wölt. ¶ Louering. Wie/  
wan du Ruardo Enchusan beichtetest? ¶ Johannes.  
Jha/ Ich wills gern thun.

¶ Louering. Herr Magi-  
ster

# Von den 6. Gottes Bekennern

ster Noſter/ Ich bitte/wilt vnbeſchwert ſein/diſen men-  
ſchen Beicht zuhören.

¶ Enchuſan ſprach den Gefangenen an / vnnd ſagt/  
Mein Sün/wiltu mir dan Beichten? ¶ Johaṇes. Ja  
ich will. ¶ Louering. Wolan ſo gehet mit einander in  
diß nechſte gemach hinein. ¶ Enchuſan. Iha/laß vns  
ein wenig entweichen. Vnnd nūn Herz Johaṇ/Bekenne  
deine Sünd/was es dir alſo gefalt. ¶ Johannes.

Beicht vñ  
Bekennuß  
Johannis.

¶ Ich armer Sünder/vnd der ich Gottes zorn vilſal-  
tiger weiß wol verdienet hab/Bekenne/das mein eygner  
Vnglaub (dardurch wir allein von Gott abgeſondert  
werden) ſey die eynig uſach/vmb welcher willen ich mich  
nit dermaſſen/vnd alſo gang mit verachtung des zeytli-  
chen todts/auff Gott meinen Herren verlaſſen kan / wie  
wol von nöten. Bekē auch/das ich mit händen vnd füß-  
ſen/das iſt/mit allen meinen inwendigen begirden/wider  
Gott mich geſetzt hab/vnd im auch nye in rechtem Glau-  
ben/deß gleichen auch meinem nechſten in warer liebe mit  
luſt gedienet hab. Dan mir iſt alſo die neygung zur Sün-  
den angeboren/das ich warlich (wañ ich mich eygentlich  
anſihe) anders nichts dan die Sünd vnnd Vngerichtig-  
keyt ſelber biñ. In welchen ich auch von oben an biß vn-  
den hinauß ſo gar erſoffen vnd beſudlet lige/das ich war-  
lich / wa der / der zu einem Richter vber die Lebendigen  
vnd die Todten verordnet iſt/mit mir ins Gericht gehen  
wolte / mit ewigem Dölllichem feür müſte zu einer wol-  
verdienten ſtraff/verdampft werden. Aber ich hoff vnnd  
glaub/das ſolchen Jamer gnädiglichen hinnehmen/vnd  
von mir wenden werde/die vnaußſprechliche vnnd groſſe  
gütte



gütter Gottes / der seinen L yngebornen Sün für vns in  
todt geben hat / das mir in seinem Blüt / damit ich auch  
besprenget bin / durch die salbung des h. Geystes / vnnnd  
Bad der Widgeburt / alle meine Sünd gewaschen seind /  
ob si wol grösser seind dann der Sand am Meer. Diser  
mein glaub tröstet vnd versichere mich dermassen / das es  
bey mir ein gering ding ist / disen zeytlichen Todt leyden /  
dañ ich hoff ein vil bessers leben / welches auch nach disem  
auff vns wartet. Vnd bitte von herzen / das der Allmech-  
tig Ewig Gott / der in ewigkete gelobe vnd gebenedeyet  
ist / solchen Glauben in mir stercke / mehre / betreffte / vñ  
erhalte. Amen.

¶ Enchusan. Wolan far füre. ¶ Johannes. Souil  
hab ich allein gehapt / das ich hab Beichten wöllen.

¶ Enchusan. Heyst dañ das gebeichtet / wañ du kei-  
ne Sünden insonders / vnd mit namen erzölest vnd nen-  
nest? ¶ Johannes. Glaub mir / der Vnglaub ist nit ein  
Kleine schlechte Sünd. Dann vmb diser Sünden willen  
straffer der h. Geyst die ganze Welt. ¶ Enchusan. Bi-  
stu dir dañ selbers keiner besondern Sünden bewußt?

¶ Johannes. Wiltu dañ das ich dir Härerey / Trun-  
ckenheyt / Mord / Falschen Eydt / Spiel / zc. also an den Fin-  
gern nach ordnung erzölen soll? Ich bin mir aber diser la-  
ster keins bewußt / wiewol ich darumb nit gerechtfertiget  
bin. ¶ Enchusan. Deine irthumb vnd Kegerische Ar-  
tikel / die du haltest vnnnd lehrest / soltestu mir Beichten /  
auch dein Halsstarrigkete abbitten / Es sey dañ das du  
solche Sündē / für keine Hauptsünden erkennest. ¶ Johan-  
nes. Wiewol dise beyde grosse vnd Hauptsünden seind / so

weyß

Merck.

# Von den G. Gottes Bekenern

weyß ich mich doch derselbigen nit schuldig. Es seye dann das der ein Keger sey/der sich von seinem Herren Christo nit will lassen abreyssen/oder von seinem wort nichte will lassen auff menschen gebott vnd sayungen treyben.

¶ Enchusan. Welcher sich von der Kirchen absöndert/der söndert sich auch vom Herren Christo selber ab.

¶ Johannes. Ich freüwe mich von hergē/das ich von des Teüffels Kirchen abgesöndert würd/damit ich als ein lebendig glied der rechten Christlichen Kirchen möge eyngeleybt vnd zügerhon werden.

¶ Enchusan. Würdestu dan nit anderst Beychten/so will ich dir auch kein Absolution sprechen.

¶ Johannes. Wann du mich schon nit absolvierst/so ist doch ein anderer der mich Absolviret/vnd mir alle meine sünd verzeyhet/nemlich Gott im Himel.

¶ Enchusan. Wiltu dann des Priesters absolution verachten/vnd dich allein der Göttlichen vernügen lassen?

¶ Johannes. Warumb das nit. Es stehet doch geschryben/Matth. im xj. Capitel. Kompt her zü mir alle die ir mühselig vnd beladen seydt/ich will eüch erquicken.

Vñ Esdras im xliij. Capitel. Ich/Ich bins der ich eüwere sünde tilge/vmb mein selbs willen.

¶ Enchusan. Damit du auch in allen Artickeln vnd iha gnüg Lutherisch seyest/so verachtest du erst auch darzü mein Absolution.

O du ellender verzweyffelter Mensch.

¶ Johannes. Was soll ich aber thun. Du bist ye vnwillig darzü/soll ich dich dan darzü zwingen? das kan vnd will ich auch nichte thun.

¶ Enchusan. Wie kanstu doch so gar verwegen vnd fräuel sein/das du on verzeyhung deiner sünden/dich in todt hinein wage darffst? Fürchtestu dich nit auch vor

der

Von der  
Absolution

Gott ist  
der Recht  
Absolvire-  
rer.

der Hellen peyn/was ist das für ein frecher müßwill?

¶ Johannes. Gott der Allmechtig ist nit wie wir menschen/das er sich vnser nit solte oder wolte erbarmen. Ich glaub vnd weyß fürwar/das ich in Christo Jesu hab voll kōmēne verzeyhung aller meiner sünden. ¶ Enchusan.

Ach Gott/wie wehe thüt es mir/das du von der rechten müter der N. Christlichen Kirchē also abgesondert bleybest/vñ sren gewalt oder Schlüssel so stolzmütig verachsest. Ich weyß nit/was ich weyters thun soll. Was soll ich nūn den Herren die drīnen sitzen vnd warten/für ein antwort von dir bringen?

¶ Johannes. Wir gils gleich/du magst ihnen sagen was du wilt. ¶ Enchu. Es würt aber dir zū deinem glümpff nicht reychen. ¶ Johānes.

Darnach frag ich gar nichts. ¶ Enchusan. So hör ich wol du stellest mir heym/das ich das alles/wie es sich zwischen vns verlossen hat/der ordnung nach/ihnen drīnen/erzölet? ¶ Johannes. Jha. ¶ Enchusan. Wilt du aber lieber das ich deren ding aller geschweygen soll/damit sie dir nit etwan mehr verhaßter werden/so will ichs thun.

¶ Johānes. Du sagests oder schweygest/so gilt es mir alles gleich/Dann ich frag darnach gar nichts/Gott geb

frölich  
hertz des  
gefangnen

was sie von mir halten/oder vrtheylen. Das ist aber gewiß vnd war in meinem hertzen/das ich meinem Gott/ob ich schon eins schandlichen vnd schmählichen todes sterben muß/dannoch nit mißfallen werde. Dann jm allein Lebe ich/will auch jm allein(wie ich hoffe)sterben.

¶ Als nūn Enchusan(ein rechter gleißner)solchs von dem gefangnen Johanne gehört/ist er widerumb hinein zū den andern Ketzermeystern gegangen/vñ den gefang-



# Von den 5. Gottes Bekennern

nen allein gelassen. Welcher / als er ein zeytlang alleinig da gesessen vnd gewartet hat / wann sein Widerwertiger widerumb herauß kom̃en wolte / ist er zuletzt (wiewol vnberüßet) auch hineyn gangen. Vnnd hat daselbst den Gleyßnirischen Wā gefunden / das er sich mit weynenden augen vber sein / des gefangnen / verderben ernstlich beklagt hat.

Als er sich nūn auch widerumb nider gesetzt (wiewol vngeheysen) vnnd Enchusan die trähern von den Augen hinweg wischete / die andern aber in mit traurigen augen ansahen / Ist er widerumb vom Statthalter zu Wecheln auff nachfolgende weyß befragt worden.

¶ Louering. Wie hastu auch gebeychtet? ¶ Johannes. Jha. ¶ Louering. Bist auch Absoluiert? ¶ Johannes. Neyn. ¶ Louering. Warumb nit? ¶ Johan. Da hat mir diser mein Beychtuatter nit wöllen die Händ aufflegen / vñ mich Absoluiern. ¶ Louering. Was ist dā die vrsach / Herz Magister Moster / das ihr disen Menschen nit habe wöllen Absoluiern? ¶ Enchusan. Da hat er nicht recht / vnd wie es sich nach Bāpstlicher gewonheyt gepūret / wöllen Beychten. Vnnd allein etlich ding in gemeyn außher klappert / vnd jha (wie alle Ketzer gemeyniglich pflegen) der Beycht mehr gespoetet / dā sie mit ernst gemeynt. ¶ Louering. Wie weystu dā nit das du sterben müst. Hörstu dā nit das schon das Endurtheil dir zum Todt ergangen vnd gefelt worden ist? Warumb beychtestu dann nit auch zūvor / wie andere Christen leut thūn?

¶ Johannes. Ich habe gebeychtet / aber dem / der ohn zweyffel mein Bekañnuß freündlicher angehört vnnd  
auff

auffgenommen hat/dann diser Mensch. ¶ Louering. Solst du daß die Absolution dermassen verachten? ¶ Johannes. Ich sage doch nit/das ich die Absolution der Christlichen Kirchen verachte / dieweyl mir aber solche diser Mensch nit hat wollen mittheylen/so habe ich in fürwar mit gewalt darzu nit können zwingen vnd eringen.

¶ Louering. Wer will vnd würd dir daß/waß du sterben müß/die sünd verzeyhen? ¶ Johannes. Das Lamb Gottes/das der ganzen Welt sünd hinnimpt.

¶ Louering. Was thut wir/ihr meine Herzen/was thun wir? ¶ Montanus. Ein erschrocklich ding ist es/dz ein lebendiger Mensch dermassen/so gar kan verstockt sein. ¶ Rosemund. Man kan sich zu disem ellenden vnd arbeytseeligen Menschen nichts guts vnnnd keiner besserung weyters mehr versehen. ¶ Louering. Wie ist ihm doch/verdreüßet dich dann also weyters aufferden zulebē/das dir der Todt vil lieber ist/dann dises Leben? ¶ Johannes. Mein Herz Christus ist mir jha lieber / daß dises mein zeitlich leben.

¶ Louering. Hastu dann deinen Vatter nit mehr lieb/oder fragstu auch nach deiner Mutter nichts mehr? ¶ Johannes. Solt ich nit? Ich bin ye ein Mensch / vnd seind ye solche menschlichen neygungen auch noch in mir. ¶ Louering. Nün glaub ichs nit/die weyl dir deiner Eltern schand vnnnd schaden so gar wenig zuhergen gehet. Vnnnd müßt ohn allen zweyffel ein grausamer Mensch sein / das du mit diser deiner halbstarrigkeit villeicht deinen Eltern vrsach geben würst / das sie entweders hungers halben sterben / oder inen sonst einen schandlichen todt anthun werden. Dann das solten je-

# Von den 5. Gottes Bekennen

gunde auch für gewiß wissen/das vmb deiner willen/dein Vatter/der doch gang betrage ist/von seinem Sigrister Ampt/das er vil Jar gehabt hat/verstoßen ist. Weynstu nun das solche schand vnd solcher schaden einem so alten man nit wehe thue? Nun köndrestu jm/wa du nur selbers woltest/gar wol helfen/das er nit ettwan vor leyde sterben/oder andere ding/deren ich geschweygen will/ansehen vnd fürnehmen müste. ¶ Johanes. Meine Eltern seind mir zwar lieb/aber mein Herz Christus ist mir noch vil lieber/vnd achte derhalben ich solle dise sachen/die ein sach Christi ist/weyt meinen andern affecten vnd neygun gen fürsagen. So befehl ich meine Eltern dem Allmechtigen Ewigen Gott ihrem Vatter/der würt jnen ein sicherer züflucht sein/dahin sie getröst in allem irem anligen fliehen mögen. So zweyffelt mir auch nicht/der Allmechtig Gott hab meinen Eltern die Gnad verluhen/das sie disen meinen Todt (wie sie dann zuthun schuldig seind) im Herzen gedultig werden tragen vnd auffnehmen. ¶ Louering. Wie stehet es dann vmb dein Weyb? ist dir dieselbig angelegen? ¶ Johanes. Niemandt hat yemals sein eygen fleysch gehasset. Ich bekenn/das ich sie lieb hab/aber im Herzen. Ein andere liebe begert sie nicht/das weys ich wol/bin jr sie auch nicht schuldig. ¶ Louering. Ich gedenc aber die sach sey vil anderst beschaffen/dann wie du sagst/Dan (wie mich bedunckt) hastu scho an jr verneinw gerner/vnd magst deine jungen tag mit ihr/dieweyl sie etwas elter ist/länger nit zübringen. Vnd dis würt die vrsach sein/darumb du lieber in diser falschen beredung deiner Religion sterben/dann widerumb zü ihr keren/vnd sie

Johanes  
hat Vatter  
vñ Mütter  
lieb/aber  
Christum  
noch lieber

Johannes  
würdt seins  
Weybs hal  
bē gefragt

traut.



erarrige vnd vnfruchtbare beywohnung thün wilt. Was gilt es ich hab erhaben? ¶ Johannes. Es ist nit war/ wie du sagst. Dañ ich liebe mein Frauw/ wie ich jr dz durch Eheliche treuw zügesagt vñ schuldig bin. Kan aber auch solche liebe leichtlich widerumb faren lassen/ wann michs mein Gott heysen würt. Dañ es sagt auch der Herr Christus/ dz der nit sein rechter Jünger sey/ 8 nit verlasse Vatter/ Mütter/ Weyb/ Acker/ &c. vnd folge jm nach.

¶ Louering. Wan wir dich dañ auß diser Gefäncknuß ledig liessen/ woltestu auch widerumb zü deinem Weib treten/ die dich doch in solchen Jamer vnd schmerzen gesetzt hat? ¶ Johannes. Warumb wolt ichs aber nit thün/ diu weyl sie doch beyn ist von meinen beynen/ vñnd fleysch von meinem fleysch. So darff ich jr auch die schuldt dises meines leydens nit geben/ so wenig der Herr Christus die schuldt seines todts dem Vatter gegeben hat. ¶ Louering. Wie? Woltestu dich dañ auch freüwen/ wann wir dich auß disen banden ledig/ vnd ziehen liessen/ wa du hin woltest? ¶ Johannes. Wan jr das theren/ so were es mir lieb. Ob jr es dann schon nit thünd/ so will ich darumb nit traurig sein. Ich ergibe mich gänglich in den willen des Allmechtigē Ewigen Gottes/ man handel vñ gehe recht mit mir vmb/ wie man wölle.

¶ Louering. Wie wan wir dein weib liessen hieher beruffen/ woltestu dann auch der länge nach mit jr red halten? ¶ Johannes. Ich möchte es wol leyden/ vnd begeret es auch/ wann es nur möglich were. ¶ Louering. Woltestu dañ auch/ wa man dir zü ließe/ sie beschlafen?

¶ Johannes. Psuh der schanden. ¶ Louering. Wie

f ij

das?

Papisten  
seind vn-  
nerschamp  
te leüt.

# Von den G. Gottes Bekennern

dich hierüber gestrafft hette/on zweiffel bald erkane/vnd wa du sie dann auch frey Bekant vnd gebeychtet hettest/Verzeyhung erlangt haben. Jergunde aber dieweyl du dein eygen Weyb beschlaffen hast/vnd solches für ehrlich haltest/so würestu noch lang nit solche deine Sünd abbitten/vnd bist deßhalben auch nit werde/das sie die verzigē werde. Dise nün dein Halsstarrigkēyt/vnd dises dein vn̄ büßfertig hertz verdreüßet den Herren Statthalter.

¶ Johānes. Wann jr mit solchen faulen nichtigen vn̄ losen entschuldigungen vnd aufreden auch den Richter/der im Himel wonet/köndtē betriegē/ so würd eüwer sach recht stehen. Aber jr solt wissen/das der Allmechtig Gott seiner nit dermassen lasset spotten. ¶ Louering. Wann neme disen verzweyffelten böshafftigen menschen/vnnd füre in widerumb in sein gefäncknuß.

¶ Also hat nün solche jergterzölte dritte vn̄ letzte handlung ein End genomen/vnnd hat sie der gefangne selbers im Kercker vilgemeldtem Wilhelm Gnapheo/der dann hart bey jm auch gefangen lag/also das nur ein brüderliche wandt zwischen jnen beyden war/nach ordnung erzölt vnd selbers angegeben.

¶ Als nün aber solche disputation vnd handlung volendet/vnd es nün nacht worden war/ist der frome Martyrer Johānes durch den Kerckermeyster etwan vmb die zehene/gantz heymlich vnd in der stille/auf seiner gefäncknuß geführt worden/als solte er mit seiner Hausfrauwen (die dan inwendig im hauß zugegen war) spraach haltē. Aber dise Teüfels Kinder/der ein Vatter ist aller Lügē/haben disen fromen mit lügenworten betrogen/vnd mit

ver

Johannes  
würt bey  
nacht auß  
seiner Gefäncknuß  
in ein gewölb geführt.

vergebner freüden geäffet. Dann sie füretē in nit zū seiner frauen/sond in ein andere vñ besondere gefändnuß / so vnder der erdē war/dahin man dann auch etlich tag nye mädts gehē ließ. Vñ zeigtē mit diser gsändnuß gnügsam an/das er nün mehr zūm Todt verurtheilt were. Daselbst ist nün diser vnser martyrer im stock mit gebundnē füßen gefessen vier gāger tag aneinand. Aber hie ward auch zuletzt sein Glaub vñ beständigkeit zūm höchsten vñ auff mācherley weyß vñ weg probiert vñ angefochtē/jetzt von Gewaltigē grossen leütē/jetzt von Mönchē/Priestern / auch Regiments personen / vnd andern auß dem gemeynen pöfel/welche alle von den Sophisten dahin verordnet vñd gesandt worden/damit sie in versüchen/vnd zūm Widerwüßendelich dringen möchten. Es war aber alles vmbsonst/dañ er wolte nit ein haar breyt von ein mal erkānter vnd bekānter warheyt/abweyden.

Johannes  
vilseltiger  
weyß ange  
fochtē aber  
für vnd für  
beständig  
blyben.

¶ Hie kan ich auch nit vnderlassen/das freündelich gespräch/so auch sein eygner vatter mit im gehalten hat. Als der frome alte Man/sein Vatter / sahe/ wie sein Sün der gefangne/ im glauben gegen Gott vnd seinem H. Wort/ gang wol gegründt vñd getröstet war/vñd nün mehr auch wolte den H. Bestandt mit seinem Blüt verthādingen/also das er auch nach dem Todt nichts mehr fragete/vñd sich nichts mehr annemen wolte aller deren dingen/die in von seinem fürnemen hetten mögen abwendē / oder auch dieselbigen/mehr dann den Herren Christum liebē/ Hat er ihn noch mehr hertzhafter machen wöllen / vñd im zūgesprachen vnd gesagt/Er solle nur Mālich vñd wol getröst bleyben/dan Er (der Vatter) seye auch schon

Gespräch  
so Johannes  
mit seinem  
Vatter vor  
seinem todt  
gehalten  
hat.

g willig



# Von den H. Gottes Bekennern

willig vnd bereyt/nach dem Exempel des H. Abrahams/  
ihn/wiewol er jm herglichen lieb/vnd von jm nyemals sey be-  
leydiget worden/dem Allmechtigen Ewigen Gott auff-  
opffern. Welche red aber des Vatters den Ketzermey-  
stern trefflich mißfallen/vnnd alle Widerwertigen zum  
höchsten verdrosse hat.

¶ Was nit zulang were/were es ja der arbeyt in alle  
weg wol werde/das man nach ordnung erzölete/welcher  
gestalt vnnd mit was antwort er in disen vier tagen/al-  
le so von vñ zu jm giengen/entpfangē/auch mit was wor-  
ten vñ herlichen vermanungen/er sie widerumb von sich  
gelassen habe.

¶ Letztlich aber/dieweyl die Sophisten vnd Widersä-  
cher wol sahen/das sie nichts schaffen wurden/sie griffens  
recht vñ versuchten es mit diesem Allerbeständigste Mär-  
tyrer wie sie wolten/gedachten sie in zünnerbrennen. Danz  
der Hencker/Schwerdt/Strick/Galgē/Feur/Wasser/2c.  
seind der Papisten letzte Argumente/damit sie wider die  
recht war Gleübigen vnd Gottes Kinder streyten vnd  
fechten/wie das in allen Hystorien zusehen ist.

¶ Bald ward der scheyterhauff/darauff er solte ver-  
brant werden/zusamen getragen vñ auffgerichtet. Dan  
verkündiget auch dem gefangnen sein letzte stund/welche  
Botschafft er mit grosser freud seines hertzen angehört  
vnnd entpfangen hat. Vertryb also dieselbige nacht mit  
ernstlichen vnd Heyligen gedanken/auch mit lesung der  
H. Göttlichen Schrifften/thät doch auch ein feynen vnd  
ruhigen schlaff.

¶ Am nachgehenden tag sassen auff dem gerüst/so vor

des

Merck.

Wie Johan-  
nes die  
Botschafft  
von sei-  
nem rodt  
entpfangen  
vnd die let-  
ste nacht  
vertriben  
hab.



des Fürsten Pal-  
last auffgeschla-  
gen war/in beson-  
deren Stülen/die  
mit köstlicher Ta-  
petzerey behende  
waren(damit mā  
sie desto baß sehen  
kündte) an einer  
seyten Herr Mont-  
tignus & Graff  
zu Hogstratē mit  
allen Obersten  
Räthen in ganz  
Holland / auff  
der andern seyten

aber/sassen nach ordnung/Herr Ridderus der Weyhbis-  
choff Prediger Ordens. Bey ihm sassen die vngelehrter  
aber köstlich bekleydete Apt. Nach in folgten die verord-  
neten Regermeyster. Witten auff dem gerüst/war ein  
Cangel auffgerichtet / von diser Predigt ein Barfüßer  
Mönch genandt Leyden / mit grossem geschrey / oder vil  
mehr/heülen. Ein Ellender Mensch / der beyde am Leyb  
vnd an der Seelen blindt war. Diser erzolt des frommen  
Martyrers Artickel vor allem Volck/vnd zeygte an / wie  
das sie allesamt irrig vnd Kegerisch weren. Vnd als er  
auff den Artickel von der Priester Ehe kam / sagt er mit  
aufgetruckten Worten/das diser Johannes nit darumb  
verdampft were wordē/das er ein Weyb beschlaffen hette/

# Von den H. Gottes Bekennern

Sonder diweyl er gewaltig vñ mit ernst hetz wöllen bestreyten/ das der Priester Ehe nit sünd oder vnrecht sey/ darumb werde er billich verbrant.

Johanni  
würt nicht  
vergönnet  
sich zuuer-  
antworten.

¶ Nach vollendung diser predig/ die dann gang vn-  
gereympt vnd iha Gottslesterlich gewesen war/ wendet  
sich der gefangne Johannes mit seinem Angesicht zu dem  
Volck/ wolt dises alles widerlegen/ Sieng an/ vñnd sagt/  
Nün sehet jr/ lieben brüder wol/ mit was grossem gewalt  
vñnd Tyranny der Antichrist dises sein Keych erhalte/  
schünge vñ schirme. Wolt also weyters reden (dañ er noch  
vil sagen wolt) aber Nicolaus Dammius der Oberste vñ  
der den Schergen/ zoge in gang zorniglichen widerumb  
zu ruck/ vñnd eröuwet jm öffentlich/ wa er nit dz maul still  
halten vñnd schweygen wolte/ so wolte er ihm ein bengel  
darein binden/ vñ also wol schweygē machen. Ab welcher  
red der gemeyn Dañ sehr bewegt vñd vnlustig ward. Je  
doch folget der frome Mensch Johannes/ irer Tyrāney/  
nit anderst/ dañ wie ein Schäßlin dz zur Schlachtbandt  
geordnet worden ist.

Johannes  
würt Ent-  
weyhet.

¶ Nach solchem ward er Entweyhet (wie mans nen-  
net) vom Weyhbischoff Jacob Ridder. Diser zog jm mit  
gewöhnlichen Ceremonien alle Priesterliche Kleydung  
auß/ beschar in/ vñnd stellet ihn zu einem Spectackel vñnd  
schauenspiel für/ allem Volck.

¶ Als er nün aber aller solcher Priesterlicher Kley-  
dung (die er dañ als die verflucht warē/ selbers vñd dem  
Entweyhē mit vnwürse wegthet) beraubet war/ sagt er  
öffentlich/ Nün sihe ich einem Christen Menschen vil glei-  
cher/ in diser meiner Weltlichen Kleydung/ dann ich zu-



# vnd Martyrern/der iij. cheyl. crif

nur gesehen hab. Bald gaben sie ihm ein Gelb Kleydt an/ welches aber äng gemacht war/ vnd als er das anstreysen wolt/sagt er/Wolan/diſſ Kleydt ſoll auch wie dem Herren Chriſto/mein ſpottkleydt ſein. Es ſtehet aber wol. Weyters ſetzten ſie im auch auff ſein haupt einen hüt von gleicher farb/mit ohren/damit er allē Volck wie ein Narz fürgeſtellet wurde. Als er nün mit diſer ſelzamen vñ neuwen Kleydung angethon/vnnd von aller welt verachtet war/hat er ſein Endurtheyl/durch den Procuratorn verlesen/mit frölichem freüdigem hertzen angehört. Nachmals ſelbers freywillig zum todt geeylet. Sein Angeſicht vnd Augen hat er für vnnd für/auch biß in ſein leſt ende/frölich behalten.

Wie ſich Johannes zur zeyt ſeines ſterbens gehalten habe.

¶ Als er aber für den Kercker gieng/tröſtet er vñ vermanet zu gleicher Marter ſeine mitgefangne brüder/mit lautter ſtim/vnnd ſagt / Ach lieben brüder/ich würd nün zur Marter vnd zum todt außgeführt/Seind wol getröſtet/vnd retten dem H. Euangelio ſein Ehr/ als dapffere Kriegsknecht Chriſti/bewegt durch mein Exempel. Diſe ſtüm̃en namen die Gefangenen cynhellig vnnd mit ganz frölichem hertzen auff/rüffeten auch vom Kercker öffentlich. Bald aber ſiengen ſie etlich Kirchen geſäng an/zusiſſen gen/dardurch ſie ſein Marter vnd ſeinen Todt lobten vñ preyſetē. Dann/ob wol die ſeynde Chriſti grißgrameten/ſo ſangen ſie doch nit deſto weniger diſe herrliche Lob vñ Dancklieder. Als/ Te Deum laudamus, &c. Dich Gott wir lobē/ &c. Certamen magnum, &c. Vnd Obcata ſanctorum Martyrum ſolennia, &c. Höreten auch nit ehe vom geſang auff/ diſe nachgeſchrybne frome Māner/Bernardus Mönch/

Johannes tröſtet ſeine andere mitgefangne Chriſten.

Bernardus Mönch.

g iij Gerard

# Von den H. Gottes Befehern

Gerard  
Normar.  
Wilhelm  
vō Vtrich.

Gerard Normar/vñ Wilhelm von Vtrich/ biß das diser vnser Martyrer Gott seinen Geyst auffgeben hat.

Dises herrlich Lob vnd Siggel sang bewegt die hertzen der Seynden vnd Verfolgern Gottes dermassen/ das gemelte Männer ohn zweyffel gerad auch am morgenden tag gleiches todes hetten sterbē müssen/wa nit die Widerwertigen ab dem beständigen Tode des fromen Johannis weren kleinlaut vnd erschlagen worden.

Johā ver  
zeücht dem  
Hencker.

¶ Als nūn aber der gefangne auff den Scheyterhauß sen hinauff gestigen/vnd der Hencker in bat er wolte ihn verzeyhen/das er ihn also tödtē müßte/redt er in freündtlichen an/neñet in einen brüder/vñ ließ in also widerumb von sich/yedoch erzölte er im die Prophecey/die er im vergangnen Jar zū Harlem von seiner person gethon hatt/Dann er hat im selbers/auff eyngabung vnd ansag seines hertzens geweyssagt/das er dermalen eins vmbß Euangelij willen/in des Henckers handt kōmen wurde.

Christlicher  
abscheydt  
des fromen  
Johannis.

¶ Weyters/als er nūn zūm Feür/ye länger vñ ye näher geführt ward/chäte er das hertz vornen selbers auff/dz im der Hencker das pulser darein werffen kōndte. Nach solchem ist er selbers auff den stül gestanden/vñnd seinen rücken hert an den Psal/der auffrecht stünd/gehalten. Als er aber vermerckt dz der Hencker im nach dem Hals greiffen wolte/redet er mit frölichen sigreychen Worten den Todt selbers an/vnd sagt. O Hell wa ist nūn dein rhūm? Todt wa ist nūn dein Sig? Der Todt ist verschlungen im Sig des Herzen Jesu Christi. Demnach streiffet er den strick/damit in der Hencker erwürgē wolt/selbers an dem Hals/Sahe anff gehn Himel/rüffe vnd sprach/ Herr Jesu verzeyh



verzeyhe ihnen/  
dañ sie wissen nie  
was sie thun. Vñ  
als der Hencker im  
würget / rüffet er/  
vnd sagt/ O Jesu  
Christe / du Süß  
Gottes / gedend  
mein vnd erbarme  
dich mein. Vñ als  
er solches gesagt/  
ward jm 8 arthem  
entnommen/ vnd er  
nachmals ver-  
brañt. Aber wies

wol in der Hencker dermassen mit gewalt würget / so hat  
er doch kein glid an seinem Leyb/sein haupt auch nie gere-  
get/oder die Augen verwendet/wie dañ gemeyngtlich be-  
schicht/ Welches an disem theuren Martyrer insonders  
vñ wol zumerckē ist. Du hetttest müssen frey bekennen / vñ  
sagen/das diser vnser Martyrer in einem rechtē lieblichē  
schlaff hingefaren were / wie er auch warlich hingefaren  
ist/dañ er lebt mit dem Herzen Christo / entledigt von al-  
lem Jamer vñ Ellend/ Als einer der von der Bekantnuß  
Christlichs namens auch mitte im todt nie abgewichē ist.

¶ Ein solche beständigkeyt zūuerharren biß in ein see-  
lig End/verleyhe vns allen der Allmechtig Ewig Gott/  
der mit sampt Jesu Christo vnd dem heyligen Geyst/lebt  
vnd regiert/ein Gott von ewigkeyt zū ewigkeyt/ Amen.

Wendelmüt




Von den H. Gottes Bekenñern  
Wendelmüt/Claus Tochter  
von Münchendam/ein  
Witwe.

¶ Die History von diser Gottseligen lieben Wit-  
frauen/wie sie nemlich auff den xv. tag des Wintermonats im  
Jar M. D. vnd XXVII. gefänglich ist vom Schloß  
Wörden in den Hag geführt/daselbst verhöret/vnnd folgendes auff  
den xx. tag gemeldtes Monats verbrunnet worden/Ist vormalts  
auch durch den Truck außgangen/vnd hab ich sie eben  
mit den selbigen Worten/hienach auch  
setzen wollen.

**A**uff den xv. tag Nouembris / ist  
Wendelmüt / Claus Tochter von Münchens-  
dam/in den Hag gebracht / von dem Schloß  
Wörden/gefangen / Vnd so ist auch Jrenthalo  
ben der Graff von Hochstraten / Statthalter von Hol-  
landt/in den Hag komen / an dem xvij. tag desselbigen  
Monats.

Mancher =  
ley fragen/  
damit dise  
liebe Wit-  
fraw vor der  
Oberste in  
Hollandt  
versucht  
worden.  
Auff den xvij. tag ist die vorgemeldt Wendelmüt für  
den Statthalter/vnd den vollen Raht von Hollandt ge-  
bracht. Da fragt sie einer. ¶ N. Frauw habt jr euch wol  
beschaffen/vñ bedacht auff die ding/die euch meine Her-  
ren fürgelegt haben? ¶ Wendelmüt antwortet/Was  
ich geredt hab/da bleib ich noch vestigklich bey.

¶ N. Wa jr nit anderst redet/vnd euch von dem Jre-  
thumb keret / so würt man euch einen vnleydlichen todt  
an thün. ¶ Wendelmüt antwortet/Ist euch der gewalt  
von oben gegeben/so biñ ich bereyt zuleyden. ¶ N. Der  
halben



halben fürchten jr den todt nit / das jr den nit geschmecket haben.

¶ Wendelmüt. Das ist war / Ich soll auch den todt nimmer schmecken / dan Christus spricht / So jemand mein Wort würt halten / der würt dē todt nit schmecken ewigklich. Aber 8 Reich Dan

schmecket den todt / vnd soll in ewigklich schmecken.

¶ N. Was halten jr vom Sacrament? ¶ Wendelmüt. Ich halt eüwer Sacrament für Brot vnd Wäl / vñ wa jr leüt das für einen Gott halten / so sag ich / das es eüwer Teüfel ist. Vom Sacrament.

¶ N. Was halten jr von den Heyligen? ¶ Wendelmüt. Ich kenne keinen andern Mitler / dann Christum. Von den Heyligen.

¶ N. Ihr müßt sterben / wañ jr hiebey bleyben. ¶ Wendelmüt. Ich biñ schon gestorben. ¶ N. Seydt ihr gestorben / wie kōndt jr dann reden? ¶ Wendelmüt. Der Geyst lebt in mir / der Herr ist in mir / vnd ich bin in ihm.

¶ N. Wölt jr einen Beichtuatter haben / oder nicht? ¶ Wendelmüt. Ich hab Christū / dem beichte ich. Aber nicht desto minder / wa ich jemandt erzürnet hette / so will

Christus ist der rechte Beichtuatter.

h) Ich die

# Von den G. Gottes Bekennen

Ich die selbigen gern bitten/das sie es mir verzeyhen. ¶ N. Wer hat euch diese meynung gelehrt/vñ wie kompt jr dar zu? ¶ Wendelmüt/Der Herz/der alle menschen zu ihm zeühet/auch bin ich eine von seine schaaßen/derhalbē hör ich sein stin. ¶ N. Seydt jr dan allein berüffen? ¶ Wendelmüt. Neyn ich. Dan der Herz berüffet alle die zu ihm/die beladen seind.

Wendelmüt würt in Kercker von mancherley personen versücht vñd angesochten worden/nemlich von Mönchen/von Pfaffen/von Frauen/vñd von ihren nächsten freunden.

¶ Nach vil anderen dergleichen worten/ist sie wider kumb in den Kercker geführt/zwischen den zweyen nachfolgenden tagen ist sie von mancherley personen versücht vñd angesochten worden/nemlich von Mönchen/von Pfaffen/von Frauen/vñd von ihren nächsten freunden.

Wendelmüt will nie schweygen/sonder die warheit bekennen.

¶ Vnder andern kame auch ein Frau zu jr auß eyns saltigkēyt/versücht vñd beklagt sie/auff diese weyse/liebe Mütter/köndt jr nit dencken was jr wölt/vñd schweygen still/so werdet jr nit sterben. ¶ Da antwortet ihr Wendelmüt/vñd sprach/Liebe Schwester/es ist mir besolhen zureden/vñd ich bin darzu berüffen/also das ich es nicht soll/noch mag schweygen. ¶ Antwortet ihr die Frau/so fürcht ich das sie euch tödten werden. ¶ Wendelmüt. Ob sie mich morgen verbrennen oder in einen sack stecken/gilt mir gleichvil/wie es der Herz fürschen hat/also würt es geschehen/vñd nit anders. Ich will bey dem Herze bleyben. ¶ Da sprach die Frau/habt ihr nichts anders schon/so hoff ich das jr nicht sterben werdet. ¶ Wendelmüt. An mir ist es nit gelegen/aber als ich vom Saal oben kōmen/schrey ich sehr/dann es jamert mich/da ich alle die hüpfchen Männer daselbst sahe/das sie noch verblendet seind. Ich will aber den Herren für sie bitten.



# vnd Teylern/der iij. theyl. cxxx

Es seind auch schwarze/ oder Prediger Mönch zu ihr  
 kommen/einer als ihr Beychtuatter/der ander als ein Vom hülz  
 zū Creutz.  
 derweyßer/der zeygte jr das Creutz vñ sprach/Sehet allhie  
 ist eüwer Herz/eüwer Gott. ¶ Antwortet sie/das ist nit  
 mein Gott. Es ist ein ander Creutz/dardurch ich Erlö-  
 set bin. Dis ist ein hülzener Gott/werfft in in das Feür/  
 vnd wörmet eüch darbey.

¶ Der ander fragt sie desselbigen morgens als sie ster-  
 ben solt/Ob sie nicht das Sacrament entpfahen wolt/er  
 wolte es jr gebē. ¶ Disem antwortet Wendelmüt/Wz  
 Gott wolt jr mir geben:den ihr auff vergangene Ostern von der  
 vmb ein deüt/oder heller/verkauften:vnd zu einem Pfaffen-  
 sen/oder Canonick/sagt sie/welcher sich erfreüwet das er  
 den tag Mess gethon hette/das er Gott auffß neüw ge-  
 creüziget hette.

¶ Da sagt N. mich beduncket/das jr verdollet seydt.  
 ¶ Antwortet ihm Wendelmüt.Das kan ich nit bessern/  
 mein Herz/mein Gott(dem in Ewigkeyt/Ehr/Lob/vnd  
 Danck sey)hat mich also gemacht.

¶ Als sie einmal gefrage ware von dem Heyligē Del/  
 da sagt sie/Del ist güt auff einē Salat/oder eüwer schüch Vom Del.  
 damit zuschmieren.

¶ Auff Mitwochen des Morgens bracht man sie zu Beständig  
 Hoffe/Als sie nün in dē Saal kam/Da gieng der Mönch Feyt der  
 zu ihr/vnnd hielt ihr das Creutz für das angesicht/vnnd Gottseligē  
 sprach/Widerzüfft doch zuuor vnd ehe das vrtheyl geben Wendel-  
 würt. ¶ Sie aber wendet sich von dem Creutz/vñ sagt/ müt.  
 Ich bleybe bey meinem Herzen/bey meinem Gott/weder  
 todt/noch leben soll mich darvon scheyden.

b ij Da

# Von den 6. Gottes Bekennern

Da sie aber für die Richter came/da lüspelt jr der Mönch in das ohr/sagende/fallend auff eüwere kny/vnnd bitten die Herzen vmb gnad. ¶ Antwortet Wendelmüt ihm/Schweyg du/hab ich dir nit gesagt/das du mich nit von meinem Herzen ziehen soltest.

Ortheyl  
wid Wendelmüt  
verlesen.

¶ Der Dechan vō Naeldwich Subcomissarius vñ Inquisitor/lase die vrtheyl auß einem brieff auff Lateinisch/vñ widerholets in Teütscher spraach/allein auffs kürzst/das sie erfunden were in einem mißglauben vom Sacrament/vnd das sie halßstarriglich darbey blybe/vnd beschloß es mit dem/das sie ein Kegerische were/vnd vbergabe sie in die Weltliche handt/mit der protestierung/dz er in ihren tode nicht verwilligte. Darnach gieng er auß dem Rath mit seinen zweyen Beysigern/als Geystliche Männer. Von stund an würt bey dem Cansler gelesen/das nach dem sie ein halßstarrige were erfunden/welche nit vngestraft möchte bleyben/dz sie zū pulser solt gebrennet/vnd all jr güter Confisciert werden.

¶ Da sprach Wendelmüt/ Ist's nün alles geschehen? Ich bitt euch alle/ob ich jemandt mißhon oder erzürnet hette/dz jr mir das verzeyhen. ¶ Da sprach der Mönch zū ihr/Küsset nur eüwern Herzen ein mal. ¶ Antwortet ihm Wendelmüt vnd sagt/das ist mein Herz nit.

Wendelmüt will  
die Jungfraw  
anrufen.

¶ Im abgehen von der Rathkammer/ Sprach der Mönch/das sie vnser liebe frauw solt anruffen/das sie für sie bitten wolte.

¶ Wendelmüt antwortet/vnser Frauw ist inn Gott wolzufrieden. ¶ Mönch/Küsset sie an. ¶ Wendelmüt. Wir haben den Herzen/der sitzet zur rechten seines Vatters/

Vatters / vnd bitter für vns. ¶ Als sie nün von dem  
Saalkam / vnd gieng zum Galgen oder gericht. Da sage  
der Mönch / Sehet doch nur eüweren Herren einmal an /  
der für eüch gestorben ist. ¶ Wendelmüt aber antwor-  
tet ihm / vnd sage / Der ist mein Herz nie / Mein Herz mein  
Gott ist in mir / vñ ich bin in im. ¶ Mönch. Sehet vmb /  
wölt jr alle dise Schäßlin verurtheilen / vnd seind sie al-  
le verdampft. ¶ Wendelmüt. Nit alle / dz vrtheyl aber ges-  
hört Gott zu. ¶ Mönch. Fürcht jr eüch für dem gestrengē  
vrtheyl Gottes nit. ¶ Wendel. Gott kompt nie die Sün-  
der zu vrtheilen / sonder vmb friden zu geben. ¶ Mönch.  
Es ist ein Artickel des glaubens / das er würt vrtheilen  
die lebendigen vnd die todten. ¶ Wendelmüt. Dz würt  
er jetzt nit thün. ¶ Mönch. Fürchtet jr nit das vrtheyl  
das ihr in einer stund werden leyden. ¶ Wendelmüt.  
Neyn ich / dan ich weys wie ich mit meinem Herren stehe.

¶ Auff dem gerüst sprach d Mönch zu jr / wendet eüch  
vmb / vnd bitter die leüt / das sie es eüch verzeyhen wölle /  
das jr jnen ein böß Exempel gebt. ¶ Auff dise wort ant-  
wortet sie nichts. ¶ Ein anderer stund darbey / vnd  
sagt / Mütter / wendet eüch vmb zu dem volck / vnd bitter  
sie / ob jr jemandts erzürnet heeten / das sie es eüch verzey-  
hen / dann das soll vil helffen. ¶ Das thet sie. ¶ Dar-  
nach halff sie dem Myster / das pulser in den büsen steckē.

¶ Wie versüchet sie widerumb der Mönch mit dem  
Creüz / welches sie mit der handt von dannen stieß / vnd  
wendet sich vmb / sagende / Ey wie versüchstu mich / Mein  
Herz mein Gott ist hie oben.

¶ Darnach gieng sie frölich / als ob sie zu einer Hoch-

Wendel-  
müt geht  
mit freudē  
zum Feür.




# Von den 5. Gottes Bekennern

seyt solt gehen/vnd entsetzet sich vñ jr gestalt gar nichts/  
für dem feür. ¶ Mönch. Wölt jr nie statts oder immer  
dar bey Gott bleyben? ¶ Wendelmüt. Ja ich fürwar.

¶ Mönch/vñ bey dem heyligen Euangelio. ¶ Wendel  
müt. Ja ich. ¶ Der Mönch sprach / Sehet jr müßt jerge  
ins feür gehē/nün widrufft noch. ¶ Wendelmüt. Ich bin  
wol zufriden/des Herren will muß geschē. ¶ Mönch.  
Das ist des Herren will nie/der will Gottes ist eüwer hey  
ligung. ¶ Darnach sagt der Hencker / Mütter / bleybee  
bey Gott vnd laßt euch von Gott nie ziehen. Wiler zeye  
gieng sie allein vnerschrocken dem stül zū/vnnd füget sich  
selbs an den stock/daran man sie verbrennet/vnd sagt al  
so/Sehet der stül auch vest/werde ich auch fallē. ¶ Da  
macht der Hencker die Seyl bereyt / damit er sie würger  
wolt/Da band er ire kleyder widerumb zū. ¶ Die Frau  
aber thet ab iren Schleyer/vnd füget den stropff an iren  
halß. ¶ Da schrey der Mönch / Wendelmüt / wölt ihr  
auch sterben als ein Christen Mensch? ¶ Wendelmüt  
antwortet/Auwi ja. ¶ Mönch. Ihr verleügnēt alle  
Kegerey? ¶ Wendelmüt. Jha ich. ¶ Mönch. Haltee  
jr euch nie an die Christenliche Kirch/vnd verleügnēt al  
le irrthumb? ¶ Wendelmüt. Jha ich. ¶ Mönch. Das  
ist güt/derhalben ist es euch auch leydt/das jr geirret ha  
ben? ¶ Wendelmüt. Ich hab vormals wol geirret/das  
ist mir leydt/aber diß ist kein irrthumb/sonder der rechte  
weg/vnd ich bleybe bey Gott.

¶ Als sie das nün geredt hat/da sieng der Hencker an/  
sie zū erwürgen/da sie das fület / schlug sie ire augen nider  
vnd hüpsch zū/als ob sie in einen schlaff gefallen were. Von  
stund



stund an/ da sie dē  
Geyst auffgegebē  
hatte/vñ erwürge  
war/sahemā an/ er  
nichts d̄z sich regt/  
dañ allein die fin-  
ger/ an beydē hān-  
dē/die sie an jrē sey-  
ten/zñuor nīd ham-  
gē hatt lassen/ Da  
lieff der Prediger  
Mōnch zñ brüder  
Jacob/ Claus sūn  
von stund an mit  
dem Creüz / von  
dem gerüst / vñnd

ein jeglicher mensch vrtheyle dise Frauw/ darnach er die  
sach verstünde. Es wer aber nit güt das Gottes vrtheyl  
nach des menschen vrtheyl solt außgehen.

¶ Also hat die vorgenant frauw Wendelmüt dis  
lebē verlassen/ auff den xv. tag Nouem-  
bris in dē Wage. Anno M. D.

XXVII.

M. Georg

# Von den H. Gottes Bekennen

M. Georg/ein Prediger zu  
Hall in Sachsen.

¶ Die History von diesem theuren man/vnd Bekenn  
ner Euangelischer Wahrheit/ist hievor von S. Martin Luther/im  
Jar M. D. vnd XXVII. zu Wittemberg mit angehen  
ckter Tröstunge/an die Christen zu Hall/durch den Truck außgan  
gen/vnd auß dem selbigen hienach in disen Dritten  
theyl vnserer Historien von den H. Mar  
tyrern/von wort zu wort ge  
setzt worden.

Allen lieben Freünden Christi zu Hall/  
Martinus Luther.

**G**rad vnd Frid in Christo Jesu  
vnserm Herren vñ Heylandt/Amen. Ich hab  
mir längstst fürgenomen/meine lieben Herren  
vnd freünde/eiwer liebe zuschreiben/eine ver  
manung vnd trost/wider den vnfall/so eüch der Satan  
zügefügt hat/durch den mordt/welchen er begangen hat  
an dem güeten fromen man/Magister Georgen/vñ eüch  
also eiwers treüwen Predigers vnd Gottes wort berau  
bet. Es hat mich aber allerley bißher verhindert/sonder  
lich meine schwachheyt/Vnd wiewol ich noch nit recht he  
rauß biñ/Ean ich doch nit länger verziehen. Vñnd wann  
wir vns gleich in diesem fall nit trösten wolten/so were es  
doch vnbillich/solchen schandelichē verhäterischē mordt  
züuerschweigen/vnd also lassen hin gehen/vnd solch blüt  
in die erden verscharren/damit das H. Wort Gottes be  
zeüget vnd bekant ist.

Darumb

Frommer  
Christen  
todt sol nit  
verschwi  
gen werde





¶ Darum will ich es in Schrift bringen / vnd ihm helfen ruffen vnd schreyen gehn himmel / auff dz / souil an vns ist / solcher mordt nimmermehr verschwygen werde / biß so lange / dz Gott der Barmhertzig Vatter / vn̄ gerechter Richter / solch geschrey erhöre / wie er des heyligen Abels blüt er

höret / vnd schaffe recht vnd raache vber den mörder vnd versüerer / den alten feynde / der solches hat angericht / vnd gebe / das Magister Georgen blüt / müsse ein Götlicher Same sein / den er durchs Satans vn̄ seiner glider hände in die erden gesäyet hat / vn̄ hundertfeltige frucht bringe / Also das an statt eins ermordeten Georgen / hundert andere rechte Prediger auffkömen / die dem Satan tausent mal mehr Schadens vn̄ leydes thün / dan̄ der eynige Wan̄ gethon hat / vnd weyl er nit einen hat wollen leyden / noch hören / das er müsse vil / vnd aber vil / leyden / hören vnd sehen / gleich wie dem Papst auch geschehē ist / durch Johannis Dussen blüt / welchen er nicht mocht in einem winckel lassen mücken / vn̄ muß in nūn lassen in aller welt schreyē /

Das blüt  
frömer  
Christen  
würdt dem  
Samen ver-  
gleicht.

i biß

# Von den 5. Gottes Beteñern

bis das im Rom selbst/vnd schier die welt zu äng worden ist/vnd ist dannoch kein auffhören da/ Amen.

Trost der  
Christe wi  
der die ver  
folgung  
ihrer mit  
brüder.  
Merck.

¶ Euch aber vnd vns/lieben freündt/ soll das erösten vnd zu Friden setzen. Zum ersten das nit wunder ist/ solche mörde vnd vnglück geschehen auff erden/ Dann diß leben ist nit ein lebē/sonder ein mordtgrübe/dem Teuffel vnder worffen/wie Christus spricht/dz er sey ein Fürst der welt/ vnd Johannis am viij. spricht er/dz er sey ein mörder von anfang/vnnd ein lugner/wann wir nun auff erden leben wollen vnnd müssen/ So müssen wir vns auch des verwegen/das wir geste seind/vnd in solcher herberge ligen/ da der Wirt ein Schalckswirt ist/vn sein hauß hat das mal zeychen/oder schildt vber der thür/vn heyszt (zum Morde vnd zur Lugen) dann solch zeychen vnnd waapen hat im

Der Teuffel ein mör  
der vn lug  
ner.

Christus selbs vber seine thür vnd an sein hauß gehencket/ da er spricht/er sey ein Mörder vnd Lugner/ Ein Mörder den leyb zu würgen/ Ein Lugner/die Seel zu verführen/ das ist sein handel vnnd sein thun/ so helt er hauß/so gehets in diser herberge zu/da würt nit andersts auß. Vn wer seins gesinds ist/ der muß jm darzu helfen/wer aber sein gast ist/der muß solches warren vnnd wagen. Das sehen wir auch in aller erfahrung/ danner beweyset sich redlich/als ein mörder/das in der welt souil mordt geschehen/zü wasser/zü feldt/zü hauß/zü hoffte/ da würt der erstochen/hie felle diser den halß engwey/hie ersaufft einer/dort verbrennet ein anderer/disen schlecht eine maur zü todt/disen fressen die Wölffe/vn so firt an unzähliche weyse vnd fälle des Todes seind/welche allzumal des Teuffels werck seind/ durch sich selbs/ oder sein gesind. Ohn wa er

allere

allererst recht wütet/vnd Fürsten vnd Könige aneinan-  
der hetzt/das in aller welt eytel krieg vñ mordt/streyt vñ  
blüt vergiessen ist/ohn vnderlaß vñnd auffhören/gerad  
als weren die menschen zñ nichts/dann zñ morden gebo-  
ren/vnd köndten sonst nicht sterben/sie müsten sich dann  
selbst vndereinander erwürgen vñ ermorden/vnd sonder-  
lich mördet er die am liebsten/die Christus wort in seinem  
Gasthoffe wollen handeln/dann die seind jm nit zuleydē/  
Sie machen jm seinen Gasthoff verdächtig/vnd verha-  
ten jm/das er ein Mörder vñnd Lügner sey.

¶ Desselbigen gleichen beweyset er auch redlich seine  
lügen/damit/das in der welt souil jertthumb/missglaube/  
rotten vñnd Kegerrey seind/an allen enden/welches auch  
alles seind eytel Teüffels werck. Die Seelen zñuerführen  
vnd zñuerdānen/ohn was seins heymlichen ansehtens  
ist/damit er einen jeglichen insonderheyt in seinem glau-  
ben ansicht/mit zweyffel/mit falschem eyngaben/mit  
falschem Trost/mit falschem schrockē/wie er dan ein Wat-  
ter/das ist/ein Meyster vnd tausent Künstler ist/auff Lū-  
gen zu erdencken/vñnd fürbilden/das wa Gott nit starck  
vñ gnädigklich vber vns halt/auch die Außewöltē in jert-  
thumb fallē/Eben also thūt er mit eüch auch/setzt zñ Hal-  
le/da er sahe/das durch seinen gast/den fromen Mān/Er  
Georgen/seine lügen solten auffgedeckt werden/vñnd die  
warheyt des h. Euangelij an tag kōmen/wußt er d sache  
nit andersts zñ thūn. Dan thet wie seine art ist/vñnd er  
würget jm als ein mörder/auff das seine lügen möchtē/zñ  
Halle/on alle wideried der warheyt/herzschē/vñnd die  
Seelen im verdānuß behalten.

Der Teüf-  
fel ist ein  
Lügner.



# Von den H. Gottes Bek.ñern

Von wem  
M. Geog  
seye erwir  
get wor=  
den.

**E** So ist das nun/das erste stuck/vnsers Trostes/das wir doch wissen/wer der mörder sey/der vns vnsern lieben brüder/Er Georgen/ermördet hat/wiewol wir nit gewiß wissen könden/wer die Junckherren seind / die es befolhen haben/oder wer die feüßte vnd waaffen gewesen seind/ die es vollbracht haben/Dan ich höre den Bischoff zu Wenz höchlich rhümen/ als vnschuldig/welchs ich auch von herzen wünsche/vnd laß es so sein/vnd weyl ich wol mehr Bi schöffe weyß/die wol anderst theten/ wa sie für ihren Capitel Tyrannen dörrften/oder köndten. So bin ich warlich auch geneygt/wann ich jha cynerley glauben müßte/das ich ehe glauben wolte / die Capitel Tyrannen zu Wenz/hetten solchen Mordt vber Er Georgen zügerichtet / dann sie vnlängest wol größern mordt fürgenomen haben/da sie mit irem mörderischen rathschlag/ durch dz frome blüt Kayser Karell / Die Teütschen Fürsten wolten auffeinander hegen/vnd Teütschlandt im mordt vñ blüt erselüffen / auff das sie ihre Dürrenbelge vnd Bübenbeüch in friden vnd lust möchten sicher erhalten. Wer eingang landt in mordt vñ blüt fürnimpt / umbzubringen/der acht es freylich gering/ob er einen man ermörde/ aber Gott hat den Mörderischen Blütdürstigen Hunden/jhz bößheyt dazumal gnädigklich gewehret.

**E** Das seind sie/die Geystlichen heyligen leüt/die mit Messen vnd gebetten die Christenheyt erhalten/vnd darneben dem alten Mörder/irem Gott dem Teüfel/mit verhaten vnd morden/die ganze welt im sin vñnd begir haben zuopffern/ Eben durch dergleichen meüchelmörder/acht ich/sey auch das geschehen/das man vil Priester (wie ich hör

ich höre sagen) im Aheyn heymlich ercrencht/vñ darnach  
 todt gefunden hat / Ich lobe noch die Tyrannen/wiewol  
 sie auch dem Teüffel dienen / so durch öffentliche gericht/  
 frey am tag vnser Brüder abthün/ vnd der that bekant  
 seind / Aber die meüchelmörder/ haben nit sonil redlicher  
 blütstropffen in irem Leyb/dz sie iren gewalt/vnd Welt  
 liche Oberkeyt dörrften frey brauchen/ sondern handeln  
 damit/als die Verhäter vñnd Bößwichter. Aber fare  
 furt/lieben meüchelmörder/jr gehet auffrechter ban/wie  
 Cain thet / der ermordet seinen brüder auch heymlich / O  
 wie feyn blyb das verschwygen? also würt eüwer mordt/  
 (wer jr auch seydt) den jr an Er Georgen begangē habt/  
 auch heymlich vñ verschwygen bleyben/ nyemandt würt  
 eüch kennen/ohn allein welche den Cain jetzt kennen.

Vil Prie  
 ster heym=  
 lich er  
 crencht.

¶ Wolan der Satan hat es gewißlich gethon / das  
 Capitel zñ Wenz/weyß ich nit gewiß/sage ich zñ beschul  
 digen/ Aber dz weyß ich wol/weyl sie des Orts/ das Regi  
 ment/gericht vñnd schutz haben / vñnd sie mehr dann der  
 Bischoff walten / wie inn allen Stifften / gemeyniglich  
 durch eyde vnd pflicht / die Bischöffe die hände gebunden  
 haben/das sie ihres Capitels so mechtig seind / als der Ro  
 land seins schwerdes/das sie Bischöffe heysen / vñ seinds  
 nit/Thümbpfaffen seind Bischöffe/vñnd heysens nicht/  
 thünd sie nicht darzñ/das solcher mordt gesucht vñnd ge  
 straffet werde/mit allem fleyß/so werden sie gewißlich/ in  
 solchen mordt verwilligen/vñnd in die faust lachen/ haben  
 sie es anderst nit befolhen/vñ seind zuscheltē/als die straf  
 sen Reüßer vñnd strauch Diebe auff ihrer eygnen landt  
 strasse/vñnd verbrecher des Keyserlichen Landt fridens/

# Von den G. Gottes Bekennern

das sie einen Mann lassen ermorden/vnuerbört vnnnd vnuerurtheyle/wider alle billichkeyt vnd Keyserliche rechte/vnd thün nichts darzu.

¶ Zum andern / tröstet vns das in disem mordt/das der frome/Er George erwürgt ist/in gehorsam seiner Oberkeyt/ Dann da er gefordert ward hinauß von Halle/zuziehen zu seinem Herren/hat er sein lebē gering geacht/wiewol jm vil böser anzeygung vnder augen kamen/auff das er im gehorsam erfunden wurde/ Ist damit seinem rechten Herren Jesu Christo nachgefolget / dz man auch mag von ihm sagen / Er ist gehorsam worden biß in den todt. Weyl er dan ist nach dem spruch S. Pauli/Roma. xiiij. Seydt Wellicher Oberkeyt vnderthon/gangen / so ist er gewißlich auch in Gottes wort vnd gehorsam gangen/vnd also in dem Herren gestorben / das wir wol mögen von ihm singen/Seelig ist/der im Herren stirbet. Ihannit allein ist er gehorsam gewesen/sonder hat auch seinen Herren geliebt/vnd alle treuw mit leyb vnd leben an ihm bewysen / Dann ich höre wunder sagen/wie fest vñ treulich er bey dem Bischoff gehalten hab/in der auffrühr/ wie er hat mit allen krefftē dem auffrühr gewehret/dz er auch seinem Herren dem Bischoffe/fast lieb vnnnd werdt sey gewesen/Nun würt jm das alles also gelonet. Solche leute sollen von Geystlichen stifften ermordet werden/Aber hūren vnd büben sollen dafür geehret werden.

¶ Zum dritten/ist er nicht allein im dienst vnd gehorsam Wellicher Oberkeyt ermordet/sonder auch vmb des Euangelij willen/aller meyst / vmb des Artickels willen/das er beyde gestalt des Sacraments/hat gelehrt vñ reichen



chen wöllen/ Da wolt ein feür auffgehen/da müſte Sa-  
 tan ſampt ſeinen meüchelmördern wehrē/ das nit weyter  
 eynriſſe/ Vnd fordern in auß ein frembden Biſtumb / als  
 Magdeburg iſt / in ein anders/ als Menz iſt/da er doch  
 nit hingehort/für gericht/vñ würgē in darzū auch heym-  
 lich vnd verhäterlich/vnder wegen/Dann also biñ ich be-  
 richt / das er ſey/ auß der meüchelmörder anſchlag durch  
 Biſchöffliche brieffe auß Halle gehn Aſſchenburg gefor-  
 dert. Als er aber dahin kommen / iſt er allein da behalten  
 worden/vnd ſein geſell zū ruck heym geſchickt/vnd hat nie  
 vil mit ihm künden reden / ohn das er geſagt ſoll haben/  
 Feüch hin/ Ich müß jertz hie bleybē / vñ villeicht einē Chri-  
 ſten machen / Es hat in geahnet/oder villeicht ſouil geſe-  
 hen vnd gehört bey ſeinen meüchelmördern/ das er müſte  
 herhalten/ vnd Chriſtus Martyrer werden. Ober etliche  
 tag/hat man auch ſein Pferd behalten / vnd ihn auff des  
 Marien Pferde/der Paſtore hieß / geſetzt/vnd mit einem  
 beyreüter/als wider heym zuziehen/ abgefertiget. Vnder  
 wegen hat ihn wöllen ein Pfarther auffeim Dorff vber  
 nacht behalten/Aber ſein beyreüter hat nit gewölt/ Dar-  
 nach hat er wöllen einen andern bekanten weg durchs  
 holz reyten/hat ſein beyreüter aber nit gewölt/auff das  
 er den beſtellten ſtrauchmördern ja nit auß den händen  
 käme/ Also haben ſie bey zwey meylen von Aſſchenburg/  
 auff den güten Wañ gerant/vnd in erſtochē/ die theüren  
 Helden vñd Pfaffen Ritter / vñd haben die töllliche  
 Kron/wa ſie nit büſſen/verdienen/welche ihnen auch wer-  
 den würt ſampt iren Herzen vnd dem Teüfel in der Wel-  
 le. Souil hab ich darvon erfahren.

Vnd

# Von den H. Gottes Bekenern

Von beyder-  
ley gestalt  
im H. A-  
bendmal.

¶ Vnnd weyl so eben diser Artickel von beyder gestalt  
des Sacraments in diser Legende gehandelt würt / kan  
ich es nicht lassen / Ich muß vns allen zu stercke vnnnd zu  
trost / mit vnsern Tyrannen etwas darvon reden / vñ doch  
fragen / Warumb sie die leüt vmb solches Artickels willen  
morden vnd verfolgen / Dañ es jha allzu gewiß vnd offen-  
bar ist / Das Vnser Herz Jesus Christus habe beyderley  
Gestalt eyngesetzt / Vnnnd doch er selbs so hoch vnd theür  
verbotten / Man solle nichts ändern von seinen Worten /  
da er spricht / Matth. v. Wer eines der kleynsten Gebott  
auflöset / vñ lehret die leüt / der soll der kleynest im Himel  
reich sein. Vnd der Vatter von Himel selbs / hat mit herz-  
licher stim gezeüget / vñ gebotten / Dis ist mein lieber son /  
Den Höret / Vnnnd im ij. Psal. Huldet dem Sone / das er  
nit zürne / 1c. Vnd Johan. viij. Wer mich verachtet / der  
verachtet den / der mich gesandt hat / Meine Lehre ist nit  
mein / Sonder des / der mich gesandt hat 1c.

Herz Gott von Himelreich / wann wir gleich Christus  
wort mit allen ehren vnnnd forchten annemen / dannoch  
mangeles weit / das wir genügsam darnach thün / dz wol  
S. Peter sagt / Der Gerechte würt kaum selig. Wa wöl-  
len dañ die bleiben / so sein wort verachten / vnnnd anderen  
nach irem gefallen? Jha wa wöllen die hin / die andere da-  
rumb ermorden vnd verfolgen / das sie Christus wort nit  
samt Jhn verachten? Es ist greüwlich vnnnd schrocklich  
zuhören.

¶ So stehen jha hie die dürren hällen wort im Euan-  
gelio / Nemet hin vnd Eßet / das ist mein Leyb / für euch  
gegeben / Nemet hin vnd Trincket / das ist mein Blut / für  
euch

euch vergossen/Das thut zu meiner Gedächtnuß. Lieber mit wem redet hie Christus in disen Worten? Redet er allein mit den Priestern vnd nicht mit den Leyen? So muß das folgen/das Christus seinen leyb vnnnd blut allein für die Priester gegeben/ vnd vergossen hat/weyl er spricht/für euch gegeben/für euch vergossen/Das wörtlin/Euch/zeyget jha an/ wer sie seind / den er das Sacrament gibe vnnnd befiehlt/ So müssen auch allein die Priester sein gedächtnuß halten/ vnd die andern Christen dörffen sein nit. Jha so kan man auß disem spruch auch nit habē/ das den andern Christen sey einerley gestalt zugeben/weyl allein die Priester hie werden gemeynet von Christo / vnnnd mögen/ja vil mehr müssen auch die einerley gestalt nicht entpfahen/Dann sonst kein spruch ist in der Schrifft/ der da heysse den Leyen vñ andern Christen eynerley gestalt reychen/Was kan man doch hie wider sagen? Wer kan so vnuerschamt sein/das er solches leügnen möge? Ja wer solt hinfürt mit gutem gewissen mögen eynerley gestalt nemen/vnd nit erzittern vnd erschrecken für disen Worten Christi/eine gestalt nachzulassen? Soll mir dann mein Herr Christus nit souil gelten vnnnd sein Vatter/ der mir gebeüt/in zühören/als alle welt/Bäpste vñ Concilia? Er heyst mich nemen/vñ trincken/so laß ichs anstehē/vñ nem es nit/sond verfluch es vñ verdamē es als Ketzerey/Deyst das Christum hören/ wie der Vatter gebeüt vom Himmel?

¶ Vnnnd wann man gleich die Euangelisten köndte auff die Priester allein deütten/ das doch nit möglich ist/ So kan man doch für S. Paulus 1. Corinth. am vii. nicht vber/Welcher das Sacrament allen Christen zu Corin-

ten



# Von den G. Gottes Bekennen

chen gibe/ vnd strafft sie der vnordnung halben/ Vnd saget/ das vil krank vnd gestorben seind / des vnwürdigen essens vñ trinckens halben in disem Sacrament/ Spricht nit/ Vil eüwerer Priester seind krank vnd schlaffen/ Sonder also/ darumb seind/ Vnder Euch vil kranken vnd gestorben/ &c. Vnd hat zuuor/ Der mensch prüfe sich selbs/ vñnd also esse er von disem Brod / vnd trincke von disem Kelch/ Spricht nit/ Der Priester prüfe sich selbs / sonder der Mensch / das ist ein jeglicher vnder euch/ wie der **2<sup>te</sup>** braischen spraachē art ist/ Dañ er auch die selbige Epistel nit allein an die Priester/ sondern an alle Christen zu Corinthen schreybt/ wie das beweyset der anfang oder vberschrift/ welcher also laut/ Der gemeyne Gottes zu Corinthen/ den geheyligten in Christo Jesu/ Den beruffnen heyligen/ sampt allen/ die anruffen den namen vnser Herzens Jesu Christi/ an allen iren vnd vnsern örtern/ &c. Die hórstu jha nichts von Priestern / sonder alle Christen in gemeyn meynt S. Paulus/ Darumb müß freylich auch alles was er in gemeyn redet/ allein der gemeyne vnd einen jeglichen angehen.

¶ Was kan doch hie wider gesagt werden? Wie will das gewissen im todt vnd am Jüngsten tag wider dise offentliche Schrifft bestehen? Sie sprechen/ Es sey ein gewonheyt/ Vñ ein löbliche gewonheyt/ gelt gleich fouil als ein gebott/ oder geseze/ &c. Jha da kómen sie recht wol/ frage du aber hie eine halbe klüge vernunft/ oder ein kindt von syben jaren/ Wann Gottes wort vnd gewonheyt wider einander seind/ welches doch billich solle dem andern raymen oder weychen? Ob Gott soll der gewonheyt/ oder  
ob

# vnd Martyrern/der iij. theyl. cxxx

ob gewonheyt soll Gott weychen: Duy laß hie antwortē/  
 Sie mögen ja nit leügnen/das hie Gottes wort sey/wir  
 der die gewonheyt/Vnd können jr ding nit höher machē/  
 dann das es ein gewonheyt sey/darzu ein neuwe vnd nit  
 ein alte gewonheyt/die nyemandt weyß/wann oder wa  
 sie ist angangen/als wir hernach hören werden/Aber al  
 so müssen sie verstümen/vnd doch verstockt bleyben/auff  
 das sie keine entschuldigung haben sres mürtwilligen jre  
 thumbs/vnd billich verdamet werden/durch sres eygnen  
 gewissens zeügnuß.

■ Weyl sie aber verstockt auff jrer gewonheyt behar  
 ren/so laßt vns mit jren eygnen Rechten an jnē handeln/  
 obs helfen wolt/Im Geystlichen Recht. ix. Veritate! leho  
 ren sie selbs vnd müssen selbs lehren also. Wann die war  
 heyt offenbar würt/soll die gewonheyt weychen. Item/  
 Nyemandt soll der warheyt die gewonheyt fürziehen.  
 Vnd abermal/So jemandt die gewonheyt fürhelt/ist zu  
 mercken das der Herr spricht/ Ich bin der weg/die war  
 heyt vnd das leben/Spricht nit/ Ich bin die gewonheyt/  
 sonder die warheyt/Vñ abermal/Ein gewonheyt/sie sey  
 wie alt sie wölle/wie gemeyn sie wölle/so soll sie doch der  
 warheyt weychen/Vnd abermal/Weyl wir allein Chris  
 stum hören sollen/ So sollen wir nichts achten/was ein  
 ander weyland hat gerathē zuchün/Sonder was der ge  
 thon hat/der für allen ist/Christus. Dann man muß nit  
 menschen gewonheyt/sonder Gottes warheyt folgen/St  
 he/dise sprüch vnd dergleichen vil lehren sie selbs/vnd laß  
 sen sich drauff Doctores im Geystlichen Rechtē machen/  
 Vnd der Papst bestätiget sie drinnen/Noch wöllen sie es  
E ij selbs

# Von den H. Gottes Bekennern

selbs nit halten/noch leyden das ander halten / Seind es nit verdampfte Lehrer/die solchs lehren zuhalten/ das sie zugleich verbieten vnnnd wehren zuhalten: Wer kan dem Herren dienen/der im selbs zugleich widerwertig ist/ vnd eynerley zugleich heyszt vnd verbeüt.

**E** Wie wolt ich sie gern hören antworten / Da stehet Christus vnd sein Apostel Paulus/die setzen vnnnd geben beyder gestalt des Sacraments/darzu dz Geystlich recht verdampft alle gewonheyt / so wider Gottes wort gehen. Vnnnd dise leydige gewonheyt eynerley gestalt hat keinen gewissen vrsprung. Dann nyemandt weyszt/wa sie doch herkompt/wer sie zum ersten hat angefangen/ oder welche zeyt sie ist auffkomen/Dann in allen Bapsts rechten vnd Concilien findet man nicht einen buchstaben darvon/So sagen auch keine Hystorien darvon/ Sie ist heereyn gefallen / gleich wie vil andere stück des Aberglaubens / als / von S. Hanna/ von S. Christoffel / von den Gulden Messen / vnnnd dergleichen greüwel. Vnnnd hat kein Bapst noch kein Römische Kirch darzu gethon / on da Johannes Hus in Böhemer landt das stück angreiff/ da erregten die Pfaffen vnd Mönch den Bapst wider Johannem Hus / vnd wolten ein gewonheyt vnd recht darauß machen/auß lauter haß vnd neyd / das sie Johanni Hus nit gönnen mochten / das er solche Gottes ordnung wider auff bringen vnnnd lehren / vnnnd gelehrter gerechnet werden / dann sie waren / Seydt der zeyt hat sich der hader vber beyder gestalt inmer gemehret/vnnnd ist beyder gestalt bey den Böhemen blyben/auch vom Bapst selbst zugelassen/noch müssen wir armē leüt darüber verflucht vnd ermödet werden als die Keger. Und



**¶** Vnd das noch vil mehr ist/ jr eygen Geystlich recht verbeüt nit allein die gewonheyt / so wider Gottes wort ist / Sondern auch eben in disem stuck stimet es mit Christo vnnnd mit S. Paulo/bestätigt beyderley gestalt / vnd verdampt eynerley gestalt/auff das man sehe / wie vnfinnig dise Tyrannen seind/die nit allein wider Gottes vnd S. Paulus wort/sondern auch wider ihr eygen wort im Geystlichen recht/wüten/welchs sie doch sonst allzeyt höher dann Gottes wort halten. Nun höre doch zu/De confessione. dis. ij. Comparimus, Spricht d Bapst Gelasius also / Wir erfahren/das etliche/wann sie allein den Heyligen Leychnam entpfahen/so lassen sie den Kelch des heyligen blüts anstehen/Welche weyl sie mit einem aberglauben vmbgehen/ So sollen sie entweder das ganze Sacrament entpfahen / oder vom gangen Sacrament bleyben / Dann weyles ein eyniges Sacrament ist / so kan mans nit ohn groß Gottes schmach zertheyle nemen. Ist das nit dürr/hall vnnnd klar gnüg geredt? Das diß sey ein eyniges Sacrament in beyder gestalt/vnd möge nicht zertheyle werden/ohn grosse Gottes schmach? Nun haben ye die Priester nicht ein ander Sacrament dann wir/Sonder dasselbige eynige/Wie mags dan vnder den Leyen on Gottes schmach zertheyle werden? Warumb glauben vnd halten sie disen spruch nit?

**¶** Item/daselbst c. Quid sit, spricht der Bapst Gregorius/ Das blüt Christi würt hinfürt nit in die hände der vngleübigen/sondern in den munde der gleübigen gegossen/ Ist das nit auch klar gnüg/das Christus blüt solle in der gleübigen munde gegossen werden? Was heyszt der

# Von den G. Gottes Bekennen

gleübigen munde: Heyßet es allein der Priester munde: Was heyßt Christus blüt: Heyßet es allein eynerley gestalt: Sihestu schier/das die alten Bapste vnd die Römische Kirch/haben vorzeyten beyder gestalt gegeben vnnnd allen Christen gereycht: vnnnd also von diser gewonheyt nichts gewüßt/sondern Christus ordnung gehalten/ Ob sie aber auch wol so from vñ heylig gewesen seind/als wir jetzt möchten sein: Ach es ist eytel Büberey vnd des Teüfels mütwill mit vns.

¶ Item/daselbs c. A quibusdam, spricht der Bapst Soter also/ Etliche lassen dz Sacrament am grünen Donnerstag zunemen anstehen (welches doch desselbigen tags soll von allen gleübigen entpfangen werden/on welchen es verboten ist/vmb grosser laster willen) wie das beweyset der Kirchen brauch/weyl auch die jhenigen/so da büßsen/desselbigen tags werden versünnet/das sie entpfahen das Sacrament des leybs vnd blüts vnser Herzen. ¶ Restu hie: das auch die sündler so da büßen/haben beyder gestalt genömen/Seind aber die Büßer nit auch Leyen/oder seinds eytel Priester gewesen:

¶ Item/daselbs c. Si non, Spricht S. Hilarius/ Wan einer nit so grosse sünde hat/darumb er möchte verbanet werden/so soll er sich jha nit sondern von der argney des leybs vnnnd blüts vnser Herzen. Sage mir/ob Hilarius hie auch allein von Priestern rede/vnd nit von allen Christē in gemein/die des Sacraments argney bedörffen: Ich will hie schweygen der andern Heyligen Väter sprüche/als Cyprianus/welcher auch den Kindern beyder gestalt gabe/ Item/ Ireneus/Tertullianus/Chrysostomus/ &c.

Dan

Dan ich jerge allein dz Geystliche recht will füren/der Bap-  
sten vnnnd Römischen Kirchen / auff welcher ordnung/  
brauch vnd gewonheyt sie selbs so hoch pochen vnd drin-  
gen/vnd haltens doch selbs nit / sonder martern die leüte  
mit ihrer tollen/ vngewissen/vngegründten/lesterlichen/  
neüwen gewonheyt / die sie selbst nicht wissen / wa sie her  
kompt/vnd auch bekennen müssen/das sie sey wider Goe-  
tes wort/wider Christus eynsagung/wider Paulus lehr/  
wider der alten Bapst vnd Römischen Kirchen brauch/  
wider alle heylige Väter vnd Lehrer/darzu wider ihr ey-  
gen selbs lehr vnd Geystlich recht.

¶ Aber wann sie hie also mit gewalt vberwundē wer-  
den/vnd solchem liecht nit mögen widerstreben / so sollen  
sie/wie die Juden/die ohren zū halten / mit zānen beyssen/  
den Kopff schütteln/schreyen/ vnd sagen/Dannoch wöl-  
len wir vnsern Kopff haben/vñ soll vnser gewonheyt bley-  
ben/wann du gleich eytel Schrifft vnd recht werest: Wo-  
lan faret auch hin vnnnd laufft getröst an/ Es ist vmb vns  
fert willen also geschrybē / auff das vnser glaub gewis vñ  
starck bestehe / das wir / so beyderley gestalt lehren vnnnd  
nemen/recht thū vnd Gott gehorsam seind/Christo fol-  
gen/mit Paulo haltē/den Heyligen Vätern gleich stim-  
men/vnd mit der heyligen Römischen Kirchen eins sinnes  
vnnnd brauchs seind/ darzu das Geystlich recht auff vnser  
seiten haben/ Ir aber als die verleügnete Christē/Gottes-  
lesterer/abtrünige leüte/nichts habt dem ir folget / dann  
dem irzigen Geist des Satans.

¶ Ich muß noch einen spruch auß dem Geistlichen  
recht füren/zū bekrefftigen nit allein vnser lehr in disem  
einigen stücke/sondern auch in allen andern / die wir auß



# Vonden G. Gottes Bekennen

der W. Schrifft lauter vnnnd fest gründen / Dis. lxiij. c.  
Quia Sancta, Spricht der Bapst Stephanus also/ Die hey-  
lige Schrifft sagt/ Da der König Jehiskia die Abgötter  
abbrach/ vnd die Altär umbreyß vnnnd die Haine abhieb/  
da zerbrach er auch die ährine Schlang/ welche Mose hat-  
te gemacht/ Vnd das darumb/ das die leüt anfiengen die  
Schlangen zñehren vnd anbetten/ welche Gott hatte da-  
zñ machen heysen/ auff das nit dz volck durch der Schlan-  
gen beyssen verdurbe/ Also giengs da/ das diser zerbrach/  
welches ihener auß Gottes befehl hatte gemacht/ Daher  
ist der Christlichen Kirchen macht so groß zuachten/ das  
ob gleich etliche vnserer Vorfaren vnd Väter hetten et-  
was geschafft/ das zñ der selbigen zeyt vnsträfflich mocht  
sein/ aber hernach in irthumb vnd aberglauben verkeret  
wurde/ so sollēs die nachkömnen on allē verzug/ mit aller  
macht abthün. Hec ille, Wiewol diser spruch durch den  
Bapst auß eygnē nutz wider den Keyser würt gesetzt/ So  
ist doch kaum ein seyner spruch im gangen Geystlichen  
recht verfasst/ Vnd ist vñlleicht dem Bapst durch den W.  
Geyst eyngegeben/ wie Bileam von dem volck Jsrael das  
beste zureden/ vnd wie Caiphās von Christo das heylige  
Euangelium auff s aller schönest zñ weyssagen ward eyn-  
gegeben.

¶ Nñn vom Geystlichē recht halt ich nichts/ will auch  
dise sprüche nit darumb eynfüren / das ichs damit bestä-  
tige od mich darauff gründe/ Seytenmal ich klare Göt-  
liche Schrifft gnüg für mein lehr habe / on welche mich dz  
Geistlich recht/ wenig köndt trösten/ Aber sie an dz Geyst-  
lich recht/reychlich gnüg lehret vnd tröstet / wie Paulus  
Rom.

Rom. xv. j. Tim. iij. sagt/sond darumb/dz ich die widersä-  
cher mit irem eygnen Recht vberzeüge / vnd mit irem eyg-  
nen Schwerdt schlage/vns zur stercke vnnnd trost/ Dann  
das Geystlich Recht nennen sie selbs mit solchem namen/  
dz es heysse/ Concordantia discordantiarum, das ist/Vertrag  
oder vereynigung der widerwertigen sprüch/vnnnd ist sein  
rechter Tittel/ Niemandt hetre es besser möchte nennen vñ  
reüffen / Dann dasselbe gange büch nichts anders in sich  
helt/dann wie vor zeytē in der Christenheyt schier so man-  
cherley weyse sey gewesen/so mancher Bischoff od Kirche  
oder Concilia/da sich ein Bischoff sonst/ der ander so hat  
gehalten/der in eüsserlichem wesen / Vñ ist ein sehr wüster  
wilder walt gewesen/ mit dem eüsserlichen Regiment/wie  
S. Augustinus selbs klagt.

**C** Die selbigen wüsten vneynigen weysen vnd stücke/  
hat der meyster dises Büchs Gratianus/wöllen zusamen  
in eine weyse bringen/vnd tregt also auff einen hauffen al-  
lerley Bischoff/Väter/Concilien/Sprüch vñ ordnung/  
vnd laßt ihm saur werden das er sie vergleiche/ Dann er  
nimpt nit die Schrifft/sonder dē Papst vñ die Römische  
Kirch zum fürbild vñ form/da soll sichs alles nach richtē  
vnd schicken/Das willes dann nit thün / da hebt sich dan  
ein stocken vnd blocken vber die güten sprüche/vnd kan sie  
doch nyergent zu recht bringen/Weyl dan in solchem wü-  
sten widerwertigen handel sichs müß begeben/das etliche  
seyne güte sprüch gefallē/der Schrifft ganz gemäß (Dan  
wa zween widereinander reden vnnnd sich vndereinander  
straffen/da müß zuweylen einer recht haben) So laßt  
Gratianus die güten sprüch nit gehen nach der Schrifft!

# Von den 6. Gottes Bekennen

da sie nach lauten/sonder deutet sie nach dem Papst/vnd folget den ergesten sprüchen / wie die vernunfft pflegt zu thun.

¶ Solcher einer ist diser feyner spruch des Papsts Stephani/der da stracks daher schleüßt/Was vorzeyten güt gewesen ist/vnd nun böse ist worden/ dem glauben schädlich/soll man kurz vmb on verzug vnd mit ganger macht ändern vnd abthün/Vnnd füret so ein feyn Exempel dar auff/das lust ist/nemlich den König Jehiskia/der Moyses ährine schlang zerbrach/welche güt war vorzeytē/da sie den Juden halff von den feürigen schlangen/Aber nün schädlich / weyl sie ein Abgott worden war / Gleich wie Gott auch sein güt gesetz durch Mosen geben/auffhüb durch Christum/da die Jude durch desselbigen werck wolten from werden / vnd seine gnade verachten/ so doch das gesetz gegeben war/ Christum vnd sein gnade zupreysen/Romana.v. Galat.iiij.

¶ Meynstu nit / das man auß disem spruch auch möge schließen wider alle mißbreüche des Papsttums: Die Messen mögen vorzeyten güt vnnnd recht gewesen sein/Aber nün ein lesterlicher Jarmarck dar auß ist worden/zuschaden dem glauben/warumb solt man sie nit on verzug abthün / vnnd solche vnser ährine schlangen zerbrechen: Kloster leben vnd gelübde möchten vorzeyten güt gewesen sein/wie ich oft angezeyget habe / Aber weyl setzt souil fahr der vnkeüschheyt/vnd souil gelübdt gehen/ dar zu auß irthumb ein leben ist zur seligkēyt fürgenommen/wider den glauben Christi/der vns auß gnaden vnnd nit auß vnsern wercken selig macht/Titi. iij. Warumb solt

man



man nit ohn verzug mit allem fleyß / solches verdammen  
vnd abthün: Kirchen schmuck vnnnd Geystliche weyse im  
Gottesdienst/möcht auch gut gewesen sein/ Aber weyles  
nün alles in solchen schandlichē öffentlichen mißbrauch  
vnnnd Gottes schmach verkeeret ist/warumb solt mans  
länger dulden: Also auch/wann eynerley gestalt des Sa-  
craments gleich gut gewesen were / vñ ein löbliche gewon-  
heyt/als noch nye kan gewesen sein/vnnnd wurde nün für  
irrehumb vnnnd mißbrauch erkandt/Warumb solt mans  
nit ändern/So hie der Papst selbst setze vnnnd lehret man  
solles thün: Mit den Papisten rede ich also / die billich ih-  
rem eygnen Lehrer solten folgen/Dann wir habē schrifte  
gnüg/ihā auch die vernunft vns lehret/was schädlich ist  
zur seelen seligkeyt/vnd ohn sünde mag geändert werdē/  
das mans nur frisch vnd getröst ändern vnd abthue / vñ  
angesehen Teüffel/Welt/sampt allem ihrem anhang.

¶ Dann ohnzweyffel würt der König Jehiskia auch  
gar vil böser rede gelitten haben von den Gottlosen / als  
der Gottesdienst verstore (wie im 8. Absaces fürwarff)  
vñ sonderlich / das er die heylige Gottschlange darff zer-  
brechen / dafür er billicher solte erzittert haben sie anzu-  
greiffen/als ein Göttlich werck/durch Gottes wort besol-  
hen / vñ bisher von souil Königen vnd Propheten erhal-  
ten/die wol heyliger vnd erleuchter seind gewesen / dan er  
mocht sein / Wie dann die Gottlosen ihre wort wissen zu  
wegen/zü scherpfen vñ zü schleiffen/vnd schreyen/Weyn-  
stu das alle vorigen lehrer nichts gewüßt haben: Müßten  
dit alle vnser Väter Narren sein: Bistu allein des Heyli-  
gen Geysts nestley blybē / auff dise letzte zeit: Solt Gott

# Von den G. Gottes Bekennern

souil Jar lang sein Voldt haben irren lassen/ Vnd derglei-  
chen vil/ wie jetzt vnser Gottlosen auch thün/wann sie wi-  
der die warheyt vnd Schrifft nichts mehr können/ so sa-  
gen sie/ Ich will bey dem alten glauben bleyben/ Soltestu  
allein sehen/das sonst nyemandt gesehen hat: Aber Jehis-  
tia frage nichts darnach/sür gleichwol furt/vñ ließ schlā-  
gen Gözer bleyben wer da wolt/ Also thün wir auch/ Wer  
den Papst will zum Gözen haben/der bleyb ein Papsts  
gözer vnd Papst keger/wir wollen mit Jehistia abthün  
alles was verkeret ist worden/ Es sey vorzeyten ein ähri-  
ne od guldene schlange gewesen/ Christus soll allein bley-  
ben in ewigkeyt gelobt vnd gebenedeyet/ Amen.

¶ Das sey daruon gnüg/wir wölle wider zu vns selbs  
vnd Magister Georgen kōmen/ Vnd vns vber des noch  
mehr trösten vnd freüwen/das Christus hat ihn würdig  
gemacht vmb seins worts vnd warheyt willen zusterben  
Dann ohn zweyffel/ wa jm wurde der wechsel wunsch ge-  
geben/das er möchte wider lebendig werdē/ oder lebendig  
blyben sein/wurde ers fürwar nit thün/vnd vns vil mehr  
darumb straffen vnd sagen/wa jr mich lieb hetten/so wur-  
det jr eñch freylich freüwen/das ich mit der weyse biñ hin-  
durch kōmen vom todt zum leben/Dann was ist in disem  
leben sickers/heüt stehet einer/morgē ligt er/ heüt glaubt  
einer recht/ morgen fellet er in irthumb/heüt hofft einer/  
morgen verzweyffelt einer/ Wie gar vil feyner leüte fallen  
jetzt täglich in d Schwermer irthumb: Wieuil werden jr  
noch fallen durch dieselbigen vnd andere künfftige rottē:  
Wie stehen wir (wie S. Cyprianus sagt) täglich vnd ohn  
vnderlaß/vnder den spiessen vñd messern der Teüfel/ die  
tag

M. Georg  
begert nym-  
mer mehr  
hie zeitlich  
zuleben.

eag vnd nacht / wie die grüßigen Löwen vmbher gehen/  
stechen vnnnd hauwen vnder vns / wie in einen waldt/das  
man die äyde sibet obē her pligen/wie der Psalter klaget/  
vnd wöllen schlecht Gottes hauß/das ist/die seinen/zübo  
den vnd zü äschen haben.

¶ Solte nün Magister George lebendig bleyben/vnd  
villeicht auch in einen irthumb gerathen / vnd vom Teü Besser ist  
fel erstochen wordē sein/wieuil kläglicher were vns dassel- leylich/  
big zühören gewesen: Nün es aber ja muß erstochen sein/ dan Geyst  
Ists vil weger/das menschliche waaffen seinen leyb zeyt- lich ersto-  
lich/ dann das Teüßliche waaffen seine Seel sampt dem chen werde  
leyb ewigklich erstochen hetten/Dann die sätz seind war-  
lich groß vnd mancherley/der weg ist schlüpfferig/die sein  
de mechtig vnd listig/ So seind wir schwach vnd gebräch-  
lich/vñ tragen vnsern schatz in irdischen gefessen/wie S.  
Paulus sagt/vnd seind fürwar grausamme vnd schrockli  
che zeytung/solcher rotten vnd geyster halben/ Nün aber  
ist solcher sätz keine mehr bey ihm/ Er ist dem Teüßel ent  
kommen/wiewol er den leyb hat müssen darüber zü zoll ge-  
ben vnd dem Teüßel lassen/der ihm nün eine galreden da-  
rauß mache/lusts ihn/vnd settige seinen haß damit / vnd  
büsse sein lust gar wol. Er kan ihm nichts mehr anhaben.

¶ Vnd wann wir die rechten augen auffthün/die vns  
Christus vnser Herz erleuchtet/vñ sehen seine mörder da-  
mit an/so werden wir vil mehr bewege ihnen zü dancken/  
dann vber sie zü zürnen/ Dann wiewol die ellenden leüte  
haben gemeynt/sie seyen des Magister Georgen mechtig/  
zü der stunde mit ihm zuschaffen ihren gefallen/ So ist  
doch im grundt der warheyt vmbgeteret / vnd seind eben



# Von den G. Gottes Bekenñern

Im der selbigen stund sein aller nutzlichsten diener gewesen/ohn ihren danck/wissen vnd willen/ Dann sie seinds! die durch Gottes gnaden vnd Väterliche ordnung/vnd durchs Teüfels wütigen haß haben dem güte Man/von aller solcher obgesagter fahr geholffen/Vnd wiewol ihre bößheyt/vnd des Teüffels müerwill hiemit noch hierinne nit gelobt würt/ So muß man doch die vberschwēckliche gnade vnd güte des Vatters aller barmhertzigkeyt/in ihrer bößheyt sehen/hören vnnnd preysen/das er des Teüfels bößheyt vnnnd seiner glider vntugene kan so wunderbarlich brauchen/seinen außervölten zum aller besten/vnnnd zu nachtheyl des Teüfels selbs/sampt seinen glidern.

¶ Darumb ich auch selbs/wan ich die schröckliche fahr vnserer zeyt ansehe/vñ gedencke/das Magister George/wa er hett sollen leben/möcht auch in irthumb gefallen sein/so dancke ich fürwar von hergen grundt/auffs erst vnserm aller hergliebste Vatter im himel/darnach auch den mördern/als waaffen/die zu solchem werck gebraucht seind/vnd singe von hergen den schönen tröstliche spruch Sap. iij. Der Gott gefiel/vñ im lieb war/ist hinweg genommen/da er vnder den Gottlosen lebt/Er ist darumb heraus gerissen/das vnfall nit veränderte seine verstandt/oder list sein Seele verfñret/Dann das häßige vbel verfinstert das güte/vnd die vnreüwige lust verfñret auch die vnschuldige/Er ist in der kürge vollkōmen wordē/vñ hat damit vil Jare außgericht/Dann sein Seel gefiel Gott/Darumb eylete er in auß der vngerechtigkeyt zusüre/Aber die leüte die es sehen/merckens nicht/bedenckens auch nit/das Gottes gnade vñ barmhertzigkeyt bey seinen heyligen

ligen sey/vnd sein auge auff seine Außerwölten sehe / Dañ sie sehen das ende des frommen / Aber sie mercken nit / was Gott vber jnen denckt / vnd warumb ihm Gott sein leben kürzt / Sie sehen / vnnd achten sein nicht / Aber Gott der Herr spottet jr.

¶ Widerumb aber ist es ein schrecklich ding wider die Gottlosen / wann Gott verhenget / das seine lieben heyligen also schandlich vmbkōmen vñ hinweg genommen werden / Dann es ist ein gewiß zeychen / das ein groß vnglück vorhanden ist / das vber die welt gehen soll / Auß welchem Gott die seinen zūuor herauß reyffet / das sie nit drinnen ergriffen / vñ vielleicht auch mit den Gottlosen möchten fallen vnd verloren werden / Gleich als geschach Gene. xix. Da er Lot auß Sodoma füret / folget bald drauff / das alle fünff stätte mit schwefel vnd feur versenckt wurden / Vñ da er die welt durch die sündflut wolt verderben / zoch er Noe selb acht durch die Archen herauß / Vñ da er Jerusalem durch die Chaldeer zerstören wolt / müste der fromme König Josias zūuor mit friden begrabē werden / Vñ so fūrt an hat er allwege die seinen zūuor auß dem Gottlosen hauffen gerissen / vñ darnach lassen gehen seinen zorn vber die Gottlosen mit aller macht. Weyl nūn jetz auch in Teütschē Landen vil der fromen Christen werden hinweg genommen / vnnd schandlich vmbbracht / haben wir nichts gewissers für vns / dañ das grosser jamer vorhanden ist / vber Teütschlandt / auß welchem er zūuor die seinen also hinweg holet / das sie nicht auch mit den Gottlosen verderben / Vnd zwar heben solchen jamer / die rotten Geyster mit gewalt an / vñ zertrennen die hergē von einander /

# Von den H. Gottes Befehern

der/Darnach würet folgen auch die leypliche vneynigkete  
vnd krieg/auff das erfüllet werde/was der Satan durch  
den Mörder zum vortpiel vnd vorlauff anfieng.

¶ Aber also wenig sie glauben/das es Gottes heylig  
gen seind/die also hinweg genomen werdē/so wenig glau  
ben sie auch/das solch groß vnglück vorhandē sey/sonder  
crösten sich/vñ wie S. Paulus schreybt/halten sie/es soll  
aller erst nün gut werden/vnnd sagen/Pax & securitas, Es  
hat nit not/Es ist für vber/wir werden gute tage haben/  
wann sie nur der heyligen Gottes loß werden/Gleich wie  
auch wir solches nit wüßten noch mercken köndten/wañ  
vns Christus nit seine augen gebe/vnnd also erleuchtet/  
das wir sehē/wie er die seinen mit gnaden holet durch der  
Gottlosen wüten. Aber Isaia sagts gar klärlich vnd dör  
re heraus lviij. Die gerechten kömen vmb/vnd nyemande  
gehets zu hertzen/ Die heyligen werden hinweg geholet/  
vnnd nyemandt mercke darauff/dann die gerechten wer  
den für dem vnglück hinweg genomen/1c. Vnnd S. Peo  
trus. 1. Petri. iiij. Das gericht fahet jetzt an am hauß Got  
tes/So es aber zu erst an vns anfahet/was wills werden  
mit denen die dem Euangelio nit glauben? Dise sprüche  
zeygen sha klärlich/das groß vnglück vber die Gottlosen  
für der thür sey/wann die fromen zuuor werden hinweg  
geholet/Aber vnser Junckherren meynen nit anders/dañ  
es seind Keger vnnd verdampfte leüte/die also hinsaren/  
vñ glauben nit/dz sie Gott ansehe/gleich wie droben auch  
Sapien. iiij. gesagt ist/ Darumb können sie dem vnfall  
nit enterrinnen/dañ sie büßen nit/sondern verstocken/vñ  
achten/sie thün ein Gottes dienst dran/das ist greüwlich  
vnd erschrocklich.

Dero



**D**erhalben/wa solche geschicht vñ felle vns fürkominē (so wir Christē heysen vñ sein wölle) will vns vil mehr gepüren/das wir vns freüwen/vnd Gott loben vnd danken/vmb seine gnade/das er vnser brüder so wunderbarlich vnd barmherziglich holet/dan dz wir darüber soltē zürnen vnd vngedultig sein/Widerumb für die tyrannen vnd wüterichen bitten/vñ vns jr jamern lassen/wie Christus vns lehret Matth. vj. Bittet für die so eüch schenden vnd verfolgen/segnet die so eüch verflüchen/Thut wol denen so eüch hassen/so werdet jr Kinder sein eüwers himelischen Vatters/welcher gütig ist vber die bösen vñ vñ dankbaren/Also hat er auch gethon vnd mit der that seine lehre beweyset/da er am Creüz für vns vñnd alle seine Creüziger bettet/Vatter vergib jnen/dann sie wissen nit was sie thün. Darzū zwingt auch das Vatter vnser/da wir bittē/Vergib vns vnser schuldt/gleich wie auch wir vergeben vnsern schuldigen. Was were das für ein vergabung der schulde/so wir allein vnsern freünden vnd gütigen gesellen vergeben? Thün doch solchs auch die Heyden vñ Sünder/jha auch die Mörder vnd allerley bösen vnder einander? Aber den feynden schuld vergeben/vñnd für sie bitten/vñnd darzū wol thün/das ist eine rechte Christliche tugent/so es anders auch recht von hertzē gehet/Solches vermag die welt oder fleysch vnd blüt nit zuthün.

**D**emnach bitte auch ich/vñnd vermane eüch lieben Herrē vñ freünde/wöllet dise verdrißlich sach/darī eüch billich wehe vñnd leyde geschicht/dem heymstellen vñnd lassen/der da recht richtet/wie S. Petrus lehret/dz Christus gethon hat/Vnd eüch jha behüten/das jr nyemande

# Von den G. Gottes Bekennen

Wider  
die Verfol-  
ger Göt-  
liche Worte  
soll man nit  
zürnen.

darumb seynd seydet / haß eragt / oder vbel nachredet vnd  
flucht / oder raache wünschet / Vnbillich thäten ihr / so jr so  
hartergig weret / vnnnd solchen morde eüch nit bewegen  
liessen / oder so jr dreyn bewilligt / vñ nit mit ganzem her-  
zen verdampfen / Aber also vnbillich thäten jr / so ihr den  
Mördern flüchten / raache wünschet oder seynd werdet /  
vnd nicht vil mehr für sie bittet / Dann daher gehöret der  
spruch Psalm. xviij. von S. Petrus. eyngesüret / Bewa-  
re dein zung für bösem / vñ deine lippen / das sie nit betrug-  
reden / Weyche vom bösen vnd thū güts / Süch fride vnd  
sage ihm nach / Angesehen das dise meüchelmörder nye-  
mandt grösser leyde vnd vnglück zügericht haben / dann  
inen selbs / wa sie nicht büssen. Widerumb nyemandt grös-  
ser dienst gethon haben / dann Er Georgen / vnd vns al-  
len / Vns ist daran gnüg / das wir rechte güte sache habē /  
die Gott gefallet / vnd haben disen trost / Matth. v. See-  
lig seind die verfolgung leyden vmb gerechtigkeit willē /  
Straffen vnd schelten sollen vnnnd wollen wir solche vn-  
that / vnnnd wider den höllischen Satan vnnnd sein Reich  
bitten vmb raache / das Christus Reich gemehret werde /  
Aber der menschen wöllē wir vns erbarmē vnd für sie bit-  
ten / das inen Gott gnade gebe / iren morde vnnnd böshere  
zūbüssen / so lang hoffnung da ist / das sie sich erkennen vñ  
bessern mögen / Dann vns nichts geholffen ist mit ihrem  
verdammnuß. Aber grosse freude werden wir haben / wa sie  
durch vnser gebett vnd wolthün / seelig werden.

¶ Solche vermanung / wolt setzt eüwer liebe für güte  
annehmen / wie ichs meyne / Christus aber würt on zwey-  
fel eüch in eüwerem hertzen wol weyter lehren vnd rathen  
durch

# vnd Darcytern/8 iij. theyl. cxxxvii

durch seinen heyligen Geyst/wie jr eüch hierin vnd allent  
halben halten sollet/Es will vnd kan doch nicht anders  
sein/dann wie geschryben stehet Acto.vij. Durch vil vn-  
glücks müssen wir ins himelreich komen/Es will sich nie  
leyden/Das vnser haupt Christus am creüz stirbt/vnnd  
dornen.kronen treget/Vnnd wir solten mit eytel lust vnnd  
freüden on alles leyden seelig werden/Solles aber ja ge-  
litten sein / so laßt es das sein / das vns Gott zufüget/  
vnd nicht das wir selbs erwölen/dann er weyß am besten  
welches vns dienet vñ nutz ist/Vnser wöllen raugt nichts  
vnd ist kein nutz. Christus vnser Herr vnnd

Heylandt sey bey eüch mit allen  
gnaden/Amen. Vñ bit-  
tet für vns/vñ son-  
derlich auch für  
mich.

ms ij Georg



# Von den H: Gottes Bekenñern

## Georg Schärer von

### Salueld.

¶ Die Hystory von disem frommen H. Martyrer/wle-  
er nemlich vmb Christlicher warheyt willen/zü Ratstat (welches ligt in  
Beyerlande auff r. meyl wegs hinter Salzburg) ist enthauptet worden/  
Ist im vergangnen M. D. LIII. Jar durch Herren Mathiam  
Flacciu Illyricu mit einer schönē Vorred andie Verfolgte Chnstē im Bi-  
stumb Salzburg vnd Bremen/im Truck offentlichen auß-  
gangen/ vund hienach in disen vnsern dritten  
Theyl der Martyrer von wort zü  
wort gesetzt worden.

Vorred.

**S**unstige liebe Herren vnd brü-  
der in Christo/Nachdem wir allzumal ein  
Leyb in Christo vnserm Haupt/vnd einer  
des andern glid seind / hab ich nit ohn son-  
derliche betrübnuß vnnnd hergenleydt können hören/die  
neüwe Verfolgung / so setzt widerumb von den Hohen  
Priestern/Annas vnd Caiphas/vnnnd Saduceern / Das  
ist/von dem tñmen Salz zü Salzburg/wider eüch ist er-  
weckt worden. Darumb hab ichs auch nit können vnder-  
lassen/eüch in disem fall zutrösten vnd züermanen/ das jr  
bey vnd in der erkanten warheyt beständiglich bleybet/  
vnd biß an eüwer ende verharret.

¶ Das ist aber vnser vnnnd aller rechten Christen für-  
nembar trost / dz wir in vnserer Religion oder glauben  
nit menschlichen fabeln (wie Petrus spricht) seind gefol-  
get/ als nemlich/wie Franciscus fünff wunden Christi ha-  
be be-



bebekömen/ oder  
wie in Gott Chri-  
sto vergleicht/ vñ  
zñ einem grossen  
Seligmacher ge-  
setzt/ oder wie die  
Wess vil Seelen  
auß dem Fegfeur  
habe erlöset oder  
noch erlöse/ vñnd  
dergleichen Nar-  
rentädning / nach  
welchẽ sich die Pa-  
pisten zñ irem ewi-  
gen verderbnuß  
richten/ Sonder

Vnser Reli-  
gion gehet  
nit mit  
menschliche  
fablen/ oder  
narrentä-  
ding vmb.

folgen Christo vnserm Herren selbst/ von welchẽ der Him-  
lische Vatter vom Himmel zñm menschlichen geschlecht ge-  
schruen vñd geruffen hat/ Disß ist mein lieber Sñn/ an wel-  
chem ich einen wolgefallen habe/ Den solt ihr hören.  
Wir folgen auch der H. Schrifft/ den lieben Propheten  
vñd Aposteln. Darnon David vñd Petrus bezeügen/ al-  
so sagende/ das sie (die H. Schrifft) allein ein rechts vñnd  
gewisses liecht sey/ dem wir in diser finsternuß der welt si-  
cherlich können vñd sollen folgen.

¶ Vñ ob wol der Antichrist sampt seinen glidern den  
Bischöffen/ Pfaffen vñd Mönchen/ liegen vñd lestern/ dz  
vnser Religion falsche vñd neirwe sey/ vñnd ire dargegen  
sey die rechte/ alte/ ware/ vñd Catholische/ &c. So wissen

Vnser Reli-  
gion ist nit  
neirwe/ oder  
falsch.

m iij wirs

# Von den G. Gottes Bekennern

wirs doch/Gott lob/vil anders / Jha auch die Widersä-  
cher der Warheyt wissens selbst vberauß sehr wol/ Aber  
nichts desto weniger leßtern sie gleichwol die erkante war-  
heyt wider ir eygen gewissen.

Unser Lehr  
von der  
Justifica-  
tion.

**¶** Dann lieber Gott/wer ist doch so stock blinde/ das  
er nit dise öffentliche warheyt köndte sehen: Der fürnemb-  
ste streyt zwischen den Papisten vnd vns ist/ von dem we-  
ge der seligkeyt/wadurch wir doch für Gott gerecht vnd  
selig werden/Nun weysen wir nach der heyligē Schrifft  
mit finger/munde vnd hertzen allein auff Christum/ das  
eynige Lamb Gottes/ der allein die Sünde der gangen  
Welt tregt/ Sagen darneben auch/ Er sey allein der rech-  
te weg vnnnd thür zum Himmelrych/ vnnnd habe allein die  
keltern des zorns Gottes gekeltert/ vnd nyemande habe  
ihm geholffen/ Esai. lxiij. Wir glauben vn bekennen auch/  
das alle Propheten vnnnd Aposteln bezeügen/das kein an-  
der mensch/jha auch kein ander name sey/weder im Him-  
mel noch auff Erden/dardurch wir können selig werdē/  
dann allein durch das obgemelte Lamb Gottes/ Act. iij.  
vnnnd v. Zu dem sagen wir auch mit der N. Schrifft/Das  
wir allein durch einen rechten glauben Christum ergreif-  
fen/vnnnd das gleich wie die/ So von den feürigen schlans-  
gen gebissen oder vergiffet warē / allein durch das sehen  
der auffgehenden Schlangen geheylet worden/ also  
werden wir auch allein durch den waren glauben an Chri-  
stum gerecht vnd selig. Ist nun das nit der ware/rechte/  
vnd eynige weg zur seligkeyt?

**¶** Die Papisten aber/hilff lieber Gott/ wie manchers-  
ley wege zur seligkeyt haben sie gehabt/vnd erdacht/ als  
da



# vnd Martyrern/der iij. heyfl. erl

da seind / Vigilien / Aß / Ablass / Wallfarten / Brüder-  
schafft / die vberige gute wercke der Nonnen vnnnd Mön-  
chen / die Rappē / das Weyhewasser / die verdienst Sanct  
Francisci vnd Dominici / vnd vnzähliche vil andere / ic.

Der Papie-  
sten glaub  
von der Ju-  
stification.

¶ Von dem Mitter glauben vnd lehren wir also / das  
nur ein eyniger Mitter sey zwischen Gott vnd den Men-  
schen / als nemlich Jesus Christus / i. Tim. ij. Aber die Pa-  
pisten haben dargegē vast vnzähliche vil Mitter gemacht /  
deren etliche (nach dem sprüchwort) in der Hellen ligē / et-  
liche aber auch noch nye nit geboren seind. Dann Hiero-  
nymus bezeüget / das etliche Heyligen in den Legenden  
seind beschryben / So nye nit auff diser Welt habē gelebt.

Wo rechten  
Mitter.

Merck.

¶ Von dem Abendmal des Herren glauben vnd leh-  
ren wir / das Christus daruon nichts anders habe befol-  
hen / dann seinen Leyb vnnnd Blüt zū seinem gedächtnuß  
zu entpfahen / vñ das derhalben ein vberteüßliche vermes-  
senheyt sey / darauß ein opffer zudichten / vnd das solches  
war sey / bezeügens nit allein die drey Euangelisten in be-  
schreybung solchs Abendmals / Sonder der heylig Pau-  
lus betreffiget auch. i. Corin. xj. Da er auffß deülichste  
vnd nach der länge vom Abendmal des Herren handelt /  
vnd doch nit mit einem eynigen büchstabē der Aß oder  
opffer gedenckt.

Vom E. A-  
bendmal.

¶ Es ist auch vnleügbar / das die erste Kirche von der  
Papistischen Aß gar nichts gewüßt hat. Dañ die Papi-  
stische Scribentē / als Amalarius / Platina / Polydorus /  
vnd andere bekennen selbst / das / wann Petrus das Hey-  
lige ampt hat begangen / er nichts mehr / dann das Wats-  
zer vnser / vnnnd die wort des Abendmals / das ist mein  
Leyb /

# Von den H. Gottes Bekenner.

Leyb/ıc. gesprochen hat/ih̄a es bezeügen sehr vil alte Papistische Scribentē/da sie nach einander erzölē/ wer dieses oder ihenes stück von der Mess erdichtet/das vast inn die hundert Jar nach Christo nichts bey dem Heyligē ampt sey gewesen/dann allein die wort des Abendmals/vnnd das Vatter vnser/die ander stück aber der Mess weren alle hernaher erfunden / vnder welchē etliche wol sechs hundert Jar nach Christo/ıc. Darauß ist ih̄a klar genüg/das die Apostel vnnd die erste Kirche nichts anders auß dem Abendmal des Herren/dann allein die Communion/ gemacht haben/vnnd in keinem weg solches geopffert/ oder gesagt/ Ich opffere dir mein Himelischer Vatter für die lebendigen vnnd die todten/ vnd für die Sünde der ganzen Welt/ıc. Wie der Gottlose Papistische Canon greüwlich leßert/ vnd das leyden Christi schmähert.

Meß ist  
kein opffer.

¶ Sagen derhalben/lehren/vnd glaubens auch / das Christus nur mit einem opffer seines leydens reychlich/ ja sehr vberschwencklich Gott für der ganzen Welt Sünde versünnet/vnd alle Sünde der Welt hinweg genommen vnd vertilget habe. Die Papisten aber vergessen dargegen des rechten opffers Christi/vnd opffern alle tag unzählich mal/Damit sie klärlich bezeügen/das Christus nit gnügsam noch vollkōmlich geopffert habe. Dann wa vergebung der Sünde ist (wie Paulus zūn Hebreern spricht) da ist kein opffer mehr für die Sünd nötig. Weyl aber die Papisten on vnderlaß opffern für die Sünd/so bezeügen sie damit beyde für Gott vnd der ganzen Welt/das Christus nicht vollkōmlich vergebung der Sünden durch sein opffer erlangt habe/wie Paulus solchs flucks im anfang  
des

des Capirels klar bezeügt/Wie köndte man aber schand-  
licher das blüt Christi verachten vnd mit füßen treten/  
dann eben auff dise Papistische weyse?

¶ Von der Communion lehren vnd glauben wir/das  
Christus habe befolhen vnder zweyer vnderschiedner ge-  
stalt des Brots vnd Weins/seinen Leyb vnd Blüt zunies-  
sen/wie solches auß den Euangelisten vnd Paulo klar ist/  
Jte/dz solches die erste Kirche sehr lange/nemlich länger  
dan tausent Jar gebraucht habe/Es bekennet auch das  
Costärer Conciliū solchs beydes öffentlich/nemlich/dz es  
Christus vnder zweyerley vnderschiedner gestalt habe be-  
folhen/vnnd die erste Kirche habe es auch also gebrau-  
chet.

¶ Weyl aber den Papisten an dem nicht gnüg ist/das  
Gott etwas gebotten/oder verbotten/vnd das solchs die  
erste Kirch gebraucht/So nicht auch jr Bapst sein Mein-  
oder Jha darzü sagt/Danner ist beyde vber Gott vnnd  
vber die Kirchen/So ist hierauff zü wissen/dz auch zween  
Bäpste Julius vnd Gelasius selbst schreyben/de conf. dist.  
ij. Das Christus nit vnder eynerley gestalt/Sondern vn-  
der zweyen vnderschiedenen hab die Communion befolhē/  
vnd das es ein greüwlicher Gottesdiebstal sey/ allein den  
Leyb entpfahen/vñ sich des Kelchs enthaltē/Darumb  
befelhen sie auch solche leüte zünerbannen.

¶ Jetzt aber dichten vnd süchen die Antichristische Bi-  
schöffe etliche vil ursache/warumb sie in disem stuck weder  
Christo noch der ersten Kirchen gehorsamen/Jha zwün-  
gen noch darzü/Gott sey es geklaget/die arme Christen/  
mit feür vnd schwerdt/vnd allerleyen plagen/das sie wi-



# Von den 5. Gottes Bekennern

Der jr gewissen/wider Christi befelch/vnd wider der ersten Kirchen Christlichen gebrauch/das Sacrament nur vnder einer gestalt müssen entpfahen. Ist aber das nicht ein grüwlicher Teüßflischer fräuel vnnnd vnfinnigkeyt/vrsach dichten/warumb du Gott deinem Allmechtigen Schöpffer nit soltest gehorsam sein/vnd auch andere dar zu mit feür vnd schwerde zwingen?

¶ Dañ das ist ye gewißlich war/das/wer den Leyb vñ blüt Christi wider sein befelch entpfahet/der entpfahet es auch vnwürdig/Wer es aber vnwürdig entpfahet/der isset vnd trincket daran sein eyggen rodt. Hier auß nim ab/Lieber Christ/ob solche Bischöffe nit leyphafftig vom bösen geyst seind besessen/vnd von ihm geregirt/ıc.

¶ Von den fünff Papistischen Sacramenten/vber die Tauff vnd Adendmal des Herren/glauben vnnnd lehren wir/das Christus keine von den selbigen/als ein Sacrament habe eyngesetzt/welches auß der heyligen Schrifft klar. Rabanus Maurus/welcher für syben hundert Jarre ein Erzbischoff zu Metz gewesen/setzt in sua Institutione Clericorum, nur drey Sacrament/als die Tauff/das Abendmal/vnd noch eins/da er doch fleißiglich von der gangen Kirchen ordnung handelt.

Vonder  
Dreßeycht.

¶ Von der Dreßeycht beweyset Erasmus nach der Länge auß den alten Scribenten Contra Leum, das es nit Christi ordnung/Sonder menschen sagung sey. Desgleichen spricht auch Panormitanus super Cap. Omnis utriusque sexus, Item/Glossa Gratiani de poenitentia dist. v.

¶ Bonanventura vnd Alexander (welche Scribenten bey den Papisten mehr dann Catholisch sein) schreyben/  
das

# Vnd Martyrern/der iij. theyl.

clij

das weder Christus noch die Apostel die Firmung haben Von der Firmung.  
eyngesetzt.

¶ Derwegen kan man also die Papistische Sacrament nit allein auß der Heyligen Schrift / Sonder auch auß iren eygnen Scribenten vmbstossen vnd widerlegen / Dann das die neuwe Papisten in ihren Agenden das geweyhete Salz / vnd andere bezauberte ding Sacrament nennen / Können sie auff dise weyse nicht allein syben / Sondern auch bald in einer eyle syben hundert Sacrament zimern / außzaubern / oder aufrichten.

¶ Von dem Primat / oder Tyranny des Antichrists Vom Primat des Antichrists.  
glauben vnd bekennen wir / das Christus mehr mal / dann an einem ort / hab verbotten zu herrschen vber die Kirch / vnder anderen auch in seinem letzten Abendmal / Luce xxij. Item / das Petrus auch solch herrschē den Priestern verbiete / Das Paulus Petrum mit nichten in seinen Episteln für seinen Oberherren will erkennen / Item / das der Papst Pius Secundus spricht / Epist. cccj. das die Christen bis zu dem Nicoenischē Concilio / nemlich cccxl. Jar nach Christi geburt ires gefallens gelebt / vnd nit vil nach der Römischen Kirchen haben gefragt. Item / Hieronymus in Epistola ad Euagrium, bezeüget auch deßgleichē / das nemlich alle Bischöffe gleiches gewalts seind. Item / das zur zeyt Augustini in dem sechsten Africanischen Concilio / darbey Augustinus auch persönlich gewesen / drey Bapste nach einander fünff ganzer Jar auffß hefftigste / auch mit verfelschung des Nicoenischen Concilij / die Jurisdiction / oder Herrschafften vber die Africanische vnd andere Außländische Kirchen haben gefordert. Aber sie  
n ij seind

# Vonden H. Gottes Bekennen

seind endlich schal bestanden/vnd vbel abgeweyset worden/Item/das die Griechische Kirche dem Papst nye nie hab solche Herrschafft/deren er sich fälschlich annisset/wöllen gestatten oder zugeben/Endtlich sagen wir auch das Gregorius Primus selbst auffa heftigste darüber  
,, habe gestritten vnnnd geschryben/das/wann ein Bischoff  
,, sich werde vber alle andere erheben/vnd ein Bischoff vber  
,, alle Bischöffe sein wöllen/der werde gleich thun/wie Lucifer/  
,, der sich vber alle Engel hat wöllen erheben/jha er  
,, werde ein gewisser Vorleüffer sein des Antichrists.

Von der  
Priester  
Ehe.

¶ Von der Priester Ehe glauben vnd lehren wir/das gleich wie die Ehe ein heylige Göttliche ordnung ist/also sey sie auch beyde in dem alten vnnnd neüwen Testament den Priestern zugelassen/.i. Timor. iiij. Tit. j. Sagen auch weyter/das die Hystorici bezeügc/dz die Priester ehe auch in Engellandt vnd Teütschlandt/mehr dan tausent Jar nach Christo sey gebräuchlich gewesen/Ja dz sie noch heüti ges tags in der Griechischē Kirchē im vollen schwanc ge he/Wir wissen auch/das/wiewol sich der Teüffel oft hat vnderstanden/die Römische vñ Curtsanische Keüschheyt in die Kirch zubringen/vnnnd mit gewalt eynzudringen/danocht vil Heyliger Väter/ja auch etliche fürnembste alte Concilia/die Priester ehe dapffer vnd gewaltigklich haben verthädiget.

¶ Als züm ersten das Concilium Gangrense/welches ccc. Jar nach Christi geburt gehalten/vnd dem Decreto gar eyngeleybet. Züm andern das grosse heylige Nicoeni sche Concilium/vngefähr vierdthalbhundert Jar nach Christi geburt. Vnd endlich auch das sechste Allgemeyne  
ne



ne Concilium/vngefähre syben hundert Jar nach der geburt Christi/welches auch mit außgedruckten worten verdammet den Römischen Canonem / von der vermeynten Keüschheyt der Priester/vnd sagt frey dürz heraußser/das solche sagung der Römischen Kirchen gang vnd gar sey oder streyte/beyde wider die Canones der Apostel vñ der Heyligen Väter/Besihe selbst/Lieber Christ/das Bapstische Decret/dist. 31. Cap. Quoniam Romani, &c.

¶ Von den vnzähligen menschen sagungen vnd Cere<sup>monien</sup> Von mensmonien/damit jertz im Bapstumb der rechte glaub vñ die sch<sup>e</sup> sagung rechte Gottseligkeit gar vertilgt ist/Sagen wir mit dem heyligen Augustino in Epist. ad Ian. D<sup>z</sup> her Himlische Vater die Christliche Religion habe mit sehr wenig Ceremonien beschwärt/als da seind Tauffe/Abendmal/2c. Aber die Menschen haben sie dermassen mit knechtischen büroden/oder last der Menschen sagungen vberladen/das die Jüdische dienstbare Synagoga vil leychter zutragē hat gehabt/dann die Christliche Kirche/ So von Christo befreyet. Es sagt d<sup>r</sup> H. Augustinus auch weyter/die H. Kirche sey mit vberauß sehr vilen spreüwern/iha auch mit vñlem vnkraut beschwäret vnd beschmeyßt gewesen.

¶ Aber hilff lieber Gott/wie vnzähllich vil narrenwercks vnd Affenspiel der menschen sagungen seyt der zeyt seind woleyngesfüret? Darzū ist auch alles von tag zū tag in größern vñ ergern mißbrauch gerathen/biß endlich nit mehr Christus die leüte hat sollen selig machen/Sonder Dominicus/Franciscus/oder nur ihre narren kappe/das geweyhete wasser/Agnus Dei/Meß/Vigilien/Heyligen/Die Papistische Ablass Bulle/der Mönchen vnd Nönen

# Von den G. Gottes Bekennen

groß fasten/heyligenächtekeyt vnnnd schöne Keuschheyt/  
vnd dergleichen.

¶ Hieraus ist nün klar vnd offenbar/das vnser Religion die eynige Göttliche warheyt sey/ auß dem lautern/  
waren/vnd heylsamem wort Gottes/vnd der ersten Kirchen  
genomē/ Die Papistische aber streyter beyde wider  
Gottes wort / vñ der alten ersten Kirchē ware Religion.

¶ Es ist ye billich/das man lügen mit lügen bestärcke/  
wie der schwarze Maranische Mönch zu Augspurg/  
in seinem falschen wege sich zum höchsten vñ fleysigsten  
bemühet / zubeweysen / das seine Papisterey zur zeyt der  
Apostel gewesen sey/weyl Dionisius des H. Pauli zühör-  
rer also darvon schreybet/ So er doch wol weyß / das vn-  
der andm Erasmus sehr klar vñ deütlich gnüg beweyset  
hat/dz die Schrifft so man Dionysio zuschreybt / oder zu  
eygnet/ inn keinen weg des Schülers Pauli sein können/  
noch dafür gehalten sollen werden.

Lügen mit lügen ver-  
schädigen.  
¶ Itē/eben diser schwarze Teüffel/ beweyset sein lehr  
auß den Epistolis Clementis/ ad Iacobum Bischoff zu  
Hierusalem/vom todt vnd Testament Petri/ So er doch  
vil anders weyß / das der selbige Iacobus syben ganger  
Jar vor Petro ist gestorben. Darauß folget offentlich/  
das solche Epistellang darnach von den Papisten seind  
erdichtet/ vnnnd erlogen. Also müssen die Papisten nach  
dem sprüchwort ihre falsche lügenhafftige Religion/mit  
andern sybenfachtigen greüwlichen vnd vnuerscham-  
tern lügen/beschönen/vnd beweysen.

¶ Weyl wir nün lieben Christen/disen herzlichē Göt-  
lichen vnaußsprechlichen trost haben/Das wir nie men-  
schen

# vnd Martyrern/der iij. theyl. cxiij

schon vnd iren fabeln/wie die Papisten/Sonder dem ewigen Allmechtigen Gott / vnnnd seinem vnwandelbarem wort seind gefolgt/ So laßt vns freydig sein/vnd es dapf fer hineyn setzen/ laßt vns Christum den eynigen Seelig maker/vnnnd seine ware Religion öffentlich annemen/ sie für diser Ehebrecherischer Welt in Gottes namen bekennen/vnd darüber steiff haltē/es koste gleich güt oder blüt/leyb oder ehr.

¶ Der Allmechtig/Ewig vnd gütig Gott/so vns vñ die ganze Welt auß nichts hat geschaffen/würts vns zu seiner zeyt hie zeytlich vnnnd dort ewiglich nur reichlich erstatten.

¶ Was wölt jr noch lang darnach warren/biß die Antichristische schandliche Wölffe / jha darzü sagen: Ir sehet klar für augen/das sie also thün/vñ von andern auch haben wollen/Wie sie dan in ihren Decreten selbst schreyben/Das/wañ gleich der Pappst vnzählich vil tausent Seelen mit sich/offentlich vñ greifflich/in die Hölle fürete/jm Danoch nyemandt soll eynreden / noch darumb straffen/vil weniger fragē/was thüstu: Sonder jederman soll jm gehorsamen/te.

¶ Hetten die alte Christen so lang wollen warren mit der Religion/biß die Fürsten vnd Herren/vnd die Abgöttische Priester vnd Bischöffe / jha darzü gesagt hetten/so were nymermehr keine Christliche Religion auffgericht/ Meyntrauwen/Sie seind nit so faule/Schlummerige vñ Adiaphoristische Christen gewesen / als wir leyder jetzt seind/Sonder sie habens vnuerzagt gewagt/vnnnd ihnen eine reyne Christliche Religion öffentlich auffgericht / ob gleich



# Von den H. Gottes Bekenñern

gleich ster vil tausent/offt in einem tag darüber seind jämmerlich hingerichtet/vnd erbärmlich vmbgebracht worden.

Georg  
Schärer.

¶ Solches freydigen eyfers vnd beständigkeyt in der waren Religion/habt ihr ein schönes trefflichs exempel/an disem eüwerem lehrer vnd Martyrer / des bekantnuß ich hiemit eüch vbersende/ welcher auch mit seinem blüt/ iha darzu mit einem grossen herzlichen Mirackel/die ware lehre vnd Religion Jesu Christi hat bestätiget vnd versigelt.

¶ Ihr sehet wol/das die Axt setzt an die wurzel des baums ist gelegt/ Ir sehet/meyne ich/klar für augen / wie greüwlich Gottes zorn setzt in disem/setzt in ihenem landt würet vnd rober. Sehet eüch für / vñ verachtet den erkantē Christū nit so leichtfertig. Es gilt eüch beydes/dz sezt ge vnd das ewige leben/den Himel oder dz Hölliche feür/Lüch/eüch/sage ich/vnd den eüwern.

¶ Wer da meynt/er will sein seel mit verachtung Christi gewinnen/vnd will sie erhalten/ der würt sie gewißlich beyde zeytlich vnd ewigklich verlieren.

¶ Bettet nur wer da betten kan/in einem rechtē glauben/wider den Saulitischen oder Salzburgischē Doeg/Ihr werdet sehen vñd gewißlich entpfinden/ das eüwer Gebett nit würt vergeblich/noch vmb sonst sein.

¶ Christus Jesus vnser eyniger Erlöser errette vns/eüch vnd alle die seinen/von allem vbel/Sonderlich aber von dem leydigen Antichrist/vnd von dem vnendlichen zorn Gottes/Amen.

Folget

vnd Martyrern/der iij. theyl. cxlv

Folget hernach die Bekantnuß / so gemelter Georg Schärer von vilen Artickeln Christlicher Religion/gantz Schriftlich vnd Christlich gethon/auch dieselbig in seiner gefäncknuß selbers auffgezeychnet vnd beschriben hat.

Was der rechte Glaub sey:

Antwort.

**D**er rechte Glaub der Christen- Vom rechten glauben  
heyt stehet in dem/das wir festiglich vnnidgänglich glauben/Das da sein in der Gottheyt drey Personen/Das ist/ Gott der Vater/der Sun / vnnid der Heylige Geyst/ein Gottheyt/ein Ewigkeyt/ein Allmechtigkeyt/vnd ein ewigs wesen/Nur drey Götter/sonder ein Gott / Der Himel vnnid Erden/auch das Meer/vnnid alles was darinnen ist/ erschaffen hat. Wie es dann klärlich in sich halten/diezwoßff Artickel vnseres Glaubens/den wir täglich bekennen solten. Dz wir auch festiglich bekennen / die Menschwerdung Christi/Vnd das er warer Gott vnd Mensch sey/Geborē von Maria der Juncckfrauen/vnd von wegen vnseres heyls vnd erledigung komen ist in dise Welt/vnd Mensch worden/das er mit seinem bitteren leyden / blut vergiessen/vnnschuldigē rodt vns reyniget von vnsern Sünden/vns versünet mit Gott seinem Himlichē Vatter/Alle schuldt für vns bezalet / Von Adam biß auff den letzten Menschen/

o

# Von den H. Gottes Bekennern

Allein Chri-  
stus vnser  
Erlöser.

schon/so geboren würt biß zum ende der Welt/ So wol für  
die Heyden/als für die Jude/ Die in Gott festiglich glau-  
ben/ Biß in das ende ihres lebens. Vnd das wir auch gänz-  
lich glauben/ das endlich kein andere gnügthung nicht  
ist/ für vnser Sünde/ noch sein mag/ dann allein das bit-  
ter leyden/ Blut vergiessen/ vnd der vnschuldige todt Je-  
su Christi. Er ist das Lamb/ darvon Johannes der Teüf-  
fer saget/ Johan. i. Das da auffhebt die Sünde der welt.  
So spricht auch Christus von sich selbst. Johan. viij.  
Ich bin der weg/ die warheyt/ vnd das leben. Nyemande  
kompt zum Vatter/ dann durch mich. Er ist auch die  
Thür/ durch welche wir allein eyngehen zu der ewigen  
seligkeyt. Johan. x. So spricht auch der heylige Paulus/  
Ro. viij. Gott hat seins eynigē Süns nit verschont/ Son-  
der hat in für vns alle vbergeben. Vnd hat vns auch alle  
güter mit ihm geben. Er hat vns den gang vund gar ge-  
schenckt/ vund für eygen geben. So treybt auch Christus  
einen solchen gnadenreychen wechsel mit allen/ die an ihn  
glauben/ vnd sich tröstlich auff ihn verlassen/ das er auff  
sich nimpt/ alle ire Sünde vñ bößheyt/ als hette er sie ver-  
bracht/ in seinem eygnen Leyb / vund gibt vns für eygen/  
seine gerechtigkeit vnd frombkeyt. Also ist vns sein blut/  
vergiessen/ ein abwaschung vnd reynigung vnserer Sün-  
den/ Sein vnschuldiger todt/ vnser leben. Vund für vns  
hat er vberwunden/ Sünde/ Todt/ Hell/ vnd Teüffel/ Er  
hat auch für vns erfüllet/ das ganze gesetz. Dañ Gott ist  
allein der/ der da gebeñt vñ erfüllet. So ist auch Christus  
für alle seine gleichbigen/ in die Helle gefaren/ auff das sie  
ewiglich dafür sicher weren. Er ist auch am drittē tag/



von den toten auffstanden/Das er vns alle from vnd gerecht machet/wie dann der heylige Paulus faget. Es spricht auch der heylige Petrus / in den Geschichten der Aposteln/am iij. Capitel. Vnser heyl stehet in keinem andern/Dann in Christo Jesu./Es ist auch kein ander Nam vnder dem Himel gegeben den Menschen/in dem sie müss sen selig werden/als der Nam Jesus. So spricht auch der Prophet Johel am ij. Capitel/ Ein jeder der da an rufft den nammen des Herren/der würt selig. Der Prophet Esaias am xliij. schreybt/Dz Gott spricht also. Ich bins/Ich bin der Herr/vñ außserhalb mein/ist kein Heyl macher. Derē sprüch die vns allein anzeygen/dz Christus Jesus vnser eyniger Mitler vñ versüner sey/gegen Gott dem Himlischen Vatter/seind vber auß vil in der Göttli chen heyligen Schrift. Wir habē auch kein andern Mitler oder Mitlerin/weder im Himmel noch auff erden/als Christum Jesum/Darauff stehe festiglich/vnnd laß andere singen vnnd sagen was sie wollen. Wann du das also gänglich vnd festiglich glaubest/vñ Beydrest Gott deine Sünd/mit reu vnd leyde / vñ bist eins guten willens vnd fürsag/mit der hilff Gottes/dein leben hinsürt zū bessern/So empfah darauß/so du magst/den Leychnam Christi/zū einem pfand vnd vergewissung der ewigen seligkeyt/Dañ darumb hat Christus vns diß Sacrament des Altars auffgesetzt/das wir seiner darbey/seins leydens/blütuer gießens/vnd vnschuldigen todes sollen gedenden. In welchem vnser Heyl vnnd erledigung stehet/Amen.

# Von den H. Gottes Bekennern

In was zeychen der glanb erkant werde?

Antwort.

Waher der  
Glaub er=  
kant werde

¶ Der Christliche glaube würt erkant auß den wercken der liebe gegen dem nechste/als da seind die werck der Barmherzigkeyt / darvon geschryben stehet / Matthei am xxv. 2c.

¶ Auß den selbigen Worten Christi ist gut zuuerstehen/ Das vns Christus am Jüngsten tag nit würt frage/ wie oft wir wol gehn Rhom/zü Sanct Jacob/gehn Jerusalem/gehn Regenspurg / vnd zü Sanct Wolffgang seind walfart gelauffen/wievil wir Kerzen gebrennet/öl gefressen/Kirchen gebauet/Wess gestiffet/ 2c.

Item/was er vom Hochwürdigen Sacrament  
des Abendmals Jesu Christi halte  
vnd glaube?

Antwort.

Vom H.  
Abendmal

¶ Ich halt vast vil von dem Hochwürdigen Sacrament des Fronleichnams Jesu Christi. Dañ Christus hat vns das zü einem besondern grossen trost auffgesetzt/Vñ in sonderheyt zü einem pfandt vnd vergewissung der ewigen seligkeyt / So wir festiglich in Christum glauben/ Das er von wegen vnsers heyls sey Mensch worden/ Das er vns auch versünet/mit Gott seinem Himlischen Vater/vnnd alle schuldt für vns bezahlt habe / vnnd das kein andere gnügthung sey für unsere Sünde/ dann allein das leyden/Blutnergiessen/vñ sterben Christi/ Wie oben vom glauben geschrybē stehet. Darumb sprach Christus/ Das wir dises Sacrament seins leybs vnnd blüts solten  
ent/

# vnd Martyrern/8 iij. theyl. cxlvij

entpfahen/in seiner Gedächtnuß vnd vnser Erlösung.

Ob er glaube/das in disem Sacrament gegenwertig  
sey/warer. Gott vnnnd Mensch?

Antwort.

**I**ch laß mich nit weyter treyben / Dañ was mir die drey Euangelisten anzeygen / Mattheus xxvj. Marcus xij. Lucas. xxij. vnd Paulus. j. Corinth. xj. Das Chri-  
stus sprach also. Nemet hin vnd esset. Das ist mein leyb / Der für euch gegeben würt. Nemet hin vnd trinckt / Das ist mein Blüt / das für euch vergossen würt. Darbey sol-  
len wirs billich lassen bleyben / vnd nit weyter fragen / ic.

Von ge-  
genwertig  
feyt des  
leybs Chri-  
sti.

Ob es not sey / das die Leyen dz Sacrament vn-  
der beyder gestalt niessen sollen?

Antwort.

**G**ott spricht im v. Büch Mofi. Deut. iij. vnnnd am  
xij. Jr solt nichts hinzü thun / zü meinem wort / das ich zü  
euch rede / Jr solt auch nichts daruon nemen. Nun so zey-  
gen ye die drey obbestimpten Euangelisten / vnd S. Pau-  
lus deütlich an / Das Christus im Abentmal / diß Sacra-  
ment auffgesetzt hat in zweyerley gestalt zü entpfahen /  
vnnnd hat nyemandes daruon außgenommen. Darumb  
sprech ich beschließlich / Das den Leyen vnbillich vnd wi-  
der das Göttlich wort / versaget würt / Die gestalt des  
Kelchs / oder Blüts Christi. Mich wundert sehr / Das die  
welt will vil gelehrter vnd bescheydner sein / Als Christus  
der Sün Gottes. Ist aber sach / das es Kegerey ist / Das  
Sacrament in beyderley gestalt zü entpfahen / als ihr vil  
sagen (Doch ohn grundt Göttlicher Schrifft) So seind  
alle Priester Keger.

Von bey-  
derley ge-  
stalt.



# Von den 5. Gottes Bekeñern

Was er von dem Widertauff glaubet

Antwort.

Vom Wi-  
dertauff.

¶ Der Kinder Tauff ist genůg zům heyl ihrer Seel. Das neme ich auß dē wortē Christi. Mar. am xij. Mar. x. vnd Luce. xviij. Da er also spricht zů seinen Jüngern. Sinite paruulos uenire ad me. Laßt die Kinder kommen zů mir. Dann jr ist das Keych Gottes.

¶ Dise wort möchte Christus nit sprechen/so der Kindertauff nit gnůgsam were. Danner sagt Marci am letzten Cap. Wer da glaube vnd getaufft würt/der würt selig/Wer aber nit glaube/der würt verdampt. Ich bekenne auch für mein theyl vnd spreche/Das ich so gůte genůge habe an einer Tauffe/Als ein Ross an einem Sattel.

Was er halte von andern Sacramenten der heyligen Christlichen Kirchen/Als Beycht/Absolution/Ehesstandt vnnnd andern?

Antwort.

Von den  
andern Sa-  
cramenten.

¶ Ich halt vast vil von einer auffrichtigen Beycht. Dann sie ist heylsam. Vnnnd spreche das dreyerley Beycht sein.

Dreyerley  
Beycht.

¶ Die erst soll Gott geschehen täglich. Dann dieweyl wir alle täglich sündigen/sollen wir auch Gott täglich Beychten. Luce am viij. Sage mir wem Beychtet Maria Magdalena/die grosse Sänderin/Sie Beychtet allein Christo. Nicht mit Worten/Sondern mit einem bereuerten hertzen/vnd mit vil weinens. Luce xxij. Wem beychtet Petrus/nach dem er Christum in seinem leyden drey mal verleügnēt hatte/ Allein Gott mit einem Bereuerten

# vnd Martyrern/der iij. theyl. cplōtā

reüweren hertzen / vnd vil weynens. Sage mir auch / wenn  
beychtet David der König: Darnon wir haben am ij.  
Büch der König. xij. Capit. Da er den Ehebruch mit der  
Versabe begieng / vnd jren Ehelichen Man / den fromen  
Ritter Uriam erschlagen ließ im Krieg / Er beychtet also  
lein Gott mit zweyen worten / vñ sprach. Peccaui Domino.  
Ich hab gesündigt wider Gott. Vñ seine beycht war jm  
genügsam. Das dem aber so sey / So folget hernach / Das  
der Prophet Nathan zu jm sprach. Dominus transtulit pecca-  
tum tuum. &c. Gott hat von dir auffgehebt deine Sünde /  
Du wirst nit sterben / verstehe / Des ewigen todes. Item /  
was that der offentlich Sünder im Tempel für ein beych-  
te / darvon das Euangelium sagt / Luce. xviij. Er richtet  
mit v. worten / zwo arbeyt auß. Er bettet / vñ beychtet /  
mit disen worten. Gott sey gnädig mir armen Sünder.  
Das jm aber dise Beycht gnügsam war / So gibt jm Chri-  
stus selbst zeügnuß / vñ spricht / fürwar / sag ich euch / Das  
dise ist gerecht heym gangen in sein hauß. Derē stück wer-  
ren noch vil von der Beycht / &c.

¶ Die and Beycht / die vns not ist zum heyl der seelen /  
ist die / darvon Christus sagt. Mat. v. Si offers, &c. So du  
opfferst dein gaabe auff den Altar / vñ wirst allda eynge-  
denck / das dein brüder etwas wider dich hat / So laß dei-  
ne gaabe vor dem Altar / vñnd gehe hin / versüne dich mit  
deinem brüder / Darnach kom vñnd Opffer deine gaabe.  
Von der Beycht sagt auch der heylige Jacob / am v. Con-  
fitemini alterutrum, &c. Ir solt einer dem andern bekennen  
eüwer Sünde / Das ist / So einer den andern beleydiget /  
vnd vnrecht thut / soll er hingehen / vñnd sich mit jm versü-  
nen.

# Von den H. Gottes Bekenern

sünen. O mein Gott vnd Herz/wie ein selzamer Vogel ist das aufferden.

¶ Die dritte Beycht ist ein getreüwer vnnnd Gottgefelliger Rathschlag/ Das der Mensch gehe zu einem bescheydenen/gelehrten/vñ wol belesenen Man/in der Göttlichen Euangelischen Schrift/dem zeyge er an/was im gebreche im Glauben/vnnnd begere von im ein treüwe vnderweysung/zeyge im auch an mit Reüw vnd leydt/seine Sünd/die in am meysten drucken vnnnd beschwären. Vñ die andern Beychte er alle in gemeyn. Vnd in sonderheyt ist dise Beycht vast not dem vngelehrten Pöfel/ Das da selten höret predigen das heylige Euangelium/vnnnd wenig weyßt was der glaub sey/vnd warin das heyl seiner Seel stehe/vnd das der Mensch sey eins güten willē/mir der hilff Gottes sein leben hinfürt zü bessern/vñ beger drauff die tröstliche wort/des heyligen Euangeliums/die heylige Absolution/mit einem starcken glauben/ Das im Christus werde halten/was er im zügesagt hat vnd versprochen/vnd der Priester solt ihm die wort der Absolution Teütsch sprechen/vnd laut/das ers möge hören vnd verstehen.

## Absolution.

¶ Der Allmechtige Barmherzige Gott/vergebe dir deine Sünd/vnd ich auß befehl/vnnnd im namen vnsern Herren Jesu Christi/sage dich frey/ledig/vnnnd loß/aller deiner Sünden/ In dem Namen des Vatters/vnnnd des Süns/vnd des H. Geysts/Amen.

Was



# vnd Martyrern/der iij. theyl. cxlij

Was ich von dem Ehelichen standt halte?

Antwort.

**I**ch halte in für einen hohen vñ heyligen standt/den Gott selbst auffgesetzt hat im Paradeys/ als wir geschriben finden/ Gene. ij. Vnd Christus hat in geheyliget mit seiner gegenwertigkeyt/ da er auff die hochzeit geladen ward/ mit Maria der Juncfrawen seiner Mütter/ vnd seinen Jüngern/ da er auch das wasser zñ dem aller besten weyn macht/zc.

Vom Ehelichen stand.

Was ich von der Weyhung/ Delung/ vnd Firmelung/ halte vnd glaube?

Antwort.

**S**ie seind nit von nöten zñ des Menschen heyl/ darumb mag man ihr wol gerathen.

Item/ ob den Ordensleuten ire Gelübd zerbrechen/ vnd in den Ehestandt zutretten gezüme?

Antwort.

**D**er Mensch hat nit zñuerloben vñnd zñuergeben/ das nit seiner gewalt/ oder eygen ist. So ist die Keüschheyt/ ein besondere gaabe/ vñnd gnade Gottes/ Die gar wenig Menschen geben würt/ vñnd keiner mag sie behalten auß eygnen krefft. Darumb wolt Christus kein gebott auß der Keüschheyt machen/ Sonder sprach/ Mat. xix. Wer es fassen mag/ d fasse es. Als ob er spreche/ Wer Keüschheyt halten mag/ der halte sie/ wer sie aber nicht halten mag/ der Heüraue. So spricht auch Paulus. j. Corinth. viij. Melius est nubere, quam uri. Es ist besser du heürauest/ dann das du gebrent werdest/ verstehe/ mit schwärer/

Von gelübdem.

# Von den G. Gottes Befehern

vnleydlicher / vnkeüſcher anſechtung des fleiſchs / die dem  
Menſchen oft vberwindet / vnnnd zuboden ſtoſſet. Es iſt  
auch klar am tage / wie die Geystliche Mönche / Nonnen /  
vnd Pfaffen jr gelobte keüſchheyt vndereinander gehalten  
haben. O das es Gott erbarm des gelübdes / Welches  
dem Teüffel vil mehr frucht hat gebracht / dan Gott dem  
Herren. Darumb were es tauſent mal beſſer / So jr einer  
die Keüſchheyt nicht wüſte zuhalten / das er ein Ehelich  
Weyb neme / Damit er der Hürerey fürkeme / vnnnd das  
heyl ſeiner Seel betrachte / vnd ſeinen nechſten darmit  
bauwere.

Item / von den Biſchöffen vnd Prieſtern / zñ vor von jrer wey-  
hung / vnnnd denen / ſo von jnen geweyhet wer-  
den / Vnd ob einer nit mehr ſey /  
als der ander :

Antwort.

Von Bi-  
ſchöffen vñ  
Prieſtern.

¶ Ich vermayne die würdigkeyt der Biſchöffe vnnnd  
Prieſter nit. Aber von jrer Außwendigē ſalbung / ſchmier-  
ung / vnnnd beſcherung haben wir gar keine Namhafftige  
ge vñ klare Schrifft im Neüwē Teſtamēt / So ſpricht der  
Apoſtel Petrus j. Pet. ij. Das alle Chriſtgleübige Men-  
ſchen Prieſter ſein. Aber keiner ſoll das Prieſterampt  
brauchen / vmb der vnordnung willen / Allein der von ſei-  
ner Oberkeyt / vnnnd einer ganzen Gemeyn darzū erwölt  
würt. Gleicher weyß ſeind in einer ſtatt vil Burger / vnd  
darff ſich doch keiner außeygner gewalt annemen / des  
Burgermeyſters oder Richters Ampt. Außgenomen der  
von ſeiner Oberkeyt / vnnnd ganzen gemeyne / Statt /  
Volck / darzū erwölt würt / &c.

Jch

# vnd Martyrern/der iij. theyl. cl

¶ Ich bekenne auch das einer mehr sey/als der ander/  
vor Gott vnd vor der Welt.

Item / was ich halte von der Meß/Betten/Fasten/vnd andern  
Kirchen gebreüchen/oder Ceremonien?

## Antwort.

¶ Ich lobevnnd preys die Meß/wa man sie helt/wie sie Christus hat auffgesetzt/Vnd wie sie die Apostel/vnnd vil andere mehr hernaher in langer zeyt gehalten haben/nemlich/das sie nur ein Comunion gewesen sey. Wa man aber ein Opffer darauff macht für die Lebendigen vnnd Todten/vnnd verkaufft sie vmb gelt/ So halt ich nichts daruon. Dann Sanct Paulus spricht zün Hebreern am ix. Cap. Das Christus nur einmal für vnser Sünde sey geopffert worden/Das ist/am stämen des Creüges/Vnd dasselbige eynige Opffer Christi/ist vns allen vberflüssig gnüg für vnser aller Sünde.

Von der  
Meß / Fa-  
sten/ Bettē

¶ Ich halt auch vast vil von einem glaubhafftigem rechten gebett / das auß rechter meynung vnd vnbezungen geschicht/Es ist auch einer grossen gewalt bey Gott. So spricht auch Christus/Luce am xj. Petite & dabitur vobis,&c. Bittet vnd eüch würt gegeben/Süchet vnd jr werdet finden/Klopffet an/vnd eüch würt auffgethon/&c.

¶ Von der Fasten halt ich auch vil / Das ein Mensch zimlichen seinen leyb zämet/laßt jm den zügel nit zulang. Darumb spricht Sanct Paulus/Modestia uestra,&c. Für wer mässigkeyt soll offenbar sein allen menschen. Das were ein Edle Fasten/das wir mässig vñ nüchtern weren



# Von den H. Gottes Bekenern

vnser lebenlang/in essen vñ trincken/vñ das wir auch all-  
zeyt fasteten von den Sünden vnd lastern.

**I** Von den andern der Kirchen gebreüchen/ vnd Ce-  
remonien/ Sage ich also/ Was Gott nicht gebotten hat/  
Ist auch nit von nöten zur seligkeyt. Da ligt nit vil an/  
man halt es oder nit. Wa aber die Predig des Göttlichen  
worts dardurch verhindert würt/ als oft geschehen ist/  
So were es tausent mal besser/ man ließ etlich vil Cere-  
monien in der Kirchen vnderwegen.

Item/ von den Seelmessen für die todten/ob es in zu  
güte vnd heyl köm?

Antwort.

Von Seel-  
messen.

**I** Ich finde im Euangelio nit mehr dann zween weg/  
wann wir sterben. Die ewige seligkeyt/ Vñ die ewige ver-  
dammniß. Die zur ewigen seligkeyt durch den glauben  
kömen/ Bedörffen keiner fürbitt mehr. Die aber zu der e-  
wigen verdammniß durch den vnglauben kömen/ Die hilf-  
fet kein fürbitt mehr. Darumb halt ich nichts vñ dē Seel-  
messen. Leset das xvj. Cap. Luc. von dem reichen Mann.

Item/was ich halte von der Mütter Gottes/vñnd aller hey-  
ligen fürbitt/vñd irer Ehrentbie-  
tung.

Antwort.

Von der  
mütter Got-  
tes vñd hey-  
lige fürbit.

**I** Ich halt vberaus vil von der Mütter Gottes/ Ma-  
ria. Dann Gott der Himelische Vatter/ hat sie auß gna-  
den erwölt/ auß allen reynen vñd keüschē Juncfrawen/  
zu werden ein Mütter seines Söns Jesu Christi/ vnser  
Mitlers vñnd Erlösers/ So glaube ich auch/ Das sie sey  
bly?

blyben/nach der geburt Christi/eine reyne/keusche/heylige Juncckfrau.

¶ Aber von der fürbitt Marie/vnd der andern heyligen/das wir derselben solten nottürfftig sein/weyß ich keine gründliche/klare Schrifft/weder im Neuwē/ noch im alten Testament/ Sondern alle Propheten/ Euangelisten/ Paulus vnd die andern Apostel/weysen vns allein auff Gott. So spricht Christus/ Johan. viij. Ich bin der weg/die warheyt/vnd das leben/Nyemandt kompt zum Vatter/dan durch mich. Seind das dan nit klare wort/Warlich/so vns not were/8 Heylige fürbitt/ Christus vnser aller getreuwester Hirt/vn der H. Paulus/hettē vns das nit verborgen. Sage weytter/ Warumb heyst Gott Allmechtig. Allein darumb/das er alle ding vermag/ So er vns dan nit allein gnügsam wer/vns seelig zumachē/ Sondern müste die Heyligen zu gehülffen haben/ So hieß er vnbillich Allmechtig. Welcher Heylig hat ye Gott gehölffen vnd gerathen/ Da er Himmel vn Erden auß nichts schuff. Oder wer hat für den ersten heyligen müssen bitten/ das er seelig wurde.

¶ Item/von der Ehrentbierung Marie vnd der andern Heyligen/Sage ich also/ Das wir sie in der gestalt solten ehren/das wir vns mit jnen herglichen erfreuen/das sie Gott auß lauter gnaden/zū dem Christliche glauben erwölet vnd erfordert hat/Ire Sünde jhnen auß gnaden vergeben/ In dem Christlichen glauben erfordert/von diser Welt/zū der ewigen seeligkeyt/ Vnd das wir in die selbigen von herten wol gönnen. Vnd das wir Gott bitten/Das er vns solchen grossen glauben/lieb/vnd hoff

# Von den G. Gottes Befehern

nung/hie auff erden auch verleyhe auß gnaden/Als er ih-  
nen verluhē hat/Vergebe vns auch vnser sünd / durch Je-  
sum Christum/als er ihnen hat gethon/vnnd verleyhe vns  
auch gnädiglichen zusterben/im glauben/wie den lieben  
Heyligen/vñ also endlich auch in jr schar kōmen der ewi-  
gen seligkēyt/Amen.

Item/von gūten wercken/ ob einer mit den selbigen/ etwas  
vmb Gott möge verdienen?

Antwort.

Verdienst  
von gūten  
wercken.

**I**ch sage ja / Aber allein mit den wercken/Die vor  
Gott ein zusag/vnnd versprechen haben/ Als da seind die  
sechs wercke der Barmhertzigkēyt/Matt. xxv. Die acht  
der seligkēyt. Matth. v. Vnnd das Gebett an vil enden  
der Göttlichen Schrift / Aber diser verdienst ist nit von  
wegen der werck/nach vnserthalben. Sonder von wegen  
der gnädigen versprechung/vnd zusagung Gottes. Aber  
die gūten wercke/Die durch vns geschehen/Thūn wir nit/  
sonder würcket sie in vns/durch seine gnade/vñ also seind  
es nit vnser werck/Sonder wercke Gottes/vnnd also be-  
lohnet Gott seine eygne werck in vns/wā Paulus sagt/  
ij. Corinth. ij. Das wir nit genūgsam seind/ etwas gūts  
zū gedenden/als auß vns/Sondern vnser genūgsamkēyt  
ist auß Gott / So wir dann nichts gūts auß vnser eyge-  
nen krafft können gedenden/vil weniger können wir et-  
was gūts würcken auß vnser eygener krafft. Welcher a-  
ber vermeynt/er muß durch seine gūte werck vñ verdienst  
das Himmelrych erlangen/Der macht Sanct Paulus zū  
einem lugener/der da spricht zū Rōmern am xj. Si gratia  
iam,&c. So wir das Himmelrych allein auß gnaden ha-  
ben/



# vnd Martyrern/8 iij. theyl. clij

ben/So haben wirs nit auß verdienst der wercke/ Sonst were gnade nicht gnade. Ich sage dir mit warheyt/wann ein Mensch alle die werck thete/ so die Juncckfrau Maria/ Alle Patriarchen/ Alle Propheten/ Alle Apostel/ Martyrer/vnd alle heyligen ye gethon haben/hette auch die Keynigkeyt vnnnd Keuschheyt Marie der Juncckfrauen/vnnnd aller Juncckfrauen/ So möchte er dannoch das Himelreich damit nit erlangen. So wir das Himelreich mit vnsern wercken müsten verdienen/ So were Christus vmb sonst Mensch worden/ hette vmb sonst gelittē/ sein blüt vmb sonst vergossen/were auch vmb sonst gestorben/vnd auferstanden/das sey weyt von vns.

¶ Es möchte aber einer sprechen/So ich dann dz himelreich allein auß genaden durch Christum Jesum habe/So bedarff ich kein güte werck mehr thun?

Antwort.

¶ Du solt güte werck thun/ aber nit der meynung/dz du ihrer nottürfftig seiest/zum Reich der Himel/ Sonder das es der will Gottes ist/das wir güts würcken/vnd nit müßig gehē/ Nim dessen ein schönes Exempel. Adam vnd Eva wurden in der vnschuld geschaffen/vñ bedorfften keins güten wercks/nach wolt Gott nicht/das sie solten müßig gehen/Sonder setzt sie in den Paradeys/denselbigen zupflanzen vnd bauen.

Item/ ob ich die Menschheyt Christi glaube.

Antwort.

¶ Ich bekenne auffrichtiglich vñ gänglich/Das Christus Jesus der Sün Gottes/warer Gott/vnnnd warer Mensch ist/Geboren von Maria der reynen vnd Keuschē Juncckfrauen.

Von der  
menschheit  
Christi.

Item/

# Von den 5. Gottes Befehern

¶ Item / was der rechte glaube der Christenbeyt sey / vnd in was zeychen vnd wercken er stehe / vnd erkant werde. Dise frage / vnnnd antwort darauff / stehet von anfang dises Büchlins / 2c.

Item / ob ich der Priester gebett vnd Tagzeyt / nye veracht / vñ ob ich dieselbe / dieweyl ich im Orden gestanden / allwegen vollbracht habe?

Antwort.

Vom gebett d Priester vñ Tagzeyt.

¶ Dieweylich im Orden biñ gewesen / Habe ich die syben tagzeyt allwege außgericht / vñ nach dem Ausgang / auch einzeytlang. Darnach als ich zu Predigen biñ kommen / Hab ich mehr vñ weniger Gebettet / Hab gedacht / Das Gott nit nach der zal der Psalmen vñ Vatter vnser frage / Sonder nach einem gleübigem hertzen / vnd das ein kurz gebett / das freywillig vñ von hertze geschicht / Gott vil gefelliger ist / dann ein langes Gebett / das vnwilligklich vnd bezwungen geschicht auß forcht der Menschen.

Item / was ich vom Segfeür halte?

Antwort.

Vom Segfeür.

¶ Ich finde keine klare auffrichtige vnnnd genügsame schrift / Weder im alten noch newen Testament darvon / das ein Segfeür sey / Vnnnd obs so were / Das wir vmb vnser Sünde willen müßten ein bezalung vñ genüghung thun / entweder hie im leben / oder dort im Segfeür / Als jr vil sagen / Doch ohn grundt der H. Göttlichen Schrift / So were Christus lauter vmb sonst gestorbe am Creüz / Der vnser aller Sünde / Sonil jr in ihn glauben / auff sich hat genomen. Vnnnd als war Gott im Himel ist / als war  
ist kein

# Vnd Martyrern/der iij. theyl.

clij

ist kein andere gnügthüung für vnser Sünde / dann allein das bitter leyden vnd sterben Christi.

Item / ob ich halt / das es Christlich vnnnd billich sey / Das die Christen wider Türcken vnd andere vngleichigen streyten mögen / oder nit?

Antwort.

**E**s würt mir schwär werden / darauff zu antworten / dann die gericht Gottes seind vns gar oft verborgē. Dannes geschicht oft / Dz ein handel vor den Menschen / für güt vnnnd recht würt geurtheylet / Das doch vor Gott ganz vnrecht vnnnd böß ist. Darumb will ich nit mit vermessenheyt vnd fräuel antwortē / Sonder sage also nach meinem gütduncken. Dz es sich gezimē / wider Türcken vñ andere vngleichige züstreitten / Als wider die seynde Gottes vnd seiner gleichigen / Doch dz zu forderst gesücht werde die ehr Gottes / vnd nit der eygen nutz / vnd das die vnderthone ziehē auß gehorsam irer Oberkeyt / wie vns dan lehret der heylige Paulus zu den Römern am xij. Capitel. Da er spricht / Ein jeder Mensch soll vnderthänig sein / seiner Oberkeyt / Dannes ist kein gewalt / dan nur allein von Gott. Darumb seind alle ding / also geordnet. Wer da widerstehet dem gewalt / Der widerstehet der ordnung Gottes / Wer aber Gott widerstehet / der würt verdampft. Vnd S. Peter spricht. i. Pet. ij. Ir solt vnderthänig sein aller Menschlichen Creatur / durch Gottes willen / dem König als dem Obersten / Den Herzogen vnnnd Fürsten / oder Hauptleuten / als denen die von ihm gesandt sein / zu einer raach der Vbelthäter / vñ ehr der güte. Auch spricht Salomon / Sapien. vs. Nüch ist die Gewalt / oder Oberkeyt gegeben von Gott.

Vom krieg  
wider den  
Türcken.



# Von den G. Gottes Bekennern

Item/ob ich nye das Nachtmal mit brechung des Brots/habe gehalten/Wa vnd wer darbey sey gewesen?

Antwort.

Obero  
Nachtmal  
gehalten  
habe.

**I**ch habe es nye gehalten/ bin auch nye an solchen enden vnd stetten gewesen/ Da solchs Nachtmal mit brechung des Brots geschē were. Das red ich mit der warheyt.

Item/ob ich nye ohn Beycht/nach dem ich den Orden verlasen/Das hochwürdige Sacrament empfangen habe?

Antwort.

**I**ch habe gemeyniglich allwegen vor gebeycht/vñ weyß wol wie man sich zu diesem Sacramēt schickē soll/vñ wolt Gott/dz es keiner weniger wüßte/dañ ich/Gott sey lob vnd danck/darumb gesagt/ Der mir dise vñnd andere gnade mehr verluhen hat.

Item/wañ ich angefangen habe/die Rappen von mir zuwerffen/Vnd warumb?

Antwort.

Wañ er dz  
Klosterle-  
ben verlas-  
sen habe.

**E**s ist nahent bey dreyen Jaren/das ich die Rappen von mir habe angefangen zuwerffen. Ursach ist an-  
säncklich/ Neyd vnd Haß/zancken/haddern/ vnd vney-  
nigkeyt/der Barfüßer Mönch/ vnd jr gleyßnerisch lebē/  
Das da hat ein scheyn/ ohn einen scheyn/ Ich bin vor-  
mals ix. Jar ein Weltlicher Priester gewesen/ Ehe ich ein  
Barfüßer Mönch bin worden. Ich gedacht/ da ich ein  
Mönch ward/mich hette Gott berathen/ Da hat mich  
der Teüffel beschissen. Darnach bekenne ich auch/dz mich  
die Euangelische warheit/eins theyls darzu bewegt hat/  
vnd hab nit länger/ in S. Franciscus Brüderschafft wöl-  
len

# vnd Martyrern/der iij. theyl. clüß

len sein / Sondern in Christus Brüderschaft. Dann S. Franciscus hat nit für mich gelitten/ist auch nit für mich gestorben/ist auch nit mein Mitler vnd Erlöser/Sonder Christus ist für mich gestorben/Ist auch allein mein Mitler/vnd Erlöser/Durch den muß ich allein selig werden/Amen.

## Georgius Schärer/von Saluelden.

Anno M. D. XXVIII. in captiuitate mea  
Kastat.

**S** Jser Georgius Schärer hat ein zeytlang zu Kastat geprediget das Euangelium/Ist derhalben gefangen vnd gerichtet worden/Wan hat in aber sollen lebendig ver- vom tode vnd Wunden der werck nach dem tod des H. Georg Schäfers.  
brennen/da ist er zum Schwerdt begnadet wordē/gleichwol soll der todte Körper verbrent werdē. Als er aber an die stat geführt ist worden/Darā er hat sollen sterbē/hat er mit früdigem Geyst zu Gott gebetter/ Auch of-  
9 ij fent



# Von den H. Gottes Bekenñern

fentlich vor den Menschen gesagt/ So war ich sterbē will  
als ein Christ/ vmbß wort des Herze/ So war will ich ein  
zeychen geben. Als er aber enthauptet ist worden/ vñ auff  
den Bauch gefallen/ Ist er so lang gelegen/ das einer her-  
te können ein Ey essen/ hat sich der Körper erst vmbge-  
wandt langsam/ auff den Rücken/ Den rechten fuß vber  
den lincken geschlagē/ die rechte handt vber die lincke/ Da  
man solches gesehen hat/ hat sich jederman entsetzt/  
Auch die Oberkeit/ vnd haben den todten  
Körper nit wollen verbrennen/  
Sonder begra-  
ben.

## Wilhelm von Zwollen.

¶ Die History von disem recht. Eysferigen Bekenner  
vñ Martyrer/ der Weylandt Königs Christierini/ in diser bekantnuß aber  
vnserß Herzen Jesu Christi Furier geweseß vnd worden ist/ wie er nem-  
lich auff der Doctorn vñnd Sophisten zu Löwen Artickel/ Christliche ant-  
wort auß Gottes wort gegeben/ vñ folgendß zu Mecheln im Niderlandt  
auff den xx. tag des Weynmonats/ Im Jar als man zalt nach der geburt  
Christi/ M. D. XXIX. verbrant worden/ ist vormals Im Jar  
M. D. XXX. von dem Hochgelehrten Herren/ Doctor Johān Bus-  
genhagen Pomern/ıc. warhafftig beschryben/ durch den truck außgange/  
vnd hienach von wort zu wort in disen vnsern dritten Theyl der H. Got-  
tes Bekenner vñnd Martyrer gesetzt worden/ Zu einem Exempel/ das  
Gott der Herz in allen Ständen/ wie seine Feynd/ also auch  
seine Außgewölten vñnd beständige Beken-  
ner der Warheyt  
hat.

Johann



vnd Martyrern/der iij. theyl. clo  
Johannes Bugenhagen Bo-  
mer/ allen Christen.

**A**ulus hat geweyssagt von de-  
nen die der warheyt widerstreben/ vñ gespro-  
chen. ij. Timo. iij. Es seind menschen von zer-  
rütteten sinnen / vntüchtig zum glauben/ aber  
sie werdens nit außführen/ Dann ihre Thorheit  
würt offenbar werden jederman/ Solchs gericht Gottes  
sehen wir täglich vber die hasser vnd lesterer des heyligen  
Euangelij/ das ist/ der gnaden Gottes/ die vns in Christo  
geprediget vñd angeboten würt. Besonders aber mag  
jederman sezt das  
selbe sehen an den  
Doctorn od Theo-  
logen zu Löwen /  
welche haben Ar-  
tikel gestellet wi-  
der den Christgleü-  
bigen Martyrer  
Wilhelm vñ Zwol-  
len / zu Mechelen  
im Niderlände ver-  
brant/ Wan sie nit  
so grob verblende  
weren / so wurden  
sie sich ye schämen/  
Die Ver-  
folger der  
Warheyt  
seind grobe  
verblendete  
leut.



# Von den 5. Gottes Bekenern

vnd nicht so offenbar ihre thorheyt für jederman an den tag geben.

¶ Dann nyemandt ist so vnuerständig / der nit mercket in iren Artickeln / das sie gern das liecht wolten scheühen / so sie köndten / Darumb stellen sie die selben Artickel zum theyl auch nit / wie sie mit Gottes wort jetzt werden angefochten / sonder also / das sie dannoch sollen einen guten schein haben / wanns möglich were. Sie verdecken mit willig vñ wissentlich / wider ire gewissen / die warheyt / vñ reden gleych ob sie brey im maul habē / das man sie in irer lügen nit soll ergreyffen. Wer eine böse sache hat / vñ will nit ein fromer Man sein / der muß sich also behelffen / Aber es hilfft nit / die Esels ohren gucken auß der Löwen haut / Ihre thorheyt würt offenbar jederman.

Die fcynde  
Euangeli =  
scher war =  
heyt sündi =  
gen in den  
H. Geyst.

¶ Vorzeyten meyneten wir / das dise leütte allein so blindt weren / darumb das sie in ihrer Sophisterey vñnd ihrer Tradition ersoffen seind / Jetzt aber kompts ans liecht / das sie die erkandte warheyt anfechten vñnd auff der höchsten verfolgen / Welches ist ein sünd in den H. Geyst / wie sie selbs auß dem Augustino lehren / vñnd wollen also mit irem harten kopff hindurch / wider Gott vñnd seinen gesalbten / wie im andern Psalmē geschryben stehet / das würt inē vbel bekömen / sie müssen herunder / der zorn Gottes ist endelich vber sie kommen wie Paulus von solchem Orter gezeichnet schreybt. i. Tessal. ij.

¶ Laßt vns das liecht halten bey dise acht dunckele Artickel / das wir sehen wie gern der Teuffel wolte schön sein.

¶ Auff der erste / Haben sie einen Artickel gestellet vom Schwören /

# vnd Martyrern/der iij. theyl. clvj

Schwören/ob man schwören möge/wie auch die Theologen zu Cölln solchen Artickel fürgestellt hatten dem Rudolpho/dasselbs kurz verbrant. Ich weys nit was sie für vrsach zu solchem Artickel haben/ Ich sihe aber wol/das Wilhelm ein antwort darzu gegeben hat/an welchem ye billich einem Christen genügen solte.

Vom Eyde  
schwören.

¶ Zum andern/Sagen sie von Statuten vnnnd gesetzen des Papsts vnnnd der gemeynen Kirchen/wie gerne hetten sie gesagt/der Römischen Kirchen/vnnnd dorffen nit vnderseydt machen zwischen den Statuten/dz man sie ye nit sahe in irer dollen Klügheyt.

Von Statuten vnd satzunge der Kirchen.

¶ Wir sagen aber also/Wann sie anders keine Statuta wissen zumachen/dann das sie vil erdichte Gottes dienst anrichten/die leütte fromb zumachen/vnnnd lehren oder Predigen vnnnd dringen solches auff der leütte gewissen/so sollen sie hören von Christo/auff dem Esaia/wie geschryben steht/Matthei am xv. Ihr Gottes dienst ist gar verloren/dieweyl sie lehren solche lehre/die nichts dann Menschen gebott seind. Iha man lese für an im Esaia/wie Gott solche meyster vnnnd ihre Schüler/das ist/die blinden vnd der blinden leyter/verstocken vnnnd verblenden will mit ihrer erdichten Neyligkeyt.

Matth. xv.

¶ Was Gott befolhen hat(welches im glauben vnnnd in der liebe begriffen ist)ist Gottes dienst vnd nichts anders/ Was aber wider Gottes gebott vnnnd wort/vnnnd wider den Christlichen glauben würt gesetzt vnd verordnet/das halte der Teüffel/Wider den Christlichen glauben seind alle Statuta/Regulen/Observantië vnwercke/

Von Vnchristlichen Statuten.

darz



# Von den H. Gottes Bekennern

dardurch man fürnimpt frey von sünden zu werden/ vnd das ewige leben zu verdienen. Dann solche ehre gehört allein Christo zu/ Es ist beschlossen/ wie er sagt/ Joā. viij. Nyemandt kompt zum Vatter/ dann allein durch mich. Das ist auff diß mal gnüg geredt von Vnchristliche Statuten/ Nun will ich auch bescheydt gebē von Christlichen Statuten.

Von Christlichen Statuten.

¶ Die Diener der Kirchen/ das ist/ der Christenheyt/ die Gottes wort dem volck fürtragen (was solten sie sonst anders für Diener sein?) mögen wol vnd sollen gute ordnung halten oder machen/ dz die leüte/ ehrlich vnd züchrig zusammen kōmen/ dz Euangelium zu hören/ vñ die Sacrament zu nehmen/ wie Christus befolhen hat/ zu betten in der gemeyne/ vñnd Gott in Christo zu loben/ wie Christus sagt/ Solches thut zu meinem gedächtnuß/ das alles zugehe ordentlich. Sie mögen auch sonst vermanen/ vnd ordnen was da dienet/ sünde vñ ergernuß zu uermeyden/ wie die Apostel theten/ Acto. xv. in irem Concilio.

¶ Aber wie etliche stück/ allein nütze ein zeytlang/ werden angenommen in Gottes namen/ vnd gefallen wol dem H. Geyst/ so soll man sie auch wider fallen lassen in Gottes namen/ wā sie nit mehr nütze oder ergerlich seind/ vñ nit auff die gewissen dringen/ Wie wir sehen das der gemeyne Wā hat fallen lassen/ on alle Concilium oder Bischöffe/ die ordnung der Aposteln vom gözen opffer zu essen/ vom blüt/ vnd vom erstickten/ da solches nit mehr ergerlich war/ Dann auch bey Paulus zeyten/ der doch solche ordnung hinauß brachte/ war es frey gözen opffer zu essen/ wā es on ergernuß geschehen kondte/ das ist offenbar

bar auß seinen Episteln. Vnser Concilia solten ye in solchen stucken nicht heyliger sein / dann der Apostel Concilium / so wir nit lust herten die gewissen züuerstricken / die Christus mit seinem blüt frey hat gemacht / Was aber auß Gottes wort geordnet würt zuhalten / das solle ewig bleyben / nit vmb menschlicher ordnung / sonder vmb Gottes worts willen / als da ist / das die Apostel im Concilio gebieten den bekereten Heyden / das sie sich der Nürerey enthalten sollen / welchs gebott Gottes / vnser Papisten in allen ehren halten / wie alle leütte Jung vnnnd Alt wol wissen.

¶ Was wiltu mehr hören von Statuten vnd ordnungen? Solches ist ye bescheidlich vnnnd nicht dunckel geredt von Vnchristlichen vnd Christlichen Statutē / das man nit darff klagen / das wir alle Statuta verwerffen / Vnnütige Statuten können wir wol entpārē / wollen sie aber vns damit beschwären / wañ sie gewalt vber vns habē / so wollen wir ire Tyrāney leydē / so fern es nit sey wider Gottes wort vnnnd den Christlichen glauben (wie gesagt) das sie vns gebietē. Vnser gewissen aber sollen frey sein / das wir nichts darvon halten / vnnnd wollen solches auch lehren / das wir das vnsern Junccherin den Gesetz machen / vnd nit Gott zü willen vnd zü dienst halten / wir wollen auch mit der zeyt ein Exempel nehmen von ihnen / vnnnd halten wie sie / sie gebieten vil / vnd haltens selbs nit / Ich Merck. wolt das Herren vnnnd Fürsten vnd andere Oberkeyt / einmal dahin geriethen / das sie ihre Psaffen drungen zü halten ihre gange Bapsts recht / welch ein ellend volck solten sie werden / wie solten sie Lutherisch begerē zu sein / Es sol-

# Von den H. Gottes Bekennen

te sie nit mehr lustē/dz vnschuldig blät der Heyligē Mar-  
tyrer/wie diser Wilhelm ist/auff sich vnd ire Oberkeyt zu  
laden.

Vom Seg-  
feür.

¶ Zum dritten/Vom Segfeür/da die Seelen der ver-  
storbenen inne geplaget werden / wissen keine Propheten  
oder Apostel / das ist / kein Schrift des Alten oder Neü-  
wen Testaments / Gott hat vns nit daruon befolhen / der  
Christliche glaube weyß nichts daruon / Da seind auch  
noch keine Doctores gewesen / die solches Segfeür auß der  
heyligen Schrift beweyset haben / Etliche haben in wol  
solches fürgenomē / aber sie haben iren vnuerstandt da-  
mit redlich beweyset / wie nū schier die Kinder in der schū-  
len wol wissen / Darnebē habē vns die Bolder Geyster vñ  
der Pfaffen lügen das Segfeür so auffgeblasen / das wir ey-  
tel Segfeürs Messen haben / zu dienst dem grossen Gott /  
der da Bauch heysset / vñnd haben verloren den seeligen  
brauch des heyligen Sacraments / vns von Christo be-  
folhen / vnd von den Aposteln gelehrt / vnd von den from-  
men Christen gehalten / wie vns offenbar anzeyget Pau-  
lus .i. Corinch. xj. Die rechten Christen haben in disem le-  
ben Segfeürs gnüg / daruon auch die Schrift meldet / vñ  
heysset es / ansechtung / verfolgung / dz feür des trübsals /  
ic. Daruon ein ander mal mehr / Die seynde der gnaden  
Gottes / dörffen nit sorgen / das sie kein feür behaltē / wā  
sie schon das Segfeür verlieren ! Sie haben danner im  
vorhat das töllische Feür / da hineyn gehörē solche Chri-  
stensbender vnd Viri sanguinum, das ist / blüthund vñnd  
mörder / Wir woltē gern mit vnserm gebett vñ lehr / sie er-  
retten / wā sie nit so mütwillig wiß die erkante warheyt  
roberen.

Segfeür  
der Chris-  
ten.

Zum



¶ Zum vierdten/Wir haben im Himmel nyemandt anzuruffen/dañ Gott vnsern Vatter / vnnnd vnsern Herren Jesum Christum/vnsern Mitler vnd versüner vnd Seeligmacher/vnnnd den H. Geyst/der vns Christum lehret/vnnnd zü ewigem trost durch Christum/den Vatter erzeyget. So lehrt vns alle Schrift/Gott sey gelobt/Der Christen glaub weyß nit anders/der Teüfel solls nicht anders beweysen/lugē gilt nichts. Wer andere Götter hat anzuruffen/der mag sich auff sie in seinen nöten verlassen.

Von wanner anruffung.

¶ Zum fünfften/Ach Gott wie scheühen sie das liecht/wann sie von beyder gestalt des Sacraments reden sollen/nün die warheyt des befelchs Christi am tag ist. Christus gab den Kelch seinen Jüngern vnd sprach/Trincket alle darauff/diser Kelch ist das newwe Testament in meinem blüt/das für euch außgegossen würt/zur vergebung der sünden/Solches thut so oft irs trincket zü meinem gedächtnuß. Wie frag ich/Seind nit die Leyen Christus Discipuli/das ist/schüler/die von im/ als von ihrem eynigen Meyster / das Euangelium lehren sollen: gehören sie nit züm newwen Testament/ das ist / zür vergebung der sünden: ist dz Blüt Christi nit jr: ist es nit für sie außgegossen zur vergebung irer sünden: sollen sie nicht des Herzen gedenden/ das ist/verkündigen vnnnd bekennen des Herzen todt/welcher würt vns klärlich angezeygt in der außgiesung seins blüts: Wann hat Christus im Sacrament zü entpfahen ein vnderscheydt gemacht zwischen den Christen: Wa haben die Apostel anders gelehrt vom Sacrament/dañ Christus befolhen hat: Die Heyligen Bischöffe vnnnd die man nennet Doctores Ecclesie/haben beyde

Von beyder ley gestalt des H. Sacraments.

# Von den G. Gottes Bekennern

gestalt des Sacraments allen Christen gegeben/Die solches anders sagen vnnnd schreyben/die thün den Heyligen Doctoribus gewalt vnd vnrecht/vnd seind grobe Esel vñ vnuerschampte lugner.

¶ Sie sagen in disem Artickel. Es ist nit wider die eynsagung des Herren/nach wider das Euangelium vñ der Apostel gebott (guckuck/sie wissen nit was sie sagen) das die Leyen nur ein zeychen vom Sacrament des Altars entpfahen/Wir aber sagen/ Wann Christus sagt seinen lieben Christē / die er mit seinem theüren blüt erlöset hat/ Nemet/trincket/das ist mein blüt/zc. vñ ein ander kompt daher / vnd verbeüt solches den Christen / vnd sagt / Bey verlust eüwer Seelen seligkēyt/trincket nit/jr sollet Christum in dem parth nit hörē/er verführet eüch / jr seydt verdampfte Keger/nit allein wann ihr auß dem Kelch trincket/wie Christus befolhet/sonder auch wann ihr trincken wöllet/oder wann jr nur glaubt/das ihr auß des Herren Kelch trincken möget / vil grösser Keger seydt ihr noch/wann jr andere leüt wöllet lehren/was Christus befolhen hat/jr sollet nit Christo vnnnd der Apostel lehr gehorsam sein/sondern der Kirchen / das ist vns/die wir verbieten was Christus befolhen/vnd die Apostel gelehrt/vnnnd die Christen angenommen vnd gebräucher haben/Was Christus befolhen hat/das soll nichts sein/jha auch Kegerēy/es were dann / das wir es wider züliesen oder erlaubten/das Christus befolch krafft vnd macht solte haben. Was wir aber wöllen/das soll recht sein/es sey Christo lieb oder leidt/zc. Ist ein solcher mensch nit ein lesterer Gottes/vnd ein müßwilliger schender des heylsamen befelchs vñsers Herz

Den Kelch  
verbieten  
ist grosse  
Gottesles  
terung.

# Vnd Martyrern/der iij. theyl. cliij

Herre Jesu Christi: Solche frome leute sind vnser Pfaffen/mit der verbietung des Herren Kelchs / noch wollen sie Christen sein/ihra sie dorffen wol morder darüber werden/wie sie disen Wilhelm gemorder haben wider Gott/ vnd wann sie an etlichen orten keine gewalt habē zu morden/so fället es doch an ihrem guten willen nicht. Wer dise dieb bey solchen fruchten nicht mercken kan/der muß sehr vnuerständig sein.

¶ Zum sechsten vnnnd sybenden/ sagen wir/das sie des vñ Fasten. Heyligen Geysts vrtheyl wider sich geweyssagt haben. s. Timoth. iij. da stecken inne biß an die ohren dise leut/die vom glauben abgetreten sind/vnd hangen an den irrigen Geystern vñ Teüffels lehrern / die da predigen lügen in heüchleren/das ist/vnder dem scheyn der heyligkeyt/sie haben schandliche brandmale in ihrem gewissen/wider die natur vnd wider Gottes wort. Was ist es dann das sie so böse lehren? Sie verbieten den ehelichen standt vnnnd speyse/2c. Ein Christ lese ye fleysig daselbs/wie wir den text oft haben klärlich außgeleget in vnsern büchern/so würt er sehen/dz der H. Geyst vnser Pfaffen vnd Mönch gar feyn getroffen hat/Solche Keger vom H. Geyst verdampft/seind ye nit die man die Lutherischen nennet/des haben wir gut gezeügnuß von der ganzen welt/auch von vnsern feynden/wie dise beyde Löuischen Artickel anzeygen.

¶ Von den speysen sagen wir also. Man solte das Volck lehren das sie nit fressen vnd sauffen/wie die Apo/ Non der speyß. stel lehren/vnd wie Christus vermanet/Luce xvj. Hüter eüch das eüwere herten nit beschwäret werden mit fressen



# Von den G. Gottes Bekennern

sen vnd sauffen / vñ mit der sorg dises lebens / 2c. Vnd dar  
neben lassen die gewissen mit lehre vnd gesetzen vnuerstet  
cket / ob sie fisch oder fleysch essen sollen / dann solches ist  
Teüffels lehre / dardurch die gewissen vom glauben Chris  
sti werden gefürt / vnd lernen sich auff erdichte gerechtigt  
keyt verlassen.

Von der  
Keüschheit

S. Paph  
nutius.

¶ Von der Keüschheyt aber sagen wir also / Alle Chri  
sten sollen Keüschheyt halten / Nyemandt soll vnkeüsch  
leben / wer nit kan keüsch leben ausser dem Eheichen stan  
de / der soll keüsch leben in dem Eheichen stand. So wills  
Gott haben / vñnd so hat ers verordnet / Im Eheichen  
stand aber keüsch lebē / ist / das ein jeglicher sich benügen  
lasset an seinem Eheichen gemahel / wie auch Sanctus  
Paphnutius sagt im Concilio Nicoeno / vnd wehrete da  
mit / das das Concilium auff das mal nit müste schuldig  
werdē an den Teüffels Lehrern / die Eheich zu werden ver  
bieten / Darnach ist es gleichwol fürt gegangen / dann der  
Heylig Geyst kondte nit liegen / der solches zuuor geweyß  
sagt hatte.

¶ Unsere Psaffen redē also von der Keüschheyt / wie  
diser sybende Artickel anzeygt / gleich ob die Eheiche leü  
te die Kinder zeügen / nicht keüsch sonder vnkeüsch leben /  
vñ ist doch die vnkeüschheyt allen leüten verbotten / aber  
Kinder zeügen im Eheichen stand / ist Gottes ordnung /  
sein werck vnd segen / Jha wañ schon keine Kinder darvon  
kōmen / so ist doch im Eheichen stand die Eheiche pflicht  
Gottes ordnung / Gottes werck / vñnd Gottes recht / wie  
Paulus schreybt. 1. Cor. vij. Darumb gefelt Gott solches  
wol / vnd hat einen greüwel an der vnordnung / die darwi  
der

Der ist / also ist die Hürerey / die Ehebrecherey / die unreynigkeyt vnnnd Sodomey / in welchen Teüffels wercken stecken bis an die ohren die meysten Pfaffen vnd Mönche / die so köstliche Keüschheyt fürgeben mit iren Artickeln / In hypocrisi loquentes mendacium. Die andern alle / die vnder ihnen die reynsten wollen sein / seind in den Teüffels lehren erflossen / vnd verchädigen die Teüffelische verbietunge des Ehlichen standts / darauß solche schand vnnnd sünden kommen / wie am tag / Der Jüngste tag würt schier mehr an tag bringen / der ein bübe ist wie der ander / ohn das dise Teüffels lehrer erger seind / dann die allein in des Teüffels wercke stecken / Dann arme sündler mag Gott bekehren / vnd auß barmhertzigkeyt durch Christum / wann sie zum Euangelio kommen / bessern / Die aber die Teüffels lehren verfechten / seind in irer heyligen lügen vnd Heuchlerey ganz verstockt vnd verblendet.

¶ Sie alle vber einen hauffen / seind nit werde / das sie das heylige wörtlin / Keüschheyt / in munde nehmen / sie wissen nicht was es ist. Wer ohn hürerey / Ehebrecherey / unreynigkeyt / ic. lebt / der lebt Keüsch / er sey Juncfraw / Witwe / oder Ehlich / So würt man es finden in der heyligen Schrifft / Der Teüffel wolte gerne sagen / wann er dörfte / das der Ehliche stand vnkeüschheyt sey / damit er möchte desto baß betreffen seine Teüfflische ehe verbietung. Darumb / darff kein Christewige Keüschheit sonderlich geloben / alle leüte seind schuldig ewige Keüschheyt zuhalten auß Gottes gebott / wie alle leüte schuldig seind Vatter vnd Mütter züchren / nit zu tödten / nit mord / den / nit stelen / vnd dörfen solches nit sonderlich geloben /  
Wer

# Von den G. Gottes Bekennern

Wer aber auß vnwissenheyt ye gelobet hat ewige Keüsch heyt/dem ist damit nicht verbotten ein Ehelich weyb zu nemen/vnd Eheliche pflicht/Ean er nit oder gefellt jm nit Keüsch zuleben außser dem Ehelichen stand / so lebe er Keüsch im Ehelichen stand/ so bleybet er ye noch in der Keüschheyt/vnnd vermeydet vnkeüschheyt/ in welche er möchte fallen wider Gottes gebott vnd wid sein gelübd.

Vom Gelo  
ben der  
Geystliche  
soul die  
Keüschheit  
belangt.

**I** Aber ich will dir wol sagen was vnser Geystlichen geloben/wann sie geloben ire ewige Keüschheyt/ Sie geloben oder schwören nit Keüschheyt zuhalten/ dan vmb Keüschheyt willen zuhalten dörfsten sie nicht den Ehelichen stand vermeyden / sie leben auch nach ihrem gethorenem gelübd vñ geschwornen Eydt in aller vnkeüschheit/ 2c. vnd die frömmesten vnder jnen können ansehen/das ihre Missethaten zehen Türen od auch Ehebrecherinnen bey sich haben/oder sonst mit jnen zuhalten/das ist allein ein menschliche brechlichkeit/das aber einer von jnē/hürerey/ wie Paulus sagt/züermeyden/ ein Ehelich weyb nemē/ nach Gottes ordnung vnnd willen/das ist ein Kegererey/ nit zuleyden/die man mit feür muß straffen/vnd darnach liegen das solche ewig verdampt sein/das also der Eheliche stand in die hölle gehöre/ vñ Sodoma vñ Gomorra in den Himel.

Merck.

**I** Was ist dann das sie geloben oder schwören? Ich wills sagen/vnd sie sollens selbs bekennen müssen mit aller welt/das ich nit fäle/Sie verloben vnnd verschwören vnsern Herren Gottes Ehelichen stand / Nemlich/ das sie nymermehr ein Ehelich weyb wollen nemen/ solten sie auch in alle Hürerey vnnd unreynigkeyt darüber fallen  
vnnd



# vnd Martyrern/der iij. theyl. clxi

vnd ewig zum Teüfel faren. Jha es geschicht oft/dz Gott jr fräuel geloben vnd schwören strafft/damit das er sie desto mehr vnreyn lasset werden/ Sie solten des Teüfels werck/vñ nit Gottes werck/als da ist der Eheliche stand/verschwören/wie alle Christen haben gethon vñnd thün in der Tauffe/ Darauf mag man mercken wie seynd die Teüffels lehrer seind dem ehelichen stand/doch in Hypocrisi/das ist/vnder dem scheyn der Engelson heylig Keyt/wie auch Paulus sagt. Col.ij.

**S**umma/ohn weyb reyn leben/können nit alle leüte/sondern etliche/den es Gott sonderlich gibt/wie Christus sagt/Matth. xix. vnd Paulus. j. Corinth. vij. Dem es nit gegeben ist/was gelobet doch der oder schwöret/zuhalten das er nit kan. Möchtestu doch auch wol geloben vnd schwören/das du woltest fliegen vber den churn/vnd hast keine flügel. Jha sprichstu/ Ich will Gott bittē vmb Keüschheyt/ Antwort/Dz ist wol vō nōtē/du hast ein weib oder nit/aber gelobe vñ schwöre nit/du würest meyneidig. Ist dir aber solche sonðliche gaab gegeben/dz du on weyb/od on man reyn lebē kãst/ So gedenck dz es ein gaab Gottes sey/vnd gelobe/od schwöre nit/dañ du weyssest nit wie lang/ Es möchte mit der zeyt anders mit dir werden/so hastu dannoch hinfürt den heyligen ehelichen stand/dazü du greyffen mögest/weyl du merckest/das du solcher mühe nit mögest vberhaben sein/Mühe hie/mühe da/einen gnädigen Gott vnd gut gewissen müssen wir haben/kanich nit vnehlich in den himel kōmen/so kōme ich hineyn ehelich/wie geschryben sthet/Hebre. xij. Ehrlich sey die Hochzeit vnder allen/vñnd vnbesleckt die kāmē/Die

Keüschheit  
geloben ist  
vnrecht.

# Von den H. Gottes Bekennern

hürer aber vnnnd die Ehebrecher würt Gott richten oder verdammen. Ich schweyge hie/ das auch einer der nit benötigt ist/sonder hat macht seines willens / das ist/ dem Gott solche gaabe geben hat / so er anders nit vntüchtig zur ehe sey/möge ehelich werden/Wie Paulus sagt/er sündiget nicht. Der H. Geyst will den Ehelichen stand frey haben/wider alle Teüfels lehren.

Was da sey  
Reyn lebē.

¶ Aber reyn leben / heysset nit allein außwendig mit dem leyb oder für den leüten reyn oder keüsch leben/ dann dz were ein heüchlercy/sonder auch iüwendig ohn brunst vnd vnkeüschelüst/wie Paulus sagt/Das die Juncfraw keüsch / oder reyn / oder heylich sey mit dem leyb vnnnd mit dem Geyst. Das du nit mit dem hergen ehebrechich oder vnreyne seyest/Wie Christus lehret/Vnnnd Paulus/weyl solche in der fahr der vnkeüschheyt seind / vnd können nit mit freyen hergen oder gewissen dem Herren dienen/gibt rath auß dem Heyligen Geyst/wider die Teüffels lehren/vñ spricht/ Züuermeydē die hürerey soll ein jeglicher sein weyb/vnnnd eine jegliche iren man haben/ Dañ es ist besser freyen dann brennen/Wie auch Sanctus Cyprianus beschloß/da er jñen ward/das etliche Diaken/ die Juncfrawen(suit)beschließen/ die ewige Juncfrawschafft gelobt hattē(dañ solche heylichkeit hüß sich zeytlich an/es waren aber keine Kloster Nonnen)vnd solche heyliche Diaken decketen doch den schalck/ mit heyligem scheyne/vnnnd hießen solche Juncfrawen/ire Geystliche Mütter/es waren alle güte Geistliche leüt/Solche heylicheyt bringt solche frucht. Wie dann etliche von vnsern Nonnen/die Coronate/welche si nenēen Carnutē/offt auch seind gröblich

# vnd Martyren/der iij. cheyl. clxij

lich angefochten von solchen heyligen leuten/2c. Die wort Sancti Cypriani/wie er schreybet/lib. j. Epi. j. seind dise. Wort des S. Cyprian=  
 So solche Juncfrawen nit wollen/oder nit können be- ni von den  
 ständig bleyben/so ist es besser das sie freyen / dann das sie Juncf=  
 mit jren lüstē solten ins feur fallē/auff das sie mit solcher frauen.  
 weyse den Brüdern vnd schwestern/das ist/den Christen/  
 kein ergernuß anrichten.

¶ Das seind seine wort/welche wir Christē nit darun-  
 sollē annemen/dz sie Cyprianus allein hat gsagt/sond da-  
 rumb dz sie Cyprianus hat gsagt auß Gottes wort/ Dañ  
 seine wort stehē auff der erste auff den Worten Pauli/ Es ist  
 besser freyen dan brennen / Zum andern/ darauff/wie die  
 ganze heylige Schrifft lehret / das kein schand leben vn-  
 der den Christen/wie vnder vnsern Geystlichen / soll sein.  
 Solchen güten spruch auß Gottes wort/wider die Teüf-  
 fels lehre/ die vnder einem heyligē scheyn der Juncfraw  
 schafft vnd Keüschheyt / die ehe verbeüt / findestu in des  
 Papsts Decret nit/damit man möchte vil ellender gewis-  
 sen trösten vñ Christlich erretten/sonder das sein lieber zu-  
 sammen rasset/solche spruch der Väter/die sie vnfürsicht-  
 lich vnd on Gottes wort/ jha offte wider Gottes wort ge-  
 sagt haben/das damit vnser Geystlichen / marter vnd  
 stricke zürichten den armen gewissen / vmb welcher wil-  
 len zü erfreyen Christus den todt hat gelitten. Was wil-  
 tu mehr hören von solcher Keüschheyt?

¶ Aber vnser Lövischen Theologen setzen in disem sy-  
 benden Artickel darzū/ Oder sonst ander gelübd/Gott ge-  
 lobe vnd gethon/soll man halten/Sie meyneten es zü tref-  
 fen/das sie ihre Kloster gelübde bestättigeten mit einer



# Von den H. Gottes Befehren

Clausula generali/aber es hilfft nicht / Wan gelobet offte  
Gott/das nit Göttlich ist/Wan gelobet auch offte Gott/  
vnd bezalt es dem Teuffel.

**E**ygenschafft  
te eins rech  
te gelübs.  
Wie offte haben wir geschryben / das ein recht ge-  
lübdt soll zweyerley an sich haben. Das erste / das es sey  
möglich/das ander/das es sey Göttlich / Was nit mög-  
lich ist/oder einem menschen nicht von Gott gegeben/das  
gelobet vnd schwöret ein Narr / Was aber nit Göttlich  
ist/das ist/was wider Gottes wort ist vnnnd den glauben/  
das gelobt ein Gottloser vnd Vnchristen / es were dann/  
dz ers thete auß vnwissenheyt/dem soll es leydt sein / wann  
ers lernet mercken/vnd soll Gott bitten das er ihm solche  
vnwissenheyt vergebe/vñ darneben sein Gottlose gelübd  
vnnnd eyde mit füßen treten/ Wer sich zum Teuffel hat  
gelobt vnd geschworen/solte er darnach nicht begeren loß  
zu werden/wie kommen wir Christen zu solchen Teuffels  
stricken? Vnmöglich ist zu halten/das du gelobst on ehe  
reyn zubleiben/wann dirs nit sonderlich gegeben ist von  
Gott/wie gesage/Vngöttlich vnnnd vnchristlich ist/das  
die Mönch ein erlogene armüt geloben/ vnd etliche wöl-  
len bettlen/etliche setzen sich in die güter / die sie mit ihren  
Segfeürsmessen der welt abgelogen haben/so lang das sie  
auch Bischoffs stäbe vnd hute gekriegt haben / was wöl-  
len sie damit machen? Paulus durch den Heyligen Geyst  
thut in den ban solche vngeystliche müßiggänger vnnnd  
Bauchdiener alle sampt. ij. Tessal. am ij. Bey vns seind  
sie die besten. Summa/alle ire regulen vnnnd obseruantien/  
Item/alles menschliche fürnehmen/dardurch sie wöllen  
Ablass vnd vergebung der sünden erwerben / ist vnchrist-  
lich/

lich/vñ ein verleügnung der barmhertzigkeyt Gottes vñ  
des blüts vnseres Herren Jesu Christi.

¶ Zum achten/sie setzen einen Artickel also/ Man soll  
gehorsam sein dem gebott der Kirchen vnd des Keyser/ Das man  
des Luthers Bü-  
cher nit les-  
sen soll.  
das man Luthers bücher nicht lesen soll. Mit dem wort  
Kirch/da können sie mit spielen vñnd schirmschützen wie  
sie wollen/für den blinden. Kirch/welchs auff Griechisch  
Ecclesia heysset/ist auff Teütsch ein versamlung / Damit  
wir pflegen zunennen / die versamlung der Christen/ Wan  
man sagt Ecclesia/ein Christenheit/so köndtens die Teüt-  
schen besser verstehen. Ein gemeyn Christenheyt/gehee  
vber die ganze welt/inn welche gehören/ alle die an Chri-  
stum glauben/vnd Christus lehr lieb haben / welche auch  
würt genennet Apostolica/darumb das sie sich helt an die  
lehre vnd an den glauben/welchen ihz Christus durch sei-  
ne Apostel hat predigen lassen / vnd befolhen. Alle Eccle-  
sie/das ist/alle Christenheyt oder Christliche versamlung  
in sonderlichen örtern vnd landen / sollen alle gehören zu  
solchem glauben vnd lehre/ vñ nit abgescheyden sein/von  
der gemeynen Christenheyt/ wie gesagt. Apostel glaub  
vnd lehre soll allen Christen gemeyn sein/ anders seind sie  
nit Christen/wiewol sie sich so nennen/ So solt du verstehen  
das wörtlin/ Kirch/ oder Christenheyt.

¶ Nun willich dir auch sagen was in des Luthers bü-  
chern geschryben stehet/das du mögest recht mercken / ob  
das auch ein Ecclesia Christi/das ist/ Ein Christenheyt  
sey/die solche bücher verbeit zu lesen. Luther hat in sei-  
nen büchern geschryben solche lehre/ als ich in diser Vor-  
rede/ wider dise acht Lönische Artickel geschryben habe/

Was D.  
Luther in  
seinen Bü-  
chern ge-  
schrybe hab

# Von den H. Gottes Bekennern

welche lehre er so bewäret hat mit Gottes wort vnd des Christlichen glaubens warheyt/das es vnser Sophisten/meyn ich/wol gefület haben/sie können nün nit mehr dan Gottes warheyt schenden/vnd das vnschuldige blüt verdammen.

¶ Vber das so hat auch der Luther/wiewol schier in allen seinen büchern/darvon geschryben stehet/doch auch sonderliche bücher gemacht/von der gewalt vñ ehre weltlicher Oberkeyt/vñ also wider herfür gezogen/dz es auch mercken die Fürsten vñ Herren/die sonst vnser feynde seind/In der Pfaffen Bücher würstu solche treffliche vñ Göttliche lehre vom gehorsam der Oberkeyt nit finden/ih a sie haben sie lieber etliche hundert Jar vndergehalten/gleich ob sie selbs die Märesten weren/leysteten keinen gehorsam/welches ihn doch die Apostolische lehre gebotten hat/gaben nit schoß vnd andere pflicht/welchs doch Christus selbs dem Keyser oder Oberkeyt nit versagt hat/vñ hat vns gebotten/Gebet dem Keyser was dem Keyser/das ist/der weltlichen Oberkeyt/gehöret/was jr aber gehört/schreybt Paulus. Roma. xij. Darüber faren sie zū/nün die Euangelische warheyt so offenbar ans liecht kompt/vnd vberreden die weltliche Oberkeyt/dz sie müß die warheyt Gottes verbieten/gleich ob sie Türcken weren/vñ waschen die hände im vnschuldigen blüte/Ich meyn/sie thün yeder weltliche Oberkeyt grosse ehre/wañ sie die so greüwlich mit Gottes rechte beschwäre. Ich hoff Herren vñ Fürsten vñ andere Oberkeyt/werdens einmal mercken/das helffenen Gott durch Jesum Christum vnsern lieben Herren/Amen. Darzū lehret der Luther auch



auch fleysſſig bitten für Keyſerliche Maieſtat vnnnd alle Oberkeyt/vñ wir bitten auch fleysſſig offenbar vom Predigſtülē/vnd wann wir gehen zum Sacrament vnd in vnſern offenbarn Litanie/wie am tag / ſo es ands yemande wiſſen will/vnd wir wiſſen das wir haben einen Gott der vns erhöret durch Chriſtum vnſern Herren / Der Teüfel wolte gern durch die Pfaffen vnnnd Mönch/die Oberkeyt vberreden/das ſie vns für ſolchen dienſt vnſern lohn gebe / Das beſelhen wir Gott / der ſols ſehen vnd richten.

¶ Iſt das hauptſtück/in des Luthers lehre vnd Büchern/hab ich noch nit geſagt/Alle ſeine lehre vñ Schrift iſt der grunde aller heyligen Schrift/Articulus Iuſtificationis, das iſt/wie wir armē verlorne ſünder ſollen vnſer ſünden loß/fromb vnnnd ſelig werden/Nemlich/das wir von vns ſelbs verloren ſeind/vnd können vns ſelbs nit helfen/noch keine Creatur im Himel oder auff erden/vñ werden der wegen nit auß vnſerm verdienſt oder vermögen / ſondern auß lauter gnade vnd barmherzigkeit Gottes vnſers lieben Vatters/omb des blüts vnd verdienſts willen ſeines lieben Söns vnſers Herren Jeſu Chriſti/gerecht fertiget/das iſt/gelöſet von vnſern ſünden / vnd ewig ſelig/dz wir hinfürt Kinder Gottes ſeind/mit dem H. Geiſt begaabet / vnd thün vnſers Vatters willen. Solche Artikel vnd lehre iſt der welt nit zuleyden / ſolchs (wie Paulus auß dem Eſaia ſagt. j. Cor. ij.) hat kein ange geſehē/kein ohre gehört/vnd iſt in keins menſchen hertz geſtigen/ondem es der Geiſt Gottes durch die Predig des Euangelij offenbart/Vnſer Papiften können Gottes gerechtigkeit nit in Chriſto/wiſſen ands nit dan von menſchlicher gerecht

Hauptſtück  
in des Lu-  
thers leh-  
re vñ Schrift  
ten.

# Von den H. Gottes Bekennen

gerechtigkeyt / die zur seeligkeyt für Gott nichts gilt / zu plappern / nit vil besser dann Türcken vnd Juden / on das sie allein Christo den namen vnnnd tittel lassen / das er sey vnser gerechtigkeyt / das verstehen sie nit.

¶ Was ist nun in des Luthers Büchern / das man nit lesen soll: oder was ist das für ein Kirch / oder Christenheyt / die solche lehre verbeüt zu lesen: Wir wollen Keyserlicher Maiestat vnd aller Oberkeyt thun alles was ihr gehört / vnnnd soll nyemandt beweysen das wir vngheorsam sein / so man wölle recht sagen / dz wir aber auch Gott thun was ihm gehört / das soll vns die Oberkeyt / die von Gott verordnet ist / zugüt halten / Dañ Christus hat vns beyderley befolhen / Gebet dem Keyser was dem Keyser gehört / vnd Gott was Gott gehört.

¶ Mich wundert / das die Ldvischen Sophisten in ihren Artickeln nit ein wort gesetzt haben / de Justificatione / wie man fromb / oder der sünden loß werde / das man für Gott ein güt gewissen habe / Ich meyn / sie seyen nicht groß darumb bekümmert / sonder allein plappern vō Statuten / Segfeurs messen / Heyligen anruffen / einer gestalt / Eyer vnd Butter / vnnnd jrer Heyligen Keüschheyt. Wer Gottes genade in Christo erkennet hat / der kan sich gar leichtlich in solchen stucken entrichten / Wie aber solten sie sich darumb bekümmern / weyl sie die barmherzigkeyt Gottes / vnd das blüt vnseres Herren Jesu Christi sehen / den mit jrer lehre / auffß höchste / vñ mördten die solche gnade bekennen:

¶ Ich halt auch das sie sich schämen von dem Artickel mehr zusagē / weyles an tag kōmen ist / wie schandtlich sie  
damit

damit wider alle Schrifft vnd den Christen glauben ge-  
redt vnd geschryben haben/ Die Gelehrten vnder inen/  
pflegen zuschreiben vñ lehren/ das mans solte verstehen/  
von den wercken der Jüdischen Ceremonien/wann Pau-  
lus so oft lehret/ das kein mensch fromb werde durch die  
wercke des Gesetzes/vnd folgeten so nach/etliche Lehrern/  
die nit wußten den rechten grundt des Christlichen glau-  
bens/wiewol sie grosse namen habē/ Welche Augustinus  
mit klarer schrifft strafft vñ nider leget/ De spiritu & litera.  
c. viij. vnd viij. Solchs können vnser blinden nit sehen/  
dan es gefelt in nit. Vnder inen sind auch rechte Graua-  
nen entstanden/ die meyneten/ es were ein grosse Keger-  
rey/das man saget/ Sola Fides iustificat, das Sola/solte ye  
nit darbey stehen/vnd Paulus lehret doch nicht anders/  
der heylig Geyst gibt auch anders keinen glauben/ dann  
der vns allein fromb machet in Christo/wollen sie die leü-  
te darumb für Keger schelten/ so schelten sie auch San-  
ctum Ambrosium/ der doch oft schreybt das glaube al-  
lein fromb machet/in Commentarijs in Paulum. c. iij.  
vñd iij. 2c.

**D**och laß sie faren/ sie sind blindt vnd blinden ley-  
ter/man weyß wol wie es solchen pfleget zugehen/ Es ist  
greüwlich anzusehen/ das etliche durch Gottes gerichte  
so verblendet sind/ Sehr tröstlich aber/ das wir auß sol-  
cher blindtheyt errettet sind/vnd das der H. Geyst noch  
in disen letzten vermaledeyeten zeyten/etliche Martyrer  
stercket/ das sie umb der warheyt Christi willen/dörffen  
den todt leyden/wie diser Wilhelm von Zwollen. Des sey  
Gott gelobet in ewigkeyt/durch Jesum Christum vnsern  
Herren/ Amen.



# Von den H. Gottes Bekennern

¶ Ende der Vorred D. Johān Bugenhagē Pomers.  
folgen nun hernach die Artickel der Sophisten vnd Doctorn zu Löwen/  
samt jrer Christlichen verantwortung / durch gemelten  
Wilhelm von Zwollen ange-  
stellt.

## Artickel der Doctorn von Löwen.

Merck  
frölicher Le-  
ser die Be-  
kennung  
Papisti-  
scher Chris-  
ten.  
**N**ach dem wir gesehen haben die Acta vnd antwort  
vns gestern gethon von Wilhelm von Zwollen / So  
hab wir geordnet / das dise stück so hernach folgen /  
gehalten / geglaube vñ bekennet sollen werden / durch den  
vorgenandten Wilhelm / so er für einen rechten Christen  
man will gehalten sein.

i. Zum erstē / Wa yemande ersücht würt zuschwören /  
in sachen die gerechtigkeit belangend / od den glauben / so  
der selb schwöret / so thut er nicht wider das wort Gottes  
oder die heylige Schrift.

ii. Item / das man sagt / das der Papst vñnd gemeyne  
Kirche macht haben / Gesetze oder Statuten zumachen /  
zum Regiment / dem Christen Volck / vñnd das dem selb  
gen das Volck gehorsam sein soll / ist nit wider die Heylig  
ge Schrift.

iii. Item / das man sagt / das Fegfeur sey durch mens-  
chen tröume erfunden / das ist wider die seelige lehr der  
gemeynen Kirchen / vñnd der Heyligen / die vber eyn Kom-  
men mit der H. Schrift.

iiii. So soll man auch sagen von der anruffung der  
Heyligen

# vnd Martyrern/der iij. theyl. clxvi

Heyligen die mit Christo leben/ Dann dieselbe anruffen/  
thun nit wider die Heylige Schrift.

v. Item/ es ist nicht wider die cynsetzung des Werren/  
noch wider das Euangelium vnd der Apostel gebott/ dz  
die Leyen nur ein zeychen vom Sacrament des Altars  
entpfahen.

vj. Item/das man souil tag der abstinenz von eyern/  
buttern auffsetzt/ als in der Fasten/vnnd von Fleysch/ als  
auff der Apostel abendt/ vñ andere tag von der Heyligen  
Kirchen cyngesetzt/ das ist nit wider die H. Schrift.

vij. Item/ Keuschheyt ewigklich gelobet / oder witwe  
zubleiben/oder sonst andere gelubdt / Gott gelobt vnnd  
gerhon/soll man halten / So gebeut vns die H. Schrift.

viii. Item/ man soll gehorsam sein dem gebott der Kir  
chen vnnd des Keyfers/das man Luthers Bücher nit le  
sen soll.

¶ Hierauff verleyhen wir dem Wilhelm/zeyt von xij.  
tagen/darauff zuantworten/vnnd dareyn zubewilligen/  
oder wir sollen mit jm firtfaren/wie recht ist.

Zwölff tag  
werde Wil  
helmo zum  
bedacht ver  
gönnet.

¶ Antwort auff seztertzölte Artickel der Bapstischen  
Doctorn zu Löuen/ gestellt durch Wilhelmum  
von Zwollen.

**S** Es seind die Artickel auff s kürzst begriffen/ welche  
Ich Wilhelm von Zwollen denen von Löuen/ für  
nemlich meinem Herren dem Dechant gesandt hab/  
vnd in die länge verklärt/ mit der H. Schrift darauff ge  
fürt/wabey ich gedenc zu leben vnd zusterben/Vnd habe  
sie gesandt dem Obersten General Procurator.

Bekantnuß  
Wilhelm  
von Zwol  
len.

# Von den 5. Gottes Bekennen

om Eydt  
wören.

¶ Zumerstē/das einem Christen nit gepürt zūschwören/Matthei am v. dann also Christlich zūschwören/ als Paulus thet. Rom. j. Testis est mihi Deus, &c. mag ein Christen mensch wol thun/ Vñ in sachē die gerechtigkeit belangend/wañ ich darzū gezwungē wurde od vermanet von d Oberkeyt die warheyt zusagen/ was Gott/ oder meinen neben Christen angehet/ Also schwöret die Oberkeyt den Vnderthonen/vnd die Vnderthonen den Herrē/2c. Dañ was vns selbst angehet/sollē vnser wort/Iha/Iha sein/Neyn/Neyn/nach der lehr Christi/Matth. v. Vñnd die warheyt frey aussagen.

18 Bapst.

¶ Der ander Artickel von dem Bapst/Also lang er dz Schwerdt nit niderlegt/vñnd ist vnderthon dem Keyser vnd Königen/mit dem eüsserlichen menschen/vñnd nimpt an das Schwerdt des Geysts/welches ist das wort Gottes. Ephe. vj. so soll er vber meine Consciens oder gewisssen/weder zūbinden/noch zūentbinden kein gewalt habē/Dann Christus spricht/Matth. xij. Wer nit mit mir ist/der ist wider mich. Also kan kein Christen Mensch dem Antichrist mit dem inwendigen menschen vnderthänig sein.

¶ Auch bekenne ich/das der Bapst/Bischöffe/oder Pfarrher macht haben zū Ordiniern auß Gottes wort ein Christliche Ordination/vñnd die glidmaß der Heyligen Christlichen Kirchen schuldig seind die selben zūhalten/ So die selbigen/mit der lehr Christi/oder der Aposteln vnd Euangelisten vbercyn kompt/vñ der selben nit entgegen ist. Vñ dise/Bäpste/oder Bischöffe/Pfarrher/seind kein Haupt/Herrn/oder Bräutigam der Christlichen



# **Und Martyrern/der iij. theyl. clxxij**

chen glidmasse oder Gemeyne/ Sondern freye diener/ vn-  
 derhalter/ fürwesser/ auffseher oder Hirten/ 2c. Vnnd dise  
 Christenheyt/ glidmasse/ oder Kirche/ ist nit allein vnder  
 dem Papst oder Römischen Kirchen/ sonder in der gan-  
 gen Welt/ gleich wie die Propheten verkündiget haben/  
 das das Euangelium Christi solte in alle welt kommen/  
 Psal. ij. vñ xvij. das also vnder dem Papst/ Türckē/ Per-  
 sen/ 2c. allenthalben die Christenheyt leylich zerstreüwet  
 ist/ aber Geystlich ist sie versamlet in ein Euangelium/ ein  
 nen Glauben/ vnder ein Haupt/ welches ist Christus Je-  
 sus.

¶ In diser Christenheyt vberal wa sie ist/ da ist verge- Merck.  
 bung der Sünde/ vnnd der rechte Ablass/ Dann allda ist  
 das Euangelium/ die Tauffe/ das Sacrament des Al-  
 tars/ In welchen die vergebung der Sünden würt ange-  
 botten/ geholt vnd empfangen/ vnnd Christus vnnd sein  
 Geyst/ vnd Gott ist auch allda/ vnd ausser diser Christen-  
 heyt ist kein seligkeit noch vergebung der Sünden/ vnd  
 in diesem Geystlichen dienst/ oder ordnung/ hat ein Bi-  
 schoff/ Pastor oder ander Geystlich glidmaß/ der den H.  
 Geyst hat/ vnd von den glidmassen der Heyligen Christli-  
 chen Kirchen verordnet (ob er gleich keine platten hat/  
 noch mit der außwendigen salbe bestrichen ist) so grosse  
 macht als der Papst zuweyde/ Teuffen/ das Sacrament  
 außzutheylen vnd brechen/ 2c. Nach dem wir alle haben  
 nur einen Gott/ einē Christum/ einen Geyst/ ein wort/ 2c.  
 dardurch das alles geschehen muß/ vñ des Papsts Gott  
 nit grösser ist/ dann vnser Gott/ welcher durch vns so wol  
 würcket/ als durch ihn/ Dann das sein glaube stercker in  
 c iij. Gott

# Von den H. Gottes Bekennern

Gott sein kan / dann meiner oder eins andern / mag wol sein / oder ein grösser gaabe von Gott durch den heyligen Geyst empfangen hat / Desgleichen mag ein mensch / der für der Kirchen sitzt / vil grössern glauben haben dan der Papst / vnd mehr gaaben von Gott durch den H. Geyst empfangen.

Vom Seg-  
feür.

¶ Der dritte Artickel von dem Segfeür / was Paulus damit meyn / 1. Cor. iij. das meyn ich auch / vnd nicht weyter.

¶ Aber das ich den Doctorn hab zügelassen vmb har-  
tigkeyt willen irer hergen / das da solt ein Segfeür sein / da-  
rauff will ich mich nit lassen tödren / Dann ein recht glei-  
big mensch in dem glauben sterbende / weys das er selig  
ist / vnd der nit glaubt / verdampt / Also das den verschey-  
denen seelen / Seelmessen / Vigilien / Jargezeytten / 2c. nit  
zü hilff oder zuschaden komen / Sonder wir die wir im le-  
ben sind / vnd den selben Worten Gottes glauben / die vns  
in der Wess / oder sonst verkündiget werden auff dem Pre-  
digstül / werden dardurch selig / Dann vns kein ander  
Namen geben ist / dardurch wir mögen selig werdē / dan  
der Name Jesu. Acto. iij. vnd kein ander weg gerecht zü-  
werden / dann durch den glauben an Christum Jesum /  
Roma. iij.

Nö fürbitt  
der gestorb-  
nen Heyl-  
gen.

¶ Der vierdte Artickel / Ob die Heyligen die gestorben  
sind in dem Herzen / eynige macht haben / für vns zü bit-  
ten / Halte ich mich allein an den Eynigen Fürbitter Jesu-  
sum Christum / nach dem das vns die Schrifft gar nicht  
vermanet von denen / die gestorben sind in dem Herzen /  
dz wir sie anruffen oder das sie für vns bitten solten / on al-  
lein

# vnd Martyrern/der iij. theyl. clxxij

kein von den lebendigen heyligen hie auff diser erden.

¶ Der fünfft Artickel/Von dem Hochwürdigen Sacrament/halt ichs wie Christus dasselbige seine Jüngern gab zu seinem Testament/als Mattheus/Marcus/vnd Lucas vns beschreyben.

Vom Sacrament des Leybs vnd Bluts Christi.

¶ Auffs kürzest / glaube ich / das die Aef nit anders ist/dann ein Testament/gedächtnuß/oder Dancksagung/oder willmans sonen/en/mag man es auch halten für ein representation/nur kein werck/Opffer oder gnügthung für die verstorbne menschen oder seelen/die auß dem leychnam seind verschiden / Et sic pro Iustificatione animę sufficit sola effusio sanguinis Christi.

¶ Aber das man vns die eine gestalt darvon nimpt/nemlich das blüt vnsers Herzen/vnnd vns das nit geben will/ist wider die eynsetzung Christi/Jha auch wider des Papsts eygen Geystlich recht / Auff das erst Belasij des Papsts/de Consecratione distinctione.ij. Ca.Comperimus. Item/in der selbigen distinction Cap. Quid sit/Der Papst Gregorius/Item/in dem selbigen Capitel/Aquibusdam 2c.vnnd abermal in der selben distinction Capit. Si non. Säge S. Hilarius / Wann jemandt nit so grosse sünde gehon hette/2c. Also mag man sehen/wie vnßinig dise falschen Papisten vnd Tyrannen seind/Das sie nit allein wider Gottes wort / sondern auch wider jr eygen Geystlich recht streben/ Welches sie gemeyniglich/größer achten/dann Gottes wort.

Von beyder ley gestalt des Sacraments.

¶ Der sechste Artickel/von der Beycht/Halt ich auff der erste/als David beychtet für Gott seinem Herzen/welche ein Christ alle tage schuldig ist zuthun. Zum andern wie

Von der Beycht.

wir



# Von den G. Gottes Bekennen

wir haben/ Matth. v. vñnd die sollen wir thün/ so oft als wir vnsern nechsten Christen erzürnet haben. Zum dritten mal/ das wir sollen gehē zu einem verständigen man/ von Gott erleuchtet/ vñ von der heyligen Christlichē Kirchen geordnet/ vñd im vnseren not klagen/ damit wir im gewissen beschwärt seind/ Vñnd empfangen von ihm das wort der Absolution (welches Christus seinen lieben Aposteln befolch) zu vergebung der sünden/ Vñ diese Beychte ist allen Christen frey hin geben ohn allen zwang oder peyn einer Todesünd/ Ohn allein wann er sich selbst beschwäre fület/ mag er darzu gehen.

Von fleisch  
essen.

¶ Der sybende Artickel / von fleisch zu essen/ ist allen Christgleübigen frey gelassen/ auff was tag/ zeyt/ stunde/ wann einer das thut mit Dancksagung dem Himelischen Vatter/ hüte sich doch das er damit nyemandt ergere/ Aber den Vngleübigen ist nichts vberal reyn / dann ihr gewissen ist beschmeyß/ Aber etliche tage zu enthalten eyn gesetzet von der Heyligen Kirchen / vmb etlicher vnordtgen vñd rauchlosen menschen willen/ zu einer eüsserlichen übung/ damit sie das fleisch im zaum halten / laß ich wol zu/ dz nit wider die W. Schrift ist/ Aber einem Christgleübigen/ der den willen seins Vatters weys/ vñd der sich täglich mässig halt/ ist ein tag/ als der ander. Isset er fleisch oder butter/ so isset er dem Herren/ Lasset ers/ so thut ers dem Herren/ nach der lehr Pauli/ keinen tag außgenommen/ ohn ergernuß. Et sic omni tempore licitum est uesci carnibus, Aber so Keyserliche Matestat/ in plötzlicher anligen/ der not vñd angst/ wie der König zu Ninive that/ ein gebott vber seine vnderthone auß ließe gehē/ ein tag zween oder

oder diey zu fasten/Es were der Sontag/Dinstag/Freytag/oder Sonabend/das einer den andern außwendig mit solcher weyse ermanete zur inwendigen büß/vñ zum ernstlichen anruffen Göttlicher barmherzigkeyt/vnd erliche lieffen solches Fasten anstehen auß verachtung Keyserlicher Maiestat vnd solcher not/darffich sagen/das sie Gott den Herren/damit erzürneren.

¶ Der achte Artickel von den gelübden der Mönchen vnd Nonnen/Seytenmal ich nit in der Heyligen Schrift finden kan/das der stand von Gott eyngesetzt ist/sonder allein auß menschen gesetz ohn Gottes wort oder befelch gestiftet/mag ein jeglicher herauß gehen wie er will/vñ sag dz es ein vngöttlicher stand ist/weyl sie dardurch meynen selig zu werden. Vñ Gelübden der Mönch vñ Nonnen.

¶ Der neündte Artickel/das ich Martinus bücher gelesen habe/hab ich nit gethon/das ich Keyserlicher Maiestat gebort dardurch verachte/sondern allein darumb/das ich möge sehen was güte oder böß sey/vnd was wider Gottes wort sey/als menschen lehr vñ tröume/das ich die selben verwerffen möge/Also hoffich/würt mirs Keyserliche Maiestat/wol zu güte halten. Von S. Lu theis Büchern.

¶ Von den sätzen der Kirchen/würt hiemit in Merck. dem glauben begriffen/welchen ich hie bekennen will/vñ damit der Heyligen Dreyfaltigkeyt mich besolhen habē.

¶ Ende der Antwort so gemelter Wilhelm von Zwol len auff die angestellten Artickel der Sophisten von Löwen gantz Christlich übergeben hat. Folget nün sein letzte Bekantnuß vnd Beycht/in deren er folgendes Christlich verscheyden ist.

# Von den 5. Gottes Bekenñern

## Bekennuß des Christli- chen glaubens.

Von der  
5. Dreyfal-  
tigkeyt.

**A**uffs erste/glaube ich von gangem hertzen den hohen  
Artickel der Göttlichen Maieſtet / das der Vatter/  
der Sün / der Heylige Geyst / drey vnderſchidliche  
personen/ein rechter/eyniger/natürlicher / warhaſtiger  
Gott iſt/Schöpffer himels vnd der erden/ aller ding vnd  
Creaturen/gleich wie das alles noch beyde in der Römi-  
ſchen Kirchen/vnd in aller welt bey den Chriſtlichen Ge-  
meynen gehalten würt.

Von Jeſu  
Chriſto / ſei vns lehret/  
ner perſon lich der Sün allein /iſt  
vnd ampt.

**I**zum andern/glaube ich vnd weyß/das die Schrifft  
Chriſto / ſei vns lehret/das die mittelſte perſon in der Gottheyt/nem-  
lich der Sün allein /iſt warhaſtig menſch worden/von  
dem Heyligen Geyst/ohn Mañs züthün entpfangen/vñ  
von der reynen heyligen magdt Maria / als von rechter/  
natürlicher mütter geboren/als vns S. Lucas klärlich be-  
ſchreybt/vnd die Propheten verkündiget haben/Also/dz  
nit der Vatter/nach der Heylige Geyst iſt menſch wordē.  
Auch das Gott der Sün/nit allein leyb ohn ſeel/ ſondern  
auch die ſeel/das iſt ein ganze vollkōmne menſchheyt an-  
genommen hat/der rechte ſaame oder kindt Abraham vnd  
Dauid verheyyſſen/vnd ein natürlicher Sün Marie gebo-  
ren iſt/in aller maſſe vñnd geſtalt/ein rechter menſch wie  
wir/ohn das er ohn ſünde / allein von der Juncckfrauen  
durch den heyligen Geyst kōmen iſt / Vnd dz diſer menſch  
warhaſtiger Gott iſt/ein ewige/vngetheylte perſon/auß  
Gott vñnd menſch worden/ Also/das Maria die heylige  
Juncck



Juncffrau/ist ein rechte warhafftige Mutter/nit allein  
des menschen Christi/sonder auch des Sons Gottes/ als  
der Engel/Luce ij. spricht/Das in dir geboren würt / soll  
Gottes Sün heysen/Diñ ist mein vnnnd vnser aller Herz/  
Jesus Christus/Gottes vnd Marie eyniger / rechter na-  
türlicher Sün/warhafftig Gott vñ Mensch. Auch glau-  
be ich/das diser Gottes vnd Marien Sün/vnser Herz Je-  
sus Christus/für vns arme sündler glitten hat / gecreügi-  
get/gestorben vnnnd begraben ist / damit er vns von sün-  
den/Todt vnnnd ewigem zorn Gottes/durch sein vnschul-  
dig blüt erlöset hat/Vnd das er am dritten tag ist auffe-  
standen von dem Todt/vnnnd auffgesaren gehn Himmel/  
vnnnd sitzt zur rechten handt Gottes des Allmechtigen  
Vatters/ein Herz vber alle Herzen/ein König vber alle  
Könige/vnnnd vber alle Creaturen/in himel/erden/vnnnd  
vnder der erden/vber todt vnd leben / vber sünd vnnnd ge-  
rechtigkeyt.

¶ Zum drittē/glaub ich an den H. Geyst/der mit dem Von dem  
Vatter vñ Sün ein warhafftiger Gott ist/vñ vom Vat H. Geyst.  
ter vnd Sün ewigklich kompt/vnd doch ein vnderscheyde-  
liche person/in einem Göttlichen wesen/vñ natur/Durch  
den selbigen werden alle gleübigen/mit dem glauben vnd  
andern Geystlichen gaaben geziert/als mit einer lebendi-  
gen/ewigen Göttlichen gaab vnnnd geschenck / Von dem  
todt aufferweckt/von sünden gefreyet/frölich vñ getröst/  
frey vnnnd sicher im gewissen gemacht. Dann das ist vnser  
trost/dz wir solches Geysts gezeügnuß in vnserm hertzen  
fülen/dz Gott will vnser Vatter sein/die sünde vergeben/  
vnd das ewige leben vns vmb sonst schencken vnd geben.

# Von den 5. Gottes Bekenern

Von der  
Christenli-  
chen Bir-  
den.

**I** Darnach glaub ich/das nur ein Christliche Kirche ist auff erden/das ist/die Gemeyne/oder Versammlung aller Christen in aller welt/die eynige Braut Christi/vnnd sein Geystlicher leyb/vber welche er auch dz eynige haupt ist. Vnnd die Bischöffe oder Pfarrer der gemeyne seind ire diener vnd auffseher/vnderhalter oder fürwesser/Vnd dieselbige Christenheyt ist nit allein vnd der Römischen Kirchē oder vnder dem Papst/sond in aller welt/wie die Propheten verkündiget haben / das das Euangelium Christi solt in alle welt kōmen/ Psal. ij. vnd xvij. Das also die Christenheyt in der Römischen Kirchen vnd allenthalben leyplich zerstreüwet ist / aber Geystlich ist sie versamlet in einem Euangelio vnnd glauben/vnder einem haupt/welches ist Jesus Christus. In diser Christenheyt/wa sie auch ist/da ist vergebung der sünden/dz ist/ ein Königreich der gnaden/vnnd des rechten Ablass/ Dann das selbst ist das Euangelium / die Tauffe / das Sacrament des Altars / in welchen die vergebung der sünden / würt angeboten/geholet vnd entpfangen/ vnd Christus vnd sein Geyst/vnd Gott/ist auch allda. Vñ ausser diser Christenheyt / ist kein seeligkeyt / noch vergebung der sünden/sonder der ewige todt vnd verdammnis.

Von der  
auferstehung am  
Jüngsten  
tag.

**I** Zum letzten/glaub ich die auferstehung aller toden/am Jüngsten tag/beyde der gerechten vnd vngerechten/das ein jeglicher als dann entpfahen soll/ gleich wie er gethon hat/Vnd also sollen die gerechten ewigklich leben mit Christo/vnnd die vngerechten ewigklich sterben mit dem Teuffel vnd seinen Engeln. Also glaube ich an meinen Herren/wie alle rechtschaffne Christen/Dann also leh-

# vnd Martyrern/der iij. cheyl. clxxi

so lehrt vns die heylige Schrifft/Darinn stercke vns Gott/  
vnd vnser Herr Jesus Christus gebenedeyet in ewigkeyt/  
Amen.

¶ Summa/ich glaub auffß kürzest an Gott den Vat Summa der  
ter/Sün vnnnd Heyligen Geyst/das ist/ich erkenne vnnnd Bekennuß  
neme vergebung meiner sünde/die ewige frombkeyt vnd Wilhelms  
seeligkeyt allein von Gott dem Vatter/Schöpffer Him- vñ Zwoell.  
mels vnd der erden / Allein durch Gott den Sün/Jesum  
Christum/allein in Gott dem Heyligen Geyst meinem ey  
nigen tröster/Vñ versage in disem allein / was Gott nit  
selbs ist/vnd thut/vñ halte anders nichts von nöten oder  
nutz zñ meiner seeligkeyt/Doch werden hiemit nit nider  
gelegt die wercke/als solten sie nit von den Christgleübi  
gen gethon werden / die da eüsserlich geschehen auß dem  
glauben/durch die liebe/an vnserm nechsten/ Welche vns  
von Christo befolhen seind/Desgleichen auch die Tauff/  
Sacrament entpfahen/predig hören/ıc. werde dardurch  
nit verachtet vnd verworffen.

**S** Ist ist die Beychte für Gott/vñ ein offenbar Beych-  
te/ Welche ich bekenne für Gott vnnnd der ganzen Beycht des  
welt/nach dem befelch Christi/ Ohn welche Beychte fromenWil  
mögen wir nit seelig werden/Zumersten/für Gott / vnnnd helm von  
für vnsern nechsten (so fern wir das thun können) die wir Zwoellen.  
erzürnet haben.

¶ So bitt ich auffß erste alle Christliche gliedmaß der  
Heyligen Christlichen Kirchen/die ihenigē die ich möch  
te erzühner haben / von kindt auff / da ich gewüßt ha  
be / was sünd ist gewesen / biß auff disē meine letzte stund  
v iij de/



# Von den G. Gottes Bekennen.

de/das sie mir das vmb Gottes willen (ob ich jemandt anders gethon habe/dann ich wolt das mir geschehen solt) durch Christum seinen gebenedeyeten Sün wolten vergeben. Hierauff bekenne ich/dz ich hab gesündigt für Gott meinem Schöpffer / von der ersten stunde / da ich wußte was sünd were/biß auff dise meine letzte stund/biß ich meine Seele werde auffgeben in seine Göttliche hände / das die aller geringste sünde die ich gethon habe / würdig were in dem feür hie auff diser erden zubrennen/vnd hernachmals in dem ewigen feür / Aber das stattet seine Göttliche güte nit/durch Christum seinen gebenedeyeten Sün/der mich erlöset hat durch sein theür köstbarlich blüt/von sünde/Teüffel/Tode/vnd Hölle/Also das ich erlöset vnd erledigt bin/von dem höllischen hunde vnd schlangen/dz er kein krafft noch macht mehr an mir hat. Vnd er würt ansehen das reüwige vnd demütige hertz seins armen/vn würdigen dieners vnnd knechts/welchen er gedemütiget hat durch sein Göttlich grundelose barmhertzigkeyt/Also das er meine sünd vnd missethat/nymmermehr würt gedencken/Vnd keine andere Absolution/als nötig zur seligkeyt/von dem außwendigen menschen beger ich zu empfangen/ Psal. xxxvj. Beati quorum remissę sunt iniquitates, & quorum tecta sunt peccata. Beatus Vir cui non imputauit Dominus peccatum, &c. Vnd auch so oft als der mensch seüßget für seine sünd/will sie Gott nymmermehr gedencken/Vnnd alle die jhenige die beschwärt vnnd beladen seind/spricht Christus / Kompt zu mir / ich will eüch erquicken/darauff will ichs künlich wagen/Aber nit in verachtung stellen die authoritet/seiner lieben Aposteln vnd Euangelii

# Vnd Martyrern/der iij. theyl.

clxxxij

gelisten/2c. Johan. xv. Accipite spiritum sanctum, quorum remiseritis peccata, &c. Vnd Matth. xviii. Quodcunque ligaueris, &c. Hiemit besich ich meinem Himmelischen Vatter  
meinen Geyst in seine Göttliche handt. 2c. Merck.

## Ein lied von dem selbigen Wilhelm/ gemacht vor seinem todt/ auff die weyse. Nun freuwt euch lieben Christen gemeyn.

**S**o manich haupt so manich sin/ Er ist mir wol gefal  
len/ Für in Eoz ich kein Keyserin/ Er liebt mir vber  
alle/ In meinem sin/ Der Bräutigam mein/ Den ich  
von grundt meins hertzen mein/ Nach ihm steht mein ver  
langen.

¶ Er hat mein hertz in seiner gewalt/ Er hat mein sin  
gefangen. Nit besser war mein müt gestalt/ die welt will  
mit mir prangē/ Mein lieb ist mein/ vñ ich bin sein/ ich bin  
erfreuwt/ durch sein anscheyn/ er legt mein hertz zu raste.

¶ All mein züflucht setz ich zu Gott/ bey jm so will ich  
bleyben/ Gewalt der welt vñnd ihr gebott/ soll mich von  
jm nit treybē/ Von jm mich nyemandt reysen soll/ weder  
Teuffel noch sein glider all/ die welt würt mit mir narren.

¶ Was ligt mir an der welte spott/ ich acht sein nicht  
ein meyle. Laß faren jr gunst/ ehre vñnd güt/ mein schatz  
ist Gottes reychē/ Dann ich habe sein Göttlich wort/ das  
die Sophisten von Löwen verschmacht/ mir ihrem Anti  
christ verwerffen.

¶ Darumb wacht auff jr Christen seyn/ vñnd laßt euch  
nicht versüren/ Von menschen lehr vñnd falschem scheyn/  
darin

# Von den G. Gottes Bekennern

Darinnen si nur studieren / Wider zůstehen dem Götlichen wort/wann sie die warheyt haben gehört/so grimmten sie/als Wölffe vnd Beren.

¶ Wan sie eüch nun greyffen an/die warheyt zůnerdrücken/Seyde vnerschrocken in wider zůstehen/die Schriffe in zů entdecken/auff dz mög offenbar werden/ir Gottes lesterung vnd sünde schwär/sür Keyser Könige vnd Herren.

¶ Kleiner straff seind sie nit werdt / so sie verhartee bleyben/Gott scherpffe sein wort gleich wie ein schwerdt/ir böshēye zůuertreyben/Darumb wacht auff ihr Herren all/verhindert ir lehr vñ falschen schall/das vns Gott mit sein wort speyse.

¶ Auff das ihr nit mit ihnen gleich / das verdammnuß/die hölle erbet/Sie süchen nit der seelen gedeyg/sonder ihr selbs ewig verderben. Auff das gespeyst werd der Bauch ir Gott/darumb verdrukken sie Gottes gebott/vnd menschen lehre erheben.

¶ Darumb ir lieben Christen all/laßt vns bittē Gott den Herren/Das er auß der sünden gewalt / Die Fürsten wolt bekeren. Vnd vns verleyhen sein Götlich wort/das vberal möge werden gehört/den rechten weg vns lehren/Amen.

Alle meine hoffnung vnd trost in Gott.  
Alles was Gottes wort anbeüt.  
Das nempt an/es ist hohezeyt.  
W. V. 3.

Nach



# vnd Martyrern/der iij. theyl. clxxij

**N**ach vnd vber solche herliche vnd auß d. Schrifftem  
gethone Bekantnuß/ist vilgemeldter Wilhelm von  
Swollen zum todt verurtheilt vnd wie oben vermel  
det/auff den xx. tag Weynmonats. Im Jar M. D. vnd  
XXIX. zu Mecheln im Niderlande verbrant worden.



Sein blüt ruffet  
zu Gott vmb  
raach/vnd verma  
net alle Christen  
zu gleycher bestan  
digkeyt/züuerhar  
ren bey Gott vnd  
seinem d. Wort/  
biß zu einem seelis  
gen end / vnd biß  
ins ewig leben.  
Das verleyhe vns  
der treuw Gott /  
durch Jesum Chri  
stum seinen lieben  
Sün / in vnd mit

sampt dem Heyligen Geyst/  
Amen.

# Von den G. Gottes Befekern Lazarus Spengler.

**¶** Wiewol diser herzlich/theur vnd werde Man (so er  
wan der Statt Nürmberg Syndicus gewesen) nicht ist seines glaubens  
halben von dem Antichristischen hauffen gefäncklich angenommen/ od peyn-  
lich gefragt worden / vnd deßhalb (wie etlich gedencen möchren) in dise-  
unsere Hystorien/ohn bewegliche visach gesetzt/Vedoch/dieweyl sein be-  
kantnuß/so er/Im M. D.vnd XXXIII. Jar wider seine Mißgün-  
stigen. Schrifftlichen gethan / G. Göttlicher Schrifften gemäß / vnnnd  
deßhalb ein herzlich Exempel vnd fürbild / viler gütherzigen sein kan/  
Zu dem / dieweyl eben dieselbige Bekandnuß der Hoherleuchte Man/  
D. Martin Luther. seeliger. gedächtnuß/mit einer schönen Vorred/Im  
Jar M. D. vñ XXXV. öffentlich durch den truct hat lassen außge-  
hen. Hoff ich der Gütig Leser werde hierinnen kein mißfallen tragen/das  
wir der selbigen auch an disem ort/als deren die ganz Ehalt  
lich/Schrifftlich/vnd deßhalb Chronick-  
würdig ist/gedacht ha-  
ben.

## Vorrede D. Martini Lutheri.

Hystorien  
von der  
Heyligen  
leben/et. eins  
nützlich  
werck.



**I**ch hette wollängest gerne gese-  
hen vnnnd auch noch gern sehe/ das sich etwa  
ein fromb gelehrte man hette geleyet an die  
bücher von der Heyligen leben vnd geschich-  
ten / so man die Legenden nennet / die selbe  
von den vngewissen vntüchtigen gereyniget / Weyl vil  
fabeln vnd vnd vngereympter tröum darinnen vermischet  
sind/

# vnd Martyrern/der iij. theyl. clxxiiij

seind/welche doch vil höher geacht vnd gehalten seind/we-  
 der die rechten guten Legenden/ Meine müßige Junc-  
 hern/die Papisten köndten solches wol thun/wan sie für  
 Gott werde weren/auch etwas zuthun bey der heyligen  
 Kirchē/derē sie sich doch vast rühmen/Vñ nechst der h.  
 Schrifft/ist ja/kein nutzlicher büch für die Christenheyt/  
 dann der lieben Heyligen Legenden/sonderlich welche  
 reyn vnd rechtschaffen seind/Als darin man gar lieblich  
 findet/wie sie Gottes wort von hertzen geglaubt/vñ mit  
 dem munde bekant/mit der that gepreyset/vnd mit irem  
 leyden vnd sterben geehret vnd bestäriget haben/Solchs  
 alles auß dermassen tröstet vnd stercket die schwach gleü-  
 bigen/vnd noch vil mütiger vnd troziger macht/die zu-  
 vor starck seind/ Dann wa man allein die Schrifft/ohn  
 exempel vnd Hystorien der Heyligen lehrt/ob wol iñwen-  
 dig der Geyst das seine reichlich thut/so hilffes doch treff-  
 lich sehr/wa man von außwendig auch die exempel der an-  
 dern sihet/oder höret. Sonst/dencket immer ein schwach  
 hertz also/Sihe/du bist allein der also glaubt/vnd solchs  
 bekenet/thut vnd leydet/zc. Darumb auch Gott selbs in  
 der heyligen Schrifft/neben der lehre beschreybt der lieben  
 Patriarchen vnd Propheten leben/glauben/bekantnuß  
 vnd leyden/Vnd S. Petrus. ij. Pet. ij. die Christen auch  
 mit aller heyligen exempel/tröstet vnd spricht/Wisset/dz  
 dasselb leyden allen ewern brüdern in der welt widerfa-  
 ret/Vñnd der Psalter aller Christen so betrübt seind im  
 Geyst/ein tröstlich exempel ist.

Warzū die  
 Hystorien  
 vom dem le-  
 ben/bekant-  
 nuß vñnd  
 sterben der  
 Heyligen  
 nutz seyn.

„  
 „  
 „  
 „  
 „  
 „

Gott selbs  
 beschreybet  
 neben der  
 lehre auch  
 der S. Vñt  
 ter vñ Pro-  
 pheten lebē  
 Psalter.

¶ Also habe ich dise Bekantnuß des seynen werden  
 Mañs Lazari Spenglers lassen außgehen/als der/wie



# Von den H. Gottes Bekennern

Lob Lazari ein rechter Christ bey seinem leben Gottes wort / mit  
Spenglers ernst angenommen / herzlich geglaubt / mit der that groß  
vnd vil darbey gethon / Vnd nun jetzt in seinem abscheide  
vnd sterben solchen glauben seeliglich bekennen vnd be-  
stätiget hat / zů trost vnd stercke / allen schwachen Christē /  
so jetzt vil ergernuß vnd allerley verfolgung leyden vmb  
solches Lazari glaubens willen.

¶ Sie schreyen jetzt vast sehr / vnd weyl sie keine from-  
me / gelehrte leüte mehr habē / die für sie sechten vñ schreyē  
wollen / stellen sie lose büben auff / vñnd schreyen getröst /  
Aber laß sie schreyē / Sie haben noch lang zuschreyen / ehe  
sie das herwider schreyen / das inen der Luther mit Got-  
tes gnaden hat abgeseüffzet / Vnd dise stille Bekantnuß  
des eynigen Māns (wieder andern vnschuldig blüt / das  
sie so mörderisch vnd boshaftig vergossen / welches auch  
vber solche mörder vnd blüchund gewaltiglich schreyet  
in den Himel) soll allein mehr schreyen für Gott / dann all  
ihre schreyer / mit allem ihrem schreyen / Vñnd was könn-  
nen sie mehr dann schreyen? Sie lehren nicht / al-  
lein schreyē sie / So laß sie schreyer bley-  
ben / vñ jmer hin schreyen /  
Vñser seüffzē / soll  
sie doch vber-  
schreyē.

\*

Mein

vnd Hareyrern/der iij. theyl.

clxxv

Hein Lazars Spenglers

Glaubens Bekant-

nug.

**N**ach dem ich bißher von mehr dann einer person/vnd  
nit allein von denen/die Göttlicher warheyt gehaß  
vñ widerwertig seind/Sonder auch denen/die Chri-  
sten sein wollen/zü mehrmals/ heymlich vnd öffentlich be-  
rückriget/vnnd an andern außwendigen orten/durch  
Schrift beschuldiget worden bin/als ob ich allerley/vñ/  
christenlichen Gottlosen Irtsalen/der Bápstischen/auch  
Widerteüßer vnd Sacramentierer verwandt vnnd an-  
hängig sein/vnnd in den Articeln rechter Christenlicher  
lehre nicht recht oder heyliger Christenlicher Schrift ge-  
mäß/glauben vñ halten soll/So hab ich guter meynung/  
vnd auß nachfolgenden bewegnissen/vnd gewißlich vmb  
keiner zeytlichen chre/rhüms oder ander vsach willē/die  
bekantnuß meins glaubens/zü disem Testament zübrin-  
gen/vñ damit menigklich/an dise verzeychnuß gelangen  
mag/schuldige rechen schafft desselben meines glaubens/  
vnd der hoffnung/die in mir ist/zügeben nit vnderlassen  
wollen/Wie ich dan hiemit züm cynfelrigsten thue/vñ di-  
sen meinen glauben/vermittels Göttlicher gnade/vor  
Gott vnd der gangen welt bekenen will/auff das ich nye/  
mande vsach gebe/nach meinem absterben(wie doch bey  
meinem leben allgerad geschicht) das Göttlich wort in  
mir zulestern/vnd andere güthergige/denen der grunde  
meins glaubens vnbeant ist/dardurch zuergern.

Ursach wa-  
rumb be-  
meldter La-  
zarus sein  
Bekantnuß  
gethon hab

# Von den 5. Gottes Bekennern

Das ein  
eyniger  
warer Gott  
sey.

**E**niglich bekenne vnd glaube ich von hertzen/einen Eynigen Waren Gott/der Allmechtig ist/vñ ein Schöpfer aller sichtbaren vnd unsichtbaren ding/ Himels vnd der erden/auß dem vnd in dem/als einem gewaltigen Gott vnd Vatter/alle Creaturen jr wesen vnd vermögen haben/auch in jm leben vnd erhalten werden.

Das drey  
vnderschied  
liche perso  
nen im Gött  
lichen we  
sen seyen.

**I**ch glaub vnd bekenne/das in disem eynigen Göttlichen wesen/Drey vnderschiedliche personen seyen/Nemlich Gott der Vatter/Gott der Sün/vnd Gott der Heylig Geyst/eins wesens/macht vnd ewigkcyt.

Alle mens  
chen Sün  
der.

**I**ch glaub vnd bekenne/Das ich vnd alle menschen durch den fall Adams /in sünden entpfangen vnd gebo ren seind / vñ das dieselb erblich sünde/ vns alle verdamne/ in den ewigē todt werff/vnd von Gott abscheyde/wa vns Christus mit seinem verdienst/leyden vñ sterben/auß sol chen vnd andern darauff folgenden sünden nit geholffens hette.

Christus Je  
sus/warer  
Gott vñnd  
Mensch  
vñser eyni  
ger Erlö  
ser.

**I**ch glaube vñnd bekenne/das Jesus Christus der Sün Gottes menschliche natur an sich genommen/vom heyligē Geyst entpfangē/ auß der reynen Juncfrawen Maria geboren/vñ mein brüder worden sey / das er auch gemartert/gecreüniget/gestorben vnd begraben / vnd zü der Hölle nidergestigen ist/vnd die angst des todes erlit ten/vnd die Hölle selbst entpfunden hat/damit ich vñnd alle menschen von sünden/todt/vnd Hölle erlediget / mit Gott versünnet/vnd in allen nöten vnd ansechtungen/da rumb vns die sünde/der Teüffel vñnd vñser eygen fleysch für vnd für zuziehen vnderstehen/geschürt/auch aller vñ ser seynde Herren wurden.

Ich



**I**ch glaub vnd bekenne/das außserhalb des leydens vnd sterbens des Süns Gottes Jesu Christi vnser Herr/niemandes mit wercken oder verdiensten fromb vnd gerecht werden/oder Gottes huld vnnnd seligkeyt erlangen/auch zum Vatter durch cynig ander mittel/niemer mehr kömen/oder an ihn glauben möge/dann durch ihn/sondern das derselb Jesus Christus warer Gott vnnnd mensch/mein cynige gnügthung/heylikheyte vnd gerechtigkeit sey/Dan wasolches die werck oder ein ander mittel thun solten/Sowere (wie die Schrifft sagt) Christus vergeblich gestorben.

Außerhalb Christi verdienst/wirft niemandes durch eygene werck selig.

**I**ch glaub vnd bekenne/das Christus Jesus als ein gewaltiger Gott/am dritten tag nach seinem absterben vom todt/wider auferstanden ist/auch den todt vnd die Hölle überwundē vñ gefangē genomen hat/damit sie vns nit mehr schade/Sond wir dardurch krefftiglich gestärket werden/vnd disen vnzweyfflichen trost haben sollen/wie der Vatter/seins geliebten Süns verschonet/ihn allein ein zeylang sincken lassen/vnd widerumb gewaltigklich auferweckt hat/das er auch vnser/in der forcht vnd angst des todes verschonen/vnd auß dem todt/in das leben führen würt.

Christus Jesus ist warhafftig von toden auferstanden/vnnnd todt/Teils fel vñ Hölle überwunden.

**I**ch glaub vñ bekenē/dz Jesus Christus auffgefaren ist zu dē Himeln/vñ zugleich mit Gott ein König vñ Herr ist/ober alle ding im Himel/auff erden vnd in der Hölle/darumb er auch mit vñ alle gläubigen in allen vnsern angigen vnd nöten/auch wider vnser feynde vnd widerwärtigen helfen kan vnd will.

Christus Jesus warlich gehn Himel gefaren.

**I**ch glaube vnnnd bekenne / das diser gecreünigre Christus.

# Von den 5. Gottes Bekenern

Christus  
wird wider  
umb zum  
Gericht  
kommen.

Christus widerumb vom Himmel/zum gericht kommen/vnd das  
vor ihm alle lebendige vnd verstorbene menschen versam-  
let werden/allda er auch/als ein gewaltiger Richter/alle  
die verdammen wird/die nit geglaubt haben/vnd die  
seeligen/die in vertrauet/vnd sich lieb vnd guts zu ihm  
versehen haben ewigklich belohnen.

Von der  
Person vñ  
ampt der  
H. Geysts.

Ich glaub vnd bekenne/das der Heylig Geyst nit  
allein ist ein warhafftiger Gott mit dem Vatter vñ dem  
Sohn/Sonder auch das er mir vnd allen gleubigen auff  
erden gesandt vnd gegeben sey / Das wir durch sein wür-  
ckung vnd krafft/das so vns zur seligkeyt von nöten ist/  
erlangen sollen vñ mögen/Das er auch die schwachen im  
glauben stercket/der selbē schwachheyt tragen helfft/die er  
schrockne gewissen tröstet/vñ vns vorbitt/Dieweyl er der  
ist/mit dem der Vatter durch Christum vnd in Christo/  
alle ding würckt vnd lebendig macht.

Von der  
B. Christli-  
chen Kir-  
chen.

Ich glaube vnd bekenne/ein eynige Christenliche  
Kirchen oder gemeyn auff erden/die ist ein versamlung  
aller gleubigen heyligen mensche/welche allein ein Tauff/  
einen glauben/einen Gott/Herren vñ Geyst hat / Die da  
ist der leyb Christi/durch das wort seins Heyligen Eu-  
angeliums geboren / die auch durch seine Heyligen erhal-  
ten/vnd in den Heyligen Sacramenten täglich gemehrt  
vñ gesterckt wird/die allein hören die stimme ihres Bräu-  
rigams/vnd jr vernunft gefangen nimpt/vnder den ges-  
,, horfam des glaubens/Das auch niemandt selig werden  
,, mag/der nit in diser gemeyn erfunden wird/vnd das aus-  
,, serhalb sollicher Kirchen/kein vergebung der sündē ist.

Ich glaube vnd bekenne/das durch den selben Hey-  
ligen

ligen Geyst mein vnd aller verstorbenen menschen leyb widerumb aufferweckt/vnd lebendig gemacht werden / vnd das ich mit dem selben meinem leyb vnd fleysch Gott meinen Seeligmacher sehen werde.

Von aufferstehung  
aller abgestorbenen.

¶ Ich glaub vnd bekenne/das nach der gemeynen aufferstehung sein würt ein ewigs leben/der fromen vnd gläubigen/vnd ein ewigs sterben der sündler.

Dem ewigen Leben  
vnd Todt.

¶ Ich glaube vnd bekenne/das diser Herr Christus Jesus/allein der weg/die thür/das licht/die warheyt vñ das leben ist/auch der eynig Mittler zwischen Gott vnd den Menschen/vnd der Hohe Priester/der ohn vnderlaß für vns bittet bey dem Vatter/nit die verstorbenen Heyligen/oder Creaturen./Dann sonst müste Christus als ein warhafftiger Gott/weniger dann die Creaturen/vnd in seinen worten ein öffentlicher lugener sein/das sey aber weyt von mir zugedencken/vil weniger zuglauben vnd zu bekennen.

Christus  
Jesus vnd  
nit die verstorbenen  
Heyligen  
ist vnser  
Fürbitter.

¶ Ich glaub vnd bekenne/das die verstorbenen Heyligen als die freünde Gottes/die allhie Gott selig gelebt haben/vnd in einem rechten vertrauwen zu Gott von hiñen verscheyden/vns zu einem Exempel vnd ebenbild/sollen fürgestellt werden / in denen wir vns spiegeln/vnd ihrem glauben nachfolgen sollen/auch Gott in ihnen loben vnd preysen/Der so grosse gnade mit ihnen gewürckt / vnd sie auß Barmhertzigkeyt erhalten hat/Sie aber für Mittler/nothelffer vnd fürbitter nicht anruffen sollen/dann damit wurde das blüt Christi veracht/andere Götter neben Gott gesetzt/vñ Gott sein ehre (die er doch keinem andern geben will) on mittel geraubt/ Das were aber die höchste Gottseßerung.

Non recte  
ehi so man  
de verstorbenen  
Heyligen  
berocy  
sen soll.



# Von den 5. Gottes Bekenern

Von der  
5. Junck-  
frawe Ma-  
ria.

¶ Ich glaub/Das Maria die Mutter Gottes ein rey-  
ne Junckfraw/vor/in/ vnd nach der geburt ihs gebene/  
deyten Süns gewesen vnd blyben / das sie auch als ein ed-  
le Creatur/die Gott auß gnaden erhalten/vnd zu der mü-  
ter seines eyngelbornen Süns vnseres Herren Jesu Chri-  
sti erwölet hat/voll aller gnaden/vñ darumb auch billich  
aller ehren vnd lobs würdig ist.

Gottes  
wort allein  
zur selig-  
keyt nötig.

¶ Ich glaub vñ bekenne/das in sachen der Menschen  
gewissen belangend/nit gut/gerecht/vnnd von nöten sey/  
dann das vns Gott fürgeschryben/gebotten vnnd besol-  
hē hat/Welches auch kein mensch auff erden zu ändern/o-  
der nachzulassen hat/ auch nicht böß oder vnrecht/dann  
was Gott verboten hat/welches auch keinem menschen  
auff erden/zuerlauben vñ nachzulassen gepürt/Wie vns  
dann dieselbigen Göttlichen gebott / verbott / vnnd be-  
felch/souil vns zu vnserm heyl vñ nöte ist/in der Schrifft  
klärlich außgedruckt vnd angezeygt seind.

Vñ mitlen  
dingen.

¶ Ich glaub vnnd bekenne/ das die ding/die Gott we-  
der gebotten/oder verboten / Sonder frey gelassen hat/  
billich frey bleyben/vñ durch cynigē menschliche zwang/  
gesetze oder gebott/als ein Gottes dienst/vnd nötig ding  
zur seligkeyt/nymermehr nötig gemacht/auch die mensch-  
lichen gewissen zu schuldiger haltung der selben keins we-  
ges gezwungen werden sollen.

Wadurch  
Gott der  
Herz den  
schatz sei-  
ner gnaden  
den Men-  
schen mit-  
theyle.

¶ Ich glaub vnd bekenne / Das Gott seiner gemeyne  
den schatz seiner Göttlichen gnaden / nemlich die erkant-  
nuß seins Süns Jesu Christi/auch die vergebung der sün-  
den/die Christus durch sein blüt erworben hat/ vñ seinen  
H. Geyst mittheylen will/vnd täglich mittheylet vnd an-  
beut/

beut/durch ein öffentlich eüsserlich mittel/nemlich/durch das mündeliche wort vnd predigampt/darinn er sollichen gnadenreichen schatz gefast hat/Darumb ich den schädlichen irigen Geystern widerspriche/die solch eüsserlich predigampt verachtē/vñ die handtreychung des mündlichen worts/gar auß der Kirchen stossen wöllē/der meynung/als ob Gott durch ein sonderliche/vnd nicht dise gemeyne weyß/oder durch ein sonderlich liecht oder offenbarung inwendig im hertzen/ohn die eüsserliche Predig vnd Sacrament/mit ihnen handle/vnd den Heyligen Geyst gebe.

Merck.

„  
„  
„  
„  
„  
„  
„

Ich glaube vñnd bekenne/das alle werck des menschen/wa die anders Christenlich/güt/vnd Gott gefellig sein sollen/allein Gott zu ehren/zü schuldiger danck sagung/entpfangener seiner warheyt/zü tödtung des alten sündlichen Adams/vñ dem nechsten zü nutz vnd güt geschehen sollen/auß liebe vñnd gar nit vmb verdienst/oder der künfftige belohnung willen/vñ was werck außserhalb diser meynung geschehen/das die nit im glauben geschehen/Gott nit gefallen/vñ faule frucht der bösen bäumen sein.

Von gütten wercken/wie dieselbigen geschehen sollen.

Ich glaub vñ bekenne/das die Kindtauff/als ein zeychen Göttlicher hulde/durch welchs sich Gott zü vns verbinde/vñnd zusagt/vns durch Christum gnädig zu sein/vnd vnser sünden züuergeben/Erffrig sey/darumb ich auch den irsal der Kottengeyster vnd Widererteüffer/die dises heylsam bundtzeychen vñnd Sacrament/auff der menschen glauben/der doch ohn mittel ein gaabe Gottes ist/vnd nit auff sein Göttliche zusagung/die bestän-

Von der Binder Tauff.

# Von den 5. Gottes Bekenner

dig krefftig vnd vnuerändert bleybt/vermeinen zu gründen/stracks widersprüch.

Vom 5.  
Abendmal  
Christi.

Ich bekenne vnd glaub/wie zügliche die Tauff Gottes werck ist/darinnen die sünd vergeben vnnnd abgetilget würt/Also ist auch die außtheilung des leybs vnd blüts Christi Gottes werck/dardurch sollich leben vnd gerechtigkeit/gleich dem leyblichē leben durch die tägliche speyse erhalten/ gespeysst vnd gesterckt würt zu vereynigung Christi mit seinen glidern / also das er in vns vnnnd wir in jm leben / das er auch biß zum ende der welt bey vns bleyben will.

Von warer  
gegenwer=  
tigkeit des  
Leybs vnd  
Blüts Chri  
sti / im 5.  
Abendmal

Ich glaub vnnnd bekenne/ das in dem Heyligen Sacrament des Herren Nachtmals/vnder brot vnnnd weyn warhafftiglich geessen vnnnd getruncken würt/ der leyb vnd blüt Christi/Dieweyl nicht allein der alt mensch/in vns sterben/Sonder auch der neüw der mit Christo eins/Iha Christus selbs ist/in vns gepflantzet werden muß/ da zu aber schlecht brot vnd weyn nit zu nutz sein künde / darumb ich auch den manigfaltigen opinionen vñ iherusalem/ deren/die in disem des Herren Nachtmal sein fleisch vnd blüt hinweg nehmen/vnnnd durch einen frembden ungegründten/menschlichē verstande/ Christum zu einem lügnis machen vnderstehen/gänzlichen widerspreche.

Von Welt=  
licher Ober  
feyt.

Ich glaub vñ bekenne/dz des weltlichen schwerdes gebrauch recht/vnd Göttlich/vnnnd ein ordnung Gottes ist/ vnd doch von nyemandt dann die darzu erwölet vnd verordnet sein/billich vnd Christenlich gebraucht werden soll/Darumb ich auch für einen öffentlichen iherusal achte/das etlich wider Gottes wort schliessen vnd vermeynen/  
das



dz ein Christ kein Oberherr sein/oder dz weltlich schwerdt führen soll.

¶ Ich glaube vnd bekenne / wie Gott durch sein Wort vnd Geyst seine glider regieret zur gerechtigkeit / das er auch also durch weltlichen gewalt / vnd das schwerdt / die Gottlosen zwingt / das sie den nechsten nit schaden / darzu die vnschuldigen geschützt vñ geschirmer werden / ob wol die Gottlosen also Gottlos bleyben / Vñ dieweyl die frommen vnd Geystlichen vnuollkōmen seind / werden sie zūm theyl durch Gottes wort vnd Geyst (wie gemelt) regiert / zūm theyl aber / vnd souil sie fleisch vñ blūt seind / so seind sie des weltlichen gewalts der in eüsserlich were / noch nottūrfstig / ob sie wol durch sollichen gewalt zur Göttlichen gerechtigkeit nit gefürdert werden / vñnd das dannoch ein Christ nach Göttlichen rechten / weltlicher Oberkeyt in allen vnuerdāmlichen dingen gehorsam zuleystē schuldig ist.

¶ Ich glaube vñnd bekenne / das ein Christ weltlicher Oberkeyt / was im die Vngöttliche verdāmliche ding gebeüt / gehorsam zusein nit schuldig sey / vnd doch derselben seiner Oberkeyt / sie sey wie sie wölle / mit gewalt / oder der that / keins wegs soll widerstreben / sonder allein mit Gottes wort widerstandt thūn / vnd was sie ihm darumb zūfüget / vmb Gottes willē leyde / oder aber on meniglichen schaden fliehen soll.

¶ Vor allen dingen aber / will ich dem erschrockenlichen greüwel vnd mißbrauch der Mess / wie der lange zeyt im Papstumb für den rechten Christenlichen gebrauch des Herren Nachtmals gehalten / vñnd als ein güte werck

# Vonden G. Gottes Bekenern

vnd opffer für lebendige vnd todten gebraucht/ ohn segs  
feür damit angericht vnnnd bestättiget / vnnnd wie nye/  
mandt mit warheyt verneynen kan/ ein lautere Rauff/  
mañschafft vnnnd Jarmarckt gewesen ist / öffentlich wi/  
dersprochen haben / dieweyl ich gewiß biñ/ glaube vnnnd  
bekenne/ Das Christus mit dem eynigen opffer seines ley/  
dens vnd sterbens am Creüz/ für aller menschen sünde be/  
zalt/ gnüg gethon/ vnd alle gleübigen in ewigkēyt geheyl/  
liget hat.

Beschluß  
der Bekant  
nuß Lazari  
Spenglers

¶ Das ist der grundt meines glaubens/ den ich durch  
dise verzeychnuß meiner handschrift vor Gott meinem  
Herren vnnnd der gangen welt bekenne / Darbey ich auch  
mit hilff/ meines getrewen frommen Gottes (der mich zñ  
dem liecht desselben seines glaubens gnädigklich berüf/  
fen/ vnd auß der finsternuß/ vil grosser irrsalen / darinnen  
ich vor andern zñm tieffsten gelegen biñ / wunderbarlich  
erlediget hat) biß in meinen todt vnd grüben beständig/  
klich gedencß zñ bleyben / auch mit vnd in sollichem glau/  
ben zñsterben/ vnd vor dem gerechten Richter meinem ey/  
nigen Heilandt Jesu Christo/ in seiner letzten zñkunfft zu  
erscheynē/ weyß auch/ das ich auß Gottes wort/ dises mei/  
nes glaubens gewiß biñ/ vnnnd ob ich bey meinem leben/o/  
der in der angst vnd not meines sterbens/ ein anders/ vnd  
dise meiner bekantnuß widerwertig halten/ sagen vñ be/  
kennen wurde (welchs aber Gott/ als ein getreüwer Vate/  
rer/ vber mich/ Bitt ich von herten/ nymermehr verhäng/  
en vñ zñlassen wölle) So will ich dem als ein öffentlichē  
irrsal vnd eyngaben des Satans/ setzt/ als dann/ vnd dan  
als setzt/ widersprochen haben / dareyn auch nymermehr  
bewilß

**vnd Martyrern/der iij. theyl. clxxx**

bewilligen/od des annehmen/Das ich vor Gott vnd allen  
menschen hiemit bezeüge. Vnd ob wol etliche verzeychne-  
te Artickel diser meiner Bekantnuß für vnnottürfftig  
möchtē geacht werden/hab ich doch die auß gütten vrsach-  
en/vnd damit mich meine beschuldiger eynigs wissen-  
lichen irzals/in keinem Christlichen Artickel billich zūuer-  
dencken haben / auß notturfte zūmelden vnnnd zūbeken-  
nen nit vnderlassen wollen/ Küsse darauff zū Gott mei-  
nem Herren/der getreuw vnd warhafftig ist/von grundt  
meins herze/mir sein Göttlich gnade vñ barmherzigkeit  
mitzutheylen/dz ich in disem glauben bestän-  
diglich verharren/vñ also von hiñen  
abscheydē/ Das ich der zükunfft  
meins Heylandes Jesu  
Christi mit einem  
frölichē vn-

er-  
schrocknen gewissen erwar-  
ten möge / A-  
men.

Conserua me Domine, quoniam speravi in te.

Erhalt mich Herz/dañ ich hoff auff dich.

Non nobis Domine, non nobis, sed nomini tuo da gloriam.

Nit vns/ nit vns/ O Herz/sondern deinem  
Namen gib die Ehr.

M. D. XXXIII.

Maria



Von den H. Gottes Bekennern  
Maria vnd Ursula / zwo Edler  
Junctfrauen vñ Schwe-  
stern.

¶ Von disen zweyen Gottseeligen Junckfrauen vñ  
lieben Schwestern / wie Sie nemlich / Erstlich vom Antichristischen  
hauffen / vmb bekantnuß willen Euangelischer warheyt / gefäncklich an-  
genommen / mit ernst examiniert vnd verhört / folgendes aber Tyranischer  
weyß zu Delden / welches ligt iñ. meyl von Deuenter / verbrant worden  
seind / Seind im vergangnen M. D. vnd XLV. Jar / ein Spruch  
vnd Lied außgangen / welche ich zu trost vnd erinnerung dem Junckfreu-  
lichen stand / hienach hab setzen wollen / Bitt aber vnnd vermane / wa jes-  
mands in disen / oder andern Hystorien / weyteleüffigern vñ  
gewissern vnderricht hat / mir den selbigen mit  
zutheylen / oder selbs durch den  
Truck lassen außge-  
hen.

Ein schöner spruch / Von zweyen Junck-  
frauen vom Adel zu Delden drey meyl von  
Deuenter verbrant.

**A** Elhie will ich bersummen /  
Was ich in kurtz hab vernumen /  
Von zweyen Junckfrauen sagen /  
Welche seind in kurtzen tagen /  
Bey Deuenter im Niderlande /  
Vmb das Euangelij verbrant /  
Sie seind auch gewesen vom Adel /

Fromt



Frome Christen ohn tadel/  
 Drey meyl von Deuenter gessen/  
 Gott hett jr nit vergessen.  
 Ir wohnung war zu Delden/  
 Von Becken die außervölten/  
 Oft in die Predig sye giengen/  
 Irer Seelen trost enpfien gen/  
 Das het den feynd verdriessen/  
 Aber Gott laßt sye des geniessen/  
 Weyl sie beliebten Gottes wort/  
 Bewart sie Gott an allem ort/  
 Aber als er sie beyd zugleich/  
 Wolt nemen in sein himelreich/

# Von den H. Gottes Bekennern

Thet der Teuffel die welt anhezen/  
Ließ die Juncckfrauen beyd setzen/  
Gehn Denenter wurden gebracht/  
Der Statthalter auß seiner Wache/  
Fragt sie was jr gelaube wer.

Bekantnuß  
dieser Juncck  
frauen.

Sprachē wir glaubē an Christi lehr/  
Vnd an sein Heylges wort so klar/  
Bekennen das gang offenbar/

Sie wurden wider beyd hinauß/  
Gefürt gehn Zwigkel auff das hauß/  
Zu schrecken die fromen Christen/

Vom Taufß

Außgeschickt ward mit listen/  
Vom hauß Burgund ein groß Tyrān/  
Der fragt die Juncckfrauen lobes an/  
Ob sie der Wider teuffer lehr/

Glaubten / sie sprachen on beschwār/  
Ein mal wir recht getauffet seind/

Nach Christus lehr dz klar erscheynt/  
Wie Marcus am sechzehenden meldet/  
Sanct Paulus dz auch klar fürhelt.

Weyter wurden gefragt beyd/

Vom Tacht  
mal.

Das sie geben klaren bescheyd/

Was sie glaubten an disem endt/

Der Pfaffen Wesh ihr Sacrament/

Sie antworten da on beschwār/

Wir glauben keiner Menschen lehr/

Wir glauben Christo vnd sein wort/

Das ist auch vnser höchster hort/

Dadurch er cyngesetzt hort/

Sein



# und Martyrern/der iij. theyl. clxxxij

Sein Testament vor seinem todt/  
Sein zarten leyb im brot so klein/  
Sein heyliges blüt in klarem wein/  
Für vnser sünd vnd missethat/  
Welches er vns befolhen hat/  
Zü essen vnd zü trincken seyn/  
Zü seim gedächtnuß also reyn/  
Im rechten glauben alle stund/  
Zü vergebung all vnser sünd/  
Vnd sollen vns allzeyt üben/  
Mit wolthat auß rechter lieben/  
Gegen den nechsten also schon/  
Wie Christus an vns hat gethon.  
Auff solch bekantnuß genomen ward/  
Die jüngst Maria genant so zart/  
Vnd ward verbräut/sie bat zü Gott/  
Für ire seynd in irer not/  
Vnd als sie het abscheyden/  
Befalh jr Seel auff Christus leyden/  
Dem Vatter in seine handt/  
Die ander Ursula genandt/  
Die ward vermanet also schon/  
Ob sie wolt von der lehr abstoyn/  
So behaltstu das leben dein/  
Sie sprach solt ich vmb Todes peyn/  
Abweyden von Gottes wort/  
Sprach/neyn es ist mein höchster hort/  
Vil lieber will ich hie sterben/  
Vnd das Himmreich ererben.

Maria.

Ursula.

# Von den 5. Gottes Bekennern

Merck.

Weytter sie ward vermanet hart/  
Umbs schwerdt zü bitten/es sprach die zart/  
Was mein Schwester gelitten hat/  
Das leyd ich auch an diser statt/  
Sie ware dergleichen auch gericht/  
Nün hört ein wunderlich geschicht.  
Gott sein wunder thet beweysen/  
Mit ein zeychen die Christen preysen/  
Wie vast der Dencker sich mühet mit/  
So kündt er doch verbrennen nit/  
Die todten Cörper bliben bloß/  
Stehen züm Zeychen also groß/  
Doch werden die Cörper bey der nacht/  
Bedeckt/solch Zeychen nit veracht/  
Du Christlich schar vnd dancket all/  
Vnd lobet Gott mit reychem schall/  
Allzeyt in seiner wunderthat/  
Die er allhie bewysen hat/  
Vnd das er vns geb heylgen Geyst/  
Als er vns in seim Wort verheyst/  
Laß vns beständig bleyben seyn/  
Treüwlich bey seinem wort allein/  
Ein rechten glauben Herz verley/  
Nach deiner züsag also frey/  
Vor vnserm end Herz Jesu Christ/  
On dich kein ander helffer ist/  
Groß ist dein gnad die thü vns künde/  
Theyl vns die mit zü aller stunde.

Wunder=  
werck an  
den todten  
Cörpern.

Ein new Lied/Von zweyen Junc-  
frauen vom Adel zu Delden/drey meyl von

Deuenter verbrant. Im thon wie man das  
Lied singt von den zweyen Mar-  
tyrern von Brüssel/ Ein  
newes Lied wir  
hebe an.

**D**u laßz vns frölich heben an/  
vñ Gott zu lob singen. Von zweyen Junc-  
frauen wolgethon/Den kan nie misselin-  
gen. Bey Deuenter im Niderlande/ waren  
sie beyd gefessen/vil frommen Christen wol bekant/ Gott  
hat jr nit vergessen/mit gnad reichlich gezieret.

**I** Weyl sie gelaubten Gottes wort/ Ther sie der seynd  
versuchen. Ob er bey in möcht stiften mort/ Gottes wort  
zuuerfluchen. Aber vmb sonst war all sein list/ sie waren  
wol bewaret/mit Gottes wort zu aller frist/ der seynd nit  
länger sparet/gedacht sie zuuerbrennen.

**D**z sie euch nñn werdē bekant/so will ich sie euch nen-  
nen. Die von Becken seind sie genant/ das geschlecht thut  
man noch kēnen. Drey meyl von Deuenter da ist/jr siz da  
hin sie kamen/zerung zu holen ohne list/ gefangen sie bald  
namen/die Juncfrauen so zarte.

**I** Gehn Deuenter wurden gebracht/die Juncfrau  
3 iij weis



# Von den 5. Gottes Bekennern

wen all beyde. Der Statthalter auß seiner macht/von ihnen fragt bescheyde/was jr rechter gelaubewer/sie sprachen ganz demütig/wir glauben schlecht an Christus lehr/er ist stäts mild vnd gütig/vñ kan vns wol bewahren.

¶ Von dannen sie gefüret ward/gehn Zwigkel in das hause. Die Christen zü erschrecken hart/bald ward geschicket außse/vom Hoff Burgund ein groß Tyrān/der thet sie beyde fragen/ob sie hetten genumen an/die Widersauff ohn zagen/antworten sie so schone.

¶ Einmal wir seind getauffet recht/das ist nach Christus lehr. Am sechzehende schreybt Marcus schlecht/Sanct Paulus auch vil mehre. Weyter wurden gefraget behend/ob sie auch theten glauben/wol an der Pfaffen Sacrament/sie sprachen wir vertrauwen/ auch keiner menschen lehr.

¶ Wir glauben Christo vñnd sein wort/ Vñnd seinem Testamente/Welchs er vns hat gelassen dort/ Vor seinem letzten ende. Sein zarten leyb im brot so klein/bat er vns da gegeben/sein heylges blüt im klaren wein/für vnser sünd gar eben/wann wir das vest glauben.

¶ Auff solch bekantnuß genumen ward/die jüngst die war genente/Maria(abzuschrecken hart) ihr Schwester ward verbrent. Sie bat für ire seynd zü Gott/als sie nün wolt abscheyden/sie befah in der letzten not/jr Seel auff Christus leyden/dem Vatter in sein hände.

Die

Maria.

¶ Die andere vermanet ward/ Ursula nün merck ebē. Ursula.  
Wilt du abweichen dise fart/so behaltestu dein leben/Sie  
sprach solt ich abweychē drot/von Gottes wort so reyne/  
von wegen des zeytlichen todt/bey Christo bleyb alleine/  
das ewig güt ich erbe.

¶ Sie ward vermanet das sie solt/auff gnad vmb dz  
schwerdt bittē. In keinen weg sie das thün wolt/Sprach  
was mein Schwester glittē/Das leyd ich auch/Sie ward  
gericht/vnd iren Geyst auffgabe/doch wurden sie verbren  
net nit/an irem leyb vorabē/sie blyben vnuerseeret.

¶ Nün schawet an das wunder groß/das Gott hie  
hat bewysen. An den Junckfrauen stünden bloß/wel  
ches nyemandes thet preysen/Doch seind ir Körper züge  
deckt/bey nacht durch frūme Christē/die Gott darzū auch  
hat erweckt/wid Tyrānisch listen vñ auch ir grosses wütē.

¶ Man spricht das weybliche geschlecht / Sey ganz  
schwach von gemüte. Aber ir lieben Christen secht / allhie  
des Herrē gütē/wie Gott sein schwachen sterckē kan / mit  
seinem wort allzeyte/vñ seinem Geyst so lobes an/im glau  
ben vnd warheyte/will er nyemande verlassen.

¶ Wir wollen Gott auch dancken nün/für seine grosse  
gnade. Bitten das er erhalten thū/vns alle frē vnd spa  
re/Bey seinem wort biß an das end/auff das wir selig wer  
den/das wir nit werden abgewendt / durch todtes forcht  
auff erden/Gottes wort frölich bekennen/Amen.

Don den H. Gottes Bekenner  
Anna Askewe / mit sampt andern drey  
en/ Johan Lacels/ Nicolaus von Otterden  
vnd Johan Adlam.

¶ Von diser Gottseliebten Matronen/schreyber  
der Hochgelehrte Johan Baleus / in seinem Buch/so  
er von allen Gelehrten in ganzem Britan  
nien hat lassen außgehen/  
nachfolgende Hy  
story.

Anna der  
Geburt vnd  
glaubens  
halben Ad  
lich.

**A**nna Askewe / ist auß Adlichem  
vnd herrlichem stammen in Engellande/in  
der Graffschafft zu Lincoln/von Herren Wil  
helm Askewe/ihrer Vatter(welcher ein für  
trefflicher Mann vom Adel gewesen ist) geboren wor  
den. Vedoeh aber nit allein des stamens vnd des geblüts  
halben/sonder vil mehr ires glaubens vnd bekantnuß hal  
bē/ganz Adlich/ herrlich vñ fürtrefflich gewesen. Dañ sie  
für vñ für/nach dem Exempel der H. Cecilia/ das Euang  
gelium Jesu Christi/ mit eyferigem hertzen gefast vnd be  
halten hat/damit sie sich mit dem selbigen zum ewigen le  
ben erwehren köndte/wider des leydigen Teüffels Syna  
gog/im Reych des Antichrists.

¶ Als sie nün ires alters im xxx. Jar/hat dises hertz  
hafftig/vnd in der bekantnuß Christi ganz eynbrünstig  
vnd gleichsam entzündet Weyb/mit den grausamen Die  
bern/der Teüfflischē Synagog/zum andernmal ganz ge  
walt





waltig vñ bestän-  
diglich disputie-  
ret vñ gestritten.  
Deßhalbē sie dan  
billich d. W. Blan-  
dina/ deren Luse-  
bins gedēckt / kan  
vñnd mag vergli-  
chen werden. Dan  
dise Gottseelige  
Heylige Frauw/  
hat wunderbaro  
lithet weyß / auch  
die schwachheyt  
vñnd blōdigkeyt  
Weybliches ge-

Gottselige  
beständig =  
Feyt diser  
Anne.

schlechtes vberwunden/vñd zur bestätigung der warheyt  
Göttlichs worts/ auch zur rettung d. Glorij vñ ehre Got-  
tes/wider die erschrocklich vñd vilfeltige Gotteslesterung  
der Bapstischen Wessen/mit vnüberwündelichē hertzen/  
vñd gemüt/der stoltzen Tyrannen/ Schmachwort / Ver-  
achtung/ Gefäncknuß/ Peyn vñ Marter/ Ja den schande-  
lichen grausamen todt/den jr vñschuldiger Leyb leyden  
müß/erduhlet vñd vberwunden. Vñnd hat on zweyffel  
der Herr Jesus Christus in jr ganz gewaltig vñ herzlich  
gesiget/dieweyl sie nit allein/als sie peynlich vñ so greüw-  
lich gefrager ward/das ihr auch die Adern an irem Leyb  
aussprangen/die vñbarmhertzigkeyt vñd Vñmenschlich  
grausamkeyt/deren die sie dermassen peynigten/vñnd sie

Aa auch

# Von den H. Gottes Bekeñern

auch nachmals (welches doch erschrocklich zühören ist) auch verdampfen/verachtet hat/sonder auch nach erlittner solcher peyn im Kercker/ mit frölichem hertzen widerumb gesungen/ Ihn mitten in den feürsflamen/ den Allmechtigen Ewigen Gott/gelobt vnd gepriesen hat.



¶ Ist also auff den xviij. tage des Newmonats/ Im Jar/ als man zalt nach der gebure Christi/ M. D. vii XLVI. mit etlichen andern/ ober nandten treüwen Knechten vñ Diern Gottes/ Johañ Lacels/ Nicolaus von Otterden/ vñnd Johañ Adlam / dieweyl sie die Abgöttische

Bilder verflucht/verbreñet worden. An welchem tage vñ zu welcher stund/von den Wolcken des Himmels (wie man vorzeyten auch / in etlicher Martyrer Tode/beschreiben seiliset) Wunderbarlicher weyß/ ein groß gerösch ist gehört worden. Vnd hat Gott der Herr solchen/vnd anderer unschuldiger Christen tode / also bald an einem unsinnigen Herren zu Nordowold vñnd seinem Sün/ augenscheinlich gerochen/ So wartet auch die raach vnd straff

Gott

Gottes  
raach wider  
die Verfol  
ger seiner  
Christen.

und Martyrern/der iij. theyl. clxxxvi

Gottes auff die andern / wa sie sich nit bey zeyten werden  
beteren.

## Janinus von Fauentia.

Dominicus von Basana.

**D**ie History vnnnd warhafftigen berichte / von disen  
zweyen heralichen Männern / vnd theirren Bekennern / oder Martyrern /  
vnseres Herren Jesu Christi / so auß Befelch Papsts Julij des dritten / in  
Welschlandt / von wegen des H. Euangeliums getödtet vnd gemartert  
worden seind / Ist erstlich in Lateinischer spraachen / durch Franciscum  
Nigrum / auff dē xxx. tag Weynmonats / Anno M. D. L. beschriben /  
nachmals aber in Teütsche spraach verdolmetschet worden. Hab ich  
nachgehende Geschicht / auß den außgegangnen Schriff  
ten / warhafftig / wie folget / zu  
sammen gezogen.  
gen.

## Janinus von Fauentia.

**P**pst Julius / des nammens  
der dritt / hat jetzt etlich zeyt her / der ganz  
en Christenheyt / ein frey Allgemeyn Con  
cilium / mit vilen vnd klügen Worten / züge  
sage vnd versprochen. Aber ob im solches herzoglich angele  
gen / kan der Christlich Leser hier auß leichtlich abnehmen /  
Dieweyler die ihentigen / so Jesum Christum / für iren Ey  
nigen Erlöser vnd Heylandt erkennen vnd bekennen / so  
Aa ij ganz



# Von den G. Gottes Beteñern

Bäpstliche  
Ziſag von  
einem zu  
Fünffrigen  
Concilio.



gang grausam vñ  
feindlich mit feur  
vñ ſchwerdt durch  
ächter vñ verſol  
get / Das er auch  
etliche / ſo von  
Bapſt Paulo / dē  
iij. ſeine Vorſarē/  
vmb gleicher ver  
ſach willen / ver  
dampt / vñ in ge  
ſäncknuß behaltē  
wordē ſeind / bald  
im anfang ſeines  
Bapſtums / Ja  
merlichen hat laſ

ſen ermorden.

Janinus  
wilt gefan  
gen / vñ  
nachmals  
zum todt  
verurtheilt

¶ Vñ erſtlich iſt gewese ein fromer Burger / in der  
Prouintz Flaminien auß der Statt Aemilia / ſonſt von  
Fauenz bürtig. Diſer hat Chriſtum Jeſum für ſeinen ey  
nigen Seeltgmacher erkant / vñ offentlichen bekant / vñ  
vmb ſolcher / vñ ſonſt keiner andern Bekantnuß / oder  
(wie ſie es neñen) Wiſſerhat willen / von des Antichriſts  
Dienern / ſo man gemeyniglich Ketzermeyſter neñet / vor  
dreyen Jaren / Im M. D. vñ XLVII. zu Ferrarien ge  
ſäncklich angenomen / vñ nach außgang des andn Jars  
ſeiner geſäncknuß / von gemeltē Ketzermeyſtern zum todt  
verurtheilt worden. Diweyl aber ſeine ſtund noch nicht  
kōmen war / iſt er von der ſelbigē zeyt an / biß auff den ver  
ſchinen

schinen Herbstmonat/ Im Jar M. D. L. bey m lebener  
halten worden. Vnnd allererst dazumal auß Schrifftli-  
chem befelch / Papst Julij des dritten / getödtet worden.

¶ Zween tag aber züvor/ehe vnd er sterben solt/ward  
zū im/ins Gefängnuß gesandt/ein Bapstlicher Bort/od  
Diener/der sprach den gefangnen Faninum auff nachfol-  
gende weyß an/vnd sagt/Es hat Bapstliche Heyligkeyt/  
mit sonderm fleys alle deine Acta vnd handlungen bese-  
hen vñ erwegen/vnd nach vilfaltigem erdanken / endlich  
in deiner Lehr/vil Ketzereyen vnd merckliche irthumb  
befunden. Darumb sie dir auch jegunde durch mich anzey-  
gen laßt/dz du vmb derselbigē willen den Todt leyden sol-  
lest vnd werdest/2c. Darneben hat in auch bemelter Bort  
ernstlich vermanet/dz er das ihenig/was er wider die Rö-  
mische Kirchen geredt hette/solte widerzüffen/vnnd also  
beyde seynzeytlich vnd ewig leben fristen.

Fanino  
würdt im  
Bercker  
das leben  
abkündet.

¶ Auff solche Bortschafft hat der frome Faninus sein  
antwort gebē/ vñ gesagt/ Souil seinen Leyb/ vñ zeytlich  
lebē belange/frag er demselbigē nit sonds/od vil nach/ we-  
re auch dasselbig vmb der ehre Jesu Christi willē/züuerlie-  
rē/ ganz willig vñ bereyt. Souil aber sein Seel/vñ der sel-  
bigen ewigen Seeligkeyt vnnd ewigs leben betreffe/sey er  
desselbigen in seinem hertzen ganz gewiß vnnd wol versi-  
cheret. Demnach hat er auch angefangen disem Botten/  
mit einem sonderlichen starcken Geyst/das W. Gottes  
wort züpredigen/das er ganz schamrot vnd betrübt wor-  
den/auch mit weynenden augen auß der gefängnuß wide-  
rumb hinweg gangen/vñ frey öffentlichen für allen men-  
schen bekant hat/das diser gefangene Faninus/ein from-  
mer heyliger Man sey.

Christliche  
antwort/ so  
Faninus  
dem Bapsti-  
schē Botten  
gegebē hat

# Von den H. Gottes Bekennern

Saninus  
bittert ernst  
zu Gott

¶ Als nun diser Bort auß der Gefäncknuß hinweg  
gangen/ist Saninus auff seine Knye nidergefallen/vñ auff  
ein ganze stund lang mit andächtigem ernstliche gebete/  
den Allmechtigen Ewigen Gott angeruffen / Vnd nach  
vollendetem gebett/zñ seinen mitgesellē / die bey im gefan  
gen lagen/gegangen/vnd ihnen zñgesprochen.

Saninus  
würt durch  
seine mitge  
sangne zñm  
widerriß  
vermanet.

¶ Dise aber/dieweyl sie wol wußten/was im Kurtz zñ  
vor angezeygt/vnd verkündiget worden war/vñ deshal  
ben herzoghs mitleyden mit im trügen/vermaneten in/  
mit ernstlichem flöhen vnd weynendē augen/das er ange  
sehen/sein lieb Weyb vnd Kinde/im selbers sein leben frē  
sten/vnd das ihenig/so er geredt hette / widerrißten wols  
te/dañ durch ein sollich mittel möge nit allein im / sonder  
auch den seinen geholffen werden/Dargegen aber / wa er  
solte getödtet werden / so wurde sein Frau ein arme bes  
trübte vnd von jederman verlassne Witwe/seine Kinder  
aber arme weysen vnd Bettler sein.

Kampff  
des fleischs  
mit dem  
Geyst.

¶ Da nun diser frome Man/solche wort angehört/hat  
er ein güte weyl still geschwygen / vnd sich einzeytlang be  
dacht (Dann solche wort gehen einem Erbaren Man  
durchs hertz/so würt der Teuffel seiner pseyl auch nit ge  
schonet/sondern getröst auff ihn zñgeschossen haben/ als  
der auff alle gelegenheyt fleysig güte acht hat / vnd zñ ge  
legner zeyt seine werck thut.) Folgendes aber seinen mitge  
sellen dise antwort gegeben/vnd gesagt/Lieben Brüder/  
se solt daran Keinen zweyffel haben / das Gottes Barm  
herzigkeyt vñ güte vil grösser ist/ dan Menschlicher ver  
standt begreifen/oder fassen kan / dieselbig würt gewiß  
lich auch mein lieben weyb vnd Kinde beystandt vñ für  
sehung

Christliche  
antwort Sa  
mini auff dz  
gehon be  
ger/seiner  
mitgefäng  
nen.



sehung thun/Wiewol ich bekennen muß/das mein Alter  
Adam/auff eüwer red/ritterlich wider mich gekempffet  
hat/vnd were mir Gott(der seine Außersölten nymmer  
mehr verlaßt)mit seiner hilff nicht beygestanden/hett es  
leichtlich geschehen mögen/das er seinem willen gefol-  
get/vnd villeicht gern länger gelebt hette. Dañ ich nicht  
gnügsam bey mir bedendenckte/das/wa ich den leyb/  
der doch ohn das den wüermen zügeeignet ist/vnd sterben  
muß/wolte behalten/ich gewißlich mein arme Seel getö-  
tet hette. Aber der Allmechtig Ewig Gott/hat mir mein  
hertz gegen seinem wort auffgeschlossen/vnd verloben/dz  
ich jezunde gewiß/vnd eygentlichen glaub vnd weyß/das  
ein jeder/der seinen Vatter/oder sein Mütter/sein Weyb  
vnd Kinde/oder anders dergleichen/größer achtet vnd  
lieber hat/dann ihn/der sey sein nie werde/Darumb diet  
weyl mich Gott der Herr mit seiner handt in diser ansech-  
tung erhalten/getröstet vnd auffgerichtet hat/So beger  
ich von hertzen auff diß mal zusterben/vnd bey Jesu Chri-  
sto zusein. Eüch aber meine liebe brüder bitt ich/jr wöllen  
mir hinfürt nichts mehr hienon sagen/sondern vil mehr  
Lust anderst/cynigerley Christliche liebe/vnd ware erkant-  
nuß Jesu Christi in eüch/eüch mit mir freüwen/vñ Gott  
den Herren bitten/das er mich also beständiglichen mit  
seinem D. Geyst erhalte vnd stercke/das ich vnuerzagt vñ  
wolgetröst jezunde sterben/vnd ein Martyrer Jesu Chri-  
sti werden möge.

Matth. x.

¶ Als nün seine mitgefangnen solliche höreten/haben  
sie sich vor weynen nit künden enthalten/oder weyters ey-  
nige antwort geben/sonder in jren hertzen dermassen vnd  
so gar

# Von den H. Gottes Bekennen

so gar getroffen vnd enzündet worden/ das sie auch mit ihm biß in den todt zugehen ganz willig vnd bereyt waren. Dañ der frome Saninus hat im Kercker nit ands gethō/ dan für vñ für von der gnaden vñ barmherzigkeyt Jesu Christi geprediget/ allen denē/ die vmb irer missthat willen gefäncklich eyngezogen vñ gehalten waren/ Auff das sie in Gottes wort recht vnderwysen/ Christum Jesum ihren eynigen Erlöser vnd Seeligmacher/ erkennen vnd bekennen/ vñ also seliglichen sterben möchten. Vnd hie rñ sollē frome Christē die wunderbarlich würckung Gottes/ der ihm ein ewige Kirch durch vnerforschliche mittel vnd werckzeug samlet/ erkennen/ vnd seine ewige vnd vnt aussprechliche weyßheyt loben vnd preysen.

¶ Nach dem allem/ ist zñ vilgemeldtem Sanino ins gefäncknuß komen ein Mönch/ vñ in gefragt/ ob er auch seine Sünd bekennen vñnd beychten/ seine Kegerische lehr widerrüffen/ vñ sich zñ Gott widerumb bekerē wölle. Drauff Saninus sein antwort gebē/ vñ gesagt/ Seine sünd hab er Gott gebeichtert/ so seye er auch kein Keger/ sonder ein rechtschaffner Christ/ yedoch damit man ihm nit zñ stolz vñnd hoffart zñrechne/ zeygt er an/ wie das er gern sich mit ihm vnderreden/ vnd sich als einen armen sündler offentlichen bekennen wolte/ Also haben dise beyde sich von vilen Artickeln/ so den glauben vnd die streytig Religion belangten/ miteinander weytleüffig vnderredt/ Vñ hat Saninus von allen Artickeln Christliches glaubens dem Mönch dermassen mit antwort begegnet/ vnd gnüg samen bericht gethon/ das der Mönch/ da er hinweg gegangen/ zñ den andern/ so auch im gefäncknuß lagen/ off

fento

Saninus  
hat seinen  
mitgefang  
nen für vñ  
für im Ker  
cker gepre  
diget.

Gespräch  
eines Mön  
ches mit  
Sanino.

Zelignuß  
des Mön  
ches von  
dem from  
men Sani  
no.

fentlich bekandt vñ gesprochen hat/Disen Saninum hale ich fürwar für einen heyligen menschen/vñ wolt Gott/dz solcher leüth vil auff erden weren/so wurde es gewißlich vmb die Christlich Kirchen baß stehen.

¶ Nach dem nün die Sonn vndergangen/hat sich Saninus zum gebett bekeret/vñnd dieselbig gang nacht anders nichts gethon/dañ Gott den Herren angeruffen/vñ seinen mit gefangnen gepredigt. Derhalben ob wol etlich ins gefängnuß kommen waren/jhn zutrösten/so hat jhn doch nyemande an seinem fürnehmen verhindert./auch kein wort nit eyngeredt/sonder auß seinem Munde das W. Gottes wort/mit grossem ernst angehört./ Auch war nyemandts vnder jnen/der nit bitterlichen geweynet/vñ sich zum hefftigsten bekümmert hette/das er so jämmerlich solte hingerichtet vnd getödtet werden.

¶ Als es nün an der zeyt war/das Saninus solte für gericht gestellet vnd getödtet werden/hat man jm/als er auß dem Kercker geführt ward/ein Crucifix(wie dann an solchen orten gewonlich ist) zuküssen dargebotten. Saninus aber antwortet vnd sprach/Es bedarff des hülzinen Götzens nit/der von menschen händē also geschnitzlet vñ gebildet wordē ist/dañ in seinem hertzen trage er warhafftig Jesum Christum/der für jhn gecreüziget worden sey/vñnd jn von der höllen peyn/durch sein bitter leyden Erlöset habe/ Bat auch den/der jm sollich hülzern Crucifix fürhielt/Er wolte jm doch solchen Gözen von seinen augen hinweg thun.

¶ Des morgens frū/als die Sonn auffgangen/ist er gegen dem Markte/auff die gewonlich Richtstatt geführt

Was Saninus in seiner letzten nacht gethon hab.

Saninus will das Crucifix mit Füßen.



# Von den 5. Gottes Bekenern.

worden/das er daselbst für aller welt/ als ein verfluchter.  
 Ketzer hingerichtet wurde. Da haben jm seine Landes-  
 leuth / welche dazumal iridine gefesse gehn Ferrara zu  
 marck geführt vnd bracht hatten/nachgefolget/ vnnnd alle  
 ein groß mitleyden/mit jm gehabt/das er ein so gar stein-  
 hart vnd verstockt hertz hette/vnd weder sein Weyb noch  
 Kinder bedächte/die er doch in grosser armüt/vnnnd von  
 allen Christen hilffloß/hinder jm verlassen wurde. Aber  
 Saninus gab jnen antwort/ Sein weyb vnd Kinder we-  
 ren nün mehr wol versorget/ Dañ er hette sie allzumal ei-  
 nem solchen Mañ befolhen/der sie nymmermehr kein not  
 noch mangel wurde leyden lassen. Vnd dieweyl sie in hier  
 rüber fragten/ Wer doch diser Mañ were/ dem ers befol-  
 hen hette/ Antwortet er/ vnd sagt/ Gott jrem lieben Vae-  
 ter/ vnd Jesu Christo jhrem getreüwen brüder. Dis aber  
 alles redet er ganz manlich/vnerschrocken vnd wolgeher-  
 ziget/on anzeygung cynicherley forcht/oder schreckē / Vñ  
 widerholet offtmals dises sein gebettlin/Vatter/ich bitte  
 dich/du wöllest nach deiner gütē/allen denē/ die an disem  
 meinem todt schuldig seind/ verzeyhen. Ich weyß zwar  
 wol/das etliche vermeynen/sie thūen dir ein dienst dran/  
 wañ sie die jhenigen tödten/die deinen namen bekennen/  
 So seind auch etliche so gang blütdürstig/Christlich blüt  
 zūuergiessen / das/ ob sie wol mein vnschuldt wissen/ dan-  
 noch nit allein in meinen todt bewilliget / sondern auch  
 freünd vnd ein wolgefallen daran haben/Aber wie dem al-  
 lem/so biet ich dich lieber Vatter/du wöllest solches jnen  
 allen zūgleich verzeyhen. Er hette auch noch anders vnd  
 meytters mehr geredt/ aber die Schergen/die ihn fürten/  
 hatz

Saninus  
 wirt von  
 seiner Lads  
 leten zum  
 widerauff.  
 angespro-  
 chen.

Saninus be-  
 ficht weyb  
 vnd kind  
 dem All-  
 mechtigen.  
 Schergen.  
 Vatter.

Gebett Sa-  
 nin für sei-  
 nē vnschuld.

# vnd Martyrern/der iij. theyl. cxc

hatten befelch/das sie in weyters kein wort mehr solten reden lassen.

¶ Da sie ihn nun an die Richtstatt gebracht hatten/da er dan sterben solte/wolte der Hencker (diu weyl er vermercke/das Faninus vnrecht züm tode verurtheyle war) sich abschleyffen vnd darvon lauffen. Aber Faninus rüfft ihm manlich/vnnd sprach mit vnerschrockenem hertzen züm / Lieber thü du was dein Ampt ist/vnnd dir befolhen ist/dann es würet dir zü keiner Sünd gerechnet werden/so verzeyhe ich es dir auch von hertzen.

Faninus  
rüfft dem  
Hencker.



¶ Auff dz ward nun der fromme Man/erstlich gehencket/vnd nachmals verbrant/nicht ohn grosses traurē/weynē vñ Klagen aller deren so zugegen stunden vñ zülügten. Ob er aber wol auff iezterzölte weyß gestorben/so hat er doch mit seinem tode/vil züm erkantnuß vnd be

kantnuß Christi gebracht/welche die Barmhertzigkeyt Gottes nun mehr wissen/im auch ewigs lob vnd danck sagen/das er sie auß der finsternuß/zü seinem wunderbar

Bb ij lichen

Von den G. Gottes Bekñern  
lichen liecht/ vnd erkantnuß seines willens gebracht hat.

Dominicus von Ba=  
sana.

**I**c lang hernacher / vnd nem=  
lich eben in disem Jar vnnnd Monat/ da diß  
zü Ferrarien geschehen ist/ hat man zü Pla=  
centz desgleichen spiels gespielt/ Dann die  
Schlang muß also des Weybs samten in die Fersen beysø  
sen/ vnd seine glider Creüzigen biß an den Jüngsten tag.  
Vnd hat sich solche History auff nachfolgende weyß ver=  
lossen.

Domini=  
cus von Ba  
sana hat die  
recht Reli=  
gion in  
Teütschländ  
erlernet.

**E**iner mit nammen Dominicus a Domo Alba/ ein  
Burger in der Statt genant Bassanum (welche statt  
den Venedigern züstehet) hat vor Jaren Keyser Carol  
dem fünfften wider die Teütschen gedienet/ vnd dazumal  
bey den Teütschen das Euangelium erlernet. Darumb  
er sich bald des Kriegs abgethon/ die Weltlichē waaffen  
von sich gelegt/ vñ die Geystlichē angezogen/ Ist also auß  
einem Weltlichen Krieger/ ein Krieger Jesu Christi wor  
den/ vnd hat sich auch nachmals aller deren angenommen  
vnd beflissen/ die in in der lehr des N. Euangeliums wey=  
ters vnd gründlicher kondten vnderrichten. Darumb  
er dan in der erkantnuß Christi in kurzer zeyt trefflich zü  
genommen/ vnd biß in das M. D. vnd L. Jar/ vil nutz vnd  
güts geschaffen hat. In welchem Jar er erstlich auff Nea=  
pels



pels zugezogen ist/vnd hat von dannen angefangē zūpredigen/vnnd den Herren Christum in sehr vielen Welschen Stättlin/auch offnen plätzen vnd gassen/ on eynicherley schrecken öffentlichen zūverkündigen/vñ des Antichrists trug vnd list/mit grosser frucht vnd freud/zūoffenbaren. Als er aber auch zūletzt in bemeldtem Jar vnd Monat/gehn Placenz kōmen/hat er daselbst auff offnem Marckt angefangen zūpredigen/ vñ allda von der Ohrenbeydt/ Segfeur/Bāpstischem Ablass/vnd andern dergleichen stucken/so die Religion belangten/ frey öffentlich vnd vnuerhōlen/vnder einer grossen anzal Volcks / die jm willig vñ mit andacht zūhōreten/geredt vnd gelehrt.

Dominicus predigt an vielen orten in Welschlāde

Dominicus predigt zu Placenz

¶ Des andern tags hernach / ist er widerumb an bemelt ort auff den Marckt kōmen/vnnd daselbst/von dem rechten waren Glauben / desselben krafft vnd würckung/ auch von den gūten wercken geredt. Vnder andern hat er auch der Aß gedacht / vnd verheyssen / das er hienon des mornigen tags weyter reden/vnd den Antichrist mit seinen farben/recht außstreichen wölle. Als er aber nūn an dem dritten tag/als er wider an das ort kōmen ist/wil lens war weyters zupredigen/hat der Teüffel/der nit leyden mag/das die Abgötterey / vnnd sein Oberster diener (der Antichrist) mit ihren eygenschaften entdeckt werdē/ etlicher seiner diener vnnd werckzeüge erweckt/die solches alles verhindernen. Dann wie er in voller Predig stünd/ ist der Oberste Weybel oder Marckmeyster kōmen / in angesprochē/er solle von der Canglen herunder gehen / auch nachmals seinen Dienern befolhen/ das sie zū jm greiffen/ vnd in ins gefācknuß hinführen soltē. Dominicus war des

Dominicus wurde gefācklich angenommen.

# Von den 6. Gottes Befeñern

sen wol zufriden/sagt derhalben/er wölle alles thün/was er von jm haben wölle/vnd willig gehen/wahin er in hiesse/vnd sprach/Wich hat groß wunder gehabt/dz der Teuffel so lang hat harren können/vnd meine predigen vnuerhindert lassen.

Dominicus willt  
von des Bischoffs  
Statthalter  
gefragt

¶ Hierauff ist er zu des Bischoffs Statthalter gefüret (diuweyl der Bischoff nit anheimisch war) vñ von im zu Latein gefragt worden/ob er ein Priester sey/oder von wem er solchen gewalt entpfangē hette/also öffentlichen zu predigen. Dominicus antwortet auff Italianisch oder Welsch/wie dz er nit Lateinisch könne/so sey er auch kein Papistischer Priester/sondern ein Priester Jesu Christi/von welchem er auch/als von dem höchsten vnd Obersten Bischoff/zum Predigampt seye beruffen vñnd geweyhet worden.

¶ Meyters hat man in gefrage/ob er auch alles was er wider die heylige Römische Kirch geprediget hette/wider ruffen/oder für recht halten/dasselbig bestreyten vñnd darbey beharren wolte/Ihm auch angezeygt darneben/Wa er nit ein wider ruff thün werde/so müsse er des todes sterben.

Dominicus will  
sein lehr  
auch mit  
seinem todt  
bestätigen.

¶ Darauff hat Dominicus gang getröst vñnd vnerschrocken geantwortet/das er das jhenig alles/so er in offner Predig geredt vñnd gelehrt hab/dermassen für recht/gewiß vñnd warhafftiger erkenne/das er zu bestärkung solcher warheyt/bereyter sey den todt zuleyden/vñnd mit seinem todt dasselbig alles wölle versiglen/Vñ ja nit allein solchen todt nicht abbitten/sonder vil mehr Gott dafür danken/das er vmb seiner Ehren willen/den Todt zuleyden würdig sein solte.

Auff

# vnd Martyrern/der iij. theyl. cxcij

¶ Auff das ist er ins gefäncknuß geführt worden/vnnd daselbst durch etliche Mönch vilfeltiger weysß angezeypffe vnd vermanet worden / das er doch seine gethone Predi- Domini-  
cus will  
Feinswegs  
widruffen. gē widerumb auff offnem Marckt wolte widerruffen. Aber er hat sich dessen gewägert/vnd frey bekennet/Er wöl le zehen mal lieber sterben/dañ vom Herren Christo abfallen/oder in verleügnen.

¶ Derhalben hat man ihn des andern tages auff den Marckt/da er solte gehendt werden/geführt/vnd als man im nach gewanheyt/vil Bápstischer Gaucklerey vñ Narrenwerck fürgetragen/vñ im zügemüet hatt/War er sich von demselbigen allen zü Gott dem Herren gewendet/vnnd von herten gebetten/das er seinen Henden vnnd Mórdern/sampt allen / so an seinem todt schuldig werē/ vergeben wolte/ alles/was sie an ihm theten/weyl sie auß vnwissenheyt sich also an ihm versündigeten. Also

ist er mit grosser freud vñ hertzlichem verlan-  
gen züm Herren Christo in den todt  
gangen/ seines alters gar  
nahe im xxx.

Jar.

D. Johann



# Von den G. Gottes Befehern

## D. Johannes Dollus Mon-

ch Kleinus/Barfüßer Dis-

dens.

¶ Die History von diesem Gottseeligen/vnd rechtheyfer-  
rigem Mañ/welcher ein Hocherfarnen Theologus vnd fürtreffentli-  
cher Philosophus gewesen ist/wie er nemlich etlich mal durch den Antis-  
christischen hauffen/in gefäncknuß geworffen/aber durch Gottes gnädia-  
ge anschickung widerumb entlediget/ folgendes aber/Im Jar M. D.  
vnd LIII.auff den v.tag Septembriß / mit sampt einem Perusinischen  
Weber zu Rom/auff dem Platz genant / Campo de flor/ist verbrant wor-  
den. Ist erstlich mit kurzen vnd wenig worten/in Teütscher spraach auß-  
gegangen/Jetzundt aber zu sonderm gefallen mein/vñ gemeynen Kirchen/  
weytleüffig vnd warhafftig in Lateinischer spraachen beschryben worden/  
durch Herren Michaelen Angelum Flortinum einen Florentiner / der  
dann lange zeyt bey gemeldtem D. Johanne Monte Icino in gleichem Ge-  
den verharret/nachmals aber auch biß in die xxij. Monat zu Rom  
umbis Glaubens willen gefäncklich gehalten/vnd nun  
allhie bey vns zu Strassburg sich haltet/  
Vnd durch mich warhafftig  
verdolmetscht.



Johannes Dollus ist gewesen  
ein Italianer/geboren in deren von Senen  
Herrschaft in einer berühmten Statt/ ge-  
nant Monte Icini/welches ligt bey xx. Wel-  
scher/oder bey iiij. Teütscher meylen von der  
Statt Senis. Disen Johannem / als er xij. Jar alt wor-  
den / haben seine Eltern mit sampt seinem Bruder / des  
nam̃ war Augustinus / auß armüt in ein Barfüßer Klo-  
ster



ster gethon/Vnnd dieweyl die Mönche desselbigē orts vermercketen/dz diser jung Knab eins fürtrefflichen gütē verstandes war/haben sie ihn mit fleyß dahin gehalten/das er in Lateinischer sprachē fleyßig studierte/vnd gründelich vnderwysen wurde.

Mont Icinus würt zur Lateinischē sprachē angezogen.

Seinen Brüder aber/welcher (wie gemeldet) Augustinus hieß/habē sie als einen der eins Kleinen verstandes/vnd zūm studieren nit tauglich were/zū andern gemeynen vnnd geringen Kloster geschafften verordnet. Als nūn gemelter Johannes zwey Jar in Lateinischer sprachē gestudiert/hat er alle andere seine Mitgesellen/in zierlichem vñ lieblichem reden so weyt vbertroffen/dz jederman sich ab solchē seinem trib/vnnd geschwinden verstande verwunderte/vnd ihn hertzlich lieb hatte. Als er aber xvij. Jar alt worden/haben in die Obersten desselbigē Klosters/so zū Mont Icin ist/lassen zū einem Priester weyhen/vnnd seine Erste Weß(welche warlich vnd aller Abgötterey die fürnehmste ist)lesen. Vnnd als solches beschehen/ist er nachmals gehn Ferrar geschickt worden/das er daselbst in allen löblichen

Mont Icinus würt gehn Ferrar geschickt.

Cc lichen

# Von den G. Gottes Bekennern

lichen vnd güten Künsten/als in der Dialectica/Philosophy vñ auch D. Schrifften/weyters fürtsarē solte. Daselbst ist er inenhalb vs. Jaren (diweyl er auch vormal in seiner jugend sich als einen der sondern lust vñ neygunz zu allen güten Künsten trüge/erzeygt hat) so hoch kommen/das zur selbigen zeyt kein gelehrter Adā zu Ferrara nie war/der sich im Disputieren nit vor ihm entsetzet vnd gleichsam gefürchtet hette. Als nūn aber solches Ad. Joān Vigerius Januensis/welcher zur selbigē zeyt Barfüßer Ordens General vñ Oberster war/verstanden/hat er ihn lassen in Heyliger Schrifften/vñ andern Künsten Doctorieren/vñ folgendes zu einem Lesemeyster des Barfüßer Klosters zu Janua verordnet. In dieser zeyt aber hat vilgemelter D. Johān noch gar kein Erkantnuß Jesu Christi gehabt/sonder vil mehr vñ ernstlich dem Papstūb angehangen/vñ ye vermeynt/er wolte alle so Euangelischer lehr anhängig/mit seiner Sophistrey vñ Philosophischē argumentē vñ vsachē/überwindē.

¶ Im Jar aber als man zalt nach der geburt Christi M. D. vñ XXXI. Ist er Professor vñ Lesmeyster worden zu Brayen (da dā obgemelter Herr Michael Angelus erstmals sein Discipel vñ Jünger worden ist) Daselbst hat er angefangen/mit höchstem fleiß zu ergründen vñ eelicher massen zūschmecken/die reyne lehr des D. Euangeliums.

¶ Folgendes im Jar nach der geburt Christi/M. D. vñ XXXII. als er zu Meylande zu einē Professor D. Schrifften vñ anderer güten Künsten angenommen war/hat er sich dermassen so statlich vñ gewaltig erzeyget/dz Francis

Monte Flei-  
mas Kompt  
zur erkant-  
nuß Göttli-  
cher war-  
heyt.



ciscus Sfortia/der Herzog zu Meylande in zu einem Or-  
 dinario der Philosophen/ zu Paffy (welchs ein herliche  
 berühmte vñ alte hohe Schül war) angenommen hat. Da-  
 hin er dann auch gezogen ist/ Im Jar M. D. vnd XXXIII.  
 vnd daselbst verharret biß in das M. D. XXXVII. Jar.

Mont Jle-  
 nus wäre  
 Lesemey-  
 ster zu Paf-  
 sy.

¶ Zur selbigē zeyt/ als W. Lorenz Spatha von Bo-  
 noniē bürger/ ein berühmter fürtrefflicher Theologus/  
 zu Rom General vnd Oberster Barfüßer Ordens ward/  
 vnd aber gemeldten D. Johannem Mont Jlein/ als ei-  
 nen der alle andere seins Ordens Brüder weyt vberträfs-  
 se/ hertzlich lieb hatt/ hat er in zu einem Professor gen Bo-  
 nonien angenommen. Daselbst hat er anfänglich etlichen  
 zu gefallen/ das dritte Büch/ so Aristoteles von der See-  
 len/ vnd das erste/ so Johan Scorus geschryben/ fürgeles-  
 sen vnd außgelegt/ vnd aber doch ihm selbers hierin nicht  
 gnüg gethon. Dañ die Erkantnuß Euangelischer war-  
 heyt in im dermassen zugenommen hat/ das er nichts mehr  
 begert/ dann das er solcher mit ernst nachsetzen/ auch für  
 vnd für anhangen solte.

¶ Dieweyl aber solchs vil fromer Mönch/ die der war-  
 heyt gantz geneygt waren/ an ihm vermerckten/ baten sie  
 in zum höchsten/ er wolte doch ihnen die Episteln des H.  
 Apostels Pauli/ besonds fürlesen vñ außlegen. Damit er  
 nun seinen brüdern vnd irem so ernstlichem bitten vnd be-  
 gerē gnüg thun möchte/ hat er in seiner Kamer oder Cel-  
 len angefangē zu erklärc/ die Epistel so der Apostel Pau-  
 lus an die Römer geschryben hat. Als aber auch solches  
 andere erfüren/ ward die zal der zühörer so groß/ das er  
 gezwungen ward/ solche H. Lection öffentlichen vnd an

Mont Jle-  
 nus liest sei-  
 nen brüdern  
 die Epi-  
 steln Pauli

# Von den G. Gottes Bekennen

Dem ort zühaltē/da er sonst pflegete Aristotelem vñ Scotum zulesen. Diuweyl aber Gottes wort durch sein krafft die hertzen 8 Menschen mit seiner Maiestat gewaltig zū sich zühet/wardē der zühörer sonil/dz er in offner Kirchē von der Cantzen solche Lection halten müste. Die zühörer waren gang ernstlich vñ eyferig/so macht sie auch D. Johān ye mehr vñ mehr einbrünstiger vñ hitziger. Vil waren/die seine Lectiones von wort zū wort eygentlichen auffschryben. Vñ befließ sich ein jeder/dz er an ein bequemes ort zuzigen kōmen möchte/damit er seine Außlegung desto baß verstehen vnd fassen kōndte/Dañ die Verständigen leichtlich vrtheylen kōnden/das solche reden/auß dem H. Geyst her kāmen.

Cornelius  
ein Barfüß  
ser/arger  
Mönch.

¶ Zur selbigen zeyt/war noch ein anderer Franciscaner oder Barfüßer Mönch/mit nammen Cornelius/ein rechter schweger/defß gleichē ein leichtfertiger/betrogner/vnnd vber die massen Ehrgeygiger Mañ/der all sein redē dahin richtete/wiemans gern hōrete. Diser dieweil er zū Bononien die Metaphysic Aristotelis lasē/ward er gemeldtem D. Johān Mont Icino/dieweyl sein lob vñ ehr/von tag zū tag/ye länger ye grösser ward/hefftig feynd/Vnd ward diser schandlich vnd Mönchisch neyd in seinem hertzen so groß/das er zū gefallen dem Cardinal Campegio/der dann ein Burger/Bischoff vnd Legat zū Bononiē war/and anfieng die Epistel Pauli an die Römer öffentlich fürzulesen/vnd alles das/so D. Johān zū vor Christlich vnd Gottseeliglich gelehrt hatt/vmbzustossen/Alles doch ohn grunde Göttlicher warheyt/Sonder

Der in allen Lectionen hofieret er vnnnd schmeichelt dem Papst/seinem geschmierten hauffen/ihrem Gewalt/Au-  
thoritet vñ ansehen. Wie gegen aber blib D. Johān Mont  
e Jlcinus beständig/verthädiget mit ernst/das ansehen/  
die Krafft vnd Warheyt Göttliches worts/entdeckt hie  
mit des Papsts Tyranny/lobt vnnnd prise dargegen/so  
hoch er jmer kondte/die Glory vnd Ehr des Herrē Chri-  
sti. Vemehr aber obgenanter schweger Cornelius/wider  
den fromen Johannem zürnet/tobet/vnd in grausamer  
weyß schendet vñ schmähet/ye grössern zulauff D. Mont  
e Jlcin vberkam/vnd ward des fromen Mans nam vnd  
Ehr nur desto grösser/Dargegen werden Corneliū zühö-  
rer/ye länger/ye weniger/ea nam auch sein Authoritet vñ  
Ehr/von tag zu tag/ye mehr ab.

¶ Als nun aber Cornelius der Mönch sahe/dz es im  
nit glücken wolte/auff die weyß/so er fürgenommen/Ja  
vil mehr von aller welt verachtet wurde/vnnnd mit seiner  
vnnützen Sophisterey/der lehr des h. Geysts/die auß dē  
Munde Mont Jlcini geprediget ward/nit kondte wider  
standt thun/Hat er folgendes durch sein Gleyßnerey/vnd  
glatte wort den Cardinal Campegium angesprochen/vñ  
endlich dahin bewegt/das er im fürnam den fromen D.  
Johannem Mont Jlcinum züerwürgen. Dañ er sagt/vñ  
bezeügte sich auch mit ernst/wa man die Lehr D. Johans  
nis Mont Jlcini nit fürkōmen vnnnd abschaffen werde/so  
werde sie gewißlich zü grossen schaden vnd nachtheyl der  
h. Römischen Kirchen/dienen vnd reychen. Nun ist kein  
ander mittel/dardurch man die Cardinal leichtlicher kan  
vider den Herren Christum/vnd sein wort anhezen/dañ

Cornelius  
der Mönch  
stellt dem  
fromen  
Mont Jlcini  
nach  
seinem Le-  
ben.



# Von den G. Gottes Befehern

eben wann man ihnen den verlust irer Ehren / haab vnd güter / fürhalte.

¶ Diuweyl aber der Cardinal Campegius wol wußte / das er den fromen D. Johannem Mollum / mit keinem öffentlichen gewalt / ins gefängnuß bringen oder werffen köndte / Dann er ward zu Bononien von menigklich als ein Apostel Jesu Christi gehalten / hat er befehl gegeben / das man in freündlich beschicken solte / damit er sich in seinem beysein mit Cornelio vnd andern Theologen von der rechten lehr vnd Christlicher Religion gnügsam erspraachete / vnd da ein jeder öffentlichen anzeygte / wess er in solchen stücken gesinnet were.

Gesp:äch  
MontZlei  
ni mit Cor-  
nelio.

¶ Als nun Johannes solches angehört / ist er ganz willig erschienen / damit er von Gottes wort / vom Glauben vnd Christlicher Religion sein bekantnuß vnd zeügnuß thün köndte. Es haben ihn auch vil herrlicher Gelehrter leüt begleytet / die von hertzen begerten Gottes wort zühören. Es ist auch erschienen vilgemeldter Cornelius / vnd haben dise beyde angefangen zureden von der Justification / oder Rechtfertigung des Menschen / welches biß in die dritte stund zünacht sich verzogen hat / Vnd ist ein jeder auff seiner alten vnd vorigen meynung verharret.

¶ Nachmals hat man D. Johannem MontZleinu widerumb heysen heyngehen / Vnd als er den schnecken herunder gieng (da dann in einem winckel ein grausame gefängnuß gebawen war) ward er von des Cardinals dienern / die da verborgen stünden / vnsürsehens angefallen / gefangen / vnd in Kercker geworffen. Welches sie dazumal / diuweyl es nacht / vnd an einem engen ort war / wol thun

D. Johān  
MontZl-  
ein würt  
zum ersten  
mal gefan-  
gen.

ehin kondten/Wiewol etliche ihre Kapiervñ gewehr auß-  
zogen/vnd begerten den Vicari des Cardinals Campe-  
gii/der zu solchem geholffen hatt/züerwürgen/kondten  
aber(wie gesagt)diweyles nacht/vnnd an einem sehr en-  
gen ort war/nichts außrichtē. Des mornigen tags aber/  
als solch geschrey außtame/ward die gang Statt vnru-  
wig/vnnd wa sich gemeldter Schweger Cornelius nicht  
heymlich hette verschlagen/so hette er müssen herhalten.  
Die Studenten schmäheten öffentlich nit allein den Car-  
dinal Campegium / sondern auch den Papst/den sie dem  
Antichrist/vnnd die Römisch Kirch/welche sie das ver-  
zweyfelt Babylon/nenneten.

**A**ls aber der Cardinal solche lesterwort ersür/ward  
er noch mehr wider den fromen Johañem ergrimet vnd  
erzürnet. Der halben er im fürnam/wider in vnuerhörter  
sachen zühandlen. Berufft sein Vicarium/schickt den sel-  
bigen ins gefäncknuß/das er dem gefangnen ansagen vñ  
verkündigen solte/wie das er enweders sterben/oder a-  
ber Widerauffen müste / vnnd sey die sach dermassen  
beschaffen / das man sie länger nicht werde auffzie-  
hen.

**D.** Johañ/hat sich ab solcher Botschafft/wiewol  
sie erschröcklich vnnd grausam war / keines weges entse-  
tzt/allein sich beklaget/ das er dermassen vnuerhörter  
sachen verurtheyle/vnd verdampt wurde.

**A**lso wolt dem Cardinal Campegio / deren keines  
gerahten/wie ers im hat fürgenomen/ Dañ der H. Geyst  
hatte dieses Gottseligen Manns hertz in rechter erkärnuß

Chri

# Von den G. Gottes Bekennen

Christi dermassen gegründet vnd bekräftiget/ das in wer  
der die Marter/nach der todt selbers erschreckt/ sondern  
er mit frölichem angesicht frey bekennet/ er wolte vill lieber  
sterben/dan sein lehr widerrißten/vnd der Gottlosen lehr  
aller Heuchler vnd Gleyßner beysallen/Dann im sey lie  
ber der Tode/dan das er sich durch den Widerriß in ewi  
ge schand vnnnd schmach selbers stürzen wolte.

¶ Ob wol nun der Cardinal solches mit zornigem her  
ge von im anhörte/so hat er in doch nit (wie er fürgenom  
men) tödten vnnnd umbringen können. Dann der Gene  
ral oder Oberste Barfüßer Ordens/Herz Lorenz Spa  
tha/dieweil er wol gedenden konnte/das im diß zu ewigen  
zeyten zuuerweyssen können wurde/wan er einen Ordens  
Brüder/der im züstkünde/dermassen so Jämerlich ließ er  
würgen vnd umbringen/besonders einen solchen Man/  
der nit allein Gelehrt/sonder auch allen Hochuerständi  
gen ganz lieb vnd werdt gewesen war/ Ist auff der Post  
eylendes gen Rom geritten/auch kein mühe/arbeyt/oder  
vnkosten hierinnen gesparet. Vnd als er gen Rom kom  
men/hat er mit dem Cardinal zum H. Creüz/der dazumal  
Barfüßer Ordens Protector vnd Schutzherr war/  
souil verhandelt/das er ein Mandat vom Papst an den  
Cardinal Campegium außgebracht/des inhalts/dz der  
Cardinal in angesicht dises Mandats/Johannem Mon  
te Ilcinum auß dem Kercker ledig lassen solte/Dargegen/  
das gemelter Johannes etlich Bürgen setzen/vnd in Mo  
nats frist sich selbers gen Rom stellē wolt. Dises Mandat  
hat nun der General Barfüßer Ordens dē Cardinal Cam  
pegio vberschickt/der dan willens war/vber drey tag den  
frome

Lorenz  
Spatha  
Postiert  
gehn Rom  
vmb erledigung S.  
Johann  
Mont Ilc  
ni.



fromen vnd Gelehrten man tödten zülaffen. Als aber der Cardinal solch des Papsts Mandat empfangen/ das er nemlich den gefangnen Mont Ileinum widerumb solte ledig lassen/ist er so ergrimet wordē/ das man vermaynt/ er were gar unsinnig/rasend vnd tobend. Dañ in von hergen dürestet/nach des fromen Mäns blüt/vnd vermaynt er wurde Gott ein besonder wolgefällē daran thün/wañ er in verbrennen ließ. Dieweyl er aber des Papsts befehl nit kondt/oder dorfft/widerstandt thün/hat er etliche zū Bürgen angenommen(darzu dañ vil Studenten vnd Lētzū Bononien ganz vbüchtig vñnd willig waren) vñnd den Gefangne/nach dem er in xxx. tag/in einem schandlichen Kercker gehalten hatt/widerumb ledig geben.

D. Mon =  
t Ilein  
würt wide  
rumb ledig  
gelassen.

Es ward auch vil gemeldtem Schweger Cornelio befehl geben/das er gehn Rom sich stellen wolte/ Als er nün dahin kommen/ist er vom Cardinal zūm D. Creütz/der im dann trefflich seynde war/ins gefäncknuß geworffen worden.

Die kan ich aber diß nit verschweygē/ So bald das geschrey außkam/das der Gefangne Mont Ilein widerumb solte ledig werden/Lieff alles Volck hauffen weyß/zū im ins Barfüßer Kloster/dann ein jeder wolt in sehē/hören/vñ müglichs fleyß dienē. Vil vnder jnen/denen des Papsts Tyranny wol bekant war/rhieten ihm von herzen/das er nicht gehn Rom ziehen wolte/Verhieffen ihm auch ein grosse Summa gētes/wa er auß Welschlandt hinweg ziehen/vnd sich her auß in Teütschlandt thün wolte. Aber er schlug solches alles ab/vnd sagt/er müste/wie zū Bononien/also auch zū Rom/von der lehr Jesu Christi

Dd

zeiñ

# Von den H. Gottes Bekenñern

**S. Mon-** zeügen vnd predigen. Nach dreyen tagē/ hat er etlich gele  
**r. Fleinus.** von seinen brüdern genomen/ dan er zur selbigen zeyt sehr  
**zucht von** arm war/ vnd ist also auff Rom zugezogen. Seine Wite  
**Benonien** brüder aber hielten on vnderlaß jr gebett für in zu Gott.  
**auff Rom**  
**31.**

**¶** Als er gehn Florenz kommen/ hat in obgemeldter  
**Hertz Michael** Angelus angesprochen vnnnd gesagt/ Ach  
 lieber Vatter/ wie gern wolt ich das jr auff Teütschlädte/  
 vnd nit auff Rom/ zugehen/ Aber er hat im mit weymendē  
 augen/ widerumb die antwort geben/ vnnnd gesagt/ Ich  
 bin willig vnnnd bereyt/ nit allein alle peyn vñ marter zu  
 leyden/ sonder auch vmbmeins Herrē Jesu Christi willen  
 lebendig verbrant zu werden.

**¶** Nach dem er gehn Rom kommen/ ist er erstlich zum  
**Beger** Cardinal zum H. Creütz/ der seiner sachen nit so gar ab/  
**Mont Flei-** günstig war/ kommen/ vnd nachmals mit sampt seinem  
**nian Bapst** General vnd Obersten für Bapst Paulum des namens  
**Paulum** den iij. selbers. Als er aber für dē Bapst komen/ ist er auff  
**den iq.** die knye nidergefallen/ vnd ganz demütig gebetten/ das  
 man sein sach nit in windt schlagen oder verachten/ son/  
 der wie billich/ rechtmässiger weys vrtheylen vnnnd er/  
 kennen wolte/ vnnnd ihm vergönnen offentlichen zureden  
 vnnnd zuhandlen. Bapst Paulus der iij. der dann vor/  
 mals von seiner lehr (die weniglich gefiel/ vnnnd zum  
 höchsten gelobe ward) gehört hatt/ gab im antwort/ das  
 es nit von nöten were auff diß mal seine sach offentlichen  
 fürzunemen/ dan er hette verschafft/ das man freündel/  
 lich vnd lieblich mit ihm handlen solte. Vnnnd hat sich der  
 Bapst gegen im auff freündelichst vñ gnädigst erzeygt.  
 Dann es besolgen sich alle Cardinal zum höchsten vor  
 disse.

dieses Mans lehr vnnnd bekandnuß. Solgends/dieweyl ihm die öffentliche handlung abgeschlagen ward/befalch man jm/er solte alle Artickel sampt seiner meynung/umb welcher willen er/als ein Keger anklage were wordē/ mit eygner handt auffschreyben vnd verzeychnen. Welches er mit willen gethon / Vñ hat sein Veranewortung schrifftlich gang gewaltig vnd wolgegründt angestellet / darinnen er nach ordnung sein Bekandnuß gethon hat/nach dem N. Göttlicher vnnnd der alten Väter glaubwürdigen Schrifften / gang kurz/aber mit hohem verstande von den fürnembskē Artickeln Christlicher Religion/Als von der Erbsünd/von der Rechtfertigung / so allein durch dē glaubē beschehe/von dem Beruff Gottes/Von der Erwigigen fürsehung Gottes/Vom Freyen Willen/Von Gnad vnnnd Verdienst/von guten Wercken/Vom Ansehen der N. Göttliche Schrifte/Vom Segseur / Von des Papsts gewalt/vnd letztlich/das bey Gott kein ansehens der Personen seye. Von disen allen segetzölten Artickeln / hat er sein Bekandnuß schrifftlich / die er auß dem N. Gottes wort/vñ der Alten Väter Lehr gefaßt hatt/dargethon/vnnnd nach dem sie vollendet/hat er sie erstlich dem Cardinal zum N. Creüz/vnd solgends (wie ihm befolhen war) dem Papst selbers vberantwortet.

¶ Drey ganger tage haben die verordneten Bischöff vnd Cardinal denendann solcher handel außerlegt vnd befolhen war/von disen angestelten Artickeln weytläufig disputiert vnd geredt/Vnd ist vnder jnen keiner gewesen/der solche sein Bekandnuß etlicher massen leügnen/od aber hett könden umbstossen.

Dd ij Nach



# Vonden H. Gottes Bekennen

Antwort  
so Montz  
cino auff  
sein gerho-  
ne Bekant-  
nuß geben  
war.

¶ Nach dreyen tagen hat man im ein solche antwort  
geben/Ob wol alles/das er geschriben habe/die warheyt  
sey/so künde man doch solches noch zur zeyt nit ohn beson-  
dern vnd grossen nachtheyl der Römischen Kirchen/leh-  
ren/oder predigen/Derhalben wöllen sie im verbotten ha-  
ben/dz er hinsürt der Episteln Pauli müßig stehen/auch  
sonst nichts mehr auß H. Göttlicher Schrifften fürlesen/  
oder außlegen wolte/Sonder gehn Bononien wider hin-  
ziehen/vnnd daselbst in der Philosophhey vnd Sophiste-  
rey oder Schül Theology fürfaren.

S. Mon-  
tzein erzö-  
let von der  
Cangeln  
wie es im  
ergangen  
sey zu Rom

¶ Als er nün zu Bononien widerumb ankomen/vnd  
von allen Gottsförchtigē mit höchster freünd enepfangen  
ward/Ward widerüb ein grosser zulauff von allē Volck/  
die in freündelichen entpfahen/vnnd gern gewisß haben  
wolten/was in seiner sachē were verhandelt worden. Die-  
weyl er nit künde einem jeden nach notturfft red vnd ant-  
wort geben/hat er dreÿ gewaltiger predigē in offner Kir-  
chen von der Cangeln zum Volck gehalten. Die Papistē/  
da sie höreten das er predigen wolt/gaben sie für/er wur-  
de einen Widerwüßschün/damit er widerumb beym Car-  
dinal Campegio möchte zū gnadē kōmen. Aber d fromb  
Johānes/als der für vnd für beständig bliben/vnnd nye-  
mals d meynung gewesen war/dz mā in Christi sachē vil  
nachgebē solte/hat sein eynfaltig vñ warhafftig erzölet/  
wie es im ergangē sey/Auch wed weniger noch mehr ange-  
zeygt/dān wie es sich in warheyt hielte. Derhalben dan  
solche predigen mit gesunder lehre/auffrecht vñ warhafte  
abgangen seind. Deßhalben dan alle Liebhaber der war-  
heyt/Gott dem Herren herzlich dancksagten/dieweyl er  
die

die Warheyt auß der finsternuß/ wunderbarlicher weyß  
ans liecht herfür gebracht hette.

¶ Der Cardinal Campegius als er solches erfahren/ist  
er vilzorniger vber vilgemeldten D. Johan worden. Dañ  
er hatt klein gefallen ab seiner widerkunfft/vñ sonderlich  
ab disen jetztuermeldten dreyen predigē. Derhalbē bracht  
er beym Papst vnd seinem geschmickten hauffen/endlich  
souvil zuwegen/das dem General oder Obersten Barsüß  
ser Ordens befehl gethon ward/das er gemelten Johan  
nem zu Bononien abschaffen/vñ einen andern an sein  
statt dahin solte verordnen. Welches er auch also bald ge  
thon hat/Aber doch sehr vngern/dann er disen frommen  
man für alle andere herzlich lieb hatt. Bald hernach hat  
er in auff Neapels zūgeschickt/vñ in daselbst zū einem Le  
semeyster vnd Prediger im Conuent/oder im Kloster zū  
S. Lorenzen verordnet.

Mont Ze  
cin wirt  
zu Bononiē  
abgeschaf =  
fet vñ auff  
Neapels zū  
geschickt.

¶ Also hat er im Jar M. D. vnd XXXVIII. zū Neap  
pels geprediget / vñ daselbst gar kaum enttrunnen dem  
Viceroy in Neapels/Herrn Petro von Toletto einem Hi  
spanier/der ihn nachstellet / Diuweyl er auff den Ostertag  
offentlich gepredigt hatt/alles was die Papisten/vñ dem  
wesentlichen absteigen der Seelen Christi/an das ort da  
die Abgestorbenen Heyligen Väter bey einander versam  
let sein sollen/lehren vñ schreyben. Vedocho hat ihn Gott  
wunderbarlicher weyß auß den händen dises grausamen  
Tyrannen entlediget. Ist aber doch nachmals hin vñ  
wider in Welschland vmbgezogen/vñ wiewol er den Pa  
pisten zūwider/hat in doch Gott erhalten/dz er nit durch  
die feynd des Euangeliums vmbgebracht ward.

# Von den H. Gottes Bekennern

Mont Flei  
nus kempt  
widerumb  
gehn Bo-  
nomen.

¶ Im Jar M. D. XLIII. als der Cardinal Campegius mit Tode abgangen/ Ist gemelter D. Johan widerumb gehn Bononien komen/berufft von einem fromen Abt de Grassis/welcher ein Burger zu Bononien/vnnd sonst in grossem ansehen war/bey welchem er etlich Monac in einem Hauss verharret ist/vnd hat im in geheym vn beson- ders die Episteln des H. Apostels Pauli erklart vnd auf- gelegt. Hat doch aber dem Heyd vnd has der Geschmier- zen/in die harz nit künden/oder mögen enttrinnen vnnd entgehen.

Mont Flei  
nus wirt  
zum andern  
mal gefan-  
gen.



¶ Dañ im an- fang des Augst- monats/ ist er wi- derüb bey näch- licher weyl vers- tandschafft/vñ in Kercker ge- worffen worden. Vnnd damit nie- etwan das volck/ das ihn dan für- eresslich lieb hat. Ihn mit gewalt widerumb ledig- machete/habē sie in eben in dersel-

bigen nacht gefangen/mit kättrinen gebunden/vnnd mit etlichen gewapneten wol bewaret/gen Saueng führen las- sen/vñ daselbst im Schloß in einen schandlichen thurn/ auß



auff befehl des Cardinals von Capo/vnd Bonauentura von Costacciaro/welcher zur selbigen zeyt General vnd Oberster vber der Barfüßer Orden war/Jämerlich werffen lassen. In diser Gefäncknuß ist er blyben vier gangzer Jar/vnd hat man nyemandes von seiner freündtschafft oder sonst/zü im gehen/vnd mit im reden lassen. Daselbst hat er auch ein herliche vnd schöne außlegung vber das erste buch Moses geschryben/welche ihm aber vom Obersten im Schloß genomen worden/damit es nit außgieng/vnd ano liecht käme.

¶ Nach dem nün dise vier Jar verlossen/ist er wider rumb auß gunst vnd liebe etlicher Fürnehmer leüch in Italien/vñ insonders durch den Graffen von Pitiglian/vñ obgemeldtes Abts/auß dē Schloß vnd Gefäncknuß zü Sa ueng ledig worden/Vnd dem Abt/das er in bewaren solte/mit gewisser bürgschafft vertrauuet vñ befolhen worden. Welcher Abt auch in mit sich gehn Rauenna gefürt/vnd bey sich etlich Monat lang in seiner Abtey zü S. Vital/gang freündlich vnd wol gehalten.

Mont Jlc  
cin wäre  
widernimb  
entledigt.

¶ Zur selbigen zeyt/hat D. Johan Mont Jlcin/besonders disem Abt vñ etlichen andern mehr/die Episteln des H. Apostels Pauli außgelegt/vnnd den weg Gottes alle die so zü im kämen/mit erclären vnnd sonderm ernst gelehrt/Endelichen auch in disem eyfer/eyrbunß vnd hitziger liebe zü dem Herren Jesu Christo komen/dz er auch den namen Christi/ohn trähern vnd weynen/nyemals genemmet hat. Wann er dann etwas zün zeyren/vom Verdienst Jesu Christi redet/hat meniglich anderst nit gedanken künden/dann das er auß Gottes eyngelung

der

# Von den H. Gottes Bekehrern

dermassen getrieben/gleichsam im Geyst verzuckte/vñ außserhalb disem sterblichen leyb seye.

¶ Als aber nach etlichen Monaten diser frome vñnd Gotteselige Abt mit todt abgieng/haben seine Erben der bürgschafft/so gemeldter Abt von wegen Johān Montz Alcinieyngangen/dieweyl sie das gelt mehr dann Gott liebten/widerumb begere ledig zu werden. Haben deshalben verschafft/das gemeldter Montz Alcin/durch etliche dardurch verordnete diener/bey der nacht in die Gefängnuß des Bapstischen Legaten geführt ward/darab dann die ganz statt Rauenna/klein gefallen tragen hatt. Verdoch seind etlich gewesen/die sich für in widerumb verbürget/vñd auß solcher gefängnuß erledigt haben. Dann es waren vier Gottesfürchtige Männer von hohē geschlecht/die die gnad des H. Geystes etlicher massen versucht hattē/dise seind zum Bapstischen Legatē gangē/vñ sich zum höchsten für in verbürget/vñd in also ledig gemacht. Der Fürnembst vnder disen hat etliche Kinder/die er hertzlich begeret/das sie in rechter warer Christlicher lehr vnderweisen vñd angeführet wurden/derhalben nam er vil gemelten Montz Alcinū zu in heym in sein hauß. Als er nun bey disem fromen lieben Man war/hat er sein ganges hauß gesind zum besten vnderichtet/Erstlich in der lehr Christi vñnd der H. Aposteln/nachmals aber auch in andern güten nutzen vñ löblichen Künsten. Dieweyl aber solchs nit allein durch die ganz statt/sonder auch den mehrer theyl in Welschlandt rüchbar war/ist vngleüblich/was grosser begird im Volck gewesen sey/das sie in allein sehē/hören vñ ansprechē köndtē. Täglichs ward d̄ zulauff des Volcks

Montz Alcin zum iij. mal gefangen.

Montz Alcinus widerumb erledigt.

Volcks grösser/das sie Gottes wort von im anhörten.  
Nach dem aber solches zuletzt dem Papst vnd seinen Re-  
germeystern Kunde gethon ward/vnd sie vermerckten/dz  
hiedurch des Papstums gewalt vnd ansehen/ye länger  
vnd mehr verspottet/vnd von menigklich verachtet wur-  
de/haben sie eynhellig beschlossen/das sie vilgemeldten  
Johannem Mont Icinum gar erwürgen vnnnd tödten  
woltten.



¶ Derhalben  
sie dem Obersten  
zu Ravenna vñ  
dem Päpstischē  
Legaten befelch  
geben habē/das  
sie ihn gefänck-  
lich vnd gebun-  
den/mit etlichen  
gewapnetē auff  
Rom zuschicken  
woltē/Vnd als  
er daselbst hin-  
kommen/hat man  
ihn bald in die  
grausam gfänck-

Mont I-  
cin zum iij.  
mal zu  
Rom ins  
gfäncknuß  
geworffen.

nuß des Thurns Rome geworffen/darinnen dann auch/  
Der Michael Angelus (wie oben vermeldet) viij. Mona-  
ten lang/vnd hernaher in einem andern bey viij. Mona-  
ten/umb der Bekantnuß Christi willē/gefäncklich gehal-  
ten worden ist.



# Von den G. Gottes Befeñern

¶ Zur selbigen zeyt / haben des Papsts diener vñnd Kegermeyster nichts nit vñdlassen / damit sie den gefangnen Mōnt Jleinum von der Lehr Christi vñ der H. Aposteln abschrecken vñnd zuruck treiben kōndten. Aber der Allmechtigewig Gott hat in erhalten / vñd nit zugeben / das seine süßerwariñ gestrauchelt hetten.

¶ Folgendes diweyl sie sahen nach verlossen vññ. Monaten / das sie in weder mit grosser verheysung / hohē ehren zc. noch mit trōwung des zeytlichen todes / von seinem fürnemē vñnd gefaster meynung abtreiben kōndten / haben sie zuletzt einhellig geschlossen / man soll in länger nit leben lassen / sonder tödten.

Im Jar nūn / als man zalet nach der geburt Christi / M. D. vñd LIII. auff den v. tag des Herbstmonats / hat man in / mit sampt etlichen andern / so vmb der Religion willen auch gefändlich gehalten worden / in die Kirch / so da genennet würt S. Mariade Minerva / geführt / das sie daselbst alle entweder öffentlich widerzüffen / oder aber lebendig verbrant soltē werden. Daselbst ward auch ein gerüst in die höhe entpor auffgeschlagen / mit etlichen stälen / mit goldt vñnd Samat überdeckt / dar auff sechs Cardināl / vñ etliche Bischöff / als Richter in diser sachen / zugegen sassen. Vil Volcks hat sich dahin versamlet / damit es doch sehe / wie es endlichen ergehen wolte.

¶ Auff den selbigen tag hat ein schandlicher Prediger Mōnch von offner Cangeln ein Predig gehalten / darinnen er sich vnderstünd die hertzen der Zuhörer / nit allein wider dise arme gefangne Christen / sonder auch wider der H. Apostel / vñd des Herzen Christi Lehr selbers anzuhertzen.

Mōnt Jle  
ein würt.  
öffentlich  
geführt.

hegen vnd zünerbittern / Dargegen aber des Papsts gewalt mit hochprächtigen worten auffzumugen.

¶ Als nun die Cardinal mit sampt den Bischöffen / an dasselbig ort kōmen / vnnnd sich auff die verordnete stül nider gesetzt hatten / seind dise gefangne alle für sie / als für ire Richter / geführt worden / Vnd hat ein jeder ein brennende Kertz in der handt getragen.

¶ Da haben die andern alle / außgenōmen vnser fromer Johan Mont Jlein / vñ ein Perusinischer Weber (welchs erschrocklich vnd kläglich zureden vnd zuhören ist) öffentlich widerzuffet. Als aber die ordnung an Johannem Mont Jleinum kam / das er auch solte widerzuffen / hat er begert vnd auch erlangt / das man im hie öffentlich zu reden vergōnnen wolte / Vnd volgend in Italianischer verständlicher spraachen ein schöne Sermon oder Redeyngeführt. Vnd daselbst mit ernstlichen beweglichen worten alles das widerholet vñ bestättiget / was er zūvor von allen Artckeln / vmb deren willen er der Ketzerey beschuldigt vnnnd beklagt worden war / gelehrt hatt / Als von der Erbsünd / von der Justification oder Rechtfertigūg des Menschen / vom Glauben vnnnd güeten Wercken / von der Ewigen Fürsēhung vnd Wahl Gottes / von Gnad vnnnd Verdienst / von der Kirchen / vnnnd ihrem haupt Christo / von Verehrung / Anruffung vnd Anbettung der Heyligen / vom Segfeur / vom Ablass / vom Kloster leben / von der Priester Ehe / vom Freyen willen / von den Sacramenten / von der Ohrenbeicht / vnnnd von der Mess. 2c.

¶ Zuletzt hat er ihn vorbehalten zu bekennen / was er vom Papst vnd dem gangen Papstumb / hielt vñ glaub-

Letzte Bekennuñg  
Mont Jleini.

# Von den H. Gottes Befehern

Daß Papst/te/ Als nemlich (damit ichs kützlich begreiffe) das der  
wer er sey. Papst kein Nachkömmling oder Schülerb des H. Apostels/  
Petri/ auch kein Statthalter des Herren Christi/ vil we  
niger das Haupt der Christlichen Kirchen seye/ Sonder  
vil mehr der Antichrist/ vnnnd des Gottlosen verfluchten  
Antichristischen Reichs Oberster/der nit durch das Apo  
stolisch/sonder vil mehr Wörderisch Recht/ ihm selbers  
solch Reich/solchen Gewalt vnnnd Tyranny zugeeygnet  
habe. Endtlich hat er sich auch zu den Cardinālen vñ Bi  
schöffen/so zugegen sassen/gewendet/vnnnd also angefan  
gen zureden.

Ernstli che  
ned Mon  
a Fleini wi  
der die Ca:  
amtl.

¶ Ihr Cardināl vnd Bischöff/wañ ich wiste/das ihr  
solchen gewalt vnd würde (der doch vor Gott vnd seinem  
Neyligen Engeln ein greüwel ist) rechtmässiger weysß/  
auff hohem verstandt/oder ehrlichen thaten/vnd nit auff  
blinder Ehrgeizigkeit/vnd fräuelen müetwillen zuregie  
ren/oberkömen vñ erlangt hetten/so möchte ich hierüber  
wol stillschweigen. Dieweyl ich aber sehe vnnnd weysß/das  
bey euch kein maß/kein Zucht/kein Erbarkeit/kein Tu  
gent/iba gar kein Vernunft nicht ist/oder etwas giltet/  
würd ich verursacht/etwas scherpfers wider euch zure  
den/vnd wider eüwere/die nit Gottes/sander des leydigē  
Teüfels/vnnnd die recht Babylonische Kirch ist/hefftiger  
zuzürnē/dieweyl sie doch sonst von meniglich auff beson  
derer Gottes fürsehung/verachtet vnd verspottet würt.

Jederman ist nün mehr wol bekant eüwer Lehr/vnnnd  
falsch angemaster gewalt/also das nit von nöthen ist/sol  
ches weitleüffiger zuerzölen. Dān gewislich wa diser eü  
wer gewalt recht Apostolisch were/wie ihr dān falschlich  
vnd



vnd boßhafftiglich den selbigen aller Welt/mit Worten/  
auch mit gewalt vnd gelt auffbringen wolt/so wurde ohn  
allen zweyfel eüwer Lehr vnnnd Leben/der Apostel Lehr  
vñ Leben doch etlicher massen gleichförmig sein. Diweyl  
aber kein Glid an diesem Babylonischen Leyb / auch kein  
stück an eüwerem leben nit ist/dz nit mit höchster schand/  
lugen vñ vnwarheyt befleckt sey/was kan ich anderst hal-  
ten oder glauben / dann das solche Kirch ein recht Raub-  
vnd Mörder hauß seye? Eüwer Lehr was ist sie anderst/  
dan ein erdichter troum etlicher verfürischer/ellender/vñ  
gleißnerischen Menschen? Eüwer Leben ligt am tag. Je-  
derman weyßt wol/was für leichtfertiger verlogner zun-  
gen vñ meüler jr habt/Wie Blüt vñ Raub begirige eüwe-  
re händ / wie vnersettlich vnnnd frässig eüwere halsß seind.  
Dan jr begeren ja alles zu euch zureissen / jha mit schand/  
müßwill vnd vnzucht/alles zuerfüllen / vnd das noch das  
größte ist/so dürstet euch nach frommer Christē blüt. Sum-  
ma / Voller schand/vnreynigkeyt / laster/vnzucht/ist  
eüwer ganzes leben. Wer wolt euch nün für Nachköm-  
ling der H. Apostelu/vnd Statthalter des Herren Chri-  
sti/erkennen vnd halten? So ihr doch des leydigen Anti-  
christis/jha des Teüfels selbers Glider vnd Kinder seyd?  
Ihr verachten ganz vnverschampt Christum vnd sein  
wort/Vermeynen eüwer Lehr vnnnd ansehen solle menig-  
lich vil höher vnd grösser halten / dan Christum vñ sein  
Wort. Ihr glauben auch nit das ein Gott im Himel sey.  
Treüwe Diener Christi verfolgen vnd tödten jr. Ihr ver-  
brechen das Gesetz / rauben vñ stelen den armen gewissen  
ir freyheyt/vñ reissen Tyrannischer weyse / alle macht des

# Von den H. Gottes Bekennern

Todes vnd Lebens/zeitlicher vnd ewiger wolfsart/allein  
zu euch/Iha allein zu euch/sag ich.

Merck.

¶ Derhalben so berüffe vnd lade ich euch grausamen  
Tyrannen vnd Hencker/am Jüngsten tag/für den Richt-  
erstül Jesu Christi/der sich nit laßt mit grossen Titteln  
vnd namen/auch nit mit eüwerer prächtigen stolzen Eley-  
dung/noch mit gelt bezalen/auch wed auß forcht/gewalt  
oder waaffen/erschrocken. Daselbst solt vnd müßt jr mir/  
(auch wider eüwern willen)alles eüwers vergangen le-  
bens/rechenschafft geben. Vnd zum zeügnuß diser ding/  
so nempt hie widerumb eüwer Kergē/die jr mir gegeben  
habt. Vnnd als er solches gesagt hatt/warff er mit gros-  
sem ernst/vnnd beweglichen geperden/die brennend Kergē  
anitten vnder sie hinein.

Mont Jlei-  
nus würt  
zum feür  
verdampft

¶ Als nun aber solches die Cardinal/sampt den Bis-  
schöffen/hörten/ergrimmeten sie/wurden voller zorn vñ  
vngedult/schryen vnnd sprachen. Hinweg mit disem/Sü-  
ret in hin. Also ward D. Johaū Mont Jlein mit sampt  
einem Perusinischē Weber (der dan alles/so zuvor Mont  
Jlcinus gesagt/bestätiget hat) zum feür verurtheylet.

¶ Als er aber solch vrtheyl/das er sterben vnd brennen  
solte/angehört hatt/ist er vnerschrocken blyben/vnd mit  
auffgehabnen augen in Himmēl/gerüfft vnnd gesagt/Ach  
,, Herz Jesu Christe/du Hoher Priester/vnnd ewige Vire/  
,, Wir kan zwar nichts liebers auff diser Erden widerfa-  
,, ren/dann das ich mein Blut vmb der Bekantnuß willen  
,, deines H. Namens/jezunder vergiessen solle.

¶ Also seind dise zween auff den v. tag des Herbstmo-  
nats/mit einander auff den Platz/Campo de Flor genāt/  
geführt



geführt worden / mit  
gnügsam frölicher  
vñ sanfftem anges  
sicht / nit anderst /  
dan wie die lieben  
Apostel frölich vñ  
gütes müts warē /  
Wann sie vor dem  
Rath der Schrifft  
gelehrt vñ Pha  
riseer stünden.

¶ Der Perusi  
nisch Weber / ist zu  
erstē gehenckt wor  
den / Vnd als ihm

der todt nün nahe was / hat er sich Gott befolhen / vnd ge  
sprochen / Herr / verzeyhe jnen / dan sie wissen nicht was sie  
thün.

¶ Der Mont Jleinus aber / da er auch dahin gebracht  
ward / zu der Richtstatt / hat er zum Nachrichter gesagt /  
Das er bald thet / was er thün solt. Dan er was etwas er  
schrocken / da er sahe / das der Weber gehenckt was.

¶ Aber / als er sich jetzt wider erholet hett / begert er ein  
erlaubnuß zu reden / vñ erlanget / das das Volck still was /  
da hat er dise Wort geredt. Ewiger Gott / meine sünd  
seind so groß vnd grausam vor dir / das ich mit disen mei  
nen sünden / nicht allein disen leiplichen todt meines leibs  
verdienet hab / Sonder auch den ewigen todt der Seelen /  
Derhalben vertrauwe ich nicht meinen krefftē oder mei  
ner ges



# Von den 5. Gottes Bekenern

mer gerechtigkeit / auch nit meinen vnreynen vnd besleck-  
ten wercken / sonder deinen verheysungen / deiner Barm-  
herzigkeit / vnd allein dem verdienst Jesu Christi / deines  
eyngelbornen Süns. Vñ bitte dich von ganzem hertzen /  
das du mir verzeyhest / Vnd ruffe dein Barmherzigkeit  
an / dan ich weys wol / das du nit wilt den todt des Sün-  
ders / sonder das er sich bekere vnd lebe.

¶ Sibelieber Gott vnd Vatter / ich bin entsetzt aller  
Menschlichen hilff vnd zůflucht / vñ lere mich allein zů  
dir / Dan du bist mein hoffnung vñ stercke / wider alle mei-  
ne seynde / sichtbar vnd vn sichtbar. Dan ich weys gewis-  
lich wol / so ich mit dem glauben zů dir / als einer starcken  
vnd festen Seül angebunden bin / das mich kein angst od  
not / kein Schwerdt oder Creatur / kan abscheyden von  
der liebe im Glauben / die ich an dich hab / Dan du deinen  
aller liebsten Sün darumb in die Welt gesandt hast / die  
Sünder seligzumachen / vnder welchen ich der gröste bin /  
Ich kan dir jetzt in disem letsten / vñ end meines lebens /  
nit auffopfern meine Werck vñ mein verdienst / oder mei-  
ne gerechtigkeit / sonder meine vndienst / meine sünd / vnd  
meine Missethat / das sie verdeckt werden / verborgen / vñ  
gewaschen im Blüt deines Eyngelbornen Süns ! In dis-  
sem sal will ich jetzt nichts anders haben / dan Christum /  
meine gnüghung / für mein verdienst / vñ für meine  
gerechtigkeit. O Herr / Ich sage dir vnendlichen danck /  
für deine grosse güte / das du mir am ende meins lebens /  
da ich jetzt bin / ein solche fröliche tröstung verleyhest / das  
ich ein Zeüge soll sein / von dein vnd der Warheyt wegen /  
vnd von wegen der Heyligen Christlichen Kirchen.

Wie er

¶ Wie er nun solches geredt / seind im etliche / so da gewesen / in diese seine letzte wort eyngesallen / vñ gesagt / das er gesprochen solt haben / die Römisch Kirchen.

¶ Aber Mont Icinus gab antwort / das die Christlich Kirch / souil den Glauben betreff / nit zertheilt were / in die Römischen / Neapolischen / Venedischen / oder Meylandischen Kirchen / Sonder das alle Kirchen oder versamlungē / souil ihain der gāngen Welt zerströuwt weren / Aber yedoch durch den Glauben vereynigt / ein gemeine Christliche Kirch were / ein Außersölte Gespons Christi / vnd derhalben nit not were / solche zertheilung in der Kirchen vnd versamlung Gottes zumachen / vñ zusetzen die Römische Kirche für ein Oberhaupt / das ist / das sie eines mehrern gewalts were / dan die andern Kirchen.

¶ Als sie nun diese Wort vernommen hetten / haben sie Mene gesagt / Tuñ eyl bald / er ist verstockt / nur mit im hin / nemmet in hinweg. Als dan hat der Mönch / mit auffgehebrēn augen in Himel / mit grosser stim drey mal geschrien / Christe / Christe / Christe hilff mir. Vnd zu der selbigen zeyt hat der Dencker sein ampt volbracht / vnd ihn gehenckt / vnd ein feür auß zusammen gesamletem holz vnd in gemacht.

¶ Es was aber damals mancherley vireyl des volcks / von diesem Menschen / dan etliche waren auß barmherzigkeyt bewegt / die weyneten / vnd sprachen / das es ein grosse sünd were / einen solchen treffenlichen vñnd fromen Menschen also vmbbringen. Etliche aber sagten / Das er ein grosser Lucherer vnd Ketzter were gewesen / Vñ wa man in hingelassen / hette er die ganze Welt verkören mögen.

Andere aber sagten / dz er nit verbrennt / sonder in Bañ

Isf ger

# Von den G. Gottes Bekenern

gethon / vnnnd etwan an ein ort ins ellend verschickt / das  
weyt von allen Christlichē Landen were / Dañ der Glaub  
ist nit vnser werck / sonder ein werck vnd gaab Gottes.

¶ Zum letzten haben auch etliche gesagt / das er nit al  
lein verbrant solt worden sein / sondern / das man auch die  
aschen / so von solchem brandt vberig werē / in windt werf  
fen solte / damit sein gedächtnuß gang vnd gar außgetil  
get wurde / vnd solches solt man auch allen Menschen sol  
cher art thun / damit die Christlich Kirch von solchem ge  
brechen gereynigt / vnd ohn macula erhalten wurde.

¶ Ein sollich vrtheyl hat das Volck von diesem Men  
schen gehabt / vnnnd das wäret biß auff den heütigen tag /  
wie dañ vorzeytten von Christo auch gesagt ward /

Diemeyl etliche sprachen / das er ein Prophet

vnd gerechter Mensch were / Andere

aber neneten in einen Auff

rührischen / vnnnd Ver

fürer des vol

kes ic.






Zu end nun dieses Dritten Theyls von den W. Außgewählten Gottes Zeügen / Bekennern vnd Martyrern/hab ich auß bitt vnd beger viler Gütbergigen/die den handel des Reichs Jesu Christi mit ernst meinen/setzen wollen die Erschröcklich / aber warhafftige History vñ geschicht/so sich im vergangen M. D. XLVIII. Jar zu Padua in Welschlandt/mit einem/genant Franciscus Spiera/der (diuweyl er den Herrē Jesum Christū/sampt seinem Gnadreichen Euangelio / ein mal erkant vnd bekant/bald aber auß forcht der Menschen/vnd verlust seiner haab/güter vnd leben/mündelich vnd schriftlich widerumb verleügnert hat) in grausame verzweyslūg vñ erschrockenliche verstockung gefallen ist. Zu einem Exempel Göttlichen zorns/vnd gerechten vrtheyls/wider alle/so für seglicher weiß / vnd mit wolbedachtem hertzen/müt vnd siñ / allein diß zeytlich leben/ Ehr vnd güt zu fristen vñ zu erhalten/von seinem W. Euangelio widerumb abfallen / vnd die menschen mehr dann Ihn fürchten.

### Wer Ohren hat zu hören/der Höre.

Es ist aber solche History erstlich durch etliche Missionen oder Sendbrieff stuckweyß/nachmals aber durch den Hochgelehrten Herren/Mattheum Grybaldum/der Rechten Doctor:n vnd Professor:n zu Padua/etwas ordenlicher beschriben worden. Derhalben wir erstlich bemeldte Missionen / Demnach aber die Schrifft Doctor Grybaldis warhafftig verteilscht/mit einem ansehnlichen schönen Gebett in Ansetzungen/setzen wollen.

# Vonden H. Gottes Befehern Zum Christlichen Leser.



**W**iewol der Allmechtig Ewig

Gott/die zeyt/vnnd alle ding von anfang  
der Welt erschaffen / vnd biß hieber ein je-  
des in seiner ordnung mit seiner krafft er-  
halten hat / so ist es doch vnleügbar / das

Gott laßt  
sein Gnad  
reichlicher  
scheinē zu  
einer / dan  
zu anderer  
zeyt.

Gott seine gnaden reychlicher der Welt hat lassen schei-  
nen/zü einer zeyt dan zü der andern/vnd besonders aber/  
wan er grosse änderungen hat wöllen anrichten vñ kom-  
men lassen. Als da er die Alt Welt mit dem Sündfluß er-  
trencken/vnd ein neüwewolt wachsen lassen/hat er wun-  
derbarlich mit rath vnd that Noah/die Welt gewarnet/  
Also geschah auch Pharaon / vnnd gang Egypten/mit  
Moser vnd Aaron. Wie auch nye mehr Propbeten vnnd  
Knecht Gottes gewesen seind / dan da der Herr sein lande  
vnnd volck ändern / vnd in gesandnuß füren wolt lassen.

Gott wür-  
cket gewal-  
tig zu di-  
ser zeyt/a-  
ber nye-  
mandes  
achters.

Gleicher gestalt thut Gott auch auff den heütigen tag/  
da er sein gnad beynabe vber die ganze Welt außgeüßet/  
als ob er den ganzen Himmel zerissen/vnnd (wie der Pro-  
phet sagt ) oben herab rowete vnd regnere die gerechtig-  
keyt; Ob doch das Erdrich sich auffschün wolt/vnd gepä-  
ren die gerechtigkeit.

¶ Wie heyter würt vns auff den heütigen tag/das 17.  
Wort Gottes für vnseren augen gestelle? Was selzamer  
wunderbarlicher Geschichten tragē sich täglich zu/ deren  
aber leyder wenig von vns geacht werden / lassends hin-  
schleichen / gleich als ob es alles ongefärd geschehe / vnnd  
vns

vns gar nichts angieng / was aber auff solche heymlich-  
 chung für ein ändertung folgē werde / weyßt der lieb Gott/  
 dem es heymzustellē ist. Vnder disem aber ist warlich dis  
 Wunderwerck nit das geringst / das sich mit disem Fran-  
 cisco Spiera verlossen hat / den ohn allen zweyfel der All-  
 mechtig Gott diser bösen Welt / zu einē grausamen schaw-  
 spiegel seines zorns hat wöllen fürstellen / dieweyl sie sich  
 mit seinem W. Wort nicht will vnderweyssen lassen / ob sie  
 sich an solchem schwären Exempel stiesse / vñnd die grosse  
 gütte vnser lieben Vatters nit also leichtlich verachtet.

frāciscus  
 Spiera al-  
 ler Welt  
 zu einem  
 Exempel  
 fürgestellt.

Merck.

¶ Die sihestu / Christlicher Leser / wie schwär vñnd hoch  
 verdäñlich es ist / die erkante warheyt zū verleügnen vñnd  
 zū erhalten / das aber jentz die Welt so gar ring achtet /  
 das sie Gott vñnd sein Heyliges Wort vñnd gar vil kleyne-  
 re verursachen / dann Petrus oder diser armer mensch ye ge-  
 thon haben / entweders gar verleügnen / od sonst in wündt  
 schlagen / lassend ihnen ein Weltliche ehr oder zeytlichen  
 nutz vil lieber sein / dan Gott vñnd se eygen seligkeyt. Die  
 sihestu / was des Menschen krefft vñnd freyer will sey / de-  
 ren sich etliche menschen so hoch berhümen / das sie auch  
 schier die heylwertigen gnaden Gottes (daran wir allein  
 hangen müssen) gern damit trogen wolten / als ob sie auß  
 jnen selbs (wie vñnd wann es ihnen gefällig) thun möchten  
 was sie wolten. Die sihestu / wie schwärlich etliche Men-  
 schen jren / vñnd sich selbs jämmerlich verführen mit den leicht-  
 fertigen gedanken / darmit sie sich selbs bereden / es gelte  
 gleich / was der mensch rede oder sage / auß forcht oder  
 zwang der menschen / Der Herr werde es alles verzeyhen /  
 wann sie wider tēren / sparends alles nuff das lest / geden-

„  
 „  
 „  
 „  
 „  
 „  
 „  
 „  
 Die Welt  
 achtet die  
 Bekante-  
 nuß Chri-  
 sti für ge-  
 ring.

Matth. x.

Sf iij cten



# Von den G. Gottes Bekennen

ken wenig das Christus selbs geredt hat. Wer sich mein beschämpet vor den Menschen/in diser argen welt / des will ich mich beschämen vor meinem Vatter in dem Himmel / Wer aber mich bekennet vor den Menschen / den will ich auch bekennen vor meinem Vatter im Himmel.

Darumb geschicht es vil / das sie in irem eygnen gut betruncken vnd rachsclag verderben / vnnnd jämmerlich vmbkommen müssen. Deshalb bitte ich dich Christlicher Leser / du wöllest dise Schrifften mit fleiß vnd Gottes forcht lesen / vnnnd nicht für ein Fabel oder erdicht ding halten / wie es gern etliche ableynen wolten / so doch ganz Italia darmit vmbgehet / Sonder für ein warhafftige Geschichte / in deren der Herr mit dir redt / vnd gleich mit der that zuuerstehen gibt / wie treüwlich vnnnd trungenlich wir täglich bitten sollen. Nit füre vns in versuchung / sonder erlöse vns von dem bösen. Damit wir bis an das end am Herren verharren / vnd mit im das ewig leben besitzen mögen. Das verleyhe vns Gott. Amen.

## Der erst Sendbrieff.

**W** Gleyechter / sonders Günstiger lieber Herr vnd freünde. Ich muß euch mit disem meinem brieff anzeygen ein sach / deren ich / vnd vil andere mehr / auß verwundrung / erstumet vnd vast erschrocken seind.

Es ist Franciscus Spiera vō Citadella / vor fünff Monaten für des Papsts Legaten gen Venedig berufft worden /



den/Daselbst angetlagt/das er etwas wider das Segfeur vnd anders(weyß nit was)gerede solt haben. Vnd als er vor dem Legaten oder seinem Vicarien gestanden/hat er bekant/das er vil wider die Rhömisch Kirch geredt/bekant vnd gehalten habe/deshalb er nun hinsürt verheysen/vñ(als ich glaub)mit dem eyde bestärctiget habe/das er sollichs/nach dergleichen/nit mehr reden wolle/sonder sich halten/wie einem fromen gepüre.

Fränciscus Spiera ist vor des Papsts Legaten excommunicirt/vñ zum wider ruff getrungen worden.

¶ Auff das ist er ledig gelassen/vñnd widerumb gehn Padua kommen/da er sein wohnung vñnd vi. Kinder gehabt/vnd ein Aduocat am Rechten gewesen ist. Hat an gefangen sich zubekümmern/vñnd betrübt zu werden/von wegen seines Gelübds vnd Eydeschwörens/so er gethon/ist also in ein schwäre Franchheyt gefallen/vñnd von der selbigen zeyt an/auf seinem Beth vñnd Schlaffkammer nicht mehr kommen.

Spiera bekümmert sich seiner verleügnung halben.

¶ Nach acht tagen hat sein Franchheyt vñnd schmerzen so hart sich gemehret/das er in ein solche verzweyfelung kommen/das er sich selbs zu tödten/vñnd hungers zu sterben vnderstanden/auch keine speiß vber seine kälten nicht wollen einlassen/Dann so man ihm hand vñnd fuß gebunden/vñnd etwas in den mundt mit gewalt gestosfen oder gegossen hat.

¶ Es haben auch drey erfarnē ärzt/sich von wegen seiner Franchheyt vnderredt/mit namen Frigimelega/Belacatas/vñnd Stephanelus/die haben kein andere mittel/solchem vnrat zu begegnet/finden können/dañ das man ihn mit gürtten erofft/so vil möglich/von solcher verzweyflung abnemmen solt.

Auff

# Von den 5. Gottes Bekenern

**A**uff solliche bin ich auch/in zutrösten/zü im gangen/mit sampt vil andern/auff deren tröstung er nichts anders geantwortet/dann das er sprach/Dein Bosheyt ist vil grösser dan Gottes Barmherzigkeyt. Vñ so man ihm antwortet/das die Barmherzigkeyt Gottes vnzählbarlich vil grösser were/dann alle vnser sünd/Vñnd das Gott der Herr wölte/das alle Menschen selig werden solten. Antwortet er/Iha es ist wol war/das Gott allemenschen will selig haben/aber in dem wörtlin/Alle/werden allein alle Außervölten verstandē/aber nit die Verfluchten. Ich bin aber verworffen vñnd verflucht/kan keins wegs nimmermehr selig werden/das weys ich/dan ich wisenthafft vñd bedacht/mich Jesu Christi verleügnethabe/ich befinde auch das ich jetzt von im verstockt bin/vñd er nit mehr will/das ich einige hoffnung mehr zü im habe.

Da hat ihn einer von den Umbständern gefragt/ob er warhafftig glaube/das es die Warheyt/vñd Christlicher Kirchen gemäß gewesen seye/darumb er von dem Legaten angeklagt worden ist. Hat er geantwortet/Iha/das ich dise ding sagt/vñd mit etlichen daruon redet/hab ichs für warhafftig vñd heylig gehalten/vñnd nit falsch/noch von der waren Religion abtrünnig. Nach dem ich aber vom Teüfel vberwunden/vñd dise ding mit dem eyde verschworen hab/kan ich nit mehr glauben/das es war seye/was ich vor gehalten habe/noch das es auch war sey/was mir die Römisch Kirch zuglauben gebeütet/Darumb so glaube ich jetzt nichts mehr/kein vertranwen kan ich mehr haben/alle hoffnung hab ich hingeworffen. Ich arbeyseliger bin verdampt/wie Cain vñnd Judas/die alle hoffnung

Cains antwort.

Spiers glaubt gar nichts mehr.



hoffnung der Barmhertzigkeyt verlassen / vnd alles ver-  
trauwen zu Gott/hingeworffen/verzweyfelt haben. Es  
sind auch mein Haußgesind vnd verwandten vast vber  
die maß/das sie mich nicht also bald lassen zum Teüfel far-  
ren/wie ich verdienet hab.

¶ Vnd als er vmb solche wort gestrafft vnd gebeten  
ward/er solt solche schmach Gott dem Herren nit zulegen/  
das er an seiner gütte verzagte. Gibt er antwort/ Das ja  
seine Barmhertzigkeyt vast groß / aber sie erreyche allein  
die Außerwöleten/nit mich vnd meins gleichen/die die ewi-  
ge verdammnis begreifen muß/die ich auch bekenne /mich  
wol verdient haben/dan mich hic mein Consciens vnd ge-  
wissen vertheyle vnd verdampft/bedarf auch keines ande-  
ren Richters mehr.

Spiere ver-  
dampft sich  
selbs.

¶ Das sagt einer zu jm / Es hat doch Petrus der Apo-  
stel/Christum auch verleügnert / aber mit trost auff Got-  
tes Barmhertzigkeyt / hat er seine sünd beweynet/vund  
seind jm verziehen worden. Da antwortet er/Das Petrus  
Gott vertrauet/seine sünd bereuwet/vñ wider zu Chri-  
sto gekeret hat/ist darumb beschehen/das in Jesus Chri-  
stus widerumb angesehen / sich sein erbarmet / vund mit  
barmhertzigen augen begnadet hat. Deshalb das jm ist  
verziehen worden/ist nit darumb geschehen/das er gewey-  
net/sonder das in Gott wider angesehen hat. Mich aber  
sicheret nit an/will sich meinen nit erbarmen / darumb kan  
ich nit bewegt werden/noch meine sünd beweynen/derhal-  
ben muß ich endlich schliessen / das ich einer von den ver-  
dampften bin/dan ich befind / das kein trost in meinem ge-  
müt stat haben mag/sonder nichts dan Creüz vñ peyn.

Petrus hat  
auch ver-  
leügnert.

# Von den 5. Gottes Bekennen

Hebr. 2.

Vñ mit disen Worten feng er an mit lautter stim zuschreyen/ O wie grausam ist es / zu fallen in die handt des lebendigen Gottes. Von welcher stim ich vast vbel erschrocken bin. Im selbigen brachte einer ein Büch / vñnd sienge an zu lesen das Leyden Christi / vñd sprach zu jm / O Francio see / Ere dich hieher / vñd höre auff / was man dir sagt / dan hie würstu sehen / das alle deine sünd in Christo gestrafft / vñd dir verziget seind / darumb verzage nit.

Spica wil nichts vom leyde Christi hören.

¶ Vñd als er kam auff die wort / wie Christus an das Creütz geschlagē / sagt der kräcf. Dñ jr da lesen / ist ein herzlicher trost den Außervölten / dann die mögen sich billich freüwen / wañ sie ein solche fröliche bortschafft hören / vñs armē aber / die von Gott verworffen / kan es gar kein trost sein / sonder vil mehr schmerzen vñd peyn / dann wir Christum verworffen vñd verachtet haben. Da er das gesagt / brüllet er wie ein Löuw / walget sich hin vñnd wider ins beth / vñd batte vñs / das wir nit weiter lesen solten.

¶ Da sagt einer vnder denen so da stünden / heymlich / Er hat einen Teüfel bey jm / der thüt / das er nicht hören mag von dem Leyden Christi lesen. Das höret er / vñnd sprach / Zweyflend nichts daran / ich hab ein ganze schar Teüfel / die mich besessen haben / vñnd innen halten / als jr eygenhumb / vñ das billichen / dan ich von Gott verworffen bin / darumb das ich Christum verleügnē habe.

Christi soll nyemands verleügnē.

¶ Da sprachen sie / du hast es vñlleicht nit mit willen gethan / sonder vngern. Spricht er / Es gilt gleich / ich habe in nie willen oder gezwungen verleügnē / dann Christus will / das man in keins wegs verleügne / auch nit mit dem munde / Dann er sagt selbs / Welcher mich verleügnē vor dem

den Menschen / des will ich mich verleügnen vor meinem Vatter. Es ist eben genüg (sprach er) dz ich mich sein vor den mensche hab verleügnen / dan das ist ein sünd / ob ichs gleich nit auß herzen gethon hette / damit ich billichen ewige verdammnuß verdienet hab / vnd das verheyl so Christus wider mich gefellet hat.

Da sagt einer zü ihm / Er solte gedencen / das die ding / darumb er angeklagt / Gott loß weren / deßhalb so hette er die warheyt vnnnd Christum nit verleügnen / sonder bekant / wie auch die ganz Catholisch Kirchen. Darauff antwortet er / Ich hab solche ding für die warheyt gehalten / wie ich es im Euangelio gelesen hab / vn̄ nit für Gott loß / hab es doch nit desto weniger verleügnen. Da sagten sie zü im / So wolan / so halt es noch für die warheyt / darmit du nit also verzweyfelt sterbest / so wollen wir hernach sehen / welches die warheyt sey. Da antwortet er / Ich kan es nimmermehr für die warheyt haltē / dan Gott laßt mich jetzt nit mehr glauben / noch seiner Barmhertzigkeyt vertrauen / Was fragend ihr mich? Ich wolt gern / das ichs glauben köndte / wie ich es vor glaubt hab / ob ich jha darumb solt verbrēnt werden / aber ich kans nit mehr / dann Gott will die / so in verleügnen / nicht mehr züm Glauben auffnehmen.

¶ Auff das spricht einer zü im / Mein Francisce / meynstu ob das also ein grosse sünd sey? Sie ist nit also schwär / als du meyneß. Dan so du nit hetteß geirret / so hette dich der Legat nit züm widerriß gezwungen. Mein Francisce / du bist besessen vom Teüfel / vertraue doch auff Gottes Barmhertzigkeyt / vn̄ laß dich die größe diser sünd nit



# Von den 5. Gottes-Bekennen

Erschröck-  
lich.

abschröcken. Jha (spricht er) du sagst recht/das ich vom Teüfel besessen sey/das ich auch wol bedenck/dann ich auß den verdampften von Gott bin/darüb verlaßt mich Gott in dem gewalt des Teüfels/dañ ich jetzt in mir selbsts befinde/das ich dem Euangelio nit glauben mag/noch hoffen auff die barmherzigkeyt Gottes. Vnd mit dem selben er seüffzet er zwey mal/vñ schrey/Ich kans nimer/ich kans nimer. Auff sollich sprach er. Wie soll man nicht ansehen die vile oder größe der sünd/als ob man sagen wolte/Du solt auff die Barmherzigkeyt Gottes hoffen/dann deine sünd seind nit so groß oder vil/das ist nichts. Vil haben grosse sünd gehabt/vnd doch gehoffet/vnd Barmherzigkeyt gefunden/dieweyl sie von den Außerwölten Gottes waren/vnd glaubten. Dañ welcher von der zal der Außerwölten ist/der würt selig vnd behalten/vnd ist nit von vile oder größe wegen der sünden/vom Reich Gottes außgeschlossen/dañ seine sünd werdē im nit zügerechnet. Wer widerumb/ist einer von den verdampften/so würt er auch verdampft/ob er gleich vil minder sünd auff ihm hat/dar an gilt es gleich/dieweyl das blüt Christi/nach Gottes Barmherzigkeyt nit zü solchen leütten gehört zc.

¶ Wolgeachtet lieber freündt/das hab ich mit meinē eygnen ohren gehört/vñnd anders vil mehr/das mir jetzt nicht eingedenck ist/dañ all mein leib erzittert vnd erschricket/wañ ich an die ding gedencck/dieweil ichs nit alles verstand/wie ichs begert. Jetzt gedencck ich/wie er oft mehr dañ zehn mal sagt/Wen Gott will/des erbarmet er sich/vnd wen er will/den verstocket er. Vnd sprach allweg dar auff/Gott will sich mein nit erbarmen/sonder hat mich verherter/

verhertzt/das entpfind ich. Vnd eben ist das selbig/das mich truct vnd peynigt. O selig (saget er) seind die/die vō Gott Auserwölet seind / Aber wehe vns armen/die des Höllischen feurs erwarten müssen. Da hab ich gesehen/das der arm mensch/gleich als ein vnbesünter/wütet/vñ sagt/Das er jetzt aller Höllischē peyn entpfinde. Ich wolte gern wider zū jm gehen / Aber ich entsetze mich vbel vor forcht/vnderbarmet mich sehr/Doch will ich wider zū jm/vñ dich aller ding weiter berichten. Unser Schül nimpt vast zū/dann sie vil mehr Zuhörer hat/dan in vil Jaren.

Behüt dich Gott / besonder gütter freünde vñd  
günner. Geben zū Padua/am vij. tag

Novembris / des 1548.

Jars.

## Der ander Brieff.

**A**lgeachtet lieber Herz vñd freünde / ich hab dir vergangner tag geschriben/von dem vnseligen Francisco Spiera/der verzweyfelt ist / vñ dir verheyssen/was sich weytter mehr mit jm verlauffen/zuschreiben. / das will ich jetzt thun. Seine sachen stehen vast vbel/dan man nit spüren kan/das es besser vmb ihn werde/oder et was mehr an seinem gemüt gestercket. Wie er auch selbs sagt. Gedenckend nit/dz es besser vmb mich werde / dan ich befind an mir selbs/das mich der Herr für

G g iij vnd

# Von den 5. Gottes Bekennern

Spiere si  
bet Gott  
seine versto-  
ckung zu.

Merck.

vnd für ye mehr vnd mehr verstocket/vnd meinen leib ver-  
hindere/das ich nit starck werden/vnnd keinen trost an-  
nehmen mag. Vnd Des grossen dings (spricht er) desglei-  
chen nye mehr gehört ist worden. Wer ist vnseeliger ye ge-  
wesen/dan ich? Vnd auff das redet er / O lieben Brüder/  
das exempel ehrt Gott in mir/euch zu einem vorbild/Hü-  
ten euch / dz jr es nit für ein schlecht od gering ding achtet/  
das ich gethon hab. Ich hatt angefangen die 10. Schriffe  
zuuerstehē/hab erkant den rechten weg vnserer Rechtmä-  
chung/vnnd hab doch diß alles verleügnēt/allein das ich  
mein armes leben vor vbel bewaret/vnnd mein armütlin  
meinen Kindern behalten möchte. Deshalb strafft mich  
Gott/vnd peyniget mich/mein leben/vnd gemüt/das ich  
nit gedencē/dz grössers kein mensch gar nye erfahren habe/  
Vnnd weyßt allein Gott / was meine Kinder für ein end  
entpfahen werden. Ich halts dafür/das mein hauß von  
tag zu tag ye mehr vnd mehr zu grunde gehen werde / biß  
es von grunde auff zu boden falle/vn kein stein auff dem  
andern bleiben werd/vnd das billich vnnd recht/dieweyl  
ich vermeint/das ichs erhalten möchte/mit sünden in den  
Heyligen Geyst / der mir die Warheyt geoffenbaret hat/  
vnnd Gott mir armen angezeygt / wie groß mißfallener  
hab an diser grossen schmach vnd Gottlose.

¶ Vnd als ihm einer dazumal sagt/das noch vil ande-  
re weren/die auch widerzüfft/vnnd weren doch nit in sol-  
che verzweyfelung gefallē. Spricht er. Ich sag jnen nichts  
zu/sag auch nicht / das sie noch sicher seyen von der straff  
Gottes/wiewol er seinen zorn noch nit gegē jnen erzeygt.  
Aber also hat es seiner ewigen fürsēhung gefallen (vnnd  
das



Das billich) das er seinen zorn vber mich liesse kommen/zü et  
nem ewigen Exempel den andern. Vnd sprach widerüb/

Ich warne euch lieben Brüder/lassen euch diese sache/die  
ich gethon/nie so süß sein. Gedencen nit/das jr allein die Wer die  
warheyt  
verleigne.  
Warheyt verleügnen/wan jr für den Richter / gleich wie  
ich/berüfft werden/dan jr verleügnen die Warheyt vnnnd  
Christum/so oft jr vergleichend / das jr in eüwem her-  
zen wissen/so dick jr mit reden/oder eüwer selbs gegenwer-  
tigkeyt/die falsche Religion bestättigen/vnd als rechte/be-  
zeugen/so oft jr nit leben/wie es Christen zuleben gepürt.  
Dan ich beflisse mich auch / das Euangelium zubekeñen/  
auch dasselbig etwan andere zulehren. Da ich aber ein-  
fürsprech was/hab ich zü güctem meinen freunden/man-  
che sache/gemeyne vnnnd sondere/verwirret/vnnnd irrig ge-  
macht/das hieß warlich mit der that verleügnen / des ich  
mich mit wortē annahe. Darumb strafft mich Gott jere  
billichen.

**E** Das sagten sie zü jm/Wein Franz/meynstu nit/das  
auch Job etwan in solcher versuchung vnnnd verzweyfe- Job.  
lung gewesen ist: darumb er sagt / Herz / wie hastu mich  
dir zuwider gesetzt: Es beklagt sich David züm offtern David.  
mal/dz in Gott verlassen/vñ sein gunst von jm gewendet  
hette/Aber noch haben sie beyde Gottes hilff vnd sein ge-  
genwertigkeyt endlich empfunden/vnnnd trost empfün-  
gen. Darauff antwortet er. O lieben Brüder/dz weyß ich  
alles wol/ich hab es auch eygentlichen (damit ihr es wisse-  
sen) gemerckt vnnnd acht genomen / wie Job geredt: War-  
umb hastu mich dir zuwider gesetzt: Vnd David sich be-  
klagt/das es ihm so ybel gienge/das sie beyde eben dazu-  
mal

# Von den H. Gottes Bekümm:

mal/als sie sich beklagten / der Göttlichen hilff entpfunden hatten/das sie jren künner Gott erzölen / vñ im dand sagen köndten/dieweyl sie noch in der versüchung waren. Aber ich entpfinde wol/das ich solcher dingen keins hab/sonder muß mein lebenlang in solcher herrigkeyt meines gemüts/vnd verzweyselung/verderben. Vnd mit dem selbigen ließ er ein grossen seüßigē/vñ sprach/O wolte Gott/das ich nit mehr dan einen augenblick Gottes liebe in mir entpfündē möchte. Ach wie ist Gott mein so grosser feinde/O wie selig were ich/so ich sein liebe in mir spärete/aber es ist mir nit möglich. Er sagt auch weiter / das er schon der Höllischen peyn entpfünde / vnd das sie warlichen da weren/wa solche verzweyselung statt hette.

Erhärmb-  
lich.

Gott füret  
in die Höll  
vnd wider  
heraus.

¶ Da sagt in einer / Lieber Francisce/dieweyl doch die Geschrifft sagt/Das Gott den Menschen in die Höll hin ab füre/vnd wider herauß/das nit von der seelen / die sich vom leib scheydet/verstanden werden mag/sonder von einem solchen fall/in welchem du jetzt bist. Dann Gott laßt vns vnderweylen in gefahr vñ verzweyselung fallen/dar nach aber löset er vns wider/wan es ihm gefällig ist/Deshalb vertraue doch Gott/das er auch also mit dir handeln werde. Auff das sprach er / Jha da ist alle mühe vnd arbeyt/daran ist es mir auch gelegen/das ich vertrauen vnd hoffen möchte/ Ich kan es aber nit / ich vermagts nit.

Ich will euch sagen/da ich zu Venediger stmals wider rüffte / was eben als ob ich mein Handtgeschrifft schriebe. Da ich in meinem Heymat zu Citadella öffentlich an der Cangel widerrüffte / was eben als ob ich mein Handtgeschrifft versigelte. Da sagt der Heylig Geyst zu mir. Lie schreib/

schreib/versiget nit. Aber ich hab wider das einsprechen  
 des H. Geysts/geschriben vnnnd versiglet. Vnnnd als bald  
 ichs gethon/hab ich ein verwundung empfunden in mei-  
 nem willen/vñ in disem leib / das ich jetzt weder hoffnung  
 haben mag/nach mein leben beschirmen. Vnnnd mit dem  
 selbigen stünd er auff von dem sessel/regt seine händ vber  
 sich/schlug sie in einander/vnnnd sprach / Sehend/ Ich bin  
 starck vnd gesund/vñ muß doch abnemen / vñ mich nach  
 vnd nach verzehren. Vnd dise (vermeynt sein haußg sind)  
 enthalten mich mit gewalt bey dem leben/vnd wider mei-  
 nen willen. Aber es muß doch endlich Gottes will voll-  
 bracht werden/das ich armer verloren werde/wie ich dan  
 verdienet habe. Vnd sprach. Freüwend eüch jr fromen in  
 dem Herren/vnd entspringet/seind herzlich/alle die auff  
 rechtiges hertzgeng seind. Seelig seind alle die / deren hertz  
 durch Gottes handt erweycht/vñ gefolig gemacht wer-  
 den. Vnd mit kürze.

Spiere wi-  
 der dz ein-  
 sprechē des  
 H. Geysts  
 gehandelt.

Wolgeachtet lieber Herz vnd freündt / das ichs mit ei-  
 nem wort alles sage/ Mich bedunckt/wie ich einen gefang-  
 nen menschen vor mir sahe/der mit stricken gebundē seye/  
 vnd künde nit ledig werden. Vnd wiewol er allen andern  
 vergönt/das sie ledig vnd vngelunden seind/auch sie se-  
 lig bekant/kan er doch nit ledig werden. Der arm mensch  
 wolte gern/das jm Gott gnädig were / vnd barmhertzig/  
 vnd das jm dise sünd verzygen wurde / Aber er sagt selbs/  
 das er entfinde/das Gott solches nicht thun wölle / vnd  
 kan doch Gott nit zwingen/vnd das ist sein peyn vnd ver-  
 zweyfelung. Darumb sagt er zum offtern mal / Es ist ein  
 wunderlich ding/das ich von hertzen begere/das ich Gott

Hh an



# Von den H. Gottes Bekennern

anruffen möchte/vnd vermags aber gar nit. Item/das ich mein verdammnuß vor mir sehe/vñ weyß das mein hilff vnd trost in Christo stände/vnd mags nit erlangen. Das ist aller verdampfen peyn/dan sie bekennen vñd wissen eben das ich weyß/vergönnend den Auserwölten jr selige Keyt / Aber sie können zu keiner hoffnung noch Rechters nimmermehr kömen/darumb hilfft sie kein reu noch leyde mehr. Solche ding alle zeygt euch Gott in mir / damit ich euch ein Exempel seye/ehe ich in die Hölle fare.

¶ Darumb so verachtends nit/wolgeachter Patron/daran gedenc ich allein/vnd kan jetzt kein anders gedencen/vom ersten tag an/da ich in gesehen hab/vnd ab ihm erschrocken bin. Mich bedunckt das die andern Studenten nit bey sinnen seyend/das sie nit alle Lectiones vnder lassen/vnd zu solchem Schauspiel kömen.

Gott seye mit dir/vñ deinem Brüd

der. Geben zu Padua/

den xvj. tag No

uembris.

des

M. D. XLVIII. Iars.

## Der drit Sendbrieff.

**D**chgeachter Herz vnd Güter freünde. Es stehet vmb den verzweyfelten Menschen von tag zu tagye vbler. Vnd auff den

den gestrige tag/als es Seyr tag gewesen / ist ein grosse zal  
 der Studenten zu jm komen / ihn zu besichtigen. Es seind  
 auch da gewesen zween Bischöff / vnnnd vnder andern der  
 hochberhümpt Herr Martheus Grybaldus/der Rechte  
 Doctor / vnnnd fürnemst Professor diser Hohen Schül/  
 auch wol erfahren in der D. Schrifft. Da sagt der ein Bi-  
 schoff zu jm. Francisce/Dein Kranckheyt ist dermassen/dz  
 sie der Arzney Göttliches worts/vnnnd des Gebetts wol  
 bedarff. Darumb so bitt ich dich/du wöllest das Vatter  
 Unser sprechen/so wollen wir auch mit dir in vnserm her-  
 gen betten. Da sieng er an/vnd sagt/Vatter vnser der du  
 bist im Himel/vñ mit dem selbigen sieng er an zu weynen/  
 vñ konte nit mehr reden. Da sagten sie zu jm/Es ist recht  
 vnd gut/das du deinen schmerzen entpfindest / vnd wey-  
 nest. Da sprach er/ Ich beweyn mein arbeyt seligkeyt/daz  
 ich entpfinde/das ich von Gott verlassen bin / vnd sihe/dz  
 mein gemüt nit mehr zu den worten schicken kan / wie  
 ich vor erwañ gerhon hab. Vñ als er weiter betten wolt/  
 vnd konte biß auff die wort/Zukom vns dein Reich / da  
 sprach er mit weynen/O Herz/mach das ich auch in disem  
 deinem Reich sey/Ach Herz schließ mich nit darvon auß.  
 Vnd als er sagt/Vnser täglich brot ic. Denckt er daran/  
 vnnnd spricht / Ich hab genüg zu anffenthaltung meines  
 leibs/Aber von dir beger ich das brot deiner Gnaden/on  
 welches ich wol spüre/dz ich todt bin/darumb bin ich jetz  
 in solcher grossen angst. Vnd da er gesagt/Thut für vns in  
 versuchung / spricht er / Ich bin leyder in versuchung ge-  
 fñrt/hilff du mir/das ich wider dar auß enttrinnen möge.  
 Der feynde hat mich überwunden/verleyhe mir/das gesche-  
 he

Spiera ist  
 von vilen  
 mensche be-  
 sucht wor-  
 den.

Spiera  
 spricht das  
 Vatter un-  
 ser.

# Von den 5. Gottes Bekennern

he/wie gemeyniglich gesagt würt/Das offt der Vberwin-  
der vom Vberwundnen vberwunden werde.

¶ Vnd als er das Vatter vnser außgesprochen hatt/  
sagten sie zū jm / Diuweyl niemandt Jesus Christus spre-  
chen mag/dañ allein im Heyligen Geyst/so solt er verhoff-  
fen/das er auch den h. Geyst hette/dieweyl er Gott so an-  
dächtig vñ von hertzen anruffen möchte. Spricht er / Ich  
entpfind wol/das ich in allein mir zū grosser strafft anruf-  
fe/Dann eben so vil Erkantnuß hab ich noch/das ich ihn  
mit dem munde anruffen mag / aber allein zū grosser be-  
schwärd meiner peyn. Dañ ich weys wol/hab es auch vor-  
mals offte gesagt / das es ein neüw vnerhört ding ist / das  
da jete mit mir fürgehet. Vnd mit dem selbigen schreyet  
er / O wie erschrockenlich ist es / zu fallen in die händ des le-  
bendigē Gottes. Sprechen sie zū jm / Wan Judas gelebt/  
vnd wider zū Christo gekeret/so hett jm doch Gott verzy-  
gen/wiewol er ein groß laster begangen/das er Christum  
verhaten/der ihn genehret vnd geehret hat. Spricht er/  
Ach Christus hat mich auch genehret vnd geehret/vnd ist  
auch das verhaten/damit ich Christum verhaten hab/  
nit leichtlicher dann des Judas was/von deß wegen/das  
es nit minder ist/bey Christo sein mit dem Geyst/vnd ihn  
im Geyst erkennen/dañ bey jm sein in leyplicher gegenwer-  
tigkeyt diß schwachen leibs. Das aber Judas warlich be-  
te mögen wider zū recht kōmen/das glaub ich nit/dañ sol-  
cher gewalt jete von ihm genomen was/wie ich auch ent-  
pfinde/das er von mir genomen ist.

¶ Da sprach der Bischoff zū ihm / Francisce / Wan du  
schon meynstest/das du in der zal der verdampften werest/  
so solt

Judas.



so soltu es doch nit glauben/was dir auß gegenwertigen  
 irthumb fürkompt / daß der Teüfel ist lügenhafft/vnnd  
 kan dir kein warheyt anzeygen. Aber vns soltu glauben/  
 die du sihest/das wir gesundt/vnnd bey gütter vernunft  
 seind. Vñ die sagen zü dir/Gott werde dir gnädig sein/al-  
 lein vertrau jm doch. So spricht er/Iha/daran istz auch  
 gelegen/Ich kan aber weder eüch glauben/noch auff Got-  
 tes Barmhertzigkeyt vertrauwen/ich wolt es gern/das  
 ichs vermöchte/aber es ist ein vnuollkōmen wōllen/ich be-  
 gette/das ich Gott kōndte vertrauwen/ich kan es aber  
 nit/darumb ist mein red nit von gegenwertigen dingen/  
 sonder von vnuollkōmenen. Deshalb kan ich nicht sagen/  
 ich wills/sonder müß reden/Ich wolt es.

Spiere ka  
 mit glaubē.

¶ Da sprachen sie zü ihm/David der Prophet hat sich  
 auch erwan geklagt/das er mit solcher angst vnnd forcht  
 des Gerichts Gottes/vmbgeben sey gewesen. Spricht er/  
 Das haben ihr mir nün oft fürgeschlagen. Ich sag aber  
 eüch/das David in solchen abgrunde der verzweyselung  
 nye kōmen ist/als ich. Vnd hie sagt er mit grosser dapffer-  
 keyt/weynend. O lieben Brüder/Ich spür schon die Teü-  
 fel/dañ sie stehen ringsweys vmb mich. Dann gestern/als  
 er etlich mucken sahe an ihm kriechen/spricht er. Sehend/  
 die wōllē auch zü irem Herren/dem Beelzebub / der heyszt  
 ein Fürst der mucken.

Grüwlich

¶ Auff sollichs haben in seine freünd alle gebetten/er  
 wolte jm solche gedanken nit lassen zü sinnen kōmen. Es  
 were auch nit war/das die Teüfel da weren/oder bey ihm  
 stünden. Da antwortet er/Ly lieber es ist genüg/Ich ent-  
 pfinde wol/wie es in mir stehet. Vnd batte auff dz höchst/  
 Ih iij man

# Von den 5. Gottes Befeñern

man wölte nit gedencen/das er etwas vnwarheyt sagte.  
Mit Kürze / Es ist der arm mensch in einem sollichen er-  
bärmlichen stand/das er bey der warheyt behaltet / das  
er ohn vnderlaß peyn/schrecken/ewigs nagen der Consci-  
enz/vnd aller Höllischen plagen vnd Warter entpfinde.  
Er ligt im beth gang erschlagen / kein rechte beweglich-  
keyt ist in seinem leib. Er nimpt gar kein speiß/dann (wie  
ich vor geschriben hab) wañ man im ein Ey oder Brülz  
mit gewalt eingeüßet / Er braucht sich keiner notturfft/  
noch schlafft nit. In summa/ich meyn nit das ye ein arbeyt  
seliger mensch auff erden sey funden worden. Es gedencet  
mir jetzt/da er auff ein zeyt sagt / Der in einem sündiget/  
ist aller sünden schuldig. Legt er es also auß. Vil sünd die  
ich etwañ gethon/haben mich auff dasselbig mal nit be-  
kümmert/dañ ich vertrauwete Gott/er wurde mirs nit zü-  
rechnen / sonder gnädig verzeyhen vnnnd schencken/durch  
Christum. Nach dem ich aber in den Heyligen Geyst ge-  
sündigt habe/vnd alle hoffnung in Christum durch Gott  
von mir genomen ist/so hat Gott alle sünd/die ich mein le-  
benlang gethon/wider herfür genomen/vnnnd stehen mir  
jetzt alle vor meinen augen/ohn ein Fürsprechen/Vertret-  
ter vnd Versüner. Vnd dieweylich danñ sihe / das Gott so  
gar wider mich ist/so leyde ich solchen schmerzen vñ peyn.  
Vnd auff den heüttigen tag hat er das wider geäfert / O  
lieben Brüder / leben wie fromen Christen wol anstehet/  
danñ nicht ein jeder (spricht der Herr) so zñ mir sagt / Herr/  
Herr/würt eingehen in das Reich der Himel.

¶ Ich hab verstanden / seine Söñ wöllen ihn in sein  
Heymat gehn Citadella führen/das were mir nit lieb/dañ  
ich wolte

Vö sprach/  
der in einē  
sündiget/  
ist aller sün-  
den schul-  
dig.

Spiere ver-  
manet die  
vntstünd  
zur besse-  
rung.

ich wolt gern das end sehen. Wiewol mich bedunckt/der arm Mensch werde nach vnd nach abnehmen vor schwach heyt/Daß ich habß wargenomen/das er dise vier tag fast abgenomen hat/wiewol ich achte/das er noch nit so bald sterben werde/Sonder noch einzeytlang beharren. Gott verleyhe jm doch endelich rechtes vertrauwen vnnnd empfinden der Göttlichen Barmherzigkeyt/vnd den trost/den er so offte sagt/das er in begere/vnnnd kan jm nit erlangen. Darumb wollen wir Gott alle treüwlich bitten.

Gott sey mit dir/lieber Herz vnnnd freündt. Geben zu Padua/  
den xix. tag No-  
uembris.  
des

M. D. XLVIII. Iars.

## Der vierdt Brieff.

**F**ürsichtiger lieber herz vñ freündt/  
du schreibst/das ich dir ein sonders wolgefallen thue/an dem zůschreiben / von dem armen verzweyfelten menschen/welches ich auch von herzen gern thů/auff das ich deiner achtsame willigen dienst beweyse. Der arme mensch ligt noch in gewohnter arbeyt seligkeyt/verlassen von Gott/vnnnd voll alles schreckens vnd verzweyfelung. Auff den gestrigen tag sagt man zu  
jm/er



# Von den G. Gottes Bekenñern

jm/er solte Gott danken/vnd sich in Gottes angesicht er-  
geben/mit anruffung seiner barmherzigkeyt. Spricht  
er/Die todten loben dich nicht/D Herz/noch alle die/so in  
die Hölle faren/aber wir/die wir leben/benedeyen dich.  
Darumb sollen ihr wissen/das wir/die wir vor Gott todt  
seind/als die in solche verzweyfelung fallen/das ist/in die  
Hölle hinab gestigen (dañ was ist die Hölle vnd verdamm-  
nuß sonst anders?) die mögen Gott nit loben/dieweyl in  
der Hölle Gott niemandes bekennen noch danken mag.  
Die mögen aber Gott loben/die ihm/vnnd in ihm leben/  
die jr starcke hoffnung/hilff vnd trost auff in legen.

**I**m selbigen hielt ihm einer für dise Versß/auß dem  
Psalmen/der anfahet/ Ich will singen vō Gottes Barm-  
herzigkeyt/in ewigkeyt ic. Wann ihre Kinder mein gesatz  
verlassen/vnd in meinen Gerichten nit wandlen werden/  
das sie meine gerechtigkeit verwüsten/vñ meine Gebote  
nit halten/so will ich mit der rüchten jr bößheyt straffen.  
Aber mein barmherzigkeyt (Wie merck auff/spricht er/  
Francisce/vnd höre/was da gesagt würt) Mein barmher-  
zigkeyt (stehet geschryben) will ich nit von jm nemen/vñ  
will ihm nichts schaden/bey meiner warheyt. Auff das  
spricht er. Dise verheyßung gehört allein zu den Auß-  
wölten/welche/so sie durch versüchung in sünd vnnd Ir-  
thumb fallen/so würt jnen doch geholffen/vnd mögen wi-  
der auffstehen. Wie der Prophet spricht/Falle er/so würt  
er nit zerschmettern/dann der Herz legt sein handt vnder  
jn. Vnnd Petrus kondte auch wol wider auffstehen/die-  
weyl der Außwölten einer was/besonders da in Chri-  
stus mit seinen augē selbs angesehen hat. Aber die Gottes-  
losen

Spiera wil  
ein selig-  
keyt auß d  
ewigen  
wahl Got-  
es ergrün  
den.

losen vnd verdampfen mögen nit wider auffstehen / wann sye fallen/wie Cain/Saul/vñ Judas wol anzeygen. Dañ hie muß man auff den anfang sehen/ob einer vñ den Auß erwölten sey oder nit. Dann er handelt anderst mit den Auß erwölten/dann mit den verdampfen vnd verworffnen. Welcher das nit mit grossem fleiß zñ der heyligen geschriffte haltet / ist es nit ein wunder / ob er in groß Irthumben vnd verwirrung fallet.

¶ Da sagten sye zñ jm. Wabey er doch fürnemlich mercket/dieweil er ein solliches streng vñ theyl von jm selbs sellet / das er einer auß den verworffnen vñnd verdampfen were. Spricht er/ Ich hatt Gott dē Allmechtigen erkēnt/ nit allein durch erschaffung aller dinge / wie die Heyden/ Sonder auch durch seiner erlösung. So hab ich in erkēnt durch seinen geliebte Son/vñsēn Seligmacher/ich kond te in auch anruffen/vñd von jm verzeihung aller meiner sünden bitten. Hab auch seiner süßigkeyt/ seines fridens vñnd trosts in meinem gemüt entpfunden. Nun aber so entpfinde ich das widerspyl gar in mir. Ich erkēnn Gott wol / aber nit wie einen vatter/sonder wie ein feind. Was fragend jr mich vil / all mein gemüt trachtet allein darnach / wie es sich möge vber Gott erheben / so hasset es Gott/vñnd ist jm zñwider. Ich kan auch nit mehr hoffen noch vertrauen/das er mit meine sünd ymmermehr verzeihen werd. Nichts ist mehr bey mir/dañ forcht / zittern/schand vñnd schmach.

¶ Da sprachen sye zñ ihm/ So vermeynst du / wann einer die Götlichen gaaben entpfangen/ vñnd mit dem pfandschilling des ewigen lebens ein mal begäbet würt/

Ji das

Warumb  
Siera vñ  
der zal der  
verdampfen  
ten sey.

# Von den 5. Gottes Bekennen

Das er widerumb hinder sich fallen/ vñ in den alten stah/ (da er was/ che er solche gaaben entpfangen hatt) Kommen möge. Darauß antwortet er / Gottes vrtheyl seind wunderbar / vnd ein tieffer abgrundt / welcher daran sich lassen wolte/ solt wolertrinken. Wer da stehet / der lüg das er nit falle. Ich weysß wol das ich gezwungen wider hinder sich weichen muß/ Vnd weysß auch das/ dz ich die warheyt erkennt hab / wiewol vñ vielleicht nit genügsam / dann wer ich einer auß euch gewesen / so were ich auch bey euch bliben. O wie seind die vrtheyl Gottes so ein tieffer abgrundt. Was soll ich aber anders sagen/ dann das ich ebē an dem ort binn/ daruon der Psalm redt. Lügend das er euch nit erwünsche/ vñnd nyemandes sey der euch erlöse.

¶ Da sagten sye wider zñ ihm. Man solte von der hoffnung nit weichen / alle weil die seel im leib were / auch nit gedencken/ das wir verdampt weren/ dann Gottes barmherzigkeyt mag vns in todts nöten/ jha im letzten athem zug zñ hilff kommen. Auff das antwortet er. Eben da ist mein sach/ Gott hat sein guad von mir genommen/ vñnd alles vermögen zñ hoffen. Dann das sag vñnd bezeüg ich/ das ich gar kein hoffnung annehmen mag/ daher kumpet mir solche angst vñnd not in meinem herten/ auch alle zerüttung meiner natur vñnd treffen/ die ist so starck in mir/ das die glyder meines leibs jr ampt nit mehr vollstrecken mögen. Dañ wie der Außervölct den heyligen Geyst in jm selbs spüret/ das er jm kundschaftt gibt von Christo/ das er sey der Sou Gottes / vñnd erstling des ewigen lebens. Also die verdampften entpfinden / dieweyl sye noch leben/ den wurm jrer conscienz des ewigen feüers/ vñnd al  
ler



ler Höllichen plagen. Darumb/ als bald ich in meinem geyst/in meiner conscienz vnd gemüt solcher wunden empfunden / hab ich gewißlich erkannt/das ich der himmelischen gaaben beraubt/vñ vmb mich geschehen seye. Dañ also strafft Gott alle verdampften vnd Gottlosen menschen/das er jr gemüt verhertet/vñnd inen die augen ihres hertzens aufsticht. Die Außewölten aber züchtiget er mit zeitlicher straff / darmit er sye reynige vñnd klar mache / wie das goldt durchs feür. Aber vbel / vbel stehet es / wan Gott die gaaben des heyligē Geysts vō vns nimpt / darmit er sonderlich die verdampften vnd gottlosen straffet / da euch Gott treüwlich vor bewaren wölle.

¶ Das sagt einer zū jm. Wann dich nün bedunckt / das deine sachen so übel stünden / so soltestu dir selbs nit glauben / sonder mir / der ich noch in gutem wesen binn / so ich dir sag / das dir Gott verzeihen werde. Spricht er. Jha / Darumb es so übel vmb mich stehet / so kan ich anders nichts glauben / dann alles was meiner seligkeyt zū wider ist / vñd mag nyemandes glauben / der mir von hoffen oñ vertrauen sagt. Aber du / der du sagst / du seyest in ein gutem standt / lüg dz es also seye / dan es ist nit ein klein ding / sagen / das einer in gutem standt seye / dan ein solcher muß starck sein im glauben / vñnd die warheyt tieff in sich gepflanget haben / will er die warheit veden / Vil meinen sye seyen solche / aber neyn / sye seind es nit.

¶ Als wir heüt zū jm seind kōmen / haben wir ein Priester da funden / mit nammen Bernhardinus Scardonus / der hat ein büch bracht / darauß man die Teüffel beschwöret / gleich als ob er ihn beschwören wolte. Er aber

Bernhardi  
nus Scar-  
donus hat  
den Spi-  
eram wöl-  
len bschwö-  
ren.

It is schüttlet

# Von den G. Gottes Bekennen

schüttelt den kopff/vnd sprach. Ich weyß wol das ich dem Teüffel von Gott in sein gewalt geben binn / ich befinde auch / wie sye / die Teüffel / vñ mich her seind. Aber die teüffel lassen sich nit mit der Lyraney / drey od vier Psalmen vertreiben. Der Priester aber wolt nit desto minder sein geferdte für sich treiben / schrey laut / vñnd beschwör den Teüffel lang / das er dem armen menschen auff sein zungē faren / vñnd mit im reden solte. Das alles verachtet Franciscus / vñnd erseüffzet in im selbs. Da w3 ein Bischoff da / der sagt zū ihm. Mein brüder / Gott hat seinem wort vñnd den heyligen Sacramenten wunderbare krafft geben. Nun etlich zeitlang haben wir es versucht / dich mit seinem wort vñnd verheysungen zū trösten. Wer es nit güt / das wir sollichs auch mit den Sacramenten versuchen? Also das du wie ein frommer Christ / den leib vñnd blut Jesu Christi entpfiengeest / das ein sonderere krefftige argney ist vnserer seelen. Da spricht er. Welchem die verheysungen Gottes nit zūgehören / dem gehören auch die Sacramenten nit zū. Das Nachmal des Herren ist den Gleubigen eingesetzt / die entpfahend Christum selbs im Nachmal. Die aber kein glauben haben / vñnd von hertzen nit mögen vertrauen / da sollend jr wissen / das sye Christum nit entpfahen.

¶ Vor einem monat oder ein wenig mehr / binn ich gezwungen das Sacrament zū entpfahen. Ich hab es aber zūm vñthel vñnd zūm verdammnuß entpfangen / dieweyl ich kein rechten glauben hatt. Es solle sich nyemandts solches Sacraments gebrauchen (spricht er) er hab dann den glauben / dann welche es on glauben entpfahen / die entpfa?

Spiere:  
will das  
Nachmal  
nit entpfah  
en.

entpfahend es vnrecht / vnnnd nemmend ihnen selbs das  
urtheyl. Also kan der arm mensch keyn vertrauen mehr  
haben / entpfindt auch keyn hilff mehr / weder von Sa-  
cramenten noch von dem wort / sonder ist allent-

halben verlassen. Gott wölle sich sei-  
nen erbarmen. Behüt dich Gott.

Geben zu Padua / den xx. tag  
Nouembris / des  
Jars.

M. D. XLVIII.

## Der fünfft Sendbrieff.



**W**ilgeachter Patron vnd lie-  
ber freündt. Heüt frū ist der arm verzweif-  
felt mensch von Padua gen Citadella in  
sein heymat geführt worden / Das ist mir  
leydt / dann so offte ich zu jm kommen / hab  
ich allweg etwas von jm gelernet / vnnnd vil mehr dann in  
der schul. Es ist nit besser vmb jm worden / dann er für vñ  
für in seinem verwirren wesen / schrecken / vnd grausamen  
verzweifflung beharret. Allen denen die in getröstet / ant-  
wortet er mit solcher dapfferkeyt vnd standthafftigkeyt /  
auch so besynnt / dz es ein wunder ist. Ich sage euch (spricht  
er) Das ich begere von herten hoffnung zu haben / aber  
ich vermags nit.

Auff gesterigen tag sprach er zu vns. Vermeynend

Ji iij ihs



# Von den G. Gottes Bekennern

ir yemand zu gebietē/ das er dz gesag halte/ & doch mit ein  
sündlin des heyligen Geysts in jm hab/ Vnd besonder dz  
höchst. Du solt Gott liebē von ganzē hertzē/ vß allē krefft  
ten/ vnd auß allem deinem gemüt. Dann jr wissend wol/  
das solches niemand vermag/ es geb ihm dann Gott die  
stercke. Singt man nit in der kirchen/ Werz mach du das  
wir lieben/wz du vns gebeütest. Die gleißner sagend wol/  
sy habend Gott lieb vō ganzem hertzen/ aber sye liegen.  
Ich will aber nit liegen/vñ sagen/ das die gleichnuß (dar  
uon ich hieuor geredt hab) so vil berürt/gar nit hieher die  
net/dan̄ meine sachen/ vnd das mit mir geschicht/ist weit  
ein anders/vnnd ein solliches/des gleichen nye gehört ist.  
Dann ob jr mich schon zur hoffnung ermanen/vnnd ichs  
von hertzen beger/das ich hoffnung haben möchte/so ver  
mag ichs doch nit/ dann Gott hat alle seine gnad zur  
straff meiner sünden von mir genomen/glaub/hoffnung/  
vnnd alles anders.

¶ Da sprach Doctor Grybaldus zu jm/ & in yetz drey  
mal hatt heymgesücht/sich von tag zu tag des handels ye  
mehr vnnd mehr verwundert/ darumb er auch ein lange  
Epistel/von diser seltsamen geschicht geschriben hatt/wie  
hernach folgen würt.

¶ Wie kan es sein (spricht er) das du der gaaben Got  
tes beraubt seyest/so du so geschicklichē von der heyligen  
geschrifft redest/vnd das du gedendest/ du seyest ohn gna  
dē Gottes/deren du so hertzlich begereest. Darauß spricht  
er. Dz sollend jr wissen/dz ich der höchsten vñ notwendig  
stē gaaben Gottes/des Glaubens/beraubt binn. Ob mir  
dann Gott die anderen ding nit genomen/ so geschicht es  
auch

euch zu einem exempel/vnd mir zu grösserer peyn. Dann  
 ye mehr ich an dise ding gedenck/ye mehr ich peyn leyde/  
 oder wann ich darvon rede/vnd andere darvon reden hö-  
 re/dann ich befinde/das es mir alles zum nachtheyl ge-  
 schicht. Vnd hie sagt er darauff/darvon wir alle erschra-  
 cken/ Ich meyn jr wänend/das ich ein freud ab disen din-  
 gen habe/oder vermeynend jr/ich thü es gern/vnd sey mit  
 willen also verstockt vnd verhartet. Ich sag aber euch bey  
 der warheyt/Wöcht ich nit mehr dann ein kleines tröpf-  
 lin Göttlicher miligkeit in mir enepfinden/vnd das mir  
 Gott nur vmb so vil gnädig were(dann mit wenigem sol-  
 te mich wol benügen.) so wolt ich gern tausent jar vnd  
 mehr in der Hölle darumb sitzen.

Spietra be-  
 gert ein  
 fleyne  
 tröpflein  
 Göttlicher  
 barmher-  
 zigkeyt.

¶ Kürzlich günstiger Herz! diser armer mensch redet  
 nichts anders/dan wie wir achten möchten ein verdamp-  
 ten reden/der vnzalbarlich grosse peyn vnd strafferleydē  
 müste/darauff er nymmer verhoffet ledig zu werden. Dar-  
 umb jm nichts so schwär were/dz er nit gern leyden wol-  
 te/so er nit mehr dan ein fleyne vnderleibügh haben möch-  
 te. Ich sag aber wie vor/das diser armer mensch die ding  
 nit redt als ein betaubter oder vnbesynter/sond mit gros-  
 sem ernst vñ dapfferkeyt. Er sahet offte an so kläglich vnd  
 erbärmlich zu weynē/dz es alle zühörer erbarmen muß.  
 Aber vor allen dingē begert er für vnd für des todes. Vñ  
 spricht/ Syhe/es ist in mir erfüllt das die geschrifft sagt.  
 Sye werdē begeren zu sterben/aber d' todt würt von ihnen  
 fliehē. Dan er fast übel fürcht er müsse länger lebē. Vñ wie  
 wol man sihet/dz er von tag zu tag abnimpt/nach glaub  
 ich/er müsse länger in solchem ellend leben. Dann er gar  
 starck

# Von den G. Gottes Bekennern

Sptera  
bey 1-jaren  
gewesen.

starcks leibs ist/ vnnnd ettwann bey den fünffzig jaren alt  
oder etwas mehr. So auffenthaltet man in mit gewalt  
(dann wie ich vor geschriben) von im selbs ysser er nichts/  
aber mit gestossenen hünnerbrüen vnnnd eyeren/ die sye ihm  
über seinen willen eingiessen / enthalten sye in bey dem le-  
ben. Aber er sagt / das auch seine kinder zur straff vnd zu  
peinigen ihm gegeben seyen. Daran hencket er/das es dem  
Auserwölten alles zu gutem diene / dargegen aber dē ver-  
dampren alles zu nachtheyl/auch das Gottswort selber.  
Vnnnd ich befinde auch / daß das Gottswort mir ein ge-  
schmack ist zum todt/vnd nichts dann ein schmerzen vnd  
verzweifflung / so offte ichs höre. Vnnnd mit dem selbigen  
schreiet er. O we mir armen. Vnd keret sich zu den vmb-  
ständern / vnd mit ganger kläglicher stim vnd geyerden/  
das im die trähern über die backen ablieffen / spricht er.  
O lieben brüder/sehend fleissig zu/ vnd habend eben acht/  
das ihr die gaaben Gottes höher achten dan ich gethon  
hab / lehrend auß meiner gefahr/ das jr nit sicher seyen.  
Gedencken nit das jr Christen seyend/darumb das ihr et-  
was von dem Euangelio verstanden. Nütend euch das  
jr es nit zur freiheyte des fleyschs brauchen/sonder habend  
acht / das eüwer leben dem namen nach gerichtet werde.  
Seind standthafftig vnd steiff/zü erhaltung vnd bekane-  
nuß des Euangelij / auch biß zu dem todt/ ob es die not-  
turfft erfordert. Wissend jr was Christus selbs gesagt  
hat. Der lieber hat vatter vnd müter/ brüder vnd schwe-  
stern/sün vnd töchter/hauß/ hoff/ äcker vñ matten/dann  
mich/ der ist mein nit würdig. Wie auch Petrus spricht.  
Liegend lieben brüder / das jr mit gütthaten euern be-  
ruff

Vermanung  
Spicre an  
die vmb-  
ständer.



ruff gewiß machen. Vnd wiewol ich in grosser peyn bin/ so will ich doch eben thün wie der Reich mann / der in der Höllen tieff versenckt was/ vñ nit desto minder sorg trüg für seine brüder. Bate den Vatter Abraham / das er sie warnen ließ/ damit sie recht theten/ vnd nit in solche grosse peyn kämen. Lügend lieben brüder / das jr die Epistel S. Peters nimer von eüwern händen kōmen lassen/ brauchends zū lust/ vñnd als ein schöne tracht/ nach vnd vor der speiß. Es seind wol ettliche ort darinn fast dunkel/ aber wenig. Dann Christus hat Petro die schlüssel zū Reich der Hīmēl verheysen/ damit er anzeyge / das er jm den Heyligen Geyst geben wolt/ durch welchen er vil himmelischer heymlichteyten verstehen vñ durchtringen solt/ die andern verborgen weren/ ja er würde haben die schlüssel/ mit welchen er die geheymnuß Gottes auffschliessen vnd öffnen wurde/ 1c. Also legt er dises ort auß. Er erkläret auch etwann ( nit mag ich jetzt wissen auß was vrsachen) das ort des Prophetens/ Die Gottlosen werden nit aufferstehen im gericht/ aber die Gottseligen vnd Außerswölten werdē die andern vrtheylē. Wie Christus spricht. Ir werden sitzen auff den zwölff stülen/ 1c. Zū welchem die Gottlosen nit aufferstehen werden/ sondern allein das sie gerichtet werden.

¶ Er sagt auch etwann / das allein den gerechten ein güter Engel zū behüter geben wurd/ vnd nit den Gottlosen/ wie man gemeyniglich glaubt / das ich ( sprach er) wolerfahren hab/ über das ichs auch in der geschriffte gelesen / daß ich weder Engel noch anders hab/ dz mir helffe.

¶ Es fraget in einer / ob er vermeynet / das die Außerswölten

Re

wölten


# Von den 5. Gottes Bekennen

wölten gleich eins wegs / so bald sie von hinnen schieden /  
in das ewig leben kâmen / oder ob sye etwann schlieffen od  
rûweten / biß sie mit leib vnd seel zum gericht aufferstehen  
wurden. Da sprach er. In das ewig leben faren sie / vnn  
seüffzet vnn  
sprach / das ich vnseeliger nit haben mag.

**I**ch wz auch nacht zû abend darbey / da der Bischoff  
(so mit Doctor Gribalden bey jm was) ihn gesegnet / dan  
heüt frû ist er hinweg gefaren / wie ich vor gesagt hab. Da  
sprach er zû ihm. Ich armer verzweyffelter / dancke eüch  
fast vmb dise eüwere gütthar / wiewol es den verworffnen  
vnd verdampften alles schädlich ist / der Allmechtig Gott  
mehre eüch in allem gûten. Vnd als man in batte / er solt  
sie wissen lassen durch seine sôn / wie seine sachen stünden /  
sagt er / er wölte es thun. Aber sprach er / Ich will euch wol  
zûsagen / das ich eüch nichts gûts schreyben würd / dann  
vil grösseres übel werden jr von meinen sachen hören.

**A**lso ist diser vnseelig Spiera hinweg gefaren / Vnn  
sagt zum offtern mal / das er Cain / Saul / vñ Juda solche  
ding vergönnte / so grosse marter hat er müssen leyde. Der  
Herr wöll jn mit barmherzigkeyt ansehen / vñ vns alle be  
hüten / das wir nit auch in solche noht kommen / Gott be  
hüt dich.

## Der sechste Brieff.



**S**olgerlicher Patron / Wie jr  
zum nechsten meine schreiben verstanden  
habt / also ist der arm Spiera gen Cicadel  
la komen in sein vatterlandt. Dymeynd  
der

der mehrern theyl leüt darumb geschehen sey / das es vil-  
leicht in einer solchen berühmten statt/seinen kindern vñ  
ganzē geschlecht ein nachtheyl seyn wurde. Darzū möch-  
te solliche offenbare kundschaft vñ exempel der warheyt/  
vñ des gericht's Gottes/ von einem solchē ort weyt außge-  
spreytet werden / darmit alle welt erkānte/ob sie es gleich  
ungern hetten/wie es dē armen mensche gangen were/der  
zū seinem grossen verderbē die warheyt verleügnēt hatt.

¶ Darumb hab ich von dem tag an/als er vß diser statt  
geführt ist/nichts gewissers kōnen vernemen/ dann alleyn  
das er bald darnach gestorben sey / aber in gegenwertig  
kēyt weniger leüten/ vnd die insonderheyt darzū verord-  
net seind. Wie die selbigen gesinnet/gehet mich nichts an/  
hye daruon zū schreyben/Also ist es aber geschehen.

Spiers  
gestorben.

¶ Vnd wiewol man hatt die sach wōllen verbergen vñ  
still halten / ist man doch durch anschickung Gottes zū  
spaat kommen. Dann der arm mensch öffentlich / in diser  
statt aller menigklich so lang gewesen ist / dz diser handel  
nyemandes mehr verborzen sein kan. Geschweygerst / dz  
diser handel durch ganz Italien/vñ vmbligende lānder/  
mehr dan mit sechs hundert brieffen außgespreytet ist.

Darumb sollt es den bösen wol ein exempel sein/

das sie sich fürchten / aber den gūten/das sye

sich freüwen. Behüt euch Gott/vnd

habend an meynem Kleynen

vermögen für gūt/

Geben zū Pa-

dua.

Re ii

Bis



# Von den 5. Gottes Bekennen

**B**is hieher ist die History von dem erschrocklichen  
fall Francisci Spiera durch etliche Sendbrieffstucke weiß erzolt wor=  
den. Vezund folget die selbig auß den Schrifften des Hochge=  
lehrten Herrn Matthei Gribaldi/beyder Rechten Doctor vñ.  
Professor zu Padua/in denen er auffß warhafftigst  
solche/wie sie sich nach ordnung  
verlossen/beschriben hat.

**E**s ist gewesen einer mit namen Franciscus Spiera/  
bürtig von Citadella/ein erfarnier Jurist/vnd ber=  
rümpfter Aduocat in Weltlichen Rechten/seins al=  
ters bey fünffzig jaren/hatt gehabt ein ehren Weib vnd  
eylff Kinder/auch sonst mit zeytlichem güte/ Ehren/ ämpf=  
tern vnd würde zimlich begabet. Diser hatt auch durch  
die vnaußsprechlich Gottes gnad/die gnad vnd gaab des  
H. Geystes empfangen/vnd den Herrn Jesum Christu/  
als vnsern cynigen erlöser vnd seligmacher auß H. Götter=  
licher schrifften gnügsam erkennenet/auch durch erleuch=  
tung des H. Geystes/den Herrn Christu allein mit groß=  
sem ernst vnd eyffer bekennet/vnnd öffentlichen gepre=  
digt/dz wir alleyn durch Jesum Christum den Son Got=  
tes selig werden/durch in alleyn auch gerecht werden/vñ  
das man sich auff keiner menschen verdienst oder werck  
verlassen solle. Vedocho güte werck nicht vnderlassen/son=  
der die selbigen thun/damit man Gott gehorsam seye/  
auch Gottselig vnd frömblich lebe.

**I**n dem er nun die rechte warheyt/ auß zeügnussen  
der H. Göttlichen schrifften mit rechtem glauben erkant  
vnnd erlangt hette/vnd in seinem hertzen die gaaben des  
H. Geystes gang rüwig mit grossem trost erschmecket/  
auch

Franciscus  
Spiera ist  
in der er=  
kennung  
Christi erst  
lich eyffe=  
rig gewes=  
sen.

auch in rechtem glauben/Hoffnung/Liebe/Sanfftmüt/  
Gedult/ / ja in rüg vnnnd friden seines gewissens (als einer  
der Christū hat/vñ in im lebete) stünde. // Ist der arbeyt  
selig/vñ recht ellende mensch / auß anstiftung seiner sein-  
den/gehn Venedig für des Papsts Legaten berüffen/vñ  
daselbst/der Kegerey halben schwärlich angeklagt/ernst-  
lich gescholtē / mit tröuworten abgeschreckt worden/also  
das er endtlich auß forcht dises zeitlichen todts/oder ver-  
lust seiner haab vnd güter/ widerumb die lehr / die er vor-  
mals erkant vnd öffentlichen gelehrt hatt / verschworen/  
vnd auch zügsagt hatt/das er also bald heym ziehen/vnd  
an dem ort zū Citadella/da er vormals geprediget/offent-  
lichen sein gefasste lehr widerrüffen/vnd also mit disem of-  
fentlichen vnd stattlichen widerzüß/allem volck / vnd be-  
sonders den Geystlichen/sich versünere.

Franciscus  
wilt zu Ve-  
nedig ver-  
lagt.

Franciscus  
verleünet  
das B.  
Euange-  
lium.

¶ Als nun diser ellend mensch/vom Bapstischen Lega-  
ten hinweg gelassen / vnnnd auff der reysß war/den getho-  
nen befehl/vom widerzüß zū vollstrecken/ hat er bey ihm  
selbers angefangen zū disputieren/ ob er doch gehn Cita-  
dellam widerumb ziehen/vnd daselbst widerrüffen / oder  
aber all sein haab vnnnd güte verlassen/vnnnd sich in recht-  
geschaffne büß begeben wolte.

¶ Auff dem weg/trib in für vnd für der Geyst Gottes/  
vnd sein eygen gewissen/das er büß thun solte/vnnnd mit-  
nichten an das ort ziehen/da er doch verleügnen müste/  
sonder vil mehr Weib vnnnd kind/ja die gang Welt verlas-  
sen / ja sich vil mehr tödten lassen/che er wolt widerumb  
abfallen/vnnnd die erkannte warheyt widerrüffen. Der  
Geyst Gottes sagt ihm für vnd für/Ach lieber Francisce/

Das gewis-  
sen vnd  
der Hey-  
lig Geyst  
vermunt  
Franciscū  
zür bestän-  
digkeyt.

# Von den 5. Gottes Beteüern

hüte dich/das du deinen widerriiff erst woltest weiters  
bestätigen / hüte dich / das du den Brieff / den du alleyn  
mit der handt geschriben hast / auch erst woltest mit de  
nem hertzen / versiglen. Ach Franciscus du bist doch noch  
zur zeit frey / vnnnd auß den händen der Menschen ent  
teunnen / Ach fall nit von der warheyt ab. Bleyb be  
ständig / vnd hüte dich / das du nit widerumb fallest. Thū  
büß vñ besser dich / so würt sich der Herr deiner erbarmen.  
Dein schwaches fleysch hat dich vbercylet / vnd dahin ver  
ursacht / alleyn sihe dich für / das du mit deinem Geyst / sol  
lichs nicht bosshafftighen / aller erst bestätigest.

Des 5.  
Geysts  
ernstliche  
verma  
nung.

Franciscus  
will der  
warnung  
des 5.  
Geysts  
nicht fol  
gen.

¶ Dises vñ dergleichen vil / ward dem ellenden mensche  
(wie er nachmals selber bekant hat) vff der gangen reys /  
für vnd für vom Geyst vnd seinem gewissen fürgehalten.  
Aber er stieß die warnung des 5. Geysts von sich / ver  
stockt in seinem fürnehmen / vnd gedacht / er wölte lieber  
Weib vnd Kind / seine ehr vnd dienst / seine zeitliche haab  
vñ güter / dan die einmal erkante warheyt behalten / auch  
den gethonen widerriiff offentlichen bestätigen / damit  
er im freiden hye auff erden seiner haab vnd güter gebrau  
chen köndte. Ist also in solchem fürnehmen gehn Circa  
della Kommen / vnnnd sich bey dem Obersten daselbst / der  
dan durch brieff solcher handlūg schon berichtet w / ange  
bottē / dz er bereyt vñ willig sey / sich mit dē volck vñ gāger  
Kirchē widerum zūuersünen / vñ die lehr / so er zūvor gepre  
diger / zū widerriiffen. Nach solchē ist er zū hauß gangen.

Franciscus  
hett ein vn  
rūwig ge  
wissen.

¶ Auff den abend ist ein Pfaff zū im Kommen / vñ mit sich  
bracht ein Abschrift des widerriiffs / so er morgens vor al  
lem volck offentlichē thun solt. Die selbig gāg nacht / hat  
der arbeytselig mann Spiera teyn schlaff gethon.



# vnd Martyrern/der iij. theyl. cccxiij

Am morgen vff den Sonnentag/nach dem man Des gelesen hat/ Ist Franciscus vor allem volck/das bey zwey tausent personen zugegen war/auch im beysein des Obersten/vn seiner diener/ auch seiner verwandten vn freünd/ denen er zuuor geprediget hatt/auffgestanden / vn da offentlich die lehr/ die er vormals gehalten/ verschworē/auch alles so er zuuor gelehret hatt/ offentlich widerrißet/vn wiewol er vormals den verdienst d menschen/dz vertrauwen vff die werck/dē freyen willē/dz Segfür / die fürbitt d heyligen/den Ablass/vn andere dergleichen stuck vn artikel/vß Gottes wort widlegt hatt/hat er doch hye offentlich bekenet/er hab geirret/vn sey betrogen vn verführet worden/auch bezeüget/dz er nun jezundt widerum vff den rechten weg des liechts vn der warheyt/ auch zur gemeynschafft der D. Römischen Kirchen/ Kommen sey.

Franciscus  
Spiera wi  
der:ußt zu  
Citadella.

Als nun solchs verrichtet/hat er auch bezahlt die auffgelegte Geltstraff/ als nemlich dreyßig floren / von denen er dem Pfaffen/ der jm die abschrifft des widerrißs vberluffert/fünff gegeben/die andern xxx. aber/das man ein Sacrament heißlin od ein Constrang darauß solt machen lassen/erlegt. Vnd ist also von der weltlichen Oberkeyt ledig erkant/vnd widerumb zu seinem Weib/ Kindern/haab vnnd gütern zugelassen worden.

Bald aber nach solchē hat diser arbeitseligste mensch dz erschrocklich vñ heyl Gottes/ so nun wid in ergangen/befandē/vn von stund an gefület/ dz des Allmechtigē ewigen Gottes/zorn vnd grām/ gewaltig vff in gefallen seye.

Gottes vñ  
thyl vber  
eyt Fran  
ciscum.

Von stund an hat er alle gaabē des D. geystes verlorē/ Christus d her ist von im gewichē/ alle güthartē Christi/

aller

# Von den H. Gottes Bekennern

Wider das  
gewissen  
sündigen/  
ist ein grof  
se sünd.

aller trost ist bey jm verschwunden / Der Glaub / die Hoff  
nung / die Liebe ist also bald von ihm gewichen. Vnd da  
gegen sein hertz / mit Meid / Haß / Schand / Lestierung vnd  
fluch erfüllet worden. Da seind jm für seine augen hauf  
senweiß kommen / alle seine sünd / die er von jugent auff ge  
thon hat. Vnd was soll ich vil sagen: Christus der Herz  
selbers / vnnnd der aller heyligste frid Christi seind von jm  
gewichen / vnd an jr statt einkommen / der Todt / Teüffel /  
schrecken / Schand vnd verzweiffung / vnnnd ist der arbeyt  
selig mensch / in solchem erschrocklichen jamer / sechs gan  
zer Monat stecken bliben / vnd erst nach den selbigen mit  
weib / kind vnnnd seinem gangen haußgesind / gehn Pa  
dua gezogen. Da er dan / dieweyle es ye länger ye erger wor  
den / vnnnd er Gottes zorn gang greulich wider ihn besun  
den / in endliche verzweyfflung gerharen ist.

Wie Fran  
ciscus nach  
seiner ver  
leügnung  
bschaffen  
gewesen  
sey.

¶ Im beth ist er gelegen ohn ein Seber oder andere  
kranckheyt / der gang leib abgenommen / keyn glyd hatt  
sein ampt gethon / außgenommen die zung. Er hatt nichts  
begert / auch nichts gessen / Vnd ob man jm schon etwas  
mit gwalt eingossen hat / so hat ers doch nit verdewet / er  
hatt keyn stülgang gehabt / Alleyn getruncken / vnd grau  
samē durst gelitten. Sonst ist sein angesicht recht gestalt /  
sein verstande gut / sein gedächtnuß mechtig gewesen / also  
das er keyn ding zweymal geredet hatt. Wer zu jm kom  
men / den hat er angenommen / Gewaltige ding hat er ge  
redet / vnd sich für vnd für bezeüget / er seye auß grechtem  
Gottes vrtheyl verdampft / Er sey yezund in der Hölle /  
da leyde er ohn vnderloß grosse peyn vñ marter / Er sey al  
ler gnaden vnnnd hoffnung auff Gott beraubet / vnd kôn  
de sich

desich der barmhertzigkeyt Gottes nit vertrösten. Er habe gesündigt in D. Geyst/welche sünd ihm nimmermehr verzygen werde. Der verdienst Christi gang ihn nichts an. Es sey weder Glaub noch hoffnung mehr in jm/Sonder er warte alleyn täglichs des erschrocklichen Endurtheyl Gottes wider jm/Vnd ob wol die Barmhertzigkeyt Gottes aller welt sünd weit vbertrefse/so sey sie doch ihm nichts nutz/dann er von ewigkeyt verstorffen/vnnd nyemals im büch des lebens eingeschryben worden. So habe Christus nicht für ihn/sonder alleyn für die Außewölten gelitten vnnd gebetten. Gottes vrtheyl werde in ihm alleyn geoffenbaret/vñ Göttliche gerechtigkeit erfüllet werden. Vnd er werde bald ein gewulich end nehmen/damit er allen Außewölten ein exempel seines widerstands seye.

¶ Dise vnnd dergleichen reden/hatt er in viler leüt bey sein/vnnd nemlich auff xxx. personen so zügegen waren/mit sampt dem Ehrwürdige Herrn Bischoff Vergerio/mit gutem verstande vnnd öffentlichen gefäret. Vnd hatt gemeldter Bischoff in angefangen auff alle weiß vñ weg zü trösten. Vnder anderm als in auch Doctor Grybaldus ansprechen wolt/sagt der Bischoff Vergerius zü ihm/Mein lieber Herz Francisce/hye ist zügegen Doctor Grybaldus/der allhye zü Padua die Rechten lisset/ein frommer/treüwer vnnd Gottsförchtiger mann/der will euch heymsuchen/Darauff gab Franciscus antwort inn Italianischer sprach vnd sagt/Sia lui il ben uenuto, & io il mal nouato &c. Doctor Grybaldus sprach ihn an/vñ sagt/Mein Herz Francisce/diß alles ist nür ein Teüffels ge-



# Von den 5. Gottes Bekenern

S. Geybal  
di wort  
zum ver=  
zweyffelt  
Spiera.

spenst vnnnd betrug / der eüwer hertz dermassen zermar-  
tert vnnnd plaget / darumb bekeret eüch von gangem her-  
zen / zü dem Gebenedeyten Gott / dann er ist bereyt vnnnd  
willig / dz er sich eüwer erbarme. Wißt jr nit / das die gan-  
ze erde / voll ist der barmhertzigkeyt Gottes? Vnd wann  
gleich aller welt sünd / auff einem menschen legen / so möch-  
ten sie doch keyns wegs nicht verglichen werde / auch dem  
aller kleynsten sündlin vnd tröpfflin der Barmhertzig-  
keyt vnd güte Gottes / Dann er sagt / So oft der sündler /  
vnd zü welcher zeyt er erseüffzet / so will ich seiner sünden  
nicht mehr gedencken. Sehet an den H. Apostel Petrum /  
der doch den Herren Christum selbers / mit welchem er lan-  
ge zeyt gang freündlich gelebt hatt / auch mit dem Lyde  
schwür züm dritten mal verleügnert hatt / ob ihm wol der  
Herr vil güts gethon / vñ in für andere lieb gehabt hatt /  
noch hatt ihm solchs der gütig Gott verzygen. Sehet an  
den Schächer am Creüz / 8 doch nye nichts güts gethon /  
sonder all sein leben / in sünd / schand vñ laster zugebracht  
hatt / diser ist doch gleichsam in einem augenblick / so bald  
sein hertz troffen / vnnnd der Glaub angefangen hatt / wi-  
derumb zü gnaden auffgenommen worden. Wißt jr nit /  
das der arm des Herren nicht abgekürzet ist / vnnnd das  
Gottes eygenschafft ist / das er gnädig vnd barmhertzig  
ist? Ach rüfft in doch ein wenig von herten au / bitten ihn  
vmb sein gnad / so verspricht ich eüch gewißlich / das er be-  
reytet ist / eüch zü verzeihē / eüch zü gnadē vffzünemen / vñ  
dz durch Jesum Christū seinen eingebornen lieben son.  
Ach mein Herr Franciscus / Glaube solchs / wie yezund ge-  
sagt / seind wol getröst / vnnnd stehet auff / dann der Herr  
hatt:

hat sich eüwer erbarmet/vnd eüch alle eüwere sünd durch  
Christum verzygen vnnnd nach gelassen.

¶ Franciscus antwortet hierauff vn sprach/ich glaub Spiere  
solchs nit. verzweyff=

¶ Doctor Grybaldus sagt hyegegen/mein Herr Fran- felre an-  
ciscus/ Ich hab vil solcher leüt gekannt/die grosse sünd- wort.  
auch vom Teüffel besessen gewesen / vnd es vil vbler vmb  
sie/dann eüch / gestanden ist / derhalben sie auch endlich  
in höchste verzweyfflung kommen seind / yedoch seind sye  
durch Gottes gnad/ vnnnd durch das freündtlich anzuspre-  
chen frommer leüt/widerumb getröster worden/vnnnd zu  
gnaden kommen / auch ein rüwig / wol befrideter gewissen  
überkommen. Was verhindert es dann / das jr nicht könn-  
den/das geringestfücklin ewers hertzen / in die vberflüss-  
ig barmhertzigkeyt Gottes richten / vnd mit einem seüff-  
gen in rechter hoffnung vnnnd glauben anrücken?

¶ Als nun Doctor Grybaldus solche vnd dergleichen  
mehr wort eingefüret hatt / hat der ehrwürdig Bischoff  
Vergerius auch angefangen vnnnd gesagt / Ach mein lie-  
ber Herr Franciscus/nemmet doch zu hertzen die wort/so jr  
segund vom Doctor Grybaldo angehört habt / dann er  
ist treüw/vnd ein diener Gottes/den Gott zu diser stund  
zu euch gesandt hatt / das er eüch seiner barmhertzigkeyt  
vergewissen vnnnd versichern solle. Warumb glaubt jr ihm  
dann nit? Wolten ihr nit gern / das sich Gott eüwer er-  
barmet/ der sich doch ohnzweyffel eüwer erbarmē würt/  
vnnnd alle schuld verzeihen/der euch auch seyn gebenedey-  
ten Son Christum Jesum geschenkt hatt/der würt euch  
ja nichts könden oder mögen abschlagen. Seind wol gea-

# Von den 5. Gottes Bekennern

tröstet / vnnnd richten doch euwer hertz mit rechtem glauben vnnnd hoffnung auff. So wollen wir alle für euch bitten. Was euch dann also gefalle / so wollen wir das Vatter vnser von herten mit einander betten.

¶ Hierauff antwortet Franciscus vn̄ sage / Ich glaub das alles / wie jr sagen. Dann solchs auch die Teüffel glauben / erzittern aber darfür. Aber mich nuzet solchs alles nit. Ich hab zum Tode gesündiget. Ich wolt ja gern / das mir Gott gnädig vnd barmhertzig were / aber er wills nicht thun / so ist mir alle krafft des glaubens entnommen. Der Herr hat Petrum angesehen / mich aber will er nit ansehen / Petrus war der erwöleten einer / Ich aber bin der verworffnen einer. Ich will gleichwol mit meiner zungen betten / vnd euch alles / was jr wölt / nachsprechen / Aber mein hertz ist voller Leid / fluch vnnnd lesterung. Ich weys vnd befinds auch / das Gott mein Feinde / vnnnd mir zuwider ist.

¶ Vnd als er solchs sagt / flog jm ein Quack für dem angficht vmb / da sprach er / sihe zu / der Teüffel ist schon vorhanden. Mein end werden jr bald sehen werden / zum exempel viler / damit in mir Gottes vrtheyl vnnnd gerechtigkeit offenbaret werde. Vnnnd wie er solchs geredt / wendet er sein angficht von den leüten / vnd keret sich auff die ander seiten hynumb. Da sagt Vergerius / Ach aller liebster Francisce / wendet doch euwer angficht zu vns / dann ich will / das wir mit einander betten / vnd ein H. Vatter vnser sprechen sollen.

¶ Da wendet Franciscus wider herumb / fieng an in Italianischer sprachen das ganze Vatter vnser zu betten /

Epiera:  
better.

ten /



ten/mit einem solchen ernst/ vnnnd so grosser andacht/das  
 sich die vmbständer alle hyerüber verwunderten. Als er  
 aber außgebetet hatt/ sagt er/ Ich hab jezund mit mei-  
 ner zungen gebetten/ aber mein hertz ist weyt darnon ge-  
 wesen/Gott hat mir alle seine gnad entzogen/er hat mein  
 hertz verstocket/darumb bemühet jr euch vmb sonst vnnnd  
 vergebens. Solche vnnnd dergleichen reden haben sich den  
 ersten tag mit ihm verlossen/ endlich sind die vmbständer  
 von jm hinweg gangē/ haben in gesegnet/ vñ gesagt/  
 sie wollen Gott für in bitten/ vnnnd morgens wider kom-  
 men/ob doch der gnädig Gott sich seiner wolte erbarmē.

¶ Des andern tages ist D. Brybaldus mit dē Bischoff  
 Vergerio widerumb zu disen ellenden menschen komen/  
 vnnnd haben ihn erstlich (wie breüchlich) gegrüßt/Bald  
 hat der Bischoff angefangen vnnnd gesagt/ Aller liebster  
 Franciscus/ist auch euwer sach durch Gottes gnad ein we-  
 nig besser worden: Habt jr auch etwas trostes vnd hoff-  
 nung in euwerem hertzen empfangen: Hierauff antwor-  
 tet Franciscus/Gar nichts/sonder ich befind mich ye län-  
 ger ye vbler. Da haben sie in angefangen von vilen stückē  
 zu fragen/ vnnnd sonderlich zu welcher zeit er in solche ver-  
 zweysung erstlich kommen/auch wann diser vnsterblich  
 Wurm sein conscienz vnnnd gewissen hab angefangen vn-  
 räthig zu machen.

¶ Da hat er nach ordnung erzölt wie es sich verlossen  
 hab/beyde in seiner ersten/ vñ auch in der andern verleug-  
 nung. Wie dan solchs droben erzölt worden ist. So bald  
 er aber verleugnet hatt/zeygt er weiters an/ wie er von  
 stund an befunden hette/ das Gottes gewaltige handt

Handlung  
 des andern  
 tages.

# Von den 5. Gottes Bekennern

auff in getruncken/nicht aber das sein leib geplaget vnnnd schwach worden sey/welchs er zur straff/vnd besserung seiner sünden/gern angenommen hette/vnnnd nicht also gar vom Glauben vnd aller hoffnung abgefallen/sonder der arbeitselig mensch hatt in der selben stunden im hertzen/im Geyst/vnnnd seinem gewissen/solche vnruß befunden. Dann Gott der Herr hat ihm von der selben stund an ein nagenden wurm vnnnd vnaußlöschlich feur gesendet/das er voller schrecken/schand vnnnd verzweyfflung eins mals worden ist/Welcher nagende wurm vnnnd brennend feur/in von der selben zeyt an nyemals verlassen hatt/also das er frey bekannet/es stand vil übler vmb ihn/dann wann er gestorben/vnd mit Juda/Cain/vnd andern verdampften were. Ja er begert auch tausent mal lieber todt vñ verdampfe zu sein/dann also hyc zeytlich leben.

¶ Er hatt auch dazumal angefangen zu erzölen/was geüwlicher gesicht er für vnnnd für habe/wie er auch von der zeyt befunden hab/das der Teuffel für vnd für in sein kammer/auch in sein beth komme/allerhandt vnruß vnd getümel angerichtet/in vnder dem küßin mit nadlen steche/vnd solchs hab er warhafftig befunden/wie er jezund mit ihnen allen rede/vnd sie sehe zu gegen stohn.

¶ Hierauff hat ihm Bischoff Vergerius geantwortet vnd gesagt/ach lieber mein Herr Franciscus/eüwer Geyst ist so gantz verstört/dz er eüch solche betrüglische fantascey/fürhaltet. Aber wenden eüch doch ein wenig zum Geyst & warheyt/vñ richten eüwer hertz mit glauben vñ hoffnung zu Gott/der doch gebenedeyet/gütig vñ güt ist. Er würt eüch gewißlich gnädig vñ barmhertzig sein/Vñ von euch  
allen

allen schrecken vñ zagen hinneimen. Ach mein Herz Fran-  
cisce/seydt doch jr wol getröstet/ wir seind eüwerer persor-  
nen halb / durch die vnendelich barmherzigkeyt Gottes  
auch wol getröstet/ wa es euch nun also gefällt/ so wöllet  
wir ein D. Vatter vnser/vnd das von herten betten. Da  
hat Franciscus angefangen dz Vatter vnser in Lateini-  
scher spraachen mit hefftigem weynen/ so ganz ernstlich/  
andächtig/vñ (wie die vñständer vrteylen kondten) von  
ganzem herten/zñ Gott gebettet/dz die vmbständer alle  
mit im weyneten.

Franciscus  
bietet.

¶ Als nū Doctor Grybaldus sahe die trähern / die büß  
vnd reüw dises menschen/sagt er/ Ach lieber Francisce/es  
sey Gott im Nümel gelobt / dann gewislich dises seind nit  
zeychen/ das euch Gott ganz vnd gar solte verstoffen ha-  
ben/ Iht erseüffgen doch/vnd rüffet die gnad Gottes mit  
ernst an: Ach verzweiffen nicht also gar an seiner gnadē/  
sagen doch nit mit einem so gar verstockten herten / das  
euch Gott seindt sey/ Glaubts doch nit / das jr von ewig-  
keyt verdampft seyen. Dann der mensch kan ye / so langer  
hye auff erden lebt/ durch die gerechtigkeit der wercken/  
nicht gewis sein/ ob er der liebe oder des zorns Gottes wür-  
dig sey.

¶ Vnd nach dem in die vmbständer ernstlich verman-  
ten/er solte nicht also gar vom glauben vnd vertrauwen  
abfallen/vnnd ob wol ein mensch aller Welt sünd gethon  
hett/solt er doch an der gnaden vñ barmherzigkeyt Got-  
tes nicht verzweiffen/dan Gottes güte vnd gnad/sey vil  
größer/dan menschlicher verstandt begreyffen vñ fassen  
konde. Vñ ob schō auch jrē einer in solche arbeytseligkeit  
gefallen.



# Von den 5. Gottes Bekenern

gefallen/ dannericht nicht solte an der gnaden des höchsten vnd freündlichsten Gottes verzweyfflen oder verzagen.

¶ Hierauff hat Franciscus geantwortet vnd gesagt/ Ich weyß das alles wol/ vnd glaub auch das die vnendliche barmhertzigkeyt Gottes aller Welt sünd weit vbertriffe/ das auch allen die solchs glauben/ alle sünd nachgelassen vnd verzygen werden/ Aber diser glaub vnd diß vertrauē/ ist ein gaab Gottes. Darumb so mangelt mir nichts/ dann das ich auff Gottes gnad vnd barmhertzigkeyt gegen mir/ weder hoffen/ vertrauen oder glauben kan. Ach das mir doch Gott alleyn das gebe/ das ich ein kleyne wenig solcher hoffnung vnd glaubens/ von der gnad vnd verzeihung in meinem hertzen haben köndte. Aber solchs ist so vnmüglich/ als vnmüglich es ist/ das man das ganz Meer mit einem löffel auffschöpfen/ vnd austrincken könde. Wann der König Salomon einen solchen fall erfahren hette/ wie ichs leyder jezund im werck erfare/ wurde er ohnzweyffel solche wort (wie oben eyngesüret) nicht geredt haben. Ich aber glaub/ vnd weyß es fürwar/ das auff erden kein mensch nyemals gewesen ist/ der da augenscheinlicher in seinem leben den zorn vnd vngnad Gottes wider sich befunden hab/ dann ich in auff dē heütigen tag befinde. Ich wolt von hertzen/ das ich an eines verdampften menschen statt vñ ort stohn müßte. Ich zwar/ dieß noch in einem rüwigen stadt seydt/ vermeyne das sey leichtlich vnd bald beschehen/ das ein sündler/ der sein schuld erkennet/ auch reüw vnd leydt über seine bossheyt hatt/ sich zu yeder zeit widerumb möge durch glauben vnd hoffnung/ zu Gott bekeren/ vnd deshalb vermanet

nant ihr mich auch/das ich ( dieweil jr etlich zeychen der  
reuw vnnnd büß an mir sehen ) etlicher massen mein hoff-  
nung vñ glauben auff Gott den Herren setzen solle/zwar/  
der gesund bedarff keynes Arzets / so kan auch der / der  
gesundt ist/dem Francken leichtlich einē güten rhat gebē/  
Aber da ligt mein gröstes leyden/das ist mein Döll/mein  
verzweyfflung/dieweil ich wol sihe/ das alle gnad mir ent-  
nommen/das mein heerg gar vnd gang verstocket ist/ das  
ich von der versünüg oder gnaden Gottes/nichts nit wer-  
der hoffen/noch glauben kan.

¶ Die vmbständ der trösteren in so vil müglich/ endtlich  
gesegneten sie ihn/verhiessen jm / wie das sie Gott wolten  
für ihn bitten/vnnnd giengen also von ihm / mit sampt dem  
Herren Bischoff Vergerio widerumb hinweg.

¶ Das ist aber sein auffenthalt vnd narung gewesen.  
Ein starcker mann/ wann er ihm speiß hat geben wöllen/  
hat er ihm die arm mit gewalt zusamen gebunden/ da-  
mit er sich mit den händen nicht wehren köndte / Nach-  
mals hat er jm mit gewalt den mund auffgebrochen/ ent-  
weders mit einem löffel/oder anderem instrumentlin/als  
dann ihm ein brülin in halß gegossen/ dagegen hat er sich  
mit der zungē gewehrt/so vast er köndt vñ gemocht hatt/  
Aber nichts desto weniger so hatt er doch etwas hinab ge-  
schlungen/das hernach in den Magen kommen ist. Vnd  
also ist er zwey mal im tag gespeiset worden. Sonst hat er  
keyn stülgang gehabt / sein beger ist nichts anders gewe-  
sen dan das er sterbē/vñ zur Döllen hinunder faren möch-  
te. Er hat auch alle stund erwartet Gottes erschrocklich  
vitheyl wider ihn/wie er sich dan solches offemals vnd of-

Was der  
auffenthalt  
Spierre  
zeitlich ge-  
wesen sey.

# Von den 5. Gottes Bekütern

lichen vernemen vnnnd hören laßt.

Handlung  
des dritten  
tags.

¶ Auff den nachfolgenden dritten tag / seind sie widerumb mit sampt dem Herrn Bischoff zu ihm gangen / ihn (wie brüchlich) gegrüßet / vnd widerumb angefangen zu trösten. Aber er (der Kranck) behielt die augen zu / als wann er schlieff / vnnnd gab schwärlich antwort.

¶ Da kam ein seiner gestandner mann auß der statt C trabella / frage ihn / ob er in auch kennete. Aber der ellend mensch sahe in ein wenig an / vnnnd kenneet ihn kaum. Da sieng er an vnnnd sagt / Mein Herr Franciscus / Ich bin Antonius Fontanina der Priester / der ich bey euch war / auff den tag da jr gohn Venedig zogen / etwan vor sibem oder acht Monaten.

¶ Da hüb Franciscus an mit seüßigen vñ wehklagen / vnnnd sagt / Ach des verfluchten tags / Ach des verfluchten tags. Wolte Gott ich were nye gehn Venedig kommen / oder were dazumals gestorben. Da siengen sie an in für vnd für fragen / vnd sonderlichen von seinem vorigen glauben / ob er doch auch yemals steiff vnnnd vollkommen lich geglaube hette / vnnnd wie er doch von disem glauben so schandlich abgefallen were / dieweil es doch vnmüglich sey / das der / der einmal rechtgeschaffner weiß geglaubt hett / widerumb fallen köndte.

¶ Hierauff gab er antwort / Ich hab ihu glaubt / das Christus vnser erlösung sey / vnd das er alleinig sey / durch den wir müssen gerecht vnd selig werden / hab auch hierin nen nyemals gezweyfelt. Aber ich hab die gütthaten Christi / nyemals recht erkennen / auch (das ich die warheit sag) in nyemals auß gangem hertzen geliebet. Son-

der.



der vil mehr mich des Euangelischē glaubens zu fleyschli-  
cher freihēyt mißbrauchet/vñ mich auch meins glaubens  
zum mütwill in sünden fürzuführen vertröset/ das ich die  
hauptsach warer Gottseligkēyt vñnd Christlicher Reli-  
gion hab lassen anstohn. Vñnd wie er das sagt/wendet  
er sich zu etlichen jungen so zūgegen stunden/ vñnd sagt/  
Lieben Kinder/höret doch meine wort. Diß jezund alles Spiera ist  
ein Maul-  
christ gerre  
sen.  
hab ich nit darumb gesagt/ das ich dem H. Euangelio et-  
was wolte entnemmen/ das ich doch erkennen/ die warheyt  
selber sein. Sonder das jr euwerem glauben nicht zu vil  
zulegen/sond auch darneben eüch in güten wercken üben.  
Glaube mir/als einem/ders erfahren hatt.

¶ Für vñd für lobt er mit seüffgen vñnd trähern über  
alle andere schrifftē/ die Epistel des H. Apostels Petri/  
dardurch er die gleübige zur Gottseligkēyt / Keüschheyt/  
Heyligung/ vñnd zu einem vnsträfflichen leben verma-  
net/ das sie Gott dem Herren ein Heyligen vñnd vnber-  
flecken Tempel zurüfeten. Dagegen sagt er/ich aber/da  
ich mich des beredet/ich hettenun einen vollkōnnen glau-  
ben erlanget/ vñd deßhalb ander leüten auch anfieng pre-  
digen/vñnd alle sprüch der Schrifft wol wuste/ so lebt ich  
doch darneben Gottloß vñnd vnchristlich / dannenher  
dann mein sünd ye länger ye grösser worden ist. Vñd sihe  
Gottes vrtheyl ist schon an mir offenbar worden. Danit  
er hat mich gestrafft in seinem zorn vñnd grām/ nicht zur  
besserung/sonder zu mehrer verdammuß.

¶ Da stünd auff ein sehr gelehrter/vñnd in H. schriff-  
ten hocharfarner mann/ der sprach in an/vñd sagt/ mein  
Herz Francisce/Lüwer yetz gethōne vermanung gefalle

# Von den H. Gottes Bekennern

Von zwey  
erley ge-  
rechtig-  
keyt.

vns gar nit/dann jr sagen/man soll dem Euangelischen glauben nicht zūvil zūgeben/sonder auch das vertrauen auff die werck setzen. Dann wir wissen/das zweyerley gerechtigkeit ist/ein Innerliche/vnd ein Eüsserliche. Die eüsserlich gerechtigkeit/welche da ist die gerechtigkeit der wercken/vnd die der Welt wol gefalle/die macht vns nicht gerecht bey Gott/ist auch zur seligkeit nicht notwendig. Diweyl auch die Heyden/als Socrates/Cato vnd Aristides die selbigen gerechtigkeit/ganz gewaltig gethon haben. Vnd haben deshalb in diser Welt lob vnd ehr erlangt. Aber die Innerliche gerechtigkeit ist auß Gott/der vns durch sein gnad zūm Glauben/Offnung vnd Liebe widerumb gefüret/vnd durch einen solchen Glauben/der vns auß gnaden gegeben würt/leben wir/vnnd werden gerechtfertigt. So rechnet vns auch Gott die sünd nit zū/ob wir wol der selbigen nymermehr gar ledig künden werden/Wie die Schrifft sagt/wā wir sagen/wir haben keyn sünd/so verführen wir vns selbers. Selig aber ist der/dem Gott der Herz seine sünd nicht zūrechnet/vnnd des sünd zūgedeckt seind. Derhalben so solt jr vns nicht auff die eüsserliche werck/als solten wir durch die selbigen gerecht vnnd selig werden/weisen.

¶ Hierauff sagt Doctor Grybaldus/mā muß die wort Francisci nicht also scharpff außlegen/od dahin deüten/das er hett wöllen der Innerlichen gerechtigkeit/oder dem Euangelischē glauben/die eüsserliche gerechtigkeit der wercken vergleichen. Sonder er hatt alleyn der jugend darumb dermassen zūgesprachen/diweyl der mehrertheil die Euangelische freihet zū fleischlichem mißwillen.

willen verkeren/vnd sich der gaab des Glaubens schand-  
lich mißbrauchen / Welche ob sie wol mit dem munde sa-  
gen/sie seyen gleübig/ so verleügnē sie doch den Glauben/  
mit ihren wercken. Dannenher auch der h. Apostel Pet-  
rus in seiner Epistel (welche er/wie jr gehört / zum höch-  
sten gelobt hatt) deßgleichen der h. Apostel Jacob an-  
derst nicht lehren/dann das wir vnseren glauben auch sol-  
len mit eüsserlichen fruchten bezeugen. Wie dann Petrus  
sagt/lieben Brüder/chünd fleyß/eüwern berüß vnderwö-  
lung fest zümachen. Vnd S. Jacob sagt/zeyg mir deinen  
glauben / so will ich dir auß meinen wercken meinen Glau-  
ben zeygen. Derhalbē beklage er sich auch zum höchsten/  
das er sich erwann gerümpet hab/das er die innerliche ge-  
rechtigkeyt gehabt hab/vnnd hab doch die eüsserliche all-  
wegen auff ein ort gesetzt.

¶ Da haben sie angefangen vndereinander sich zu be-  
reden von diser ganzen sachen / vnd mit fleiß erwegen/ob  
doch auch sein sünd / ein sünd zum Todt sey / für welche  
man/wie Johannes sagt/nicht bitten solle. Das ieng ob-  
gemeldter sehr gelehrter mann an/ ganz kunstreich vnnd  
herzlich zureden von der sünd in den h. Geyst / vnd vom  
abfall oder widersprechen/ das erwann folget nach erkan-  
ter warheyt/hat auch öffentlichē sein vnder scheyden alle  
stück der sünd in den h. Geyst. Darzu dann/ der arbeyt  
selig mensch ganz fleissig auffmercket. Deshalben ihn der  
Herz Bischoff Vergerius ansprach vnd sagt/ Mein aller  
liebster Francisce/Wann jr dise ding / die allhye so Gott-  
selig disputiert werden/vnd so vil herzlicher sprüch der h.  
Schriften/in deren jr auch vormals wol seyde erfahren ge-

Am iij wesen/



# Von den 5. Gottes Bekennern

wesen/hörte/entpfahet jr nit etwann ein trost/vund erquickung mit vnser diuineyl jhr doch selbers / nach eüwerem verstande vnd vermögen/die Heylig schrifft/ so hält vnd klar anlegen/so bedunckt vns ymer wir haben noch hoffnung zu eüwerer erlösung/vund gedencken fürwar/der Geyst Gottes/seye eüch nicht so gar entzogen.

¶ Franciscus antwortet ihm vund sagt/ Ach was kan doch für ein trost einem verfluchten vund verdampften mensche/begegnen? Fürwar/wz ich rede/höre/sihe/versuch oder entpfinde/das dienet mir alles zum fluch vñ schand.

¶ Der Bischoff Vergerius gab jm antwort/vnd sagt/ Ach allerliebster Herr Francisce/ Was habt jr doch für vrsach/ vmb deren willen jhr so gar nichts auff die barmhertzigkeyt vund gnade Gottes hoffen köndten oder solten? Ist nit Gott der/ der in die Höll hinunder/ aber widerumb herauffser führet? Sehet doch an den Propheten David/der/ob er wol biß in den todt vnd die Höll hinunder kommen war / bath er doch Gott mit seüßzen vund trähern / das er ihm ein neüw hertz vund neüwen Geyst verleihen wolte. Dyer auff sage Franciscus. Jha/ David ist allwegen der Erwölten einer/vnd Gott angenam gewesen. Vñ wiewol er schwärlich gefallen/ so ist doch der Geyst Gottes nyemals von jm gewichen. So bat er auch Gott den Herren/das er in nicht wolte von seinem angesicht verstoßen/vund seinen H. Geyst nicht von ihm hinweg nehmen. Ich aber bin vil in einem andern stand/we der erwölt/nach Gott angenam/sond verworffen/vñ allwegen verflucht gewesen. So kan ich auch nit betten/das er seinē H. Geyst nicht vō mir hinweg neme/dañ er ist mir schon

schon enttruhen/vnd wirt mir auch nimmermehr gegeben werden. Ich weys wol dz Gott die toden/vn die zur Höl-  
len/das ist/ins grab gefaren seind/widerumb kan lebens-  
dig machen/wie dann der Herr Christus den abgestorbe-  
nen Lazarum/der zur Hölle gefare war/widerumb hat  
lebendig gemacht. Ich aber/der ich zum ewigen Tode  
verdampft bin/kan kein hoffnung mehr meiner erlösung  
haben. Könnt ich doch nur ein wenig auff Gottes barme-  
herzigkeyt hoffen oder vertrauen/so wolt ich doch vil  
hundert tausent jar / vnd noch länger (alleyn das doch  
noch ein hoffnung were / das es solt auffhören) inn der  
Hölle qual vnnd peyn sitzen. Aber ich glaub gantz-  
lich/das ich darumb hie auff Erden in allem fluch vnnd  
verzweyfflung bleyben werde/das in mir Gottes vrtheyl  
erfüllet werde/ vnd ich zu einem Exempel werde aller  
Welt/ Göttlichs gerechtes zorns vnd vrtheyls/wider ein  
verdampfen menschen. Wolt Gott das ich todt were/vn  
an der statt eins verdampfen sässe.

**D**a antwortet ihm Doctor Gybalus / vnnd sagt/  
Herr Franciscus / lieber hört mich doch ein wenig/ Ich kan  
yhe nicht an eurer erlösung so gar verzweyfflen/ dan  
ich darff es zum besten deuten/das der gütig Gott euch  
in disem leben so hart angriffen hatt / das er euch in der  
andern Welt nicht straffen will. Derhalben binn ich  
guter hoffnung / er werde sich eurer endlich erbarmen.  
Dreyz sagt Franciscus. Ich weys wol das ich versto-  
sen bin/vnd das Gott der Herr mein sund nicht mit di-  
ser zeylichen straff will züchtigen / Sonder er straffe  
mich in seynem grimme vnd zorn / vnd hatt deshalb  
meine

# Von den G. Gottes Bekennen

mein seel/herz vnd Geyst ewiglichen verhartet vnd verstocket. Ach das er doch den leib alleyn geplaget hett/vnd hette mit meinem Geyst frey vnd rüwig gelassen. Also haben sich die reden bis auff den abend verzogen / vnd seind vil sprüch der schrifft / auch die wunderbarlichen vrt heyl Gottes/erklärt vnnnd außgelegt worden.

¶ Vnder anderm frage in auch D. Grybaldus/was er doch hielte vom schlaff der Seelen/Hier auff antwortet er vnd sagt/Wiewol ein Teütscher Doctor der meynung ist/das solches in der Schrifft nicht gnügsam erkläret sey/so glaub ich doch/das die seelen der Außermöchten von stund an zur ewigen sältigkeyt hinfaren / vnnnd mit nichten bey dem tödten Cörper im grab ligen vnnnd schlaffen.

¶ Da sagt der Bischoff Vergerius / daran solt du garnit zweyfflen. Dann diß bezeügen etliche hälle vnd klare sprüch der H. schrifften. Als da Christus sagt/Heüt würstu bey mir im Paradeiß sein/rc. Item in der History Lazari/vnnnd des Reichen Manns. So sagt auch Paulus/Er berger auffgelöst zu werden/damit er im Himel beim Herren Christo sein köndte.

¶ Letstlich/dieweil Doctor Grybaldus sahe / das ihm diser verzweyffelt mensch nicht wolt helfen lassen / frage er in vnnnd sagt / mein Franciscus / gebt mir doch antwort / dieweil ihr hye bekennen / das ihr vor lauterer verzweyfflung/vil in einem greüwlichern stand seind / dan auch die verdampfen in der Hölle selber / Vnd ich selbst sehe / das jr des todes begürig seind / damit jr nur bald zur Hölle faren möchten/gleich als wann euwer leib vnnnd seel in vil grösserem schmerzen weren / wie jr euch dann öffentlich ver?



vernemen laß/so frag ich euch/ wann ir yeg ein messer/ oder Schwerdt in der handt hetten/ wolten ir euch auch selbs vmbbringen/ wie dann gemeynlich alle verzweyfelt zu sich in pflegen/ das sie sich entweders erstechen/ oder zu odt stürzē/ oder aber sich selbs hengen. Hier auff antwortet er/ gebt mir ein messer her/ so werdet ihr wol sehen/ was ich thun will. Antwortet D. Grybaldus vnd sagt/ Ich biß euch aber/ ihr wolt vns eüwen willen in diesem fall eröffnen/ Da sagt er/ ich weys es nit/ Kan auch nit sagen/ wie mein will beschaffen sein wurde.

¶ Vnd nach dem solchs alles verhandelt/ kōndt in der Bischoff kaum dahin treiben/ das er das Vatter vnser better. Aber nit mit solchem ernst/ wie er zūtor gethon hatt/sonder hatt öffentlichen bekānt/ das sein hertz gar von Gott abgefallen sey/ kōnde in auch nicht mehr von herten einen Vatter nennen/ sonder vil mehr fluchen vñ lesteren. Derhalben solten sie sich hinfürt mit ihm nichts mehr bemühen/ dann es sey vergebens/ Vnd sey so vnmüglich/ das er widerumb zu hoffnung vñd zum Glauben/ auff Gottes Barmhertzigkeyt vñd gnad gebracht werden möge/so vnmüglich es sey/ das man mit einem einzigen hirsē kōnlin die gang welt erfüllen kōnde.

¶ Die vmbständler entsetzten sich ab diesem so wunderbarlichen vñ theyl Gottes 7 gesegneten in/ vñd giengen darvon. Vnd dieweil seine freünd willens waren in wide rumb auff einen karch von Padua gehn Citadella den nachgehenden tag zūführen/ haben sy sie vermant vnd gebetten/ das sie ihn nicht verlassen/ sonder im für vñd für frome leüt zūordnen wolten/ ob doch ir ernstlich gebett

In vñd

Franciscus  
better/aber  
mit vnwillen.

# Von den H. Gottes Befürern

vnd trost/ Gott der Herr erhören/ vnd dem armen menschen widerumb sein gnade erzeygen wolle.

Franciscus  
begärt sich  
selbs zuer-  
würgen.

¶ Des nachfolgendē tags/ als der arbeytselig mensch/ sich zur wegsart rüstet/ vnd nun angerhon/ aussen seiner Kammer geführt ward/ hat er mit grausamen augen vnd erschrocklichem gesicht hin vnd wider in alle wüncel der Kammer umbgesehen / vnd ohne geferde ein kleyne messerlin/ das auff dem Tisch lag/ erschen/ dasselbig also bald erwüschet/ damit er sich selbs erwürge. Aber seine zweien

Sön/ die dann für vnd für bey im stünden/ erwüscheten im die hande/ vnd namen ihm das messer. Also

ist diser ellend mensch in sein statt Citadella

widerumb geführt / vnd ( wie oben

vermeldet ) daselbst ge-

storben.

¶ Ende diser History/ welche vilgemeldter D. Gryn-  
balbus selbers beschryben hatt / auff den  
ersten tag Decembris/ Im  
jar nach der geburt  
Christi/

M. D. XLVIII.

J. Sam.

j. Samuel. ij.

¶ Der Herz spricht / wer mich ehret / den will ich auch verehren / Wer aber mich verachtet / soll widerumb verachtet werden.

Gal. vij.

¶ Irret euch nit / Gott laße sein nit spotten.

ij. Timoth. ij.

¶ Das ist gewißlich war / sterbē wir mit / so werden wir mit leben / Dulden wir / so werden wir mit herrschen / Verleügnen wir / so würt er vns auch verleügnen / 2c.

Heb. x.

¶ Der Gerecht würt des glaubens leben / Wer aber weichen würt / an dem würt mein Seel keyn gefallen haben.

Augustinus in der lxxxviij. Predig de Tempore.

¶ Fürwer liebe soll diß warhafftig vñ festiglich glauben / Gott der Herz verlaßt dē menschen nicht ehe / es hab ihn dann der mensch zuvor verlassen.

Am. ij.

Ein



# Von den 5. Gottes Bekenñern

## Ein schön Gebett zum Herren Chri- sto in Ansehrungen.

**G**NEDE X Jesu Christe / Wir bitten dich vmb ster-  
cke vnseres gemüts vnnnd hertzens / vnnnd das du mit  
deiner gnaden krafft hinweg nimmest vnser blöddige-  
keyt. Hilff das wir vns dir vnder deine handt in warem  
glauben gänglich vndergeben / Vnd wann es ye dein vnd  
deines Vattern Göttlicher will / vns wol verschuldte ar-  
me sündler zeytlich züstraffen ( Ach Herz ) so gib vns dar-  
under ein gelassen gedultig hertz / das wir alles / als von  
dir alleyn / annehmen / das wir vns auch selbs darunder  
gründelich lernen erkennen / vnnnd vnser manigfaltige  
sünd herzlich bereüwen vñ beweynen. Desgleichen auch  
die woluerdiente straff für die sünde / vnd sonst alles in dei-  
ner gnaden vnderthenigklich ertragē mögen / damit nur  
vnser seelen von dir nimmermehr gescheyden werden.

**E**rhalte du treüwer Hirte vñ Bischoff vnserer seelen /  
was dein vnnnd deines heyligen Geystes ist / auch alle offen-  
barte warheyt / vnd was du vns bißhär gnädigklichen ge-  
geben / das zü deinem Erkantnuß vnd züm ewigen leben  
diener. Lasse das angezündte kerzlin ( ob es wol leyder  
noch an ein dunkeln ort leuchtet ) danner Christe Jesu  
nicht außgelöscht werden. Lasse vns nicht widerumb in  
die vorige blindheyt / Abgötterey vnnnd Irthumb / cyni-  
ckerley weiß getribē werden. Gib frid Herz / verleihe frid /  
vmb des ewigen fridens willen / den du vns mit deinem  
theuren blüt am Creüz haß erworben. Gib auch gnädig-  
klichen / das wir hinfürt aller deiner gaben / mit mehrer  
danckbar

danckbarkeyt seligklich gebrauchhen. Daß wir dich in al-  
 lem / vnsern Herzen / ohn heuchlerey erkennen / vnnnd recht  
 erkennen / Auch mit gehorsam vnser lebens / dir vnd dei-  
 nem Vatter alle vnderthenigkeyt beweisen. Mache vns  
 selig Jesu Christe / streite vnd kempffe du für vns / tröst vñ  
 stercke vns in aller gefärligkeyt / vmb deines todes / auch  
 vmb deiner Glorien / Tammens / vnd herzigkeyt willen /  
 wie wir dann wissen / das alle ding in deiner handt stehen.  
 Darumb du / als ein Herz Himmels vnd der erden / sollich  
 alles wol vermagst / Wie wir auch gänglich glauben / das  
 du / so vil vns nur seligklich ist / auff vnser flöhliche bitt  
 vnd ansüchen / alles thün / vnd vns nit verlassen werdest.

Christe Jesu biß vns gnädig / vnd erbarme dich vnser.

Herz Jesu Christe / der du mit Gott deinem Vatter

in eynigkeyt des Heyligen Geystes /

lebest vnd herrschest / Gott / nun

vnnnd ewigklichen /

Amen.

## Nammen der H. Auserwölten Gottes

Zeügen / Bekenner / vnnnd Martyrer / in disem.

Dritten Theyl begriffen.

Anna Af Kewe.

clxxxviii.

Bernhardus Wönd.

cxix.

Dominicus von Basana.

cxc.

Saninus von Fauentia.

clxxxv.

Gerard Vormar.

cxix.

Georg ein Magister vnd Prediger zu Wallinn Sachsen.

cxviii.

An iij

Georg

# Register.

Georg Schärer von Salueld.	cxxxviii.
Johannes Oldecastell ein Ritter in Engelland.	xxviii.
Johann Castellam ein Doctor.	lvii.
Johannes Clerick.	lviii.
Johann Vedastus.	lviii.
Johann Beck/Pistorius genant/von Wriden.	lvix.
Johannes Rhodius.	lxx.
Johann Adlam.	clxxxviii.
Johannes Lacels.	clxxxviii.
Johannes Mollus Mont Jlinus/ein Doctor.	cxcii.
Lazarus Spengler.	clxxviii.
Maria vnd Ursula/zwo edler Juncf Frauen.	clxxx.
Nicolaus von Dterden.	clxxxviii.
Pfarzherm von Schonbach vnd Bäch.	li.
vil Priester heymlich ertrenck.	clxxxvii.
Thomas Rhodonensis/ein Franckos/vnd Carmelit.	xlvi.
Ursula vnd Maria/zwo edler Juncf Frauen.	clxxx.
Wendelmüt Claus tochter von Münchendam/ein Witwe.	cxx.
Wilhelm Thorpe/ein Magister/vnd Priester in Engelland.	f.
Wilhelm Santreus/in Engelland verbrannt.	vii.
Wilhelm Taylour/ein Magister/vnd Priester in Engelland.	xlvi.
Wilhelm Whyte/ein Priester in Engelland.	xlvi.
Wilhelm von Zwollen.	cliii.
Wilhelm Gnaphens.	lxxii. c.
Wilhelm von Vrich.	cxi.



**End des Dritten theils / der Histo-**  
**rien von den H. Außersöldten Gottes Zeu-**  
**gen / Bekenner vnd Mär-**  
**tyrer.**

**Getruckt zu Straßburg durch**  
**Samuel Emmel.**

**M. D. L V.**

சென்னை மாவட்டம்  
சென்னை மாவட்டம்  
சென்னை மாவட்டம்

சென்னை மாவட்டம்  
சென்னை மாவட்டம்  
சென்னை மாவட்டம்

சென்னை மாவட்டம்